




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINMAGL 2.3.259/a





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.259/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CMAAGL 2.3.259/a


FRANCISCI
CAESARIS AVGVSTI
MVNIFICENTIA.

2. 3. 259
2. 3. 250









2.3. 259

V I T A
BEATI P. PHILIPPI
NERII FLORENTINI
CONGREGATIONIS ORATORII
FVNDATORIS
IN ANNOS DIGESTA.

*Auctore Antonio Gallonio Romano eiusdem
Congregationis Presbytero.*

CFM PRIVILEGIO SFMMI PONT.



R O M A E
Apud Aloysium Zannettum anno Iubilei

M D C.
Superiorum permissu.

Nos Angelus Vellius Prænestinus Congregationis Oratorij
Præpositus Generalis, et Deputati, Vita Beati Philippi Nerij Flo-
rentini eiusdem Congregationis Fundatoris, libros tres à P. Anto-
nio Gallonio editos, per duos nostræ Congregationis Sacerdotes
recognosci mandauimus: quos cum illi approbauerint, eosdēq; Am-
plissimi S. R. E. Cardinales infra scripti approbent, probamus etiā,
ut imprimi possint, modò placuerit Reuerendissimis Dominis Vi-
cesgerenti, & P. Magistro Sacri Palatij. Datum Romæ die SS.
Christi martyrum Papiæ, & Mauri quarto Kal. Februarias
an. 1600.

Omnia, quæ de Beato Philippo Nerio conscripta sunt,
partim proprijs me oculis vidiſſe, partim certo gra-
uissimorum virorum sermone cognouiſſe attestor ego
Octavius Tituli S. Alexij Presbyter Card. Parauicinus.
Federicus S. Mariæ Angelorum Presb. Card. Borromæus.
Franciscus Maria Card. Tituli S. Bartholomæi Archi-
episcopus Senen.
Cæsar Card. Baronius Tituli SS. Nerei, & Achillei.
Alphonsus S. Sixti Presbyter Card. Vicecomes:

Angelus Vellius Præpositus.

Petrus Peracchionus
Germanicus Fidelis
Thomas Bozzius
Iuuenalis Ancina

} Deputati.

Imprimatur.

P. Episcopus Rauellen. Vicesgerens.

Imprimatur.

F. Gregorius Seruantius Reuerendissimi P. Magistri
Sacri Palatij socius.

II

ILLVSTR^{MO}ISSIMO
AC REVER. PATRI, ET
D. ALEXANDRO MEDICI
CARDINALI FLORENTIÆ,
PATRONO OPTIMO

Antonius Gallonius felicitatem.

DETRVS Damianus S. R. E.
Cardinalis, Episcopus Ostiensis do-
ctrina, & sanctitate insignis agrè
admodum tulisse legitur, Alexan-
der Cardinalis Amplissime, cum
videret tribus ferme lustris neminem extitisse, qui
S. Romualdi vitam tot virtutibus illustrem lite-
ris commendaret. Nec sanè immerito nouerat enim
Sanctorum historias conscribere & Deo summè
gratum, & Sanctis ipsis esse periucundū; cuius rei
indicia in Ecclesiasticis historijs extant nec pauca,
nec obscura. Huc illud etiam accedit, quod eam
lectionem & multis salutis initium, & plurimis
ad vite spiritalis progressionem præclara attu-
lisse adiumenta compertum est. Certè S. Augusti-
nus, Demetriades virgo, Romualdus, Dominicus,
Thomas Aquinas, alijs complures maximum ex
ea fructum percepere: & Beatus ille Ioannes
Columbinus id ea narratur assecutus, ut vitam

a s in

in melius mutarit. Ergo cum hæc ita sint, nil mirum si Sanctissimi Viri, gravissimique Auctores ab ipso Ecclesiæ nascentis exordio ad hæc usque tempora, in rebus gestis insignium sanctitate virorum conscribendis multum operæ, ac laboris cōsumpserint. Horum exemplum cum sequi conaremur, quorum nos assequi facultatem posse desperabamus, vitam Beati parentis nostri Philippī, eius gratia, ac sanctæ obedientiæ viribus freti literis consignandam suscepimus: eaque iam, Deo benè iuvante, absoluta ut in tuo nomine apparet, Congregationi nostræ visum est, non ea tantum de causa, quòd ipsam officijs quotidie quibus potes (potes autem pluribus) tuearis; verum etiam quòd eiusdem institutorem Philippum Nerium Florentinum, ut olim in terris summo amore, ita nunc viventem in calis, tanquam Dei amicum, Sanctumque virum pari semper honore, ac veneratione fueris profecutus. Accipe igitur hoc nostrum ut erga te grati, sic pij in Beatum Patrem animi monumentum ea facilitate, & humanitate, qua vniuersam Oratorij Congregationem prosequi consueuisti: Quam sanè ut tuis fouere patrocinijs eadem alacritate velle perseueres, charitatis incrementum, ut quàm diutissimè possis, vitæ longiorem terminum nos more nostro pro eo ac debemus, à Christo Iesu Dei filio deprecamur.

AVCTOR LECTORI.



RESOLVIMVS tandem candide
Lector, vitam Beati Philippi Nerij,
non nostris viribus, qui parum vale-
mus facultate scribendi, sed illius ope,
qui infantium linguas facit disertas.
Digessimus eam in annos, non idcirco
solum ut quod minus confusa essent sin-
gula, eò essent omnia clariora, sed
multò etiam magis, ut ex continuatione, ac serie annorum,
& continuata, perennisque Beati viri sanctitas, & Congre-
gationis progressus appareret. Stylo vsi plerumque sumus
presso quidem, sed non obscuro. Quæ in historiam retulimus,
à iuratis, fidelibusq; testibus deprompsimus ducentis quin-
quaginta duobus, qui scilicet aut viderunt ipsi, aut ab ijs,
qui viderant, cognouerunt. In singulas ferme res testes de-
dimus, quos in pagine extremitate adnotauimus; ubi etiam
consimilia persape ijs, quæ de Philippo narrantur, Sancto-
rum exempla citauimus. In testibus (ut ceteri sileantur)
S. R. E. Cardinales sex, qui cum Philippo vsu, & con-
suetudinem habuerunt, nempe, Alexander Medices, Au-
gustinus Cusanus, Octavius Paraucinus, Federicus Bor-
romeus, Franciscus Maria Taurusius, Caesar Baronius.
Testes auditi omnes iuris ordine rite seruato, ab integro, at-
que incorrupto viro Iacobo Butio presbytero Galliano Ci-
uitatis Castellane (sic hodie dicitur) diocesis, Basilica La-
teranensis Canonico, publico Apostolica auctoritate notario,
in Romane curiæ Tabularium relato, visitationis Apostoli-
ca S. D. N. Clementis Papa Octauï notario, & Hieronymi
Card. Rusticucci Episcopi Sabinen. eiusdem S. D. N. Pap.
Vicarij Congregationum, ut vulgo appellamus, à secretis.
Hæc erant, de quibus monitum te volebam. Ceterum si for-
tè meus labor legenti, alicui fuerit vsui, à te repensum id mi-
hi velim, ut in tuis sis ad Deum precibus memor mei, simul-
que Patri Optimo iam inter Calites reposito degencrem filium
commendare ne graueris.

C L E M E N S P P. V I I I.

AD FVTVRAM REI MEMORIAM.

CVM sicut accepimus dilectus filius Antonius Gallonius Sacerdos Congregationis Oratorij librum nuncupatum Vita Beati Patris Philippi Neri dictæ Congregationis fundatoris composuerit, illumq; typis dare intendat, vereaturque ne postquam in lucem prodierit, alij qui ex alieno labore lucrum quærunt, hunc ipsum librum typis cudi facere curent, in ipsius Antonij authoris præiudicium. Nos qui piorum & eruditorum virorū studijs fauere solemus, eundem Antonium ob eius virtutes, ac singularem erga Nos, & Apostolicam Sedem deuotionis affectum specialibus fauoribus, & gratijs prosequi volentes, eumque à quibuscumque excōis, suspensionis, & interditi, alijsq; Ecclesiasticis sūtis, censuris, & poenis à Iure, vel ab homine quauis occōne, vel causa latis si quibus quomodolibet innodatus existit ad effūm pñtium dūtaxat consequendum harum serie absoluentes, & absolutū fore censentes, Supplicationibus eius nomine nobis super hoc humiliter porrectis inclinatis, eidem Antonio, vt decennio proximo à primæua dicti libri, dūmodò antea à Magistro Sacri Palatii approbatus sit, impressione computando durante nemo tam in Vrbe, quàm in vniuerso Statu nostro Ecclesiastico mediātē, vel immediātē nobis subiecto librum pñm sine speciali dicti Antonij, aut eius hæredū, & successorum vel ab eo, & eis causam habentium licentia imprimere, aut ab alio, vel alijs sine hmōi licentia impressum vendere, aut venalem habere, seu proponere possit auctoritate Apostolica tenore pñtium concedimus, & indulgemus. Inhibentes propterea vniuersis vtriusq; sexus Christianidelibus præsertim librorum Impressoribus, & bibliopolis eiusdem Status nostri Ecclesiastici prædicti sub quingentorum ducatorum auri de Camera, & amissionis librorum, & typorum omnium pro vna Camera nostræ Apostolicæ, ac pro alia eidem Antonio, seu illius hæredibus, & successoribus, aut ab eo, vel eis causam habentibus, ac pro reliqua tertijs partibus accusatori, & Iudici exequenti irremissibiliter applicandis, & eo ipso incurrendis poenis ne dicto durante decennio librum pñm, aut quālibet illius partem tam in magno, quàm in paruo folio ēt prætextu declarationū, siue additionum tam in Vrbe, quàm in reliquo statu Ecclesiastico pñs sine hmōi licentia imprimere, aut ab alijs impressum vendere, aut venale habere, quoquomodo audeant, seu præsumant. Mandantes dilectis filijs nostris, & Apostolicæ Sedis de latere Legatis, seu eorum Vicelegatis, aut Prædictibus, Gubernatoribus, Prætoribus, & alijs Iustitiæ ministris Prouinciarum, Ciuitatum, & locorum status nostri Ecclesiastici prædicti quīs eidem Antonio, eiusq; hæredibus, & succōribus, seu ab eo, vel eis causam habentibus hmōi in præmissis efficacis defensionis præsidio assistentes quādoq; ab eodē Antonio, seu alijs prædictis fuerint requisiti poenas suprās cōn quoscunq; inobedientes irremissibiliter exequantur. Non obstant constitutionibus, & ordinationi Apostolicis, & quibuscumque statutis, & consuetudinibus ēt Iuramento, confirmatione Apostolica vel quauis firmitate alia roboratis priuilegijs quoque, Indultis, & literis Apostolicis in contrarium præmissorum quomodolibet concessis, confirmatis, & approbatis, ceterisque contrarijs quibuscumque.


Dat. Romæ apud Sanctum Petrum sub Annulo Piscatoris die Quarta Maij
M D C. Pontificatus Nostri Anno Nono.

M. Vestrius Barbianus.





Roma cum eset, adq[ue] cui:
dam in mari periclitanti, ac se-
re submerso e fluctib[us] extrahit
Terræq[ue] dæmonu[m] contemnit.



Pene mortuus adueniens B. Virginem
elatur toto corpore, obuiq[ue] ulat[us] excipit
et sanus mox efficitur.



Angelus pauperi specie
sperem accipit.
Oranti apparet S. Bapt[ista].



Angelorum
uoces audit.



Moribundis succurrit, his
deperatam salutē reddens
ab illis dæmones præren-
tia fugans.



Obijt Romæ VIII Kalendas Iunias
Anno 1595 Aetatis octogesimo.




Mortuum ad
vitam reuocat.



Orans sacrum ue faciens
in altum attollitur.



Præcep[er]it in altissima soupa no-
tuu[m] ab Angelo mirabre h[ab]ere.
Aliqui e[ius] p[er]uicacitatem
multisq[ue] nocturnis temporib[us] liberat.



Eodem momento, quo spiritu efflat,
in caelum ab Angelis euehi cernitur.
Mortuus miraculis illustratur.

Superiorum permisso

Roma Tacetur Lauru[m]. f. Cum Principio Summi Pontificis ad Anni. X. Anno. Lubiles 1688.



Mulorum e[ius] animas lucē
clarissima circumfusit, ce-
lesti gaudens uisat.
Energetam liberat.

BEATI PHILIPPI NERII VITAE

LIBER PRIMVS.

Iesu Christi anno Leonis X. Pap. anno Philippi ætatis anno
 1515. 16. 17. 18. 3. 4. 5. 6. 7. 8. 9. 1. 2. 3. 4. 5. 6. 7.
 19. 20. 21. ————— —————
*Historia huius
 initio plures
 quandoq; annos
 simul inuigere
 cogimur.*

Ortus eius, & educatio.

PHILIPPVS NERIVS Leone Decimo Florentiæ nascitur xi. Kal. Augusti B. Mariæ Magdalena peruigilio, post mediam noctem, anno redempti Orbis millesimo quingentesimo decimoquinto.

Parentes habuit, Franciscum Nerium, & Lucretiam Antonij Soldi filiam.

Infanti cum sacris baptismalibus initiaretur, Philippi ab optimo, pioq; Genitore nomen inditum.

Quintum vix iam ætatis annum attigerat, cum Parentes vsque adeo reuerbatur, vt ne latum quidem vnguam ab eorum iussis discesserit vnquam, nullamq; eis molestiam, nullamque exhibuerit sollicitudinem.

Duxerat rusticus, anno huius seculi vigesimo secundo, aut certe insequenti, Adriano Sexto Pontifice, è villa Francisci Nerij patris ad Philippi ædes asellum onustum pomis: in hunc Philippus annos tum octo, vel nouem natus vbi ascendit, continuo factum est, vt

*Christi 1522.
 23.
 Adriani Pap.
 1. 2.
 Aeratis 9. 9.*

Vitæ lib. primus.

A

cx

ex altissimo loco cum asello in cellam vinariam præcep-
tueret : accurrunt mox mœstissimi parentes , & quem
extinctum iam inde extrahere putabant, viuum, inco-
lumemq; nullaque læsum ex parte, singulari Dei bene-
ficio, qui illum ad multorum salutem nasci fecerat, in-
ueniunt. At qui non me lateret B. Patrem inter maxi-
ma, quæ a Deo acceperat dona, beneficiaq; hoc vnum
referre solitum, quo scilicet certum interitum, Deo ad
magnas res eum destinante , euaserat .

Christi 1524.
25. 26. 27. 28.
29 30.
Clem. VII. Pap.
1. 2. 3. 4. 5. 6. 7.
Ætatis 10. 11.
12. 13. 14. 15. 16.

^a
Grauissimi au-
ctores , quæ San-
ctissimi viri à
pueris fecere po-
stevitati tradūt,
lego Athanasii
in Antonio, Ve-
nantium, in S.
Radegūde, Pau-
linū in Ambro-
sio, Georgiū Mo-
nachū in Theo-
doro Sicaota, Pe-
trum Rauz. in
S. Vincentio Fer-
rer. Sur. in S.
Thoma Aquin.
10m. 2.

Quodam die, cum vnà cum Elizabetha sorore Cle-
mente Septimo Pontifice, psalmos dauidicos recita-
ret , Catharina soror , natu maior, eos exturbare est
aggressa ; ergo Puerulus , vt se , atque Elizabetham ab
eius eximeret molestia , Catharinam leuiter retrudit :
Quod vbi pater cognouit, eum acriter corripuit . Qua
ex re tantum B. Puerulus ^a doloris cœpit, vt culpam (si
qua esse in prima illa ætatula sua poterat) vberrimis
lacrymis deleuerit .

Nihil illo honestius, nihil amabilius, nihil comius:
erga maiores natu reuerenter se gerebat, æqualibus fa-
cilis erat , minores amplectebatur, irasci nesciebat .
Quibus ille rebus assequebatur, vt non solum ab omni-
bus vnice amaretur ; sed etiam vt Pippus bonus, vulgo
iam diceretur : quod sanè vocabulū, nihil aliud, quàm
Philippum probum innuere videbatur . Ergo hic pue-
rulus in sortem Domini electus Ecclesias frequenta-
bat , verbi Dei præcones in templis , vndecimo ætatis
anno (fuit is huius sæculi vigesimus sextus) libenter
audiebat ; & præcipue Religiosum quendam Baldoli-
num ex Humiliatorum familia, de cuius eximia sancti-
tate mira ille narrabat, quæ breuitatis studio missa fa-
cio . Porro huius serui Dei concionibus intererat Phi-
lippus

Christi 1524. Clem.VII.Pap. Actatis 10.11. 3
25.26.27.28.29.30. 1.2.3.4.5.6.7 12.13.14.15.16

lippus Christi anno millesimo quingentesimo vigesimo septimo.

Primam ætatem in Grāmaticis cognoscendis, atq; tractandis totam ferme consumpsit: nec sanè frustra, ex eo enim studio fructum tulit maximum. Præceptore vsus est Clemēte quodam Latinis literis, vt temporibus illis satis erudito; neque verò Philippus in literis solum profecit, sed in pietate multò magis.

Patris nouercam ætate iam deuexa, eo quo potuit honore semper est prosequutus, eiq; adeò ille gratus, acceptusq; erat, vt cum patrio solo egrederetur, tanta fuerit affecta tristitia, tantoq; sauciata dolore, vt luctu ferè tota consumeretur: incidens verò illa in morbum, ex quo non conualuit, Philippi nomen in ore frequentissimè habebat, cumque quasi coram adesset, sibi nonnunquam videre videbatur.

Iesu Christi anno Clem.VII.anno Actatis anno
1530. 31 7.8 16.17

Adolescens patrio solo egreditur.

Cupidus B. Pater, cum sextum & decimum annum ageret, euangelicæ perfectionis, aduersa quacunq; Sanctorum exemplis excitus patientissimè tolerabat; in febrem cum incidisset, eam tam facilè tulit, vt credi vix possit, quandoquidem ad morbum non modò remedium non petijt vllum; sed ne ea quidem se vexari cuiquam aperuit: verum vbi id vna de feminis affinitate sibi coniuncta aduertit, quod Philippo opus erat, quamquam ab eo non requisita, ministrabat.

Quo tempore Florentiæ fuit, non potuit eius virtus
 Vitæ lib. primus. A 2 cubi-

cubiculi parietibus, domesticisq; tenebris diutius contineri: sed emerfit è patria sede, & in luce Florentiæ, in ore, atq; oculis clarissimorum ciuium versabatur, vt ab ipsis iam inde à puero Pippus bonus, ab adolescentia Philippus probus diceretur. Quibus rebus postea factū est, vt cum sparsi rumores de bonis operibus, quibus se Romæ tradiderat, Florentiæ audirentur, hæc conciuēs inter se de eo colloquerentur: quid est quod miremur de his? quandoquidem obseruatum à nobis est, cum ipse hic moraretur, quàm probè, quàm piè, ac religiosè in omnibus rebus perpetuò se gesserit; hisque permoti, cupiebant eius orationibus adiuuari.

Christi 1532.
33.
Clem VII. Pap.
9. 10.
Aetatis 18. 19.

^a
Imitari vide-
tur illustrium
Sanctorū exem-
pla nempe An-
tonij Magni, cu-
ius res gestas
prosequitur S.
Athanas. Hila-
rionis, cuius ui-
ta historiam S.
Hier. mandat
literis, Abraha
Syri, cuius res
gestas B. Ephrē
conscribit, Da-
nielis Stylicæ, de
quo Metaphra-
ses apud Sur.
10m. 6.

Annos decem & octo natus à Francisco patre ad auunculum Romulum missus est in Campaniam ad oppidum, cui à Sancto Germano nomen, ad radices sitū montis Calsini; missus autem eò fuit non ea tantū de causa, vt mercaturam exerceret, sed vt magnarum opū, quibus auunculus affuebat, hæres institueretur. Is siquidem, cui præter vnum Philippum, nullus erat hæres, tantum possidebat diuitiarum, vt earū summa pergrandis esset ad viginti duorum aureorum millia, vbi paucos moratus dies, quòd timebat conscientiam lædere, longè potiorem, præstantioremque iam inde animo mercaturam concipiens, auunculo, omnibusq; alijs Christi causa relicta, ^a quippe qui diues cū esset, pauper pro nobis fieri voluit, Romam, vbi soluto, liberoq; animo suas omnes cogitationes, omniaq; studia in vno Deo figeret, se contulit anno post Christum natum, millesimo quingentesimo trigesimo tertio.

Vrbem ingressus, domum Galeoti Caccij ciuis Florentini diuertit, in qua aliquot diuersatus annos non obscura dedit suæ in Deum pietatis indicia. Vitam vi-
ctu.

Atu asperam, sed continuis meditationibus suauem, ac planè caelestem ducens simplici pane, aqua ad potum, adhibita semel in die se reficiebat; nonnunquā, ne dicam sepius, domandi corporis feruori cedens totum triduum cibo abstinuit; sui ipsius contemptum perpetuò amauit. Mundana omnia, ut Christo, cui se totum dicarat, frueretur, animo despiciebat, semet deseruerat, semet oderat, deliciae suae Christus, eiusque amorì respondendi cupidus, solius Dei assidua meditatione dies, noctesque delectabatur.

Verum his non contentus, ut maiore in dies, incredibiliq; Christi ardebat amore, ita hoc ipso amore stimulante, maiora agere, durioraq; pati, eiusdem Christi desiderio, omnibus prorsus votis expetebat: iucundae erant Philippo vigilae, suauis dolores, labores expetendi, nihilq; ad summum erat, quod Deo gratū fore putaret, quin illud amplecteretur.

Sed illud hic non inuoluam silentio, quod sub haec ipsa tempora eidem accidit. Quodam namq; die cū in itinere esset, obuios habuit nescio quos homines perditis prorsus moribus: hi mali daemōnis impulsu, eius fortè allecti pulchritudine, omni deposita verecūdia castissimum adolescentem ad scelus inuitant, quos ille cum declinare, quod vehementer optabat, non posset, eamque ob rem dolore conficeretur, venit illico ei in mentem verbum Dei, quod omni gladio ancipiti penetrabilius nouerat, maximam habere vim ad flagitiosorum hominum corda emollienda. Ergo sermone de rebus diuinis, deque peccatorum turpitudine eos aggressus, illorum animos ita accendit, ut diuinorum verborum efficacia, non solum omni illa tentatione eos liberos reddiderit, atq; à statuto.

Consimile prorsus leges in uita S. Bernardini Senensis apud Sur. tom. 3. cap. 4. & 5.

tuto facinore reuocauerit, sed etiam in alios Domino rem suam adiuuante, mutauerit: O miram Dei bonitatem! qui captatum venerant, maximo ipsorum bono, ab inerimi adolescente, sola diuini verbi prædicatione capiuntur, neq; inde discesserunt antequam euomerent virus iniquitatis suæ.

Iesu Christi anno Clem. VII. Pap. anno Aetatis anno
1534 11 20
Romæ ad Philosophiæ studia transit.

Romæ cum moraretur Philippus, venit illi diuinitus in mentem, philosophiæ se tradere; in his tamen pietatis studium minimè negligendum duxit; quamobrem spiritualia, quæ vocant exercitia, nulla ex parte prætermisit vnquam, vt qui fastidiret præsentia: Philosophiæ operam dabat ille, quòd Deo rem gratam se facere arbitrabatur, in qua tantos breui progressus habuit, vt cum excellentibus in eo genere compararetur: nec tamè eo tempore, quamquam philosophiæ deditus, frequens orandi studium, & consuetam pietatis officia prætermissa fecit, quinimo orationi, diuinarum rerum meditationi multum tēporis tribuebat assiduè. Quibus rebus & fortior se ipso in dies fiebat, & melior, maior enim subinde eius, vt ætatis, sic virtutis fiebat accessio: mirum profectò dictu videtur, quanta animi puritate, quantaque innocentia lubricam illam inter studendum ætatem transfegerit; Etenim apud eruditissimum virum Cæsarem Iacommellum præceptorem suum, & Antonium Altouitum Florentiæ Archiepiscopum, eam probitatis, integritatisq; opinionem est adeptus, ut cum ambo probi cogno-

Christi
1534.

Clem. VII. Pap.
11.

Aetatis 7
20.

cognomine honestauerint.

In studijs acerrimo ad disputandum praesertim ingenio praeditus erat: in rebus theologicis, quas optime callebat, B. Thomae sententiam perpetuo probavit.

A condiscipulis, atque collegis vnice pro eius eximia suauitate, morum elegantia & Christiana humilitate diligebatur; nullusq; erat, qui loqueretur de eo verbum malum.

Philosophiae studijs iam grauius, sufficienterq; instructus, adeo ab omni voluptatis illecebra liber extitit, vt constanti amicorum fama virgo semper habitus sit. Et hanc quidem cum animi, tum corporis virginalem integritatem ad extremum vsq; spiritum, absque vlla labe, aut suspicione intactam prorsus, illibatamq; vt suo loco pluribus dicetur a nobis, seruauit.

Iesu Christi anno *Pauli III. Pap. anno* *Aetatis anno*
1535. 36. 37. 1. 2. 3. 21. 22. 23.

Acta eius in gymnasio.

Quo tempore Philippus se se in literarum studijs exercuit; quamquam interdum cum sodalibus versabatur, ac de quaestionibus naturalibus, & obscuris crebros cum illis sermones, ac disceptationes miscbat; solitudinis tamen ultra quam dici potest appetentissimus, noctu longas vigilias trahebat, atque iuxta Apostoli monitum, inuisibilia Dei per ea, quae facta sunt, intellectu conspiciebat, sempiternam quoq; eius virtutem, atq; diuinitatem, quantum homini corruptioni obnoxio fas est, scrutabatur.

Septem Urbis Ecclesias, & religione, & summorum Pontificum indulgentijs celeberrimas, nemine sibi comite

Paulus III. Pontificatus iniit
3. Idus Octob.
anno 1534.

Idem fecisse sanctissimos viros, omnes fatentur, cuius inter legito Osbertum Monachum in vita S. Dunstani Episcopi Cantuariensis. cap. 37. apud Sur. tom. 3. Bandemini in vita S. Radegundis Reginae.

Theodoricum in
S. Dominico lib.
1. cap. 4. & de-
mum Sur. in S.
Eleazaro Co-
missa tom. 5.

mite adiuncto, obibat frequentissimè. Nouerat enim de anima Christi amore flagrante scriptum reperiri. Ducam eam in solitudinem, & loquar ad cor eius. & alibi. Sedebit solitarius, & tacebit, quia leuabit se supra se.

Paupertatem adeo coluit, vt nihil vnquam à cognatis, & consanguineis accipere decreuerit. A Francisco patre, cui egregie carus erat, Romæ cum esset, nihil, præterquam initio, vnum, vel alterum indusium accepit.

Caducarum rerum curas, ac præcipue quæ ad affines, cognatosue spectarent, refugit omnino.

Cubiculo vsus est perangusto, in quo nihil erat præter lectulum vnum, & libros aliquot, & indusia fune ad parietem appensa.

Vbicunq; se se dabat occasio, cupiditates, motusque animi à ratione abhorrentes comprimendi, amplectebatur eam auidissimè; sequemet in omnibus vincere curabat. Hinc filios suos monere solitus erat, vt se ipsos minimis etiam in rebus vincere studerent, si magnorum certaminum inde victores fieri cuperent. Denique in id totis viribus incumbere sibi in animo erat, vt ducem Christum paupertatis, sui que contemptus amatorem eximium sequeretur in omnibus.

Iesu Christi anno

1537.

Pauli III. Pap. anno

4.

Aetatis anno

23.

Totum se Christo dicat.

INterea cum B. Pater adeo abunde, sufficienterque in scientijs humanis instructus esset, vt iam cum paucis è sodalibus conferendus videretur, literarum studijs relictis

relictis, se totum, ut vocantem Christum sequeretur in exitu anni huius saeculi, ut opinor, trigefimi septimi, orationi, rerumque diuinarum meditationi commisit. Illud autem ante omnia aggredi constituit, ut quos haberet^a libros venderet. Eo enim ardore inueniendi Christi teneri coepit, ut verbis explicari vix possit, in feruore spiritus ambulans.

Oratione nihil Philippo suauius, nihil dulcius, nihilque iucundius: orabat ille dies, orabat noctes; nihilominus non explebatur orandi sitis orando; sed excitabatur magis.

Cum reputaret ille apud animum suum, vel acerbissimam Christi mortem pro salute humani generis obitam, vel impiorum noxas, delictaque, quibus iram Dei in se concitabant, lacrymis torus conficiebatur. In suum ille corpus, ut spiritus suggererat, scribat libentissimè. Flagitiosorum hominum conversionem enixè a Domino per vnigeniti filij sui mortem non sine magna lacrymarum profusione petebat assiduè. Imaginem Christi in cruce pendentis cum cerneret, lacrymas tenere non poterat; quinimo cum Philosophiæ operam daret, ea visa, fletum cohibere nequibat.

Illud quoque ei in more positum erat, ut singulis penè diebus solus remotis arbitris, septem Urbis Ecclesias, vel certe earum vnā, & alteram religionis causa adiret. Quantum autem ille ex eiusmodi peregrinationibus profecerit, quamue solidos inde diuinæ voluntatis ceperit fructus, incredibile dictu est. Sæpè enim totas noctes in pia caelestium rerum meditatione hisce in locis consumebar: sæpissimè apud cœmeterium, quod Calixti dicitur, in oratione pernoctabat: somni parcissimus, nuda humo sub harum Ecclesiarum porti-

Vitæ lib. primus

B

cibus

** Idè fecisse S.
Dominicū scri-
bit Theoderi-
cus vita. eius
li. i. c. 2.*

cibus, cum eū necessarius somnus occupasset, cubabat.

In precibus præterea Deo fundendis eam adeptus erat facultatem, ut diuina potius vi ad eas adduceretur, quam noua aliqua de rebus cælestibus meditatione diuini amoris flammam in se ipse excitare cogere-
tur: tanta verò plerunq; cum precibus insisteret, cælestium gaudiorum copia perfundebatur, quantam sustinere vix poterat, eamq; ob rem non humi solum se se prosternere, sed his etiam vocibus ad Dominum clamare opus habebat: Sat est Domine, sat est; contine-
iam, quaeso, vndas gratiæ tuæ. Quodam die cum ex nimia istiusmodi dulcedinum vi haud procul exitio ab-
esset, maiore quam antea animi impetu diuinam coepit implorare clementiam: Recede à me Domine, aie-
bat, recede; quandoquidem tantam cælestium gau-
diorum molem sustinere, mortalis cum sim, nequeo: en morior Domine, ni confestim succurras, ni opem fe-
ras: Cumq; ille hunc in modum diutius precatus es-
set, leniuit Dominus aliquantulum (ut ipso referente cognouimus) summum animi eius ardorem. Ergo mi-
randum non est, si suo ille doctus periculo dicere sole-
ret: verè Deum amanti nil grauius, nil durius, aut molestius posse vita ipsa contingere: ¹ Sancti enim vi-
ri mortem in desiderio, & vitam in patientia habere dicuntur.

¹ S. Greg. lib. 9.
reg. epistol. 27.
Ep. lib. 11. epist.
24. Aug. tracta.
9. in epist. 1. Ioa.

Tentationes eius.

EA in peregrinatione Ecclesiarum, qua ille, ut di-
ctum est, utebatur creberrimè, sicuti magna à
Deo dona accipiebat, beneficiaq; ita contra à Diabo-
lo, ut illum ab instituto absterret, multa sustinuit in-
uitus

uitus : eum etenim , modò hac , modò illa aggre-
diebatur via: nunc ardentes ad libidinem faces^a lubij-
ciendo, quas ille tentationes lacrymis semper, oratio-
neq; vincebat: nunc alijs artibus eum assidue diue-
xando, quibus nihilominus tantum abest, vt Philippo
quicquam nocuerit, vt maximè profuerit; occasionem
illi nimirum præsentissimam præbens gloriosi trium-
phi de hoste immanissimo erigendi.

Illud porrò eidè hac in peregrinatione accidit memo-
ria sanè dignum. Obeunti nocte intempesta, nullo fi-
bi adiuncto comite, eas, de quibus loquimur, Ecclesias
tres illico dæmones^b se se eius deterrendi causa, ad
Caput bouis, sic dictum locum, obijciunt; quorum ille
truci aspectu non modò non motus est, sed eos etiam
per contemptum nullo trepidationis signo dato, quòd
cælestibus munitus præsidijs sub vmbra diuini lateret
auxilij, præterijt, cœptumq; iter, vt fortiter, ita constan-
ter peregit. Id vbi aduertere infesti illi nequitie spi-
ritus, omni eum superandi spe deieciti, se se subito pro-
ripiunt. Atq; eius ferè generis per id tempus planè
multa alia à dæmonibus in hac ipsa peregrinatione su-
stinuit; sed vbi nouis à diabolo tentationibus appeti-
tur, nouis protinus à Deo consolationibus roboratur.

Verum, quæ ille à Deo acceperit dona, horum ip-
se sibi conscius erat, cæteros interiora quæque celata
esse volens. Nouerat enim Gregorij sententiam, di-
centis: Deprædari vult qui thesaurum palam portat in
via, illudque præterea crebrius apud se reputabat: Se-
cretum meum mihi, secretum meum mihi.

Testantur sanè omnes, qui Philippo intimi erant,
nunquam se hominem vidisse, qui ab humanis laudi-
bus æque atq; ille abhorreret, aut qui de se ipse senti-

Vitæ lib. primus.

B 2 ret

^a Similibus it-
tationibus im-
pugnatur à
demonibus sanctis-
simi viri in iu-
terim lege 3.

^b Athanasium in
uita N. Antony.
S. Hieronymum
in vita Hila-
rii Abb. &
demum S. Greg.
Papam in rebus
gestis S. Bene-
dicti dialo. li. 2.

^c Diabolus
sanctis viris ter-
ribiles incutere
solitus timorem
sola testatur.
percurrere Mo-
rophi, in Danie-
le stylis, Geor-
gium, Monachum
in Flandria Si-
cota, Cistercium
in Duellano
apud Sur. to. 3.
c. 15. Et demum
Theodericum in
Philabus.

S. Greg. Rom.
Eua. 11.

Esa. 24. 34.

ret, prædicaretq; demissus; quandoquidem neq; scientiam, qua præclarè instructus erat, neq; sanctimoniam vitæ ostentare visus est vnquam; sed tum verbo, tum, incessu, tum reliquis modestiam in primis, gloriæque contemptum præferre nitebatur: Spiritum enim ille mortificationis, qui dicitur, perpetuo coluit. Quocirca miretur nemo, si de occultioribus eius rebus gestis pauca admodum enarrari poterunt.

Illud fanè pro còmperto habetur, quod ex illa peregrinatione, vt maxima incrementa virtutū pertulit, ita plurimas contra dēmones, clarasq; victorias reportauit.

Ad ægros in Xenodochijs decumbentes pergit.

Philippus interim his non contentus, Nosocomia, publica; valetudinaria adire cœpit, seque totum ministrandis ægris tradidit. ergo miserorum lectos circumiens mēstos blandè solabatur: perditos cēlestium bonorum spē recreabat: cunctos ad patientiam, honestatemq; vitæ hortabatur: animam agentibus præsto erat, quibus tanta ille cum animi alacritate, ac diligentia dies, noctesq; ministrabat, vt cuncti obstupescerent, nec prius eos deserebat, quàm illi è vita migrassent; neque is labor irritus fuit; ex eo enim magnos collegit salutis animorum fructus.

Et hæc quidem consuetudo inter laicos homines, ægris in Xenodochio iacentibus, inseruiendi, tum primum longo fortè interuallo ante id tempus intermissa, rursus initium habuit.

a Idem præter ceteros Magnū Archimandritam Nicetam fecisse auctor est in eius vita Theosterictus.

Perseuerantia in illo admirabilis fuit. Florentiam, in qua natus, educatusq; erat, nec viuentē, nec mortuo patre ^a repetijt: Roma nunquam, nisi Ecclesiarum visitandarum gratia egressus est.

In

In omni vita sui ipsius contemptui, Christi Domini nostri, aliorumq; Sanctorum exemplo incitatus, perpetuo studuit.

Vitam complures annos eremiticam propemodum duxit, lacrymis se magis, quam pane reficiens; singulis diebus se se flagellis quam acerrimè cadens; super nudam humum cubans; simplicem panem cum pauculis nonnunquam oliuis, herbulis, seu pomis ad cibum, & simplicem aquam ad potum adhibens. Eam verò parsimoniam, frugalitatisq; rationem ad extremum usq; diem propemodum retinuit: Sacerdos enim factus, mane ientaculo pei breui, vesperi exigua coena corpus reficiebat; vino modico, eoq; maxime diluto, frequenterq; simplici aqua ad sitim vsus, erant ei coenae vel bina oua mollia, siue sorbilia, vel olera, vel denum legumina, omnia sale, acetoq; condita; plura autem fercula sibi in eadem mensa apponi haudquaquam permittebat; carnem rarò oblonii loco adhibuit: nulli vnquam ferculo, quamuis per totum triduum ieiunus, arrisit; lactis, & quæ lacte cōficiūtur nihil, quoad vixit, gustauit; pisciculis rarius vescabatur; pulte abstinebat.

Iesu Christi anno Pauli III. Pap. anno Aetatis anno
1538. 39. 40. 41. 42. 43. 4. 5. 6. 7. 8. 9. 24. 25. 26. 27. 28. 29.

*Laicus in proximorum salute procuranda
summo studio elaborat.*

LAICUS admirabilem in terris vitam ducebat; videres. n. in eo incredibilem caducarum rerum omnium contemptum, summam animi demissionem, vehemens orandi studium, miram ciborum parsimoniam,

*Egregiè speram nauauit
his annis proximorum salutē.*

niam, amorem in Deum maximum.

Ad Christianæ perfectionis culmen ubi his gradibus ascendit, ad proximos adiuuandos, anno huius sæculi circiter trigesimo octauo, euocari se sensit: Decebat enim, ut id lumen non sub modio amplius, sed super candelabrum Ecclesiæ poneretur, quo ijs, qui in domibus Dei sunt luceret.

Ibat diebus singulis in eum Urbis locum, quem Florentini mercatores incolunt, ubi sermonibus de rebus pijs ita iuuenum animos ad sectandas virtutes incitabat, ut illorum complures ad pietatem amplectendam conuerterit. Eodem itidem consilio scholas frequentare consueuerat.

Illud verò summæ Philippo curæ erat, ut in facinorosissimi cuiusque amicitiam se se insinuaret, arbitratu nimirum, ut quisque maximè opis indiget, ita ei potissimum opitulari. Nec sanè frustra id erat; quandoquidem multos, Deo bene iuuante, è corruptis moribus, ad emendatiorem vitam traduxit. Nec deerant qui tantam Philippi sanctimoniam mirarentur, ut qui cum flagitiosissimis hominibus tam familiariter, nullo sui malo, atque maximo illorum emolumento versaretur. A feminarum verò consuetudine, suæ castimoniam infidias timens, ^a abstinuit.

Homines quot plures poterat Christo adiungere nitebatur; tot enim, tantosque sermonibus simul de rebus diuinis, simul sanctimoniam, ac frugalitatis exemplo, ut se varijs Religiosorum familijs addicerent, impulit; ut Beatus Ignatius Societ. Iesu institutor, & auctor Philippum Patrem campanæ, seu tintinnabuli vocabulo comiter insigniret, utpotè qui alios ad Religiosorum familias cum mitteret, ipse in sæculo permaneret. Quod tamen

^a Sancti viri ut
castimoniam ser-
uarent, femina-
rum colloquia,
congressusque
quod poterant
deuitabant. le-
gantur res geste
S. Bernardini
Senen. apud
SUR. 10. 3.

tamen diuinitus factum esse nemo est qui ambigat: Nam eius opera (vt res ipsa indicauit) vti volebat Dominus ad nouam instituendam vitæ rationem, toti Ecclesiæ, mortaliumque saluti proficuum. Ex quo quidem instituto, quod in hanc diem certissimo cum fructu retinetur, homines, cum sanctitate, tum doctrina insignes euaserunt.

Hoc verò non silendum, ea fuisse B. Ignatium sanctimonia, a Philippo dici solitum, vt animi eius interior pulchritudo foris promicaret, in cuius oculis, vultuque coruscantes lucis radios sæpè ab se visos esse profiteretur.

Nouis à diabolo tentationibus premitur.

QUODAM die cum per Amphitheatrum ab Imperatoribus Flauia gentis constructum, hodie Coliseum vulgus appellat, iter haberet, animo Lateranensem Basilicam inuisendi, dæmonem pauperis forma nudo corpore obuium habuit, quo viso, cum impura quædam cogitationes eius animum subiissent, ipso ad orationem confugiente omnis ea tentatio confestim abscessit, & diabolus turpiter victus inde aufugit. Memini me audiuisse Beatum Patrem, qui diceret eam tentationem non ex carne, sed ex ipso dæmone prouenisse, atque se omnino credere pauperem illum (ita enim qua erat animi demissione loquebatur) dæmonem, non hominem fuisse, quamquam hominis specie se se illi videndum obiecit: Nouimus enim diabolus his, aut certè consimilibus artificiis sanctissimos viros oppugnare solitum, cuius rei præclarissimum testem habemus Sanctum Gregorium Papam in historia, quam de rebus gestis magni illius

Mona-

Dialog. lib. 2. Monachorum Occidentis Patriarchæ Benedicti literis mandauit.

Post hæc cum humani generis hostis Philippum nulla ratione adduci posse cognosceret, vt sua sponte, de huius virtutis statione decederet, eum per vim nolentem, & coactum iterum decreuit euertere. Ergo adolescentiū quorundā perditorū impudicis moribus in eius Virginitatem accendit inuidiam: hi, cum Philippus fortè domi cuiusdam, solita obeundi causa, charitatis officia, moraretur, tempus nacti opportunum, quo grauissimam impudiciæ labem eius animo aspergerent, non satis esse duxerunt, si egregiæ vnius viri abstinentiæ vnius mulieris libido opponeretur, binas feminas omnium, vt creditur, impudentissimas in eum immittunt, & in eodem cubiculo, ^a ipso prorsus incio (indignum facinus) vt omnis fugæ spes præriperetur, includunt. Sed pius Dominus, cuius ille causa id patiebatur, seruum suum, qui vnde fugeret, clausis vndique cubiculi foribus, non habebat, non modo non deseruit, sed nulla prorsus impudiciæ labe pollutum, ex eo eripuit periculo: Nam cum ardentissimis precibus diuinam imploraret clementiam, speraretq; eum, qui tot Sanctarum Virginum corpora palam ad omnium hominum libidines diuulgata integra ab omni labe seruauit, sibi in simili periculo non defuturum, non fefellit periclitantis serui fidem diuina benignitas, & deficientibus humanis opibus suum supeditauit auxilium. Vix impudicæ illæ mulieres coniecerant in eum oculos, cum, siue metu aliquo diuini supplicij perterritæ, siue pudore tactæ, vel quod credibilis est, sancti iuuenis, cuius pudicitæ insidiabantur, auctoritate permotæ, cum in quendam cubiculi angulum

^a *Consimilia
fermè narrat
de S. Vincentio
Ferrerio Petrus
Rauzanus in
eius rebus gestis
lib. 1. cap. 13. &
Gulielmus in
historia S. Bern-
nardi Abb. lib.
1. cap. 3.*

Christi 1538. Pauli III. Pap. Aetatis 24. 25. 17
39. 40. 41. 42. 43. 4. 5. 6. 7. 8. 9. 26. 27. 28. 29.

angulum recessissent, nunquam non modò manus castissimo corpori, sed ne inferre quidem oculos ausæ sunt. O magna virtutis vis, quæ lucet inter tenebras, splendetque per se semper, nec alienis vnquam sordibus obsolescit! O summus splendor honestatis, qui non solum in eo enitet, in quo est, sed in ipsos etiam improbissimos homines, cum ad eum accesserint, redundat! Sed nunc ad Philippum redeamus.

Iesu Christi anno Pauli III. Pap. anno Aetatis anno
1544 10 20

A Spiritu Sancto miris decoratur donis.

Singulis diebus Philippus Spiritum Sanctum quam poterat ardentius precabatur, ut cum suis donis ornaret, nullumque abesse sinebat diem, quin eius opem imploraret: nec incassum hæc fuerunt: Nam laicus cum esset, annum vitæ trigessimum non attingens, Christi scilicet anno millesimo quingentesimo quadragesimo quarto, ea repente spiritus vi repleti se sensit diuinitus, eoque impetu, ut cor illico sibi intra corpus saltitare cœperit, eoque ardore inflammari, ut eum natura inusitata quadam cordis palpiratione, omnino se ferre non posse significaret. Quamobrem benignus Dominus, quò illum ad plurimorum salutem diutius conseruaret, contractis atque in pugilli, eoque maiorem amplitudinem, elatis duabus sinistri lateris costulis, quarta scilicet, & quinta, eiusdem cordis finum, quò id liberius ageretur, mirum in modum ampliauit. Erat istiusmodi fractura in anteriore parte pectoris, ubi costæ in cartilaginem desinunt. Quo ex
 Vitæ lib. primus C tempore

tempore adeò vehemēter amplius quinquaginta totos annos agitari, concutiq; cœpit assiduè plus minusue vt mente rapiebatur in Deum, vt non modò toto corpore contremisceret, verum etiam leſulus ipse, aliaque omnia, quibus ille insidebat, quasi terræmotu acta corante quaterentur. Quæ cum illi (cui corpus quadratum erat, neque gracile, neque obesum) sine vllō doloris sensu euenerint, & ad extremum vsque spiritum sine dolore manserint, (nullæ enim nec intus nec foris punctiones, doloresuē sentiebantur) omnino supra vires naturæ fuisse, ac diuinum prorsus miraculum, Medici omnes, qui eius dum viueret, curationi, & postea corporis sectioni interfuere, vna voce testati sunt.

Mirum profectò erat hominem videre, ætate confecta, plus quinquaginta annos, continuas, voluntariasq; cordis concussiones, palpitationesq; patientem. Crederes illum humana iam omnia fastidientem, Dauidis *psal. 54.* instar Domino dicere; Quis mihi dabit pennas sicut columbæ, & volabo, & requiescam? Heu mihi quia incolatus meus prolongatus est! quando veniam, & apparebo ante faciem Domini? *psal. 129.*

Huius præterea doni cœlestis vi, tanta quoad vixit, spiritus, diuinæq; dulcedinis affluentia replebatur, vt mentem à cœlestibus auocare, animumq; sæpissimè ad terrena conuerrere, vt sacrum facere posset, cogeretur. Quod non eo solum referente cognouimus, sed re ipsa comperimus: Quamquam enim ille omnem adhibebat curam se à diuinis auocandi, cum rem sacram, facturum pergeret, vt vni & alteri ex ijs, qui sibi noti erant, indicauit, vix tamen, quod nos plus millies hisce vidimus oculis, sacrificium absoluere poterat. O magnam

gnam Sancti Spiritus vim! Alij, etiam sanctissimi viri
horis prius aliquot precationi impensis, prauia, dili-
gentiq; praemissa preparatione, omni ope contendunt,
vt aliquid pij in Deum affectus cum rem sacram acturi
sunt, acquirant; hic autem his adeo abundabat, vt non
modò vlla egeret preparatione, verum etiam cum tot,
tantosq; diuinitus immisos ardores sustinere nequi-
ret, animum suum, quammaxime poterat, ab illis di-
uellere cogeretur, Deumq; ne maiores tribueret, in
dies rogare.

Id praeterea in illo is spiritus efficiebat longè mira-
bilis, vt cum precibus insistentem sublinè tolleret.

Media vero hyeme, quo tempore maximum in vrbe
frigus esse solet, ad postremum vsque diem (quis crede-
ret?) ita derepente eo orante ipsius cor, corpusq; di-
uino æstuabat igne, vt validissima ne aestu necaretur,
refrigeratione indigeret. Hinc ille octogenarius mo-
dicissimo cibo contentus, omni propemodum natiuo
calore destitutus, vt eam amoris flammam aliquo mo-
do restingeret, pectus nudare, fenestras, foresq; cubi-
culi media nocte pandere, linteisq; ac flabellis, alia-
uè opportuniore aëris agitatione vt ad se refrigerandum
sibi necesse erat, & quidem ni cordi, interno, ac diuino
consumpto calore, hisce rebus festinanter subuenisset,
repentinò certe interijisset.

In iisdem rebus hoc fortasse etiam ponendum, cau-
sam quodam die huius tam miræ, ac nouæ eius cordis
agitationis à Federico Cardinale Borromæo interroga-
tus, praesertimq; num dolore aliquo in ea sustinenda
afficeretur; à Spiritu Sancto eam accepisse modestè re-
spondit. Laicus cum essem, dicere cœpit, Sanctum
Spiritus quàm suppliciter poteram, quotidie rogare

Vitæ lib. primus.

C 2

con-

consueueram, vt mihi opem ferret, animumque meum donis suis cumularet. Quodam die cum eum de more orarem, meas exciperet preces, ipso tandem volente factum est, vt cordis agitatio, de qua rogas, quæ nullos vnquam dolores mouit, initium habuerit, simulq; adiunxit, possem equidem eam cohibere, sed ne animum, inter orandum, à diuinis auocare, atq; ad eum motum cordis comprimendum referre cogar, idcirco ab ea re desisto.

Illud hic addam, quòd eius cor adeo huius agitationis vi æstu feruebat, vt calor ex eo proueniens ad totum plerumq; corpus se se diffunderet.

Iesu Christi anno Pauli III. Pap. anno Aetatis anno
1545. 46. 47. 11. 12. 13. 30. 31. 32. 33.

Novos Christo filios lucrificat.

CUm Philippus instituto suo in proximorum salutem incumberet, adiunxit ad Christum anno huius sæculi quadragesimo septimo, Ioannem Manzolium Florentinum, & deinde Henricum Petram Placentinum, qui sacerdos de ipsius consilio factus, Congregationis Clericorum doctrinæ Christianæ postmodum amplificator fuit.

Iesu

Vnus est ex fundatoribus Societatis Sanctissimae Trinitatis.

Cum miro flagraret desiderio, proximos modis quibus posset, adiuuandi, una cum Persiano Rosa insignis pietatis sacerdote, sodalitium Sanctissimae Trinitatis nomine instituere aggressus est: consilium autem id fuit, ut domus à consodalibus, pauperibus, qui è recenti morbo conualescebant, peregrinisque hospitio excipiendis aperiretur.

Initium habuit societas in Ecclesia S. Saluatoris, cui à Campo cognomen, anno salutis humanae millesimo quingentesimo quadagesimo octauo, mense Augusto, quinta hebdomadae tertiae feria.

Primi, qui in hanc Societatem inscribi coepti sunt, humanis diuitijs inopes fuere; sed Christi gratia diuites, omnesque sanè ad quindecim. Conueniebant hi in Ecclesia S. Saluatoris frequentissimè, ibique sacra omnes confessione expiati, ac pane caelesti refectioni, nouo animi ardore ad pietatem accendebantur. Philippum, praeterea cuncti, ut parentem, & vnicè diligebant, & valde reueriebantur.

Primo cuiusque mensis Dominico die, quadragenarum horarum supplicatio decreta à fratribus, quo tempore Philippus adeuntes sua praesentia mirificè solabatur, omnes vitae suae exemplo, pijsque sermonibus confirmans, & ad virtutem, pietatemque vehementer accendens: totas praeterea noctes ibi penè ducebat insomnes: fratres ipsemet ad orationem vocabat: ubi precando finem fecerant, abiit hora, dicebat, qua orare, non qua peccata lugere, pietatemque sequi tenemini.

In

In hac ipsa Ecclesia frequentes de rebus diuinis sermones à Philippo habebantur: sermonibus intererant & fratres & exteri. Ex colloquijs is fructus colligebatur, vt audientes ipsius verborum vi incitati ad eluendas animi sordes mirum in modum se impellissent. eius porro is in dicendo ardor erat vt cū solus inter sodales esset, qui de rebus pijs loquendi munus obire posset, totos frequenter dies, multamque noctis partem in istiusmodi colloquijs sui propemodum oblitus consumeret. Et sanè operæ fructus egregius Dei beneficio constitit: Vnico enim retis iactu ad triginta iuuenes, qui vel argentariam, vel mercaturam faciebant, hamo verbi Dei capti sunt, atq; à perdita vita ad honestam reuocati.

Illud non inuoluam silentio: Qui initio huic Societati nomina dederunt, non vulgari claruisse sanctitate. Coquus. n. domi, vt B. Patre narrante didici, ad eam vitæ puritatem venerat, vt, Deo adiutore, tantam in orando facultatem adeptus sit, vt è cæli, syderumque aspectu, quo maxime capiebatur, confestim in Dei notitiam, amoremq; raperetur.

Alter erat, qui cum graui oppressus morbo in lectulo iaceret, Margaritæ sorori; Scribe, dixit, feria sexta, hora tali, certam designans, moriar. Quod & factum est.

Iesu Christi anno 1549 *Pauli III. Pap. anno* 15 *Aetatis anno* 35

Prosper Cribellius Philippum sequitur.

C Vm Philippus anno huius sæculi quadragesimo nono, omnibus neruis contenderet, atq; in hoc elabo-

elaboraret, vt nouos Christo filios acquireret, Prosperum Cribellium ciuem Mediolanensem eidem lucrificis ubi primum ipsius hortatu Dei colendi desiderio accendi se sensit, illico ad Ioannem Polancum Societatis Iesu Sacerdotem, animo confitendi de peccatis suis venit. Sed cum is sacramentalem absolutionem, Prospero denegaret, quod ab ædibus uiri nobilis, apud quem auctoritatis habebat plurimum, ubi multæ se se illi grauius delinquendi dabant occasiones, recedere nolebat. Beatum ille mox Patrem mœstus adit, eiq; rem totam, vt erat, exponit, rogatq; obnixè precibus pro animæ suæ salute insistat. Huic Philippus bonum habere animum iussit, operam pollicetur suam, nec sane frustra: Prosper enim breui B. Patris precibus adiutus, ab omni ea difficultate, molestiaque ab illa domo abeundi liberum se, solutumq; aduertit.

Iesu Christi anno Iulij III. Pap. anno Actatis anno
1550 1 35 36

*Alia Sodalitatis Sanctissimæ Trinitatis
instituta.*

Iulius III. Pontificatum obtinuit. VII Idus Februarias anno 1550. Seditq; annos. 5. Mensem vnum dies 16.

DEcreuerunt fratres anno huius sæculi quinquagesimo, qui Iubilei celebritate insignis extitit, domum excipiendis hospitio peregrinis, qui ante id tempus conferti sub dio cubitabant in via, conducere. Id autem Iubilei occasione actum est: Nam cum pauperibus nullum esset in vrbe hospitium, nullumque receptaculum, iacere ij cogebantur in publico, frigore, fame, alijsq; incommodis confecti. Hoc ergo spectaculo commotus Philippus, tantæ calamitati omni ope subueniendum putauit, reque cum alijs communi-

municata, quemcūq; extrema inopia periclitantem reperirent, in id hospitium, vel inter manus, vel gestatoria sella deuchere, adeuntesq; omnes hospitio benignè suscipere statuunt, cunctis, quæ ad victum necessaria sunt, abundè suppeditatis.

Ea erat Sodalium erga peregrinos charitas, ut quibus rebus possent, eos adiuuarent; illeq; altero videbatur beatior, cui datum erat, ut ipsis excipiendis primus occurrisset. Sed non possum ego satis narrare pium fratrum in hos pauperes affectum: Alios enim cerneret peregrinorum pedes lauare, alios recens admissos suauissimis solari verbis, hos cibos excoquere, illos fercula ministrare, hos lectulos sternere, illos pauimenta verrere, atque in hac pietatis opera, ea animi promptitudine, vultusq; hilaritate incumbabant Sodales, ut eorum virtus omnibus admirationi esset. Interea tanta fuit exempli vis, ut non defuerint, qui in hanc societatem recens erectam se adscribi fecerint.

Decreuerunt interim Sodales, ut certæ ædes ad peregrinos hospitio excipiendos constituerentur, ubi quolibet anni tempore benignè per triduum alerentur: qui vsus in hunc vsque diem sanctè, laudabiliterq; retinetur.

Sed nec his contenti, cum viderent pauperes è Xenodochijs, quòd melius habere inciperent, viribus nondum plenè recuperatis, dimissos, victus, tectique penuria fatigatos, in eisdem morbos recidere, qui vitam quandoque hauriebant; his incommodis pro viribus occurrere decreuerunt. Ergo statutum est inter eos, ut qui locus excipiendis peregrinis vsui esset, ille ipse hisce hominibus pateret, dum pristinae valetu-

valetudini, virtutiq; restituantur. Atq; id, aliaq; ipso potissimum Philippo adiutore, agebantur: illic ipse dies, illic noctes insumere, pauperibus ministrare, ceterosq; ad opus excitare in more habebat.

Hæc itaq; prima est huius sodalitaris institutio, quæ è parvis initijs, in eam, quæ hodie conspicitur, amplitudinem excreuit.

Deinde verò processu temporis, nobilibus quibusdam viris, qui ei nomen dederant, visum est, vt sodalitas ex Ecclesia S. Saluatoris in Ecclesiam Sanctissimæ Trinitatis transferretur. Vbi illud breui incrementum accepit, quod toti post Christiano orbi non sine maxima Dei gloria palam factum est: Cuius deinde pietas, & in vniuersas Italiæ sodalitates incredibilis liberalitas, anno Iubilei proximè elapsi Gregorio XIII. Pont. Max. singulariter enituit. Et nunc etiam Clementis VIII. Iubileo maximè enitet.

In altissimam foueam noctu delapsus diuinitus retinetur.

Philippus quò maioribus à Deo in singulos dies agebatur beneficijs, hoc vehementiore ei inseruendi desiderio accendi se sentiebat. Intempesta itaque nocte^a, cum somno sepulti sunt omnes, vt nesciret sinistra quid faceret dextera, miserabilium personarum domos obibat, quibus quæ ad victum necessaria erant, largè, abundèq; suppeditabat.

Nocte quadam, cum his instituto suo occupatus panem viro cuidam nobili, sed pauperrimo deferret; diaboli opera factum est, vt intentus ille quo pacto currum præcipiti cursu se ferentem declinaret; mox in altissimam foueam casu delapsus sit. Sed Domino

Vitæ lib. primus.

D

opem

^a Idem facere solitum S. Marci presbyterum, auctor est Metaphrastes in eius rebus gestis; extat ea apud Syr. tom. 1.

^a Id iuratus af-
firmavit Casar
Card. Baro-
nius.

opem ferente, ab ^a Angelo confestim inter caden-
dum capillo capitis mirabiliter retinetur, indeque
nulla lœsus ex parte ab eodem incolumis eripitur. In-
cidit ea res in annum Domini millesimum quingente-
simum quinquagesimum.

Angelus ab eo stipem accipit.

^b Consimile ha-
bes apud Ioan-
nem Diaconum
vita s. Gregorij
Pap. lib. 1. c. 10.

^c Hanc rem
Philippus duo-
bus sacerdoti-
bus ex data sibi
Dei voluntate
occasione nar-
tavit.

^d Simile ferme
de S. Martino
Scribit B. Sulpi-
cius Severus vi-
ta eius lib. 1. c.
2. Et de eiusdē
virtutibus dia-
lo. 2. Non al-
simile de S. Mar-
ciano Metaphr.
apud Sur. tom.
1. Et S. Audota-
nus de B. Eligio
Episcopo.

QUODAM die cum pietatis opera ardentius quàm
solebat, sequeretur, ^b Angelus pauperis specie
ei se se ostendit, stipem^c petit; cui cum ille quam habe-
bat pecuniam libenti, promptoq; animo elargiret, ur ex-
peri ri v eneram, dixit ei illico Angelus, quid factur^s
eras: & his dictis euauit. Qua ex re, eo Philippus
miserationis affectu in pauperes ferri cœpit, vt ex eo
die nemini vnquam poscenti eleemosynam negauerit.
Pauperibus viris, ac feminis, quibus opus habebant,
abunde suppeditabat. Iuuenibus ad literarum studia
propensis pecunia, & libris, ac vestibus non deerat.
Hebdomada nulla erat, quin eleemosynam iis, qui in
carcere detinebantur, mitteret. Nemini pauperum
stipem denegabat.

Cum pauperrimæ feminae ^d nuditas, eo audiente,
commendaretur, suam sibi vestem detraxit, vt inopi
traderet. Egenis adolescentibus, quibus cupiditas erat
cœnobijs se mancipandi, probato eorum spiritu, tan-
tum donabat pecuniæ, quantum cœmendis vestibus
ad institutum, quod amplectebantur, appositis, satis
esset. iure ergo, meritoq; de eo dicere possumus, nihil
habebat, & omnia possidebat; quandoquidem bene-
ficiū ille Ecclesiasticum possedit nullum, pecuniæ
contemptor eximius, vt si quis alius: tamen in omni

vita

vita nihil ei vnquam, nec ad proprium vsum, nec ad aliorum subleuandam inopiam defuit.

Oranti S. Ioannes Baptista se se ostendit.

Philippus interim diuinæ voluntatis cupidissimus, Dominum precabatur assidue, vt sibi quam vitæ rationem sequi se vellet, ostenderet; solitariam vitam amplecti (nisi Deo aliter visum esset) sibi in animo erat. Sed incertus num id maximè ad Dei gloriam pertineret, ad explorandam eius voluntatem assiduis precibus dat se se; eam ingredi viam paratus, quam Dominus elegisset. Diu itaq; in eiusmodi cogitatione versatus, audiri tandem meruit: Quodam etenim die orationi sub ortum solis intento S. Ioannes Baptista apparet, quo viso mirificè recreatus Philippus in eam denique mentem diuinitus impelli se sensit, vt omni dubitatione sublata, non vni sibi, sed & proximorum saluti vacare decerneret.

Rogatus causam altero die cur tanta parsimonia visitaret: oranti mihi, subiecit, ostenderunt se se duæ animæ Sanctorum iam gloria decoræ; quarum vna frustulo aridi panis, quod manu tenebat, se vesci simulabat. Cumq; quid sibi ea re vellent, pernosse cuperem, ea vox audita; voluntas Dei est Philippe, vt in media Vrbe, quasi in deserto loco vitam agas. Quibus mihi verbis significatum est, vt continenter, sobrièq; viuerem. Hinc (qua erat humilitate) carnem se idcirco rarò ad cibum adhibere dicebat, quòd sibi nocumentum afferret, quod virtutis erat, valetudinis vitio tribuens.

Vitæ lib. primus

D 2

Eccle-

*Id est ceteri si-
leantur publica
testimonia con-
firmantur Fede-
ricus Card. Bor-
romæus.*

Ecclesiasticis Ordinibus initiatur.

^a Imitari videtur Beatissimos illos viros Monachorum Archimandritas, Pachomii, cuius res gestas prosequitur Meisoph. apud Sur. tom. 3. & Sabam, cuius vitam hystoriam B. Cyrillus Laura S. Euthymij monachus conscribit, itemque S. Franciscum, aliosque.

Cum B. Pater magna dedisset sanctitatis indicia visum est Persiano Rosa eius confessorio, illum non modò inducere, verum etiam impellere; ^a vt ecclesiasticis ordinibus initiari quamprimum curaret. Ad cum enim diem imitatus Sabam, aliosq; innocentia vitæ claros, quos sic humilitate fecisse nouerat, ab omni ordinum gradu se abstinerat. Vnum illud exoptabat, vt laicus permaneret, non quò sacerdotij apicem non admiraretur; verum quia eo se munere indignum prorsus iudicabat: Quod tamen ei non contigit: Vbi enim cognouit ille, Persianum ea esse mente, vt sacerdos fieret, statim, ne onus sibi assignatum à Deo defugere videretur, eius decreto sibi obtemperandū duxit.

Anno itaque salutis humanæ millesimo quingentesimo quinquagesimo primo, in Ecclesia S. Thomæ Regionis Parionis, Mense Martio, cum annum prope sextum & trigesimum confecisset; prima tonsura, quatuor minoribus, & subdiaconatu initiari cœpit; diaconatu verò non multo post in nobilissima, antiquissimaque Basilica Lateranensi anno eodem, die sabbati sanctioris maioris hebdomadæ, qui dies in iiij. Kal. Aprilis eo anno inciderat; demum sacerdotio in eadem Ecclesia S. Thomæ, eodem itidē anno, decimo Kal. Iunias. Ceterum qua adhibita præparatione, quibusue animi motibus his ordinibus initiatus fuerit, malo in aliorum consideratione relinquere, quàm in historia mea ponere. Euectus fuit Beatus Pater per omnes ordinum gradus ad apicem sacerdotij ritu solemnī, vt fieri solet, à Ioanne Lunellio Episcopo Sebastensi, Philippo Archinto per id tempus Iulij Tertij Papæ

Papæ generali Urbis Vicario.

Sacerdos pristinam in victu parsimoniam perpetuò seruauit, ouis tantum, vel oleribus aut leguminibus ad cibum adhibitis: si quando tamen cum alijs vesceretur (quod ille non raro lucrandarum animarum gratia facere solitus erat) omnem prorsus, quoad eius fieri potuit, singularitatis, atq; ostentationis notam euitauit. Quam postea consuetudinem eo consilio, vt omnibus omnia factus, omnes Christo adiungeret, ad multos annos retinuit. 1. Cor. 9.

Sacerdotio initiatus cogitare mox cœpit de templo Sancti Hieronymi, quod à Charitate cognomen accepit, incolendo, vt ibi quoad Deo placuisset, vitam degeret. Erant tunc eo in templo præclari aliquot sacerdotes pij admodum, & Religiosi, nempe Persianus Rosa Philippo à cōfessionibus: Bonsignorius Caccia-guerra nobilis Senensis, ex ditissimo mercatore Christi sacerdos: Franciscus ciuis Aretinus vir eruditus, qui multam doctrinam angelica quadam cum puritate coniunxerat, quiq; mortuo Persiano eiusdem Beati Patris confessiones audiuit: Franciscus alter Hispanus doctus equè ac pius, sed charitate in pauperes, & austeritate in se ipsum admirandus. Viuebant hi sacerdotes eodem tecto, sed quamquam eodem adiuuandorum proximorum desiderio flagrabant, vitam tamen pro se quisq; diuersa ratione, prout spiritus suggereret, ducebat; suaque curabat pro arbitrio, separatimq; cibum capiebat.

In id templum itaque admissus Philippus sacrum singulis diebus faciebat. A sodalibus charitatis nihil vnquam præterquàm cubiculum vnum, & illud quidem angustum accipere uoluit. eò enim non mercede ali-

aliqua ductus, sed habitatione tantum contentus, quod liberius commodiusque in proximorum salutem incumberet, se se receperat.

Hoc ipso anno cum summa esset in Vrbe annonae caritas, sex ad Philippum panes deferuntur; sed quid ille? acceptos panes non attingendos sibi, sed pauperibus tribuendos putans Hispano cuidam, sacerdoti pauperi in Christi Domini nostri gratiam hilari vultu largitur. Quo peracto, cum quaereretur ex eo quid causae esset, quod portionem suam omnem egenti sacerdoti tribuerit, modestè id se fecisse respondit, quod facilius erat panem se ab amicis accepturum, quam sacerdotem illum peregrino caelo natum: quid plura? illo ipso die paucas duntaxat oliuas gustauit.

Philippi opera Henricus Petra Placentinus, quem laicus cum ille esset, Christo pepererat, Theseusque Raspa sacris initiati sunt, & in templum S. Hieronymi ad habitandum inducti; ubi Bonignorio duce, magnos in spiritu progressus habuerunt, praecipuè verò Hêricus, qui reformandis postmodum monialibus, alijsque ecclesiasticis muneribus ad Cleri mores, templorumque cultum exornandum diutino, gratuitoque labore, toti Vrbi vtilitati eximiae fuit. Hos secutus est Petrus spadarii mitis sacerdos ingenij, Deo, hominibusque carus, atque is vltimus ex presbyteris eius Ecclesiae fuit, apud quem Philippus post Francisci obitum confessiones peregit.

Phi-

*Philippi in sacro faciendo ardor, pietas,
raptusque.*

Sacerdos nunquam intermisit diem, nisi agnitudo-
netineretur, quin rem diuinam faceret: AEger
singulis diebus panem caelestem accipiebat.

Initio sacerdotij, cum in Ecclesia Sancti Hieronymi
sacrum ageret, tanta repente diuini spiritus abundan-
tia replebatur, vt aquam, vinumq; in calicem de more
infundere vix posset: Adde enim eius manus in al-
tum attollebantur, vt exilire quodammodo, & saltita-
re viderentur; atque ille nisi brachio ad altare tan-
quam adminiculo, maximo adnexus studio, coeptum
opus prosequutus esset, nihil egisset vnquam.

Huius diuinissimi Sacramenti, supra quam dici po-
test, cupidissimus, amantissimusque vel ex eo solum,
quod vacuum calicem in manibus teneret, incredibili
perfundebatur letitia.

Quo tempore salutarem hostiam de more attolle-
bat, ita eius mens rapiebat in Deum, vt manus su-
blime erectas deponere non posset. Retulit ille po-
stea videri sibi se ab aliquo apprehendi, atque altè à
terra per vim mirabiliter sustolli. Eamq; ob rem in
hanc deinde se dedit consuetudinem, vt salutarem ho-
stiam quanta maxima posset celeritate attolleret, &
demitteret.

In sacro faciendo vbi, vel maximè ad Offertorium
uentum erat, ea afficiebatur dulcedine, vt inter cele-
brandum toto corpore, contremisceret saltitaretque:
quos ille impetus vt reprimeret, vertere se sapissime
confuevit, nunc in dextrum latus, nunc in sinistrum:
modò pede terram percutere, modò demum caput
perfri-

*a Id Sacramen-
to testatur Frã
cisus Maria
I autusius Car-
dinal. Idem
complures alij
iurati affirmas*

perfricare manu.

Vnum hoc tacitus præterire non possum, in quo diuini amoris vis euidenter apparet. Mos illi erat, vt sine impedimento rem diuinam ageret (raptus enim, & ecstasies timebat) vt antequam sacris se indueret vestibus, id omni studio ageret, vt spiritus vehementiam, ardoremq; quo assidue æstuabat, vtcumque comprimeret: nunquam enim ille cum subito abstractus à sensibus tota mente in rerum cælestium contemplationem raperetur, sacrum fecisset, absoluissetq; nisi in vnam illam rem incubuisset, vt animum à diuinis auocaret. Et hæc quidem quamquam ille faciebat, eos tamen diuini amoris impetus sustinebat, vt lacrymis totus conficeretur; singultus frequentissimos ederet; saltitaret: Quibus fiebat, vt cogeretur sæpissimè à sacro faciendo eousque cessare, quoad vires corporis, quas Christi amor abstulerat, iterum se collegisse sentiret. O virum Deo plenum! Cum sponsa in Canticis tute ipse dicere iure, meritòq; poteras, Introduxit me Rex in cellam vinariam, ordinauit in me charitatem: fulcitè ergo me floribus, stipate me malis, quia amore lagueo.

Cant. 2.

Absoluto sacrificio, ita nonnunquam abstractus à sensibus apparebat, vt exanimatum magis, quam viuum crederes.

Sed hic me locus admonet, vt ponam aliquid de gustu, quem ille in sanguine Christi ebibendo, eiusque carne degustanda habebat. Is erat, vt crediderint qui ab eius nunquam latere discedebant, eum ipsius sanguinis, ipsiusq; carnis saporem percipere, perinde atque nudam carnem, nudumq; sanguinem gustaret: labia ille sibi auidissimè lambebat: iterum, ac sæpius calicem ori ad mouere obseruabatur, nullumque de astan-

stantibus non modò propiùs ad altare, sed ne manere quidem, vnde ipsius facies conspici posset, permittebat. In desumendo sanguine, sonus in eius guttore is audiebatur, vt putares aliquid degustare, quod ob eius pinguedinem, crassitudinemq; sacerdotis palato inheresceret. in ea calicis parte, ex qua sanguinem hauriebat, indicia dentium erant, aurumque ipsum, quod ibi circum erat, quamquam recens, breui obscurabatur. Purificationem, quam dicunt, dari sibi nolebat, donec ipsemet petiisset. Denique diuinissimi huius Sacramenti vsqueò delicijs capiebatur, vt suauissimam Christi carnem, sanguinemque pretiosissimum in ore tenens non statim glutiret, sed paulatim, guttatimq; in stomachum defluere sineret.

Nec minus insignis eius pietas in sacro faciendo, Christiq; corpore degustando, quàm in ministrando fuit. sed ne in re nota, atq; apud omnes peruulgata, operam frustra conteram aggredior ad alia.

*Audiendis confessionibus
operam dat.*

Sacerdos factus confessionibus excipiendis, inuitus licet, præficitur, alijsq; obedire magis, quàm sibi ipsi credere elegit: Nouerat enim Deo pergratū, perq; iucundū esse semet ipsum ad aliorum voluntatem conformare: Mirum dictu nihil Philippo potius erat, quàm vt solitariam vitam amplecteretur: ne sibi ipsi tamen satisfaceret, aliorum voluntatem cupiditati suæ antetulit, Christum ducem secutus, qui dixerat: Meus cibus
Vitæ lib. primus. E est,

*Ioan. 4.
Ioan. 6.*

est, vt faciam voluntatem Patris mei, qui misit me. Et alibi rursum: Descendi de cælo, non vt faciam voluntatem meam, sed voluntatem eius qui misit me.

Confessionibus excipiendis ita sedulò, assiduèq; nauabat operā, vt suisius oblitus ab Ecclesia nūquam recederet. Non parua hæc: sed hoc fortè mirum magis: magnam diei partem in his insumebat, nunquam tamen defatigabatur: tanta porro cupiditate ardebat errantes animas ad bonam mentem reuocandi, vt ex eo solum, quòd sederet in sella, qua ad audienda crimina utebatur, maximam caperet voluptatem, maximamq; delectationem. Incredibile dictu est, quot, quantosq; ex peccatorum cœno ad meliorem frugem reduxerit, quot eius opera tum viri, tum feminae adducti, vt monasticam vitam rite complecterentur; vt nullum esset Religiosorum hominum institutum, quod non plerosq; è Philippi discipulis sibi acquisierit: Prædicatorum verò præcipuè familia tali prole fœcundata florescebat: quotuè demum magnis sceleribus astrictos è corruptissimis moribus ad emendatiorem vitam traduxerit, quiq; post, eo vsi magistro, abiectis curis inanibus, totos se ad seria conuerterint.

Quo tempore primùm excipiendis confessionibus initium fecit, hominum peccata libentius, quàm feminarum audiebat: harum crimina excipere quoad poterat, fugiebat: Nouerat enim ille, virginalis suæ pudicitia iacturam timens, dæmones Dei seruis, bonis etsi operibus occupatis insidias moliri non desistere, ijs vel maximè, qui nimio plus sibi ipsi confidunt.

Illud hic attexam, quòd tam acer, & vigilans custos pudicitia fuit, vt coactus mulierum confessiones audire, eas in Ecclesia duris magis, quàm lenibus verbis exci-

exciperet, interdū vultu iram præferens. Quem morem vsque ad se tenuisse narrabat, quoad singulari Dei beneficio obtinuit, vt eas quoquo vellet modo exciperet. Quibus verbis non obscurè insigne illud donum significare videbatur, quo id Deo dante assecutus erat, vt omni planè sensu libidinis caruerit, vt ex eo tempore ad extremum vsq; diem marmoreę cuiusdam statuę instar esse videretur.

Amplius, audiendis confessionibus adeo se se occupabat quotidie (quo munere ad obitum vsque egregiè perfunctus est) vt aduenientes filios nō paucos (notes enim ferme totas contemplationibus, pijsq; precationibus insumebat) lecto adhuc decumbens audiret.

Surgens summo mane moxibat in templum, non inde egrediens, nisi insigne aliquod, aut necessarium opus occurrisset, quod in aliam horam differri haudquaquam posset. Nec quisquam fuit, qui illum in Ecclesia non semper, vel certè non facilè reperiret, ita omnibus promptam, ac gratuitam operam suam præbebat.

Templum, aut cubiculum assiduus incolebat, vagandi minimè cupidus, nisi aliò, vel necessitas euocaret, vel charitas impelleret.

Prima Oratorij, ac spiritualium colloquiorum origo.

CUm Philippus maiore in dies cupiditate flagra-
ret flagitiosos homines ad meliorem frugem re-
ducendi, & quos acquisierat filios, integros, castosque
seruandi: ne iterum in vitia delapsi Aegyptum repe-
rent

Vitæ lib. primus.

E 2

rent

rent, coepit, quò id facilius assequeretur, anno à Virgini partu millesimo quingentesimo quinquagesimo primo, in suo cubiculo singulis à prandio diebus confluentes, lectulo frequenter insidens (quòd Dei amore langueret) de rebus caelestibus erudire.

In his colloquijs (quod mirabile dictu est) eam diuini amoris vim sentiebat, vt modò toto corpore contremisceret, modò è lectulo in altum attolleretur (credere eum ab aliquo sic mirabiliter retineri) modò demum lectulus ipse, vel quandoque etià ipsum cubiculum motu nutare, & concuti videretur, terrè motum ibi factum esse putares. Erant hæc qui aderant, non ad pœnitentiam solum, sed ad diuinum etiam amorem, terrenarumq; rerum despicientiam incitamenta.

Præclari instituti huius initio pauci erant, quorū duo erant superstites hæc scribente me, qui eum audirent; sed mox adeo creuit numerus, vt locus, in quo huiusmodi sermones fiebant auditores nō caperet: quam ob causam eo relicto, ad alium ampliorem se contulit; vbi eo animi ardore, sensuq; mentis de rebus spiritualibus loquebatur, vt nullus ferme reperiretur quouis scelere implicitus, quin eo audito resipisceret, & ad saniora se se conuerteret.

Iesu Christi anno

1552.53

Iulij III. Pap. anno

34

Aetatis anno

37.38.39

Variè ob Christum affligitur.

CUm cerneret diabolus nouum sacerdotem Philippum priuatis concionibus, sacramentorumq; admi-

administrationibus complures ad Christum aggregare,
statuit pijs eiusdem studijs omni conatu se opponere.
Erant in templo S. Hieronymi sacerdotes quidam à
facello, viri perditis prorsus moribus atq; apostata: hi
vt vni Vincentio Tecosio, qui ex sodalitia charitatis
erat, rem gratam facerent Philippo, anno huius seculi
quingagesimo secundo molestiam exhibere cœpe-
runt: deridebant illum, canino dente carpebant, con-
tumelijs onerabāt: quæ ille omnia, ne verbum quidem
pro se faciens, constanti prorsus animo tolerabat.

Nec hic finis; quotiescunq; se se illis noua offerebat
occasio, hominem probris, maledictisque laceffendi,
& alio quouis modo perturbandi, arripiebant eam aui-
disimè; id autem eo consilio, vt illum, cuius aspectum
ferre non poterant, inde expellerent. Hinc ubi Phi-
lippum in sacrariū tendere rem facturum diuinam co-
gnoscebant, tum læti mirum in modum effecti, quod
noua sibi eius licentius irridendi fieret facultas, homi-
nem vel eius loci aditu arcebant, uel certè admis-
sum uarijs artibus grauiter admodum exercebant.
Atqui, ut ieiunium inde exire cogerent, nunc Missale,
nunc uestes sacerdotales, nunc demum calicem ipsum
occultabant: nec his contenti frequenter etiam eum
paratum iam ad sacrificium, pedemque è vestiario ef-
ferentem sacrum deponere ornatum iuebant: neque
tamen Philippus his rebus prouocabatur ad iracun-
diam.

Vincentius interim Tecosius sola dæmonis opera
vsque eò eidem à quo ne in re quidem minima læsus
fuerat, aduersabatur, ut induxerit animum nunquam
ab eo perturbando desistere, quin illum domicilium
mutare impulerit. Tentationi haudquaquam cessit
Philip-

*Hæc uel similia
sanctissimis vi-
ris contigisse ip-
sorum testatur
historia. Tu in-
terim legito.*

*Metaphr. apud
Syr tom. 5. in
Daniele Styli-
ta, & Petrum
Rauzanum lib.
1. historia S. Vin-
centij cap. ult.*

Iaco. I.

Philippus, de aduersarijs suis conquestus nunquam: ab Ecclesia S. Hieronymi, & quòd is locus ad proximorum salutem procurandam aptus esset, & ne cruce sibi à Deo paratas fugeret, recedere noluit: quæ in illum iaciebantur conuicia, equo animo ferebat, illud Iacobi secum fortè animò voluens; Omne gaudium existimate fratres mei cū in varias tentationes incideritis.

Quodam die cum de more post consuetas æmulo- rum derisiones sacrum faceret, id anxius intra se in ipso sacrificio cum Deo colloquium habuit. Quid est bone Iesu, quòd cum te toties rogarim pro viribus, vt patientiæ donum mihi impertires, tot tantæq; se se mihi in dies offerant exardescendi occasiones? hæc cum dixisset, vocem quandam internam clarè audiuit: Quid est, quòd me rogas Philippe, patientiam? ea ego te muniam, quamquam volo vt tute his oppugnationibus, quantum maximè potes, eam tibi acquirere studeas: Quibus ille auditis, mirificè recreari se sensit.

Exacto biennio, cum è custodibus sacrarij vnus instituto suo, maledictis, conuicijsq; in illum inueheretur, nec ab hac stultitia cessaret, ea vultus hilaritate, animiq; fortitudine hominis verba excipiebat, vt maxima exultaret letitia. In id spectaculum ex ijs apostatis alter cum incidisset, reputans ille mox apud animum suum inuictam Philippi in iniurijs perferendis patientiam, corde compunctus, eo derepentè impetu in maledicum sacerdotem insiliit, quò Beati Patris innocentiam tueretur, vt parum abfuerit, quin illum necarit. Vix hoc fecerat, cum cœnobij, vnde aberat recordatione, cœpit mollescere, atque ad se rediens B. Philippi opera, precibusq; in tantum sui odium repēte exarsit, vt nō solum amplecti poenitentiā, sed institutū etiam

etiam sui cœnobij repetere decreuerit, quod & fecit.

Vincentius quoq; iniuriarum auctor, Philippi patientia, mansuetudineq; commotus ultro ad eum venit, & procumbens in genua delicti veniam petit: quam ille iniuriarum mox omnium oblitus prompto, & alacri animo concessit; quin hominem amicissimè complexus inter filios suos recepit; atq; ex eo tempore ea Vincentius præ cæteris B. Patrem obseruantia coluit, vt non abiret dies, quin eum inuideret, perinde ac nihil ei illo esset nec charius, nec iucundius: quem postea morem ad supremum diem seruauit, sacramentorum vsu cælestes opes sibi comparare studens: incidit huius mors in mensem Martium anni millesimi quingentesimi octogesimi noni.

Iesu Christi anno Iulij III. Pap. anno Aetatis anno
1554 5 39.40

Molestijs expeditus quid egerit.

DE I itaque benignitate molestijs expeditus, Christi sponsi charitate quammaximè vulneratus totum se se ad proximorum salutem conuertit, eorum confessiones audiens, eosdemque cælesti pane reficiens, quibus deinde rebus id paulatim factum est, vt frequens cum confessionis, cum Eucharistiæ vsus, extinctus penè dæmonis fraude, iterum renouaretur: tanta in eo humanitas fuit, vt propterea omnibus charissimus esset: adeo ardentè sitiebat diabolo prædas eripere, vt mirum dictu sit quanta fecerit, tuleritque, vt vel vnâ animam ad Christum reduceret.

Omniū confluentium confessiones alacri vultu excipiebat, eosq; sermonibus partim de rebus spiritualibus,

bus, partim precibus ad pietatem, atq; caelestium amorem excitabat mirificè, diligentiam quantam maximam potuit, perpetuò adhibuit, ut omnibus omnia fieret, quo vel ex hoc vno facilius sibi aditus ad proximos iuuandos daretur.

Eiusmodi praecepta de animarum salute suis in Christo filiis tradebat, ut non solum, qui ea tenuerint, magnam ad virtutem progressionem fecerint, verum in omni etiam virtutis genere perfecti euaserint.

Cubiculum omnibus perpetuò dies, noctesque ob magnum, quo tenebatur proximorum salutis desiderium, patere voluit.

De audiendis confessionibus ita sollicitus erat, ut de nocte primis illis temporibus antequam dilucesceret, quadraginta circiter virorum confessiones frequenter audierit.

Et hoc magnae in Philippo charitatis argumento, quòd qui multa nocte, ut confessionis beneficio Deo conciliarentur, ad eum veniebant, ostium semper reperiabant apertum: neque horum labor inanis erat, quandoquidem peccatis primùm confessione patefactis, Philippi deinde suasu oratum ibant: in oratione tandiu erant, quandiu sacri faciendi tempus aduenteret: in Missa communicabant omnes, tum B. Patre annuente, ad diuersa Urbis Xenodochia, quorum praecipua erant Sanctissimi Saluatoris, S. Spiritus, & Deiparae Virginis de Consolatione vulgo dictae, sub silentio ibant; atq; his in locis pijs praesertim sermonibus, ut caetera fileantur, aegros mirum in modum consolabantur, & ad patientiam, peccatorumq; confessionem, & diuinæ misericordiae spem excitabant; deferrebant praeterea secum cibaria, quibus eorum corpora recrearent,

recrearent, quæ res cum eo tempore neglecta esset, difficile estimatu est quantum agris, eorumque custodibus ad animorum salutem prodesset.

Quodam die, anno Domini circiter millesimo quingentesimo quinquagesimo quarto, cum in id omni cogitatione, curaque incumberent, contigit ut inter eundem, Philippo patre eos comitante (quod principio facere consueverat) cum prope Vespasiani Amphitheatrum consisterent, inciderent in hominem prouolutum in luto, ita grauitè affecto agrum corpore, animoque deiectum, ut se erigere nec vellet, nec posset, sed ibidem manere, vel etiam mori statuisset: hunc ubi vidit Philippus, Francisco (id vni ex illis nomen) iubet illico, ut eum in humeros sublatum ad Xenodochium Sanctissimi Saluatoris, quò tendebatur, exportaret: mox ille nulla interposita mora, quamquam longè à Xenodochio aberat, subijcit humeros oneri, & ad locum destinatum solus magno cum sodalium fructu, & ægroti solatio defert.

Predictiones.

VNus ex ijs, qui Philippum sequebantur, nomine Prosper Iudæum hominè quodam die secum duxit, qui vnà cum Beato Patre, quem multi comitabantur, Basilicam Lateranensem ingressus Patre, alijsque in genua ante Aram maximā prouolutis, solus ex tota illa multitudine stabat operto capite, cernice euerfa. Quod cū aduerteret Philippus, accersito eia dixit, frater his quæso verbis Dominum precare: Si tu Christe verus es Deus, animū meum inducas velim, ut auita religione reiecta Christianorū fidē suscipiā: cui Hebræus, Deum

Vitæ lib. primus

F

ut

vt dicis, orare nec possum, nec debeo: tibi enim si morem gererem, de religione, deq; fide mea dubitare viderer, quod Hebraeum hominem non decet. Tum Philippus ad astantes conuersus; rogate, inquit, Deum pro salute Iudaei istius fratris nostri; citò enim, mihi credite, Christo nomen dabit. prae-dictionem, comprobauit euentus: Iudaeus enim paucis lapsis diebus non fidem modò Christianam, sed sacrum etiam Baptisma gratulabundus suscepit.

Confitebatur sub hac tempora creberrimè Philippo pia femina Fulcinia Aneria; Id ubi vir eius Mauritius rescivit, ei confestim iniunxit, ne auderet amplius sacramenta frequentare (ridebat enim is, cum ea, quae Christi erant, ignoraret eo tempore, spiritales seruum Dei profectus) dicebatq; sermonem vulgi secutus, ad deteriora plerumq; prompti, sacramentorum frequentia prorsus abstinendum esse. sed fortis amor Dei feminam virtute muniens impulit, vt coeptam vitam prosequeretur; cui Philippus, ne dubites, dicebat: perge vt coepisti; Mauritius ad bonam frugem breui se se recipiet, quod & factum est: Philippo ille quoad vixit, ad confessiones perpetuò vsus.

Philippi miracula.

In praeter ceteros sacramento firmavit Franciscus Maria Taurusius Cardinalis.

A Egrotabat eodem anno millesimo quingentesimo quinquagesimo quarto Prosper Cribellius, morboq; indies inualecente, ita grauiter æger apparuit, vt omnes iam medici diffiderent: erāt hi Alexander Petronius, Ioannes Monachus cognomento, & Franciscus Lucensis, medicæ artis peritissimi. Ergo sacro iam munitus viatico, oleoque inunctus, pro mortuo

mortuo habebatur ab omnibus; iamque sacerdos moribundum de more Deo, sanctisque omnibus commendat, & lustrali subinde aqua respergit. Quod dum fieret, venit ad eum Philippus cui mox ille: quid causæ est, inquit, quod te ad duos dies non viderim? medici mortem mihi certissimam pronunciarunt, modò quæ consuevit febris accessio venerit: quæ accessit. Tum ille: audiui te bonorum tuorum heredem meo testamento reliquisse, quo nihil grauius venire poterat ad aures meas: hereditati isti cedo, eam tu alteri da: verùm quò clarius videas (subiecit illico) nihil me ex facultatibus tuis cupere, extemplò ad Vaticanam Basilicam me conferam, precatum videlicet diuinam clementiam, vt te præsentis mortis periculo eximat: quod si id obtinere nequiuero, Deo, meam vitam, pro tua vita, tuaq; corporis salute offeram libentissimè: quæ ex re fore spero, vt faciliè quod petam, impetrem. Hisq; dictis, rem narratu mirabilem, cum inter precandum manus illacrymans morienti imponeret, somnus illico iucundissimè ægrum arripuit: quæ ex re, sumpta Philippus occasione Basilicam Vaticanam petijt, ibique per semihoræ curriculum in oratione prostratus, quantà maxima potuit animi submissione in vota effunditur, Diuinamq; Maiestatem pro vita morientis efficacibus precibus fatigat, nec irritus: Eo enim ipso momento, quo ille manus, supplicesque voces ad cælum tendebat, è somno moribundus euigilans, cum semiquadrantem horæ circiter quieuisset, salutem sibi reditam, medicis admirantibus, sensit.

Eodem ferme anno Dominicus Saracenus cum Romæ ad artem medicam se contulisset: cardialgia laborare cœpit grauissimè, medicorumque remedijs

Vitæ lib. primus. F 2 omni-

omnibus longo iam tempore frustra tentatis: Philippi orationibus, in quo vno spes omnis sita erat commendat se se. cui ille: bono animo, inquit, esto, è praesenti aegritudine euades. Quibus ille verbis cum certam haberet fidem, breui, nullo in posterum medicamento ad morbum adhibito, pristinam valetudinem se recuperasse persensit: viuit is adhuc, beneficijque memor rem, vt gesta est, pro miraculo habet.

Sed abeamus ab his, & transeamus ad res à Philippo gestas Paulo Quarto Ponti fice: Marcellum enim hoc nomine Secundum Iulij successorem, cuius Pontificatus tertiam hebdomadam non excessit, praeterimus.

Porro Paulus Pontifex creatur x. Kal. Iunias anno millesimo quingentesimo quinquagesimo quinto: seditque annos quatuor, menses duos, dies septem, & viginti.

Iesu Christi anno Pauli IIII. Pap. anno Aetatis anno
1555 40.41

Philippo daemones se obuios dant:

ANno Domini circiter millesimo quingentesimo quinquagesimo quinto, cum iter Philippo esset, quem multi sequebantur, eum in locum, vbi extant Thermæ, quas Diocletianas appellamus, vidit in quodam pariete vetustate collapso stantem^a demonem hominis speciei quem cum attentius inspiceret, observabat eum nunc iuuenem^b, nunc senem apparere. Quibus rebus daemone insidias agnoscens, Christi nomine imperat, vt qui sit aperiat, His ille videns celerè fuga se se proripuit, odoreque teterrimo quo abiens locum

*Acceptum id à
Vincenzio Te-
costo viro opti-
mo qui inter,
fuit.*

*Lege Oniberti
Monachum in
vita S. Dunsta-
ni Cantuariæ
Epis. apud Sur.
tom. 3. c. 8.*

locum illum compleuit, quem ne bestia quidem ferre possent, quis tandem esset, Philippo, ceterisque qui aderant spectatoribus, patefecit.

Illud hic silentio non inuoluam, quod audus demon eius animi quietis perturbanda, de nocte, quo tempore orationi attentius vacabat, ei se videndum offerebat: Totis enim viribus contendebat ille, ut eius impetus, quibus ferebatur in Deum, si non reprimeret, certe retardaret.

Nocte quadam (incertum mihi est quo tempore id contigerit) supplices ad Deum preces more suo offerenti, adest demon, ut terrorem incutiat. Id ubi B. Vir aduertit, fusa illico ad Sanctissimam Dei Matrem oratione, & cum timorem paruo negotio discussit, & inimici artes pia audacia uicit: nec praeterea minus, imò tantò magis orare perrexit; demon enim, ubi faciem ostentes, timidus: ubi terga verteris, audax. Sed hæc percursum.

Demon Virginali eius pudicitia insidiatur.

Eodem anno, cum videret humani generis hostis animarum fructum vnus Philippi opera singulis quibusque diebus vberiore fieri, solita motus inuidia decreuit eum ab huiusmodi studio illecebra carnis, auocare: id autem per impudicam feminam hac aggredditur arte. Erat in Vrbe meretrix eius laqueis irretita, Cæsaria, cui nihil erat boni præter pulchritudinem. Hæc damone instigante magnificè se iactare coepit apud adolescentulum satis ampla familia, quocum turpiter viuebat, de Philippi animo emolliendo, atque ad libidinem alliciendo: cui ille multam pollicetur

*Sanctorum eadem
fimenit. dia
bolum insidiari
salutem eorum
dem res gesta
affirmant. lege
præter ceteros
Palladium in
Lanfranco, Me-
taphrasem in
Danielle Styli-
ta, Gulielmum
Monachum in
S. Bernardi lib.
1. c. 5. Petrum
Rau. lib. 1. vi-
ta S. Vincentii
c. 12. & Sur. 10.
3. in S. Bernar-
dino.*

*Testes iurati
quampures id
affirmant, in
quibus vnus est
Casar Baronius
Card.*

retur pecuniam, si id tentaret. Accipit impudica femina conditionem, sed timens (quippe quæ nimium in aliena pernicie prudens erat) ne propter egregiam viri sanctitatem, si ipsum apertè aggrederetur, nihil se posse perficere, vnam reliquam esse viam fraudis, & doli excogitauit. quid igitur consilij cœpit mulier dæmonis artibus instructa? illum per ipsum quod adamabat plurimum, speciem honesti aggreditur: mittit ad eum quendam, qui illi deferret se in extremo & animi & corporis periculo esse; ad bonam frugem velle redire, & antea actæ vitæ noxas confessione expiare: rogat per eum, ne velit opem periclitanti animæ denegare. Ille, ut incredibili ardebat salutis omnium charitate latius vehementer oblatam sibi occasionem esse, dispersam Christi ouem ad suum ouile congregandi, domo egressus, eam conuenit, nihil huiusmodi suspicatus. Tum diabolicum illud instrumentum femina (Philippus vix scalas ascenderat) omnis non modò pudicitia, sed pudoris oblita, nudam se se illi obtulit videndam, solo velamine ad carnem coopertam, ut si illi bellè res cecidisset, utiq; rem conficeret. sed vicit, Deo fauente, volenteq; simplicitas calliditatem, libidinem continentia. Sanctus vir ubi suæ insidias fieri vidit castitati, ubi se vinum impugnatū, sibi quod reliquum erat præsidium fuga confestim quæsiuit: sic non minus impudicæ, quàm impiæ, ac turpissimæ feminae profligata petulātia, & dæmonis est astus illus, eiusque demum vires comminutæ: id re ipsa confirmans, quod verbis affirmare solitus erat, cætera tentationum generalia pugnando reprimi, hanc vnam fugiendo potius vinci, quàm resistendo. Interim impudentissima femina, ubi delusam se vidit, nimio pudore perfusa, iracundiaq; exētuans

exarsuans scabellum, quod sibi primum ad manus venit, eius interimendi studio, post tergum coniecit; sed seruante Deo militem suum, nihil ea re laesus, firmo corpore, virtuteq; integra inde exijt, quod sanè non sine miraculo fieri potuit. Quo apud Deū præclaro facinore illud impetrasse cōpertum est, vt plus triginta ante obitū annos, omnibus in posterū careret stimulis^a cupiditatum, sensuq; libidinis. magna sunt hæc profectò, magna, quis neget? sed adiciemus alia non minora.

Eo ipso quoque tempore insigniore alio dono eum exornauit Dominus, scilicet, vt ne inter dormiendum quidem eius corpus vlla impuritate pollueretur, qua interdum vel inuiti inquinamur, idque eò mirabilius quò supinus ille facie semper ad cælum versa somnum caperet. His itaque cumulatus beneficijs eum tranquillitatis statum obtinuit, vt iam non inter mortales mortalem vitam, sed cælestem inter cælestes ducere, & proximè ad pristinum illum innocentiae, integritatisq; statum (si ita dicere fas est) accedere videretur. Refriguerat in eius corpore omnis ardor libidinum: caro spiritui obtemperabat: nullos corroborata virtus impurarum voluptatum impetus extimescebat: ita in illo tactus sensus obstupuerat, vt eius caro lapidis instar omnis pene sensus expers esse videretur.

Dicere quandoq; solitus erat (quamquā id paucis è suis aperiebat) vnū & idē sibi esse, mulierē, atq; lapidem cōtrextare; adeò repressus in illo erat omnis impetus, re stinctaq; omnis cupiditas illecebrarū blāde voluptatis.

Harum rerum sanè admirabilium firmissima, grauissimaque extant testimonia: affirmat id præter ceteros omni asseueratione, qui erat ei à confessionibus, Cæsar Baronius Cardinalis, qui vltimas eius confessiones in extremo vitæ tempore audiuit. Is iuratus narrauit

Philippum

^a
Nullam carnis
tyrannide sen-
sisse S. Equitium
Abb. scribit S.
Greg. Vap. dia-
log. lib. 1. cap. 4.
lege etiam, si li-
bet, Leontium
in Symeone Sa-
lo apud surro-
mā q. Cassianū
collat. 12. de
castitate.

Philippum paucis diebus antequā ex hac vita migraret, eam inter confitendum lacrymarum viū cum singultu profudisse, vt fletum cohibere non posset, vt qui summo se affici dolore diceret, quōd cum multa à Deo dona nullis suis promeritis accepisset, tum hæc præcipue, vt se^a virginem ad illum vsque diem seruasset, trigintaq; plus annos omnibus carnis^b stimulis ita caruisset, vt nullam eius tyrannidem ne in quiete quidem sentiret, ita tamen erga diuinam liberalitatem ingratus extiterit, vt nihil vnquam beata vita dignum egerit, vocationi diuinę haudquaquam responderit. O perfectę integritatis exemplum! O miram Beati viri humilitatem! & hæc erant, de quibus ille multis cum lacrymis ob summam animi demissionem confiteri consueuerat: Ex his itaq; rebus, tanquam ex vberissimo fonte ardor ille fluxit, quo alūnos suos verbis plane diuinis ad castitatis amorē incitare non desistebar. Vult enim cælestis ille spōsus (idq; ipse nouerat) quorum sibi animos perpetuū ad habitandū delegerit habitaculū, eosdē etiam esse ab omni impura corporis contagione seiunctos. Hinc quos carnis tētatione premi sentiebat, eos cōsilio, precibus, cohortatione, omni deniq; ope sanare; eos verō, qui eius essent immunes, conseruare integros conabatur, suæ nō magis custos castitatis, quā defensor alienæ: Illud etiā hic attexā, aded elucere solitū in Philippo virginalis castimonix candorē, vt nemo eum diutius frequentarit, quin de casta vita amplectenda cogitare cœperit.

Communi omnium æstimatione, constantiq; fama virgo est habitus, atque huius quidem virtutis tanta erat in animo pulchritudo, vt in ipsum etiam corpus, in vultum, inq; oculos mentis indices redundaret, vt non modò in ipso sermone, & in omnibus eius actionibus

^a
De eius Virginitate testes iuratos habemus præter Baroniu, August. Card. Cusanū. aliosq; viros optimos.

^b
Fuisse B. P. castitatis dono exornatum etiam Franciscus Maria Cardin. Taurusius publico testimonio cōfirmavit, idemq; alij vt qui à B. viro audire, sacramento testificari sunt: voluit enim Deus, vt tanti doni plures extaret testes, suntq; ij Hieronymus Pamphilius Rot. Auditor, Alexander Fidelis, Germanicus Fidelis: his accedit huius historia auctor, quatuorq; alij Sacerdotes optima fide, quiq; humanitate eius, & probitate in consuetudine quotidiana magnopere delectabantur.

bus; sed in ipsa quoq; facie uirginalis quidam candor eniteret.

Sed quid dicam de hominis honestate, munditieque? nulli hominum unquam, sanus esset ille, uel aeger castissima membra, nudamque^a carnem patere permisit: cuius rei oculatus testis, præter ceteros, ego ipse sum, qui apud eum dies, noctesque assidue eram.

Nihil in eo deprehensum fuit ab aliquo, quod cuiusquam oculos, animumue offenderit: de scurrilibus, obscœnisque verbis ne cogitauit quidem: ita deniq; in omni vita se gessit, ut ab ipso ineuntis ætatis flore cunctis propositum castitatis, Christianæq; modestiæ exemplar videretur ad imitandum.

Illud in Philippo fuit ex multis admirabile, quod ut uirginitatem, ceterasq; virtutes ex odore; ita impudicitia, & id genus alia ex foetore^b diuinitus deprehēdebat. Id porro præter ceteros sacramento testati sunt, Philippo vita functo, complures illorum, qui eo ad confessiones utebantur, quippe quibus huiusmodi infectis peste, sed eam non aperiētibus, ultro ipsemet ante opportuna remedia, & genus morbi, & causas detegeret: filij libera voce dicens, vos male mihi oletis, lapsi estis in id genus libidinis, conscientia noxas deregite, peccatorum venenum confessione eijcite, admissa scelera confiteamini. Quibus illi auditis, rei nouitate attoniti, exponabant omnes sacramento confessionis, quid quisque dolendum egisset in vita, & poenitentiam amplectebantur, animum ad amorem celestium conuertentes.

Quæ autem fuerit eius animi puritas, quæue cordis mundities, id vel ex hoc vno de multis conijci potest, quod excipiens confessiones hominum istiusmodi for-

Vitæ lib. primus.

G

dibus

^a
Idem de magn.
Antonio, atque
Ammone nar-
rat S. Athana-
sius in eorum
rebus gestis.
lege præterea
Cyrillū in Iean-
ne Silentiaro,
& Petrum Rau-
canum in S.
Vincentio lib.
2. c. 7.

^b
Idem de ma-
gno Euthimio
narrat B. Cyril-
lus Monachus
in eiusdem fam-
iliæ viri rebus
gestis; sed id
ipsum de alijs
etiam sanctissi-
mis viris legi-
mus. Atqui nō
me lateo non
desse, qui retrō
aliorum pecca-
torum moderem
perceperunt, per-
currere, si libet.
vitā S. Pachomij Abb. Dionysio Abb. Roma. Exiguo ce-
gnomento Graeco sermone in
Latinū versam,
itemq; S. Hieronymū in rebus
gestis S. Hilario-
nis, S. Athana-
sij in historia
Antonij Magni
& denum res
gestas S. Eirgita
apud Sur-
tom. 4.

dibus inuolutorum, ita teterrimo illo, atq; pestilenti odore, qui ex obscœnis illorum voluptatibus permanebat, afficiebatur, ut manus, aut linteum ad nares admo- uere, seseq; in aliam quandoq; partem obuertere co- geretur: quod admirabili tamen dexteritate, ne quis id aduerteret, faciebat. Narrabat ille tam grauē se ex hoc nefario scelere odorem percipere, ut cum nullo si- bi videretur sc̃torum genere posse conferri.

^a
Id iurans fir-
mauit Federi-
cus Card. Bor-
romæus, idemq;
alijs sacramento
testantur.

^b
Lege magnum
Athanasium vi-
ta S. Anronij
Abbatis.

^c
Lege Palladiū
in Lausaca in
Pachone Abb.

Huc illud etiam summa admiratione dignum acce- dit, quamquam alio contigit tempore. Mulier^a quæ- dam cum frequentare cœpit: hanc B. Pater intuitus, diabolum in ea residere mentis oculis vidit, quamobrē manu ad eum expellendū^b femine diuino instinctu ad- mota, id eo attactu factū est, ut mox tam pestilenti, atq; sulphureo femina halauerit odore, ut eius ille grauita- tem ferre nō posset. Hic ipse odor postea ita in eius na- res importunissimus penetrauit, eiusq; manibus infixus hæsit, ut vix post triduum, ^c quamquam maximam ad- hibuerat diligentiam, eius se molestia liberandi, resti- tutus in pristina videretur. Affirmabat ille post, cum foetorem ex ipso dæmone profluxisse.

Philippus agrotat.

Eodem anno quinquagesimo quinto, cum septem Urbis Ecclesias obiret pedibus, ex labore itine- ris in ardentem febrim incidit, quæ etsi hominem mul- tos tenuit dies, vitam tamen non hausit.

Predictio.

Hanc rem sa-
cramento nar-
rauit Franci-
scus Maria
Taurinus Car.

MAximianus Burghius rogatus à viro quodam Primario, ut secum viuere vellet, accepit ille, in- uitus

uitus licet, conditionem, ea lege, ut cum solius Dei cupidus esset, negotijs secularibus non implicaretur: sed cum vir ille fidem ei datam fallens, hominis opera ad res suas vti tentaret, & Maximianus in voluntate sua maneret, qui in eadē domo erant, Maximiano propter dominum molestissimi esse cœperunt. Ille verò ut magnæ vir prudentiæ, subodoratus id quod erat, illinc vbi primum posset, se subducere decernit: hoc vbi Philippus audit, abscessū dissuadet, ppheticoq; spiritu minitatur, si id fugiendæ crucis studio attentet, quieto nūquam animo vitam traducturum: & certē consilii dicto fides, ille siquidem datum sibi consilium repudians semper maris instar fluctibus vel cogitationum, vel deliberationum (etsi Dei beneficio laudabiliter viuebat) agitari se sensit.

Iesu Christi anno Pauli IIII. Pap. anno Aetatis anno
1555.16 1.2 41.42

Magni ad eum concursus.

C Vm Philippi virtus, nomenq; magis magisq; in dies elucesceret, animorum fructus eiusdem, opera mirificè cœptus est augeri. Conueniebant quotidie in nostrum Oratorium quamplurimi, quorum ille pectora diuini verbi explicatione ita ad pietatem inflammabat, ut laudabiliorem vitæ rationem instituerint, Christoque, abiectis curis inanibus, nomina dederint.

Quotidianis colloquijs hoc vnum vel maximè agebat, ut confluentium pectora ad orationem, ad sacramentorum frequentiam, aliaque pietatis opera accenderet,

Vitæ lib. primus G 2 Ma-

Magnos in pietate progressus, Philippi industria, studioq; habuit Ioannes Baptista Saluiatus è prima nobilitate vir: erat hic Catherinae Mediceae, Franciae Reginae consobrinus, atque Antonij Mariae Cardinalis germanus, qui mira cum significatione pietatis, è vita decessit, adiunxitq; se Philippo anno Pontificatus primo.

Franciscus Maria Taurusius vir genere nobilis Philippo ad confessiones uti coeperat: idq; ubi primum aggressus est, flammam illico diuini amoris suo insidere pectori sensit, quæ usq; eò hominem stimulauit, quoad assiduus Philippi lacrymis, precibusq; eius animus mollitus, totum se illi ut generosus erat, ac nobilis, anno huius sæculi quinquagesimo sexto regendum, gubernandumq; tradidit.

Neque illud hinc silentio prætereundum, quod volens Philippus in hoc, de quo loquimur viro formare Christum, illum in suum ducere cubiculum consueuerat, ubi eo præsentem precibus dans se se, eam spiritus dulcedinem in eius animum instillare coepit, ut in terra cum is esset, quendam tamen cæli, rerumque cælestium gustum sibi percipere, totusq; dulcedine liquefieri videretur.

Constantius Tassonius genere clarus, sed sæculi voluptatibus implicitus, cum monita Beati patris, tota ferme obstupescere Ciuitate, amplectitur, eos, Philippo præceptore usus, in virtute progressus effecit, ut sæpius per hebdomadam sacramenta frequentaret, studia mortificationis, quæ vocant, libentissimo animo amplecteretur, valetudinaria adiret, Philippi demum iussu sacerdos factus quotidie sacrum faceret: quam vitæ rationem ad vltimum diem cum integram, inuio-

inuiolatamq; seruasset, mortem obijt piam, & sanctam, videlicet vitæ consentaneam. Præter hos alij è prima nobilitate non pauci Philippum sequebantur, quorum nomina ne plus nimio crescat præsens oratio, de industria missa facimus.

Consueuerat Philippus profectis diebus, quos Christo genuerat, in tres, quatuorue distributos classes, ad Urbis valetudinaria mittere. Initio verò, quò eo magis ad id muneris suo inflammaret exemplo, coepit ipsemet à prandio ægros in Nosocomijs adire, eosque alloquio, obsequio, omni officio prosequi: qua re excitati qui eum sequebantur, ea ipsa faciendi ardebant desiderio.

Quæ autè fuerit horum pietas in ægros ibidè decumbentes, ex vnius factò discetur. Io. Baptista Saluiatus, cum in id totus esset in Xenodochio, quod Consolationis nomine vulgus appellat, rectà ad ægrum, vt eius sternat lectulum tendit, quem à cubili surgat, demissè rogat. Hic ille contemni se ratus; ne quæso Domine ait, mihi illudas pauperi: nouerat enim iste Ioannis Baptiste licentiam, libertatemq; viuendi; sed ignorabat mirificam eius animi mutationem, qua à terrenarum rerum affectu ad caelestium amorem toto pectore se se conuerterat. Quid multa? permotus ager tanti viri auctoritate, sed multò magis humilitate, vt qui instaret, vrgeretq; vehementius, totus in admiratione defixus è strato exiliit.

Porro Ioannes Baptista id viuendi genus ea mentis firmitate, constantiaque ad obitum vsque retinuit, vt nunquam ex quo tempore primùm manum suam ad aratrum posuit, retro respexerit.

Cæterum in hoc capite de concursu, illud silentio præ-

prætereundū nō est, ea Philippū prudentia, dexteritateq; eos, qui suæ se tradebāt disciplinæ rexisse, vt in omnibus rebus, quamquam arduis, ac difficillimis obedire gauderent, qui iubebantur. Nemo ad eum accessit vnquam consilium aliquod ad animæ salutem petiturus, quin latus ab eo recederet, frigidusq; in Dei amore filios assiduis precibus calefaciebat, nutantes confirmabat.

Predictiones.

Eodem Christi anno millesimo quingentesimo quinquagesimo sexto, mense Augusto, ægrotabat Gulielmus Bucca: quod vbi Philippus rescivit is, dixit, è præsentī morbo haudquaquam conualescet: nec verba in ventum iacta. Aeger eo ipso oppressus morbo, eodem anno supremum diem sacramentis Ecclesiæ præmunitus expleuit.

*Id Franciscus
Maria Tauru-
sus Card. iura-
tus narrat, idē-
que alij sacra-
mentis affirmāt.*

Eodem, vt opinor, tempore crediderat Franciscus Fortinus, quem Philippus Christo genuerat, Alexio Bettino (multum pecuniæ, fama erat, possidenti) numeros aureos tercentum, idq; incio Philippo, inconsultoq; Hoc vt ad eius aures peruenit, trapezitæ et si ignarus, alumno confestim iubet, vt eam pecuniam, nulla interposita mora repetitum pergat, paret ille momenti, & quamquam puderet eum vesperi repetere, quod manē Argentarij fidei commiserat; tamen obedientiæ meritum aspiciens, parere Philippo maluit, quàm sibi ipsi indulgere resumptaq; ab Alexio pecunia, lapsis paucis post diebus passim apud omnes peruulgari cœptum est Argentarium cum nil minus de eo cogitaretur, decoxisse; quandoquidem infortunio fortè aliquo, non nequitia, vt credi potest, absupto patrimonio simulque

simulque priuatorum pecunijs, creditoribus fidem fefellerat .

*Modium moribundum bis è faucibus
mortis eripit .*

EOdè, vt opinor, anno Io. Baptista Modius Calaber, qui inter alios Philippi filios præcipuus erat, bis vno ferme tempore à media morte eius opera reuocatus fuit . Erat is professione medicus, vir doctus æquè ac pius, cuius liber de aqua Tyberina inscriptus, vt mis fas faciam, quas in B. Iacobi Tudertis cantica elaborauit notationes, non sine auctoris laude circumfertur.

Inuaserat eum primum grauissimus morbus; ea mali vis erat, vt Petrus Antonius Contugius, & Hyppolitus Saluianus medici ea t èpestate primarij de eius salute penitus desperarent . Die quodam morbo crescente Modium ad paucas horas vitam producturum pronuntiât: ex pulsu enim arteriarû, alijsq; signis mortis proximum esse compererant . cum ergo ille sensibus prope omnibus destitutus haud procul abesset interitu, adfuit Philippus, qui vt hominè, ex cuius priuatis colloquijs multus colligebatur animorum fructus, à mortis faucibus eriperet, solus se in quodâ cubiculo abdidit: ibi pro ægri salute eo animi ardore diuinam cœpit implorare clementiam, vt plus quinq; cubitis in altum toto corpore attolleretur, eius facie mirum in modum radiante: cum sic autem vnam & dimidiam circiter horam sublimè elatus precibus institisset, ingressa mulier; cui Margaritæ nomen, quæ Modio cibaria præparabat, in cubiculum orantis, eum diuina vi sublatum à terra

terra lumine splendere, faciemque solis instar radios
emittere deprehendit; quo visu illa primùm territa, mi-
raculum exclamat, miraculum. exciti hoc clamore qui
moriēti affidebant, cōfestim accurrunt: summis in tene-
bris splendere omnia, Patremq; in altum elatum cer-
nunt. Interim ille in se reuertens gratulabundus ad
Modium tendit, astantibus tantę rei miraculo stupen-
tibus, manibusq; eius capiti admotis, hominem nomi-
natim inclamat; bono animo esto, haudquaquam ex
isto morbo morieris. Quibus dictis redire agro mox
cœpit vox cum sensu; B. Patri respondit, quocum lon-
gum sermonem habuit, ac paucis pōst diebus ē morbo
planē conualuit. Hanc porro rem adeò miram, vt erat
gesta, sacramento mihi, alijsque narrauit post Philippi
obitum, Bernardinus Corona^a ciuis Romanus, affecta
ætate vir, pietatiq; deditus, atq; vnus ex antiquiori-
bus eiusdem alumnis; eo enim viuente id ipse vni tan-
tū, vel alteri secretò aperuerat; omnibus enim pa-
lam indicare nunquam ausus fuerat, ne Philippi
modestiam offenderet, quam quidem offendisset gra-
uissimē.

^a
Idem alijs iure-
iurando firma-
runt.

^b
Accepimus id
à Franc. Maria
Taurusio Car-
dinali. hoc ip-
sum Ioannes
Franciscus Bor-
dinus Auenio-
nis Archiepi-
scopus publico
testimonio con-
firmavit.

^c
Idem Magno
Antonio acci-
disse scribit B.
Athanasius Epi-
scopus in eius
vita.

Nec vna hac in re Philippi is expertus est opem:
non multò post cum vesicę calculo laborans^b vrinę
reddendę difficultate vexaretur, grauitas morbi fecit,
vt desperatis iā medētū auxilijs salute pereclitaretur:
Ergo inuisit eū Philippus, eoq; vt par erat, ad patiētiam
cohortato, in templum ad preces pro illo fundēdas per-
rexit, ibi in feruore spiritus orans continuo salutis filij
desiderio: lacrymę^c in eius facie esse cœperunt, quę si-
mul atq; ex oculis fluere visę sūt, eo ipso momēto vrinę
simul & calculo iter patuit: qua ex re ita se æger alle-
uatum sensūt, vt ex incommoda illa valetudine penitus
emerferit

emerferit.

Huius deinde opera B. Pater in enarrandis priscorum Sanctorum rebus gestis magno cum fructu, & solatio audientium usus est: erat enim melliflua quadam facundia praeditus, qui cum verba ad multitudinem faceret, utile dulci miscens astantium pectora mira quadam suauitate replebat: denique cum magna in pauperes flagraret charitate misericordiae, Christianaeque pietatis operibus maximè deditus, aliquot post annis in Dei famulatu absumptis obiit ita religiose, pieque, vt vitae responderit eodem tenore transactae.

Iesu Christi anno Pauli IIII. Pap. anno Aetatis anno

1557

2.3

42.43.

Visiones.

Vincentius, qui vitam Philippo Magistro usus cum pietate duxerat, Philippo itidem eo ipso momento, quo obiit, a se se ostendit, quem ille nubes^b penetrantem propriis oculis intuitus est. Incidit ea res in annum Domini millesimum quingentesimum quinquagesimum septimum.

Sub idem tempus Marius Tosinus^c nomine, vir pietati deditissimus vt obiit, eidem confestim apparuit, cumque eum bis nominatim maxima voce inclamasset, celum luce clarissima circumfusus illo ipso vidente ascendit.

Sed hoc loco res videtur poscere, vt paucis explicem quid ille de visionibus sentiret: Visiones, dicebat, seruorum Dei aspectibus se se obiciunt, sed ex hoc omnia pendent, ut qua decet animi demissione eas ho-

Vitae lib. primus.

H

mo

Sanctissimi vi-
ri, animas ser-
uorum Dei re-
cens vita fun-
torum calum
frequenter con-
scendere videt.
lege S. Athana-
sium in S. Anto-
nio, S. Hierony-
mum in Paulo
primo Eremita.
B. Cyrillum mo-
nachum in SS.
Euthymio. Ioan-
ne Silentario,
S. Saba, Euiro-
tum in Prato c.
17. S. Gregoriū
Pap. lib. 2. dia-
log. cap. 33. 34.
35. lib. 4. c. 40.
Bedam in S.
Cutherto apud
Sur. rom. 2. c. 34.

Obiit 4 Idus
Februarias.

Hanc rem in-
ratus narravit
Federicus Car.

Berromani, idē
scire alij ad
sex.

Vincentius, &
Marius ex So-
dalis S. Trini-
tatis fuere.

mo excipiat.

Illud frequenter monebat alumnos, ne visiones curarent: quandoquidem quisque facile hisce in rebus (cum Angelus satanæ boni Angeli specie hominibus appareat) labi turpissimè potest. Hinc ille ita ab omni visionum, ac revelationum lubrica quadam, ac spiritualibus hominibus maximè periculosa curiositate abhorrebat, ut qui talibus delectarentur, acri sermone corripere; liquidò affirmans nihil esse in laqueis diaboli piis hominibus perniciosius, quàm vesana hæc dæmonum ludibria: in moribus corrigendis, vitiis extirpandis, virtutibus amplectendis, inq; demum moderandis affectibus, & consimilibus assiduam, diligentemque operam ponendam inculcabat. ergo visiones respueudas esse docebat, nec dedignari Dominum, si id fiat etiam si ille ipse verè appareat.

Cæterum cum de visionibus hic verba fecerim, non ab re opinor, erit, si quam ille harum rerum notitiam habuerit, paucis nunc historiæ apponam: Ea enim talis erat, ut veras visiones à falsis paruo negotio cognosceret.

Cuidam precibus insistenti tanta, tamq; mirificæ lux se se repente obiciebat, ut momento pene temporis quamplurima de rebus diuinis clarè perspiceret: cumq; is dæmonis insidias veritus, nosse cuperet, an id diaboli opera fieret, Religiosos quamplurimos magni nominis consuluit, quorum responsis cum contentus non esset, ad Philippum tandem confugit, nec sanè frustra: Namq; adeo ille confestim planè atque dilucidè quæ vera esset, quæue falsa visio, explicuit, ut is liquidò iam comperiret à quo spiritu ea lux in suam mentem immitteretur.

Fran-

Francisco ex eius discipulis vni Ferrariensi cogno-
mento ^a dæmon noctu Sanctissimæ Virginis instar ap-
paruit: id autem eo consilio, vt vel sic hominem ea
specie facilius deciperet: idq; cum is manè ad Philip-
pum detulisset; non tibi inquit ille, Sanctissima Dei
Mater, vt putas, sed dæmon eius forma se se videndum
obtulit: itaque cum primùm eadem visio tibi se denuo
obiiceret, faciem eius qui apparet conspuas iubeo.

^a Que de Ferra-
riensi hoc loco
narramus à
Francisco Ma-
ria Taurusio
Cardinali didi-
cimus, id ipsum
etiam ab alijs
quibusdam vi-
ris optimis qui-
dem, et integre-
rimis accepti-
mus.

Insequenti nocte, Ferrariensi magno animi ardore
precanti dæmon eadem specie, eodemq; fulgore mi-
cans præsto est, qui præcepti Beati Patris haud imme-
mor, diaboli mox faciem sputo fœdat: qua re confu-
sus dæmon, turpiterq; superatus euauit: vixque ille
aufugerat, cum sacratissima Virgo ei se se palàm osten-
dit, eumque vt faciem eius conspuat, modò id possit,
monet: demum recreatum mirificè relinquens, subli-
mis abiit.

Erat is magna animi simplicitate præditus, Ange-
lorum voces audiebat, meretrices ex fœtore depre-
hendebat: nec his solis eius ornabatur animus virtu-
tibus, quandoquidem ex eius oculis perpetui ferme la-
crymarum riuuli profluebant; idq; præsertim cum vel
sermonibus, qui de rebus diuinis fiebant, interesset, vel
diuinissimo Eucharistiæ sacramento, quod singulis de-
sumebat diebus, se reficeret.

Cum is quodam die, ^b quòd ex calculo laboraret, Id ipsum &
vrinam facere non posset, ad Deum conuersus; fac, ^c quod sequitur
rogo, Domine, vt nec purgandi alui facultas mihi sit
vlla. hæc vix effatus erat, cum derepentè absque vllo
sensu doloris vrina profluxit. ^d à Francisco
Maria Taurusio
Cardinali
audimus.

Cum alio die inter eundem Iudæus quidam sibi oc-
currisset, tanto repentè eius ad Christum conuersionis
Vitæ lib. primus. H 2 desi-

desiderio inflammari se sensit, vt totos tres annos Deū pro illius salute rogare destiterit nunquam : triennio exacto, cum ad Basilicam Sancti Petri diuinam rogatum clemētiam se recepisset, ex improviso tumultuantem quasi turbā sibi audire visus est: ergo foras egressus Iudæum de quo loquimur ad sacrum Baptisimatis fontem properantem videt. Qua ex re tantam cœpit animo voluptatem, quantam dicere vix nemo sufficeret, lacrymasque præ dulcedine tenere non poterat: & de discipuli sanctimonia satis.

*In Indias ad infideles Christo adiungendos
pergere cupit.*

Eodem huius sæculi anno quinquagesimo septimo cum vesperi post fusas Deo preces epistolæ de rebus Indicis in eius cubiculo legerentur, tanta cupiditate ardere cœpit infideles ad legem Euangelicam reducendi, vt statuerit ad Dei gloriam, difficultatibus omnibus, periculisq; spretis, quæ plurima, maximaq; se se ei offerebant, vnā cum Francisco Maria Taurusio, Ioanne Baptista Modio, & Antonio Fuccio, alijsque è suis alumnis ad viginti in Indias proficisci.

Verum, vt in huiusmodi deliberationibus fieri solet, cogitauit primū, vt rem Deo assiduis precibus commendaret: Nihil enim ille aggrediebatur vnquam magni vel parui momenti id esset, nisi consulto prius, ac propitiato Domino; deinde quò de diuina voluntate certior fieret, vt pios viros consuleret; postremò vt qui inter eos sacerdotij capaces essent, sacerdotio initiarentur: tum vt petita à Pontifice Maximo benedictione, atq; licentia, longinquo, ac periculoso itineri se se com-

committerent. Is profectò omnium ardor erat, vt terrores, vitæ pericula, dæmonum tentamenta, æumnas pro nihilo ducerent, graua quæq; nimirum ob Christi fidem disseminandam patiendi cupidissimi.

Ergo Philippo eam in rem intento hanc mentem iniecit Deus, vt religiosum quendam è Sancti Bernardi familia sanctitate conspicuum adiret, eius voluntatem illo interprete, ac deprecatore, audituro; quod fecit.

Præerat is eo anno Monachis Cisterciensibus apud Coenobium SS. Vincentij; & Anastasij martyrum ad aquas Saluias: parentes habuit, vt Francisco Maria referente didici, ea sanctimonix laude exornatos, vt præter cæteras consuetudines Christiano homine dignissimas, hanc perpetuò tenuerint, vt biduo antequam procreandis liberis iuxta matrimonij sanctissimas leges operam darent, peccata confessione exponerent, sacraq; se se Eucharistia reficerent; quibus peractis, Deum rogabant enixè, vt talem ipsis filium daret, qui dignus esset in numerum seruorum eius adscribi: migrarunt hi è vita ea sanctitatis fama, vt illos existimarint omnes ad eum locum, qui rectè morientibus patet, sibi aditum aperuisse. Horum filij, filiaq; eiusmodi in rebus pijs progressus habuere, vt sanctissimè & vixerint, & obierint.

Nunc ad Philippum, cuius cum animum Augustinus Ghettinus (id erat Monacho nomen) cognouisset, inducias petit: oratione enim rem à Deo respondit queri oportere. Supplicatione completa Philippo narrat, Romam, non ad Indias euocari, Indiasq; eius Romam esse, apparuisseq; sibi S. Ioannem Euangelistam, qui diceret Deum ita velle, vt Romæ ad ipsius vineam

neam excolendam maneat, vbi multos eidem filios aggregabit; Romæ quippe, & eius, & alumnorum opera ad plurimorum salutem vti decreuisse. Retulit is etiam vidisse se aquas, vulgò trium fontium appellamus, in sanguineum colorem mutatas: quare apertissime significari dicebat, nouam Vrbi procellam impendere, quod etiam ab eodem Apostolo se accepisse narravit, totiusq; visionis ordinem Philippo exposuit.

Tum his ille auditis ad omnia se pro Christi arbitrio paratum ostendens, sermoni serui Dei cessit, Romæ manere statuit, vbi quàm strenuè in animorum salute procuranda elaborauerit, quotuè fructus ediderit, nullus est qui non norit.

Iesu Christi anno Pauli IIII. Pap. anno Aetatis anno

1558

3

43

Alia per eum instituta ad animorum salutem.

VErùm cum maior quàm pro loco, vbi sermones habebantur frequentia, de eo mutando cogitari coeptum est: impetrauit itaq; Philippus anno huius seculi quinquagesimo octauo, à Sodalitio Charitatis, vt super fornicem dextri lateris Ecclesiæ (locus is erat satis amplus, nulliq; tunc vsui destinatus) populum congregaret, sermonesq; haberet.

Interea cum assiduis, ac quotidianis diuinarum rerum sermonibus accedentes excoleret; videns maiores in dies auditorum accessiones ad diuina colloquia fieri, visum ei est è suis aliquot huic operi destinare: elegit itaque Franciscum Mariam Taurusium, et Ioannem Baptistam Modium tum laicos. Hi vbi ad multitudinem verba facere coeperunt, ita auditorum voluntates in Dei amorem accendebant, vt se mox tanti, tamque eximij

eximij parentis filios esse confluentibus ostenderent. In horum numerum aggregauit postea Philippus Antoniũ Fuccium, & Cæsarem Baronium Soranum, aliosque qui Parentis exemplum manibus, pedibusque imitati, similesque fratrum suorum opus Dei miris modis magno cum animorum fructu iuuabant.

Excogitauit præterea Philippus, quò vehementius ad Dei amorem confluentium pectora inflammaret, inflammataq; ab omni incommodo, detrimento, molestiaque sincera, & integra conseruaret, vt eodem loco singulis quibusq; diebus; hieme postrema hora diei; æstate tertia & vigesima, ad certum campanæ signum Oratorium aperiretur, quo non solum nobiles, sed etiam plebei oratum conuenirent. Modus, qui tenebatur, is erat: post dimidiæ horæ secretam, ac mentalem, quam vocant, orationem ad horologii normam dimensam, quatuor hebdomadæ diebus tertia, & quinta feria, & sabbato, ac Dominico die Litaniæ recitabantur, quibus & publicæ, & priuatæ res commendabantur Deo; reliquis diebus, qui supererant, secunda, quarta, ac sexta feria, lucerna in laterna abscondita, quæ papiraceam in anteriore facie, Saluatoris nostri in crucem acti effigiem habebat, quæq; sola à fratribus cernebatur, singuli, qui eò conuenerant, funiculis tanto temporis spatio se se percutiebant, donec recitato prius breui Dominicæ Passionis compendio (cui id est initium. Recordemini fratres carissimi) totus psalmus quinquagesimus, & centesimus vigesimus nonus, atq; antiphona Salve Regina, vel alia, quæ tempori congrueret, mœsta, ac lugubri voce caneretur. Quæ consuetudo Christianæ pietatis plena hodie apud Patres nostros magno cum animorum fructu perseverat.

Alumnos

Alumnos Philippus omni ope iuuat.

INterea cum maior in dies hominum concursus eodem tempore ad eum fieret, & Oratorij opus ferueret, plurimis quotidie ad colloquia conuenientibus, hunc ille morem induxit, vt primùm vel ipse legeret, vel alijs legendum traderet librum, qui de rebus spiritualibus ageret: quo factò, eorum quæ lecta erant, occasione, vnum & alterum, vel plures ex circumstantibus interrogabat varijs de rebus, vt de virtutibus amplectendis, de vitijs fugiendis, & id genus alijs; quibus primùm, qua decebat modestia, respondentibus, tum Philippus reassumens omnia vno, eodemq; tempore, non fucato, & artificioso sermone, sed puro, simplici quoque eloquio, tanto animi ardore de diuinis rebus differebat, vt auditorum pectora inflammaret, eosque ad pietatem amplexandam mirum in modum prouocaret, incitaretq; eorum verò qui iam Christo nomen dederant, voluntates vehementius accenderet.

Diuinis colloquijs peractis Philippus vt pastor bonus, ac prudens oues suas ad alia noua pascua educere consueuerat: ad templum B. Mariæ super Mineruam, ibatur frequentius, ibique diuinis officijs in die, aliquando etiam nocte matutinis, qui eum sequebantur intererant.

Viguit is vsus donec Oratorij nostri institutum in Ecclesiam primùm S. Ioannis Florentinorum, & deinde in aedes nostras S. Mariæ à Vallicella translatum fuit. Quibus in locis omnia ex præscripto Philippi Patris ad certam rationis normam dirigebantur, diligenterque perpendebantur.

Addam

Addam huc præterea quod Philippus tantopere cupidus erat suos in Christo filios ad studium orationis inflammandi, ut eorum pectora suis precationibus mirum in modum accenderet: rem exemplo notificabimus.

Cum per id tempus Simo unus de illis, orationi in eius cubiculo insisteret, tanta repente, Philippo pro eo supplicante, lætitiæ cælestis vi perfundi se sensit, ut integram horam, quam in oratione consumpserat, momenti instar iudicaret, perpetuòque orare ea dulcedine perfusus elegeret.

Non omittimus recensere quòd Martius Alterius nobilis Rom. (qui Paulo III. Pont. relicto sæculo, Christo, magno, fortique animo se adiunxerat) dicere solitus erat, ea lætitia, cum in Philippi cubiculo esset, perfundi, ut id cubiculū iam non sibi cubiculū, sed Paradisus quædam terrestris esse videretur. Peruenerat is ad eum sanctitatis gradum, ut de rebus diuinis ex nimia spiritus affluentia, Moyfis instar, loqui vix posset. Ea erat præterea in pauperes pietate, ut stragula, quibus ad lectum in quo cubabat, utebatur, ipsis tribueret.

Hæc à B. Patre accepimus.

Philippus insuper illud præter cætera erat assecutus, ut quos pectori admoueret, in Dei amorem inflammaret mirificè, eorumque animos ad virtutis desiderium impelleret.

*Demonem à moribundo Sacerdote
fugat.*

EO ipso anno millesimo quingentesimo quinquagesimo octauo, Persianus Rosa Sacerdos, qui
Vitæ lib. Primus. I Philippo

Philippo à confessionibus erat, ægrotabat grauissimè, cumq; ad vltimum periculi venisset, à diabolo nigerri-
mi canis specie vexari cœpit accerrimè.

psal. 42.

*Id ab oculato
teste acceptum.*

His in angustijs diuinum magna animi demissione implorabat auxiliū, illud psalmi frequenter inclamās :
Iudica me Deus, & discerne causam meam: cūq; hunc in modum cū communi hoste decertaret, venit improvise Philippus, quem vbi ille vidit, ^a clamare continuo cœpit, adiuua me Sancte Philippe: est hic canis colore nigerimus, qui me lacerare nititur; succurre quæso, succurre quod potes, ne deuorer. Quibus verbis motus B. Pater humi illico, astātibus primū vt pro egro vel semel orationem Dominicam recitent iussis, se se prostravit; quod cum faceret, ecce tibi ille de repente magna voce dicere cœpit: canis recedit, fugit canis, en in limine ostij stat: tum surgēs ab oratione Philippus piacularis aquæ asperione demonem ab eo etiam loco fugauit magno cum solatio morientis, qui lætus effectus nullum faciebat agendi gratias Deo, Beatoque Patri modum: ea verò molestia, horribilique visu non modò in præsens, sed etiam in posterum liberatus, magna cū animi trāquillitate è vita migravit Kal. Aprilis.

Prædictio.

*Id sacramento
firmavit, qui
interfuit Aloy-
sius Amis Gal-
lus. Hoc ipsum
alumnus B. Pa-
tris notissimum
est.*

Eodem anno post Christum natū millesimo quin-
gentesimo quinquagesimo octauo, duo ex eius fi-
liis spiritualibus Franciscus, ^b & Ioānes Baptista Sara-
cenus Religioni S. Dominici se addicere decreuerant:
id vbi Philippus rescivit, Ioannes Baptista (dixit) sacro
indutus habitu eos in virtute processus efficiet, vt ad
vlti-

ultimum vsq; diem in suscepto genere vitæ cum laude
persistat. Franciscus, quæ humana fragilitas est, labo-
re victus, dæmone sollicitante, exuta Religiosorum
veste Aegyptum repetet: nec euentus defuit. De hoc
ipso Io. Baptista narrauit ille Dominico Saraceno, eius
faciem ab se eximio quodam fulgore coruscantem con-
spectam fuisse: is itaq; iij Kal. Maias Dominicane ad-
scriptus familia, Petri Martyris nomen induit, atque
apud socios auctoritatis habuit plurimum, Generalis
locum tenuit ordinis Vicarius renunciatus, decessitq;
sanctè, pièque.

Alumnum in morte mirabiliter adiuvat.

HAbebatur eodem anno inter Philippi filios iue-
nis quidam Gabriel Tana ortu Mutinensis: hic
inter Aulicos Ioannis^a Cardinalis Politiani magna
cum vitæ integritate vivebat, bis per hebdomadam
peccata confitens, Eucharistiæq; saluberrimo se se ci-
bo reficiens: cumq; sic vitam institueret, incidit in
morbum, à quo cum nec medicorum arte, nec medici-
næ remedijs leuari tantisper posset, ultimam vitæ ho-
ram, quam sibi instare sensit, more hominum horrere
cœpit, mori verebatur, vivere cupiebat, respondebatq;
his qui cum solabantur, de me quod Deo libitum est
fiat, ipse me ad eius voluntatem conformo, ipse me
totum illi committo: tamen cum caro spiritui aduerse-
tur, diuturniorem vitam in terris agere recepta valetu-
dine cupio, & Philippo, qui de vitæ statu ipsum inter-
rogarat, lætus sum, dixit, de spe, quam habeo è præsentis
morbo conualescendi. Hic ille diaboli insidias præ-
sentiens, vt qui de eius morte diuina iam reuelatione,

*Eius rei histo-
riam qui adfuit
Iacobus Mar-
mitra Italice
conscripsit. In-
tersuere eidem
spectacula quos
è Philippi scho-
la erant, quoru
maior pars ho-
die superses est.*

Vitæ lib. primus I 2 cogno-

Philipp. 1.

cognouerat pet it ab eo primùm vt suum sibi velle, suumq; nolle traderet, deinde astantes precibus instant, monet. Tum ille precari aggressus eo spiritus ardore orauit, vt rediens, supplicatione complera, ad moribundū, eiusmodi in eo inuenerit animi mutationē, vt cum Apostolo iam diceret. Cupio dissolui, & esse cū Christo. Hæc dum magno sensu proferret, Philippum intuitus vultu in eam partem conuerso, Ora pater, clamat, vt in Paradisum quantocius fieri potest, ingredi merear: vitæ odium cœpi, vitæq; mihi molesta valde est ea causa, vt cum Deo sim: astantesq; subinde respiciens date mihi ait, sanctissimam Crucifixi imaginem, illamq; porrigite, quæ usui fuit Iulio collegæ meo animam agenti, qua accepta totus præ dulcedine perfundebatur lacrymis. Hortabaturq; præterea ex intervallo sodales, vt Deo ex animo deseruirent, cunctis huius sæculi vanitatibus neglectis, in has sæpè prorumpens voces; vita præsens, credite vobiscum loquenti, mihi fastidio est: mori vellem, vt Deum meum contemplari possem assiduè. Hæc effatus Philippum appellans, ad hanc diem oraui te Pater, ut cum Deo ageres saluti me restitueret, nunc rogo te quàm studiosissimè possum, vt orationibus me tuis ex ergastulo corporis liberes, atque soluas.

Interea deficientibus in eo viribus corporis, die sequenti, qui fuit Kal. Septembris, & vitæ eius postremus, in id totus, iam sublimium appetens, incubuit vt se ad piè, Christianèq; moriendum præpararet. Erant apud eum assiduè ex schola Beati Patris quamplurimi, quibuscum & ipse aderat Pater, qui tandiu apud eum esse voluit, dum in vesperam inclinaret dies, quo tempore iterum dicere cœpit ager; in cælum proficisci cupio

pio Pater, hoc vnum ex omnibus mihi cordi est: cui cū responderet Philippus; si Deo placeret, vt præsentem morbum diutius sustineres, nonne voluntatem eius cupiditati tuæ præferres? tum Gabriel, et quid est hoc verbum? iam dixi tibi sæpius ex corporis vinculis in cælum emigrare ardentem cupio; adeò totus Dei videnti ardeo cupiditate, vt nulla res me grauius afficiat quàm hic manere diutius: ergo precare Dominum, vt ante quintam noctis horam ad eum euolem: tum Philippus, quod petisti, consequeris: id tamen te monitum velim, dæmonem multas tibi paraturum insidias, varijsq; tentationibus (quas singillatim enumerauit) animi tui constantiam aggressurum; sed nulla in re, crede mihi, nocere tibi poterit, si memoria, vel maximè retinebis, te voluntatem tuā dedisse Deo; caueas ne quicquā formides, Christus in te ipse vincet omnia. In profectiōe verò (domum enim remigrare precatum diuinam clementiam pro illo in animo habebat) ægrum Ioanni Baptistæ Saluiato, & Francisco Mariæ Taurasio commendat, iubetq; se necessitate ingruente accersiri.

Vix hora abierat, cum Gabrieli comparanti se ad quam religiosissimè decedendum eam obicit mentem diabolus, vt cogitare cœperit se iustū esse, nulloq; pacto sibi de æterna felicitate ambigendum cumq; qui affidebant, nocturnas agentes excubias, litanias pro eo recitarent, cum ventum esset ad illam precationem, A mala morte libera cum Domine, subrisit ille, caputq; agitans aliquantulum secum ipse dicere cœpit: Is in cuius corde Christus inhabitat, liber est ab malæ mortis periculo: quibus dictis, etsi initio nonnihil ea tentatione cōmotus, tamen vbi se collegit, cogitans quod dixerat, illā a se reijcere omni studio contendit, clamans, dicenq;

dicensq; quæ est hæc suggestio diabolica quæ me inuasit? vestris quæso fratres orationibus adiuuate me.

Nec hic finis certaminis: Eius enim virtute victus infestissimus hostis aliud pugnae genus perdendi eius gratia excogitavit: Ergo impedire eum omni studio coepit, ne sanctissimum Iesu nomen pronunciare posset: Rogarat enim ille amicos, ut supremis appropinquantibus id nomen in memoriam redigerent, quod inuocare summopere cupiebat. Quamobrem clamare coepit, dicereq; Eia fratres opem ferite, pronunciare nequeo, nequeo prorsus; succurrite itaq; moesto, succurrite laboranti: cumq; rogaretur, quid esset, quod proferre non posset, annuere sanctissimum Iesu nomen? annuit illico, versusq; ad Iacobum Marmittam. Quid hoc inquit, rei est quod Iesum inuocare nequeam? atqui ex his summa vis daemone dignoscebatur; quandoquidem cum id nomen clara voce inclamaret, videbatur nihilominus sibi illud exprimere neutiquam posse; astantibus, qui monebant, ut quod ore dicere nequiret, corde tacitus proferret, in hæc verba respondit; graue iam mihi videtur fratres, Sanctissimum Iesu nomen appellare, quinimò eò redactus esse miseriarum mihi videor, ut eius ne sonum quidem sustinere vix possim.

In hac tam acri pugna, in qua circumstantium sermone, cohortationeq; eius virtus confirmabatur, laboravit plurimum, sed cum ea tentatio hominem adhuc vrgeret vehementius, ut totus iam præ animi anxietate, & corporis defatigatione sudore maderet, visum est amicis nuntium mittere ad Philippum, cuius aspectu æger mirificè recreatus, sapius tanti viri hortationibus unà cum eo sanctissimum Iesu nomen expedita lingua inclamavit; mi Iesu (aiebat) mi amor, mi sponse. qui-
bus

bus dictis, mox secum ipse, ac cum amicis querebatur de tam graui certamine, quod integram circiter horā dæmonis arte sustinuerat. Cumq; latus sic esset, cœpit iterum non multò post clamare; Eia Pater, filio succurre tuo; eadem qua ante teneor difficultate sanctissimum Iesu nomen pronunciandi. Hæc cum ille dixisset, Philippo pro illo precibus insistente, mox ea liberatus molestia Iesum libera voce, magnoque sensu Crucifixi imaginem intuitus, identidem appellabat.

Interim cum quieto iam animo esset, ecce rursus satan, qui, quem his (de quibus diximus tentationibus) superare nequiuerat, infidelitatis assimulatione supplantare, atque euertere aggreditur; ei itaque res nostræ religionis ita representauit, vt videretur sibi, de fide dubius esse, obiiciebatq; præterea animo ex eo morbo surrecturum omnino. Inter has itaque res varijs agitatus curis nouas diaboli fraudes Philippo aperit, rogatque se adiuet, quò amissam cōscientiæ pacem recuperare, dæmonemq; vincere possit: cui ille; contemne fili, contemne diabolicas hæc machinationes, dic; credo, credo. quæ verba, qua inquam vnà cum Beato Patre reperebat crebrius, tamē cum ipse sibi videretur in his, quæ ad fidem spectant, suspensio animo esse, affer tu itaque pater, iterum clamat, afflictiſſimo opem, ne peream. His verbis commotus Philippus, cuius pectus ardebat charitate, circumstantibus primum, deinde ægroto iniunxit, vt Symbolum Apostolorum clara voce pronunciaret, idq; si ore præstare non posset, corde saltem vnà cum alijs recitare conareretur. Tum in preces se se dante, extemplò omnis illa diabolica tentatio euanescere cœpit maximo cum solatio morientis, qui paulisper respirans, satanicis
illis

illis laqueis absolutus, dæmoni recepto animo his verbis insultat, te inuito credam, te nolente credam, velis nolis, credam. Deo meo, repugnante te, quoad vixero fidelis ero assidue: quæ cum effaretur, astantibus Apostolicum Symbolum recitandi finem facientibus, ab istiusmodi molestia, corpore licet fessus (vires enim illi minuerat ea cum diabolo pugna) prorsus quieuit.

Diabolus interim etsi sæpe victus, sed quæ est eius inuidia in humanum genus, tertio in eum insurgit: pugna autem grauissima ac periculosa, eaq; prioribus & immanior, & intolerabilior, ecce quippe tibi, offert se fœda facie, & horribili ad aspectum diabolus, vt inijciat morienti terrorem, eumque ad desperationem inducat, perinde quasi eò ille redactus esset, vt vnde salutem sperare posset, non haberet: Erat itaque iuuenis inter has curas graui pressus mœstitia, totusq; præ horrore, ac timore contremiscebat, seuerò, tristiquè vultu, terribilibus oculis (faciem enim mutauerat) cuncta mirabundus circumspiciebat, è gestu dæmonem se videre ostendebat, dicebatq; secum ipse; Heu, heu quàm infelix es Gabriel! heu quot cõmisisti flagitia! O me miserum! pelle Pater hos canes ^a colore nigerrimos, qui me circumstant: si me Pater amas, hos dæmones fuga, pelle eos: cuius necessitati occurrens Philippus, confirmat timentem, excitat fidem, commemorat diuinam misericordiam, ad eam confugiat, hortatur, Christum pro eo passum monet, rogatq; vt unà cum sponsa ^b in foramina petræ, inq; cauernam maceriæ se se recipiat, vbi pax summa est, victoriam pollicetur. Quibus dictis, flexis mox ad fundendas pro eo preces humi genibus, letuloq; innixus dæmonem increpauit; iubeo tibi Christi nomine, vt hinc abeas quamprimùm: cuius virtuti cum

Dæmonem canis specie apparere solitū tradit præter cate. vos Leontius Episcopus in Si meone Salo c. 25. apud Sur. tom. 4. et Petrus Damianus in Romoaldo cap. 67. & Iacobus Vitriacus lib. 2. vite S. Mariae Oegniacen. c. 3. Canticor. c. 2.

cum ea monstrorum turba resistere nequiret, illico au-
fugit, iuuenem relinquens letitia gestientē, exclaman-
temq; ; eia fratres gaudeamus, effugiunt canes, Phi-
lippus eos pepulit, importunos illos vexatores procul
abegit; videte eos, videte (locum digito ostendebat)
fugam arripuerunt, fugiuntq; velocissimè, verbis dici
non potest tantum, quantum re ipsa deformes sunt: er-
go vicimus, diabolicam importunitatem superauius,
fugistis tandem miseri, fugistis, vobis hoc insperanti-
bus, atque inuitis, libet iam millies Iesum inuocare.

Atque in hunc modum spiritu exultans, versus ad
sanctissimam Crucifixi imaginem, quam vnus ex cir-
cumstantibus tenebat in manu, eo animi ardore ora-
uit, vt nemo ex iis, qui aderant, lacrymas tenere po-
tuerit: cernere erat cum totum esse in agendis gratijs,
commemorandoque quod à Deo acceperat, beneficio,
atq; inter hæc dicentem; mi Iesu dulcissime, mi amor,
mi creator, mi redemptor, quis enumerare poterit vn-
quam quæ à te acceperim beneficia? tum ad amicos
conuersus; ò quæ fratres, hisce ego vidi oculis!
monentem rogo audiat, Deo Optimo Maximo vos
totos tradere ne grauemini: quid causæ est bone Iesu,
quòd ego loqui vix possim? tradatur mihi quæso Cru-
cifixi Imago, eam in manu tenere quantum cupiam,
explicare vix possum: In eaque religiosissimè exoscu-
landa has iterabat voces; Dominus meus Iesus Chri-
stus perpetuò viuat, qui erit dulcissime Iesu, qui me à
charitate tua separare possit? post ira in daemonem
commotus; & quid de me cogitabat miser nisi morien-
tem fallacijs à Christi fide abducere? Quid isthuc mi
Deus? fidem, quam iam inde à puero suscepi, mutabo?
absit. Discedite à me omnes, qui operamini iniqui-

Vitæ lib. primus. K tatem:

Ioan. 10.

tatem : & paulò post ; nonne de Christo in sacris legimus literis, Ego sum via, veritas, & vita ? Ergo si Christus veritas est, & is ipse sacratissimam suam nos legem edocuit, qui igitur fieri poterit, vt de eius certitudine, veritateq; dubitem ? o nequissimum dæmonem ! o flagitiosissimum ! eiusque sitis, Deo scilicet gratias agendi, dæmonumque imbecillitati insultandi, expleri dicendo non poterat, quin accendebatur magis ; sed cum videret Beatus Pater eum in his plus nimio defatigari, vt vires imminueret, suspicatus ne exitum sibi ipse his motibus acceleraret ; iam satis inquit, est fili : mendacem, impiumq; dæmonem missum facias velim, totam spem tuam in Deo, inque sanguine eius preciosissimo, quem pro te fudit, colloces moneo ; ipse enim tibi victoriam largitus est : is ipse in te, ac pro te dæmonem vicit iniquissimum. Quibus verbis motus Gabriel paulisper interim acquieuit ; sed haud multò post maioris quietis desiderio astantes rogauit, ne de cætero vel ad modicum tempus sibi quicquam dicerent ; proditor enim ille, adiecit (dæmonem intelligens) me plus nimio afflixit grauissimè.

Interea astantes, quòd Gabrielem, & expedita lingua loquentem, & viribus valentem viderant, planè credere cœperunt, eum ad sequentem vsque diem vitam producturum ; idque cum Damianus Valentinus, qui egrorū curabat, ad Philippum detulisset ; haud ita erit respòdit ille, vbi sitū mutabit, illico morietur, nec incassum verba, siquidem vix medietas horæ abierat, cum ille se ad eam partem componens, vbi Philippus erat ; Christi nomen eius opera inclamans, in manus Iesu tanquam ad nuptias euocatus, spiritum exhalauit, anno huius sæculi quinquagesimo octauo, tertia hora noctis

noctis : quod quidem spectaculum ita eos excitauit, qui aderant morienti, vt ex ijs nemo esset, quin toto iam pectore cogitare coeperit de extremo ipso certamine, in quo vno tota res nostra agitur.

Apparet in Mari periclitanti.

HOc ipso anno duo ex eius filijs spiritualibus, Italus vnus, Gallus alter;^a huic Aloysio erat nomen; Itali, qui aulicus erat Guid. Ascanij Card. S. Floræ, excidit: ex his solus Aloysius superstes est, agens ætatis octogesium & eò amplius annum. Quodam die, cum sumpta occasione Philippus in horum sermonem multis præsentibus venisset, hæc de eis effatus est: Italus, qui multò melior Gallo videtur (erat enim vir magno orationis, & mortificationis studio, in eoq; pietas conspiciebatur illustrior) cepti pœnitens in Aegyptũ reuertetur: Aloysius verò pietatem, quã sequi inchoauit, illo felicius retinebit. Interea lapsis paucis diebus rogat Italus, dæmone instigante, Philippum, cum nullã haberet iustam causam, vt facultatem sibi faceret Neapolim eundi; Roma enim egredi is in animo habebat, vt ad bellum proficisceretur. Hæc autem vbi B. Pater audiuit, subodoratus id, quod erat (nouerat enim ipse dæmonis insidias) abeundi facultatem, ne filij salus in discrimen adduceretur, negat. Ergo cum is neque exorari, vt ad se rediret, neque vt ab hac voluntate discederet, vlla ratione adduci posset, vbi illa non procedũt, minatur illico Philippus, si id faciat, vel in mari submersum iri, vel certè in Turcarum laqueos incisurum. haud vanum fuisse B. Patris eloquium, docuit euentus: Is quippe nihil his immutatus, cum ex Vrbe iam recessit

*Eam rem iura-
ti testes qua-
tuor affirmant.*

Vitæ lib. primus.

K 2

sislet

fisset, atq; per mare inueheretur, in medios Turcas delapsus se animaduertit, quare Myoparonum pyratarū aduentantium (quorum ingens manus erat) visu perterritus, iam propè res erat, vt caperetur à barbaris, vtpote qui viribus, ac numero nostris superiores erant. Is itaque ingenti timore correptus, consilij inops defiluit in mare, vt uel sic Turcarum manus euaderet: sed cum rapidos in gurgites delatus se regere nequiret amplius, iamque vorticibus implicitus aquarum impetu ad certum afferretur exitium, Beatum Patrem,^a cuius verba in memoria habebat, vtcunque potest semiuiuus implorat. Mira dictu res: extemplò Philippus (Romæ quamquam tum erat) medijs nihilominus in fluctibus adest periclitanti, porrectaq; dextera hominem aperto ore hiantem aquis, & in vltiorem gurgitem omni impetu progrediētem sustinet, subleuatque donec per longum maris tractum ad terram mirabiliter transuexit incolumem, atq; in sicco reposuit.

Sanctos cum uiderent multis apparuisse satis constat. lege B. Cyrillum in uita ss. Euthymij, Ioannis Silentij, & Theodosij Canobiarcho. Metaphr. in Marcello Archimandrita, & Daniele Stylita apud Symeonem. 6. Leontium in Symeone Salo apud Metaphras. Kal. Iul. Venantium Fortunatum in S. Germano Parisien. Epif. c. 68. Gosfridum lib. 4. uita S. Bernardi cap. I.

Totam rem accepimus ab ijs, qui interfuere: sunt omnes ad quindecim. Eadē Frac. Maria Taurusius publico testimonio confirmauit.

Iesu Christi anno 1559 Pauli IIII. Pap. anno 4 Aetatis anno 44

Variè iterum propter Christum exercetur.

Non contentus^b Philippus iis, quæ fecerat, & statuerat, vt suorum pectora ad sacramentorum frequentiam, aliaq; pietatis opera inflammaret, seruaretque inflammata, voluit etiam, vt omnem eis pro viribus, peccandi facultatem adimeret, quo die in Bachanalibus licentiosius ab hominibus uiuitur, eo die illos ad septem Urbis Ecclesias ducere: nec. n. solertior in quæredis Christo gregibus, quàm in tuèdis exitit.

Ibatur initio à paucis: erant omnes ad triginta; non multò post tantæ multitudinis concursus ad eas factus

Atus, vt numerus hominum, qui eò conuenirent, plus mille esset.

Ordo is erat: conuocatis primùm omnis generis hominibus, tum præfinita die per se quisq; summo mane, SS. Petri & Pauli Basilicas obibat; cumque omnes in Ecclesiam S. Pauli, Ecclesiæq; proxima loca, vti præceptum fuerat, conuenissent, Philippo mox Patre annuente incipiebat agmen mirabili cum alacritate, ac feruore spiritus ad templum S. Sebastiani procedere, inde ad Basilicam Sancti Ioannis Lateranensis, tum ad Sanctæ Crucis in agro Sessoriano, & inde ad alias incedebant singuli, ita æquato instructi ordine, ita paribus diuisi inreruallis, ea vultus compositione, & moderatione gressus, vt quòcunque ingrederentur, magna defigerent admiratione intuentes. inter ambulandum nunc litanias, nunc diuinas laudes, psalmosq; suauiter concinebant: in templo vel Sancti Sebastiani, uel Sancti Stephani in Cælio monte sito sacrum solemne, iucunda cantorum symphonia, consueto ritu cæremoniarum, decenti ministrorum grauitate fiebat: sacrificio astabant omnes, sacerdote Christi corpore pasto communicabant minimùm octingenti: Absoluto sacro ad aprica loca herbis, vitibus, arboribusque vestita procedebatur: ibi Patribus alimenta distribuentibus læta quisque fronte tantum cibi, & portionis accipiebat, quantum satis erat. Villa ad quam primis illis temporibus veniebatur frequentius, Virginæ Maximæ erat; ibatur etiam quandoque nunc ad Matthæiam, nunc ad Crescentiam, in hisque extruebatur mensa non conquistissimis cibis, sed multo pane, ouisque, pomis, & caseo. A prandio actis Deo de more gratijs, procedebant mox omnes miro ordine, atq; silentio

rio ad Scalas sanctas, certisque passuum interuallis ad
lætitiam, religionemque excitandam canebatur in-
via, inde ad Basilicam Sanctæ Crucis veniebatur, tum
ad Sancti Laurentij in agro Verano, inde demum ad
Sanctæ Mariæ ad Præsepe; ibique sermone primùm
de rebus diuinis ad multitudinem habito, quod in alijs
Ecclesijs fieri consuevit, magno cum audientium fru-
ctu, tum hymno suauiter decantato, suo quisque arbi-
tratu domum remigrabat.

Huius quidem profæctionis tanta erat animorum
vtilitas, vt ex ea multitudine non deessent, qui diui-
no tacti spiritu vsque ad pietatem inflammarentur,
vt se totos sacramentorum frequentia, viteque ex Deo
agendæ ad Philippi Patris arbitrium traderent.

Verùm cū nolit Deus suos milites in otio torpere, sed
semper in acie, in puluere, & labore versari, vt sicut
in igne aurum comprobatur, sic eorum virtus in ipso
certaminis periculo magis elucescat; eius permisso an-
no huius sæculi quinquagesimo nono factum est, vt ea
de qua diximus, peregrinatio tum nō infrequens quod
omnibus fructuosa, vt probis, pijsque viris maximo
exemplo erat; ita inuidis, atque maleuolis offensionem
esset, materiam illis præbens in Philippum acerrimè
insurgendi: ^a videntes enim quidam maiorem in dies
hominum concursum ad eum fieri, cœperunt priuatim
inter se primùm, deinde palàm de eius fama detrahe-
re, ambitiosum, laudisque popularis cupidissimum ap-
pellantes, hominum plausum, ac sequelam affectan-
tem: Nec deerant, qui eundem non ambitionis modò
plenum prædicarēt, verùm gulæ etiam deditum ^b, eda-
cem, atque lurconem insignem, simulq; adlicerent,
quò eorum opera in odium, offensionemque populi in-
cureret,

^a
Percurre si li-
bet, res gestas S.
Danielis Styli-
te apud Suriū
tom. 6.

^b
Simile ferme
accidisse S. Goa-
ri presbytero,
auctor est Van-
delbertus mo-
nachus in eius
vita c. 4. apud
Sur. tom. 4.

curreret, eum conuenticula colligere, seditionem concitare, concitatamque fouere. & quid de innocentissimo viro ignominiosius dici poterat? Sed nec his contenti tota præterea Vrbe falsis rumoribus dissiparunt, illum in Ecclesiarum peregrinatione non Dei gloriâ, animorumque salutem; sed se ipsum, propriamque sui gloriam querere, ibique opiparè satis lautissimis cibis, quorum magna illi apponebatur copia, vesci: còque tandem dæmone instigante adducta res est, vt quæ falsò de ipso perferebantur, adeò in Vrbe diuulgata fuerint, vt iam vbique locorum palàm de eo detraheretur ab omnibus. Hæc autem cum Philippo innotuissent, fretus ille tum præclaro conscientie suæ testimonio, tum etiam Christi Domini Nostri promissionibus, qui dixerat, se apud eos, qui tribulationibus premuntur perpetuò mansurum, omnes illas diaboli machinationes, omneque ipsius impetus inuicto animo sustinebat metu prorsus vacuus.

Interim aduersarij breui rem totam ad Præsulem Ecclesiasticum generalem Urbis Vicarium, & ad alios, qui per id temporis res Fidei administrabant, deferunt: Philippum accusant non ambitionis modò, ac superbiæ, aliorumque criminum, quæ ipsi finxerant; sed etiam vt qui conuenticula colligeret, nouamque sectam ambitionis plenam inducere tentaret. Hæc vbi Præsul audiuit, magna confestim, zelo fidei, iracundia, commotus, quietique Urbanæ (pro officij sui munere) studens Philippum accersit, grauib. verbis eum excipit, obiurgat, minatur carcerem, iubet à talibus abstinere, comites apud se ducere nullos, spondereque toties quoties vocaretur, iudicio fisci, quindecim dierum spatio exacto nullius audire confessiones, sermones

mones ad populū non facere, nisi noua ei ab se concessa licentia. Quę omnia hilari ille fronte suscipiens, id tantū, qua potuit animi demissione, ac modestia, responsi dedit; paratum se esse, vt opus incœptum prosequi, ita ab illo pro superiorum voluntate cessare, nihilque sibi in animo versari, quā Dei honorem, animarumque lucrum. Quibus verbis Præsul iratior effectus, cum suis ædibus post contumeliosa aliquot verba eiecit.

Acerrima quidem fuit hæc Philippi vexatio, qua non modò à viris mundo deditis, sed etiam Deo dicatis, quorum aliqui eodem cum eo tecto viuebant, grauissimè exercebatur, quandoquidem cum cerneret pij aliquot sacerdotes multitudinem, quæ illum ad sui spiritalem profectum sequebatur, ei crimini dare cœperunt, quòd elatum haberet animum: & hos quidem, Philippus non solū in via Domini aduersarios passus est, sed quietis perturbatores, quamquam animo nunquam ipsorum dictis, factisque motus fuit; si quid erat mali, quod pietatis specie ei struerent, hoc non modò hilariter, patienterque ferebat, sed etiam iniurias sibi indignè factas, & non ferendas, iniuriarumque auctores suos in Christo filios quantum maxime poterat, celare nitebatur: quòd si contingebat, vt ij discipulis suis patuissent, ea erat Philippus charitate, vt quos occulere non poterat, eorum saltem facta, dictaque; (quò omnem prorsus malam de illis opinionem ex animis alumnorum euelleret) iisdem præsentibus, audientibusque aliter atque facta, dictaque erant, interpretabatur, Deumque pro ipsorum salute lacrymarū plenus precabatur assiduè: erat enim ex ea schola, quæ orandum tradit pro inimicis, & bonum pro malo referendum.

Mat. 9.
Rom. 12.

rendum.

Cum itaq; his curis angeretur, quotidianis orationibus sibi à Deo efflagitabat auxilium; nec incassum missæ preces: venit enim intra præfinitos dies ad Oratoriū nostrum Sacerdos quidam ignotus, fune cinctus, demissis humeris, honesta facie, colore inter album, & fuscū, barba, & capillo natura nigro: is multis audientibus dixit se missum esse à quibusdam Religiosis viris, quibus rem magnā Dominus indicauerat: ea autem erat, (quā remotis arbitris, Frāc. Mariæ Taurusio exposuit) vt indiceretur quadragenarum horarum supplicatio; Ex ea .n. ait, magnus sequetur fructus, tota hæc Diaboli impugnatio fumi instar euanescet, Oratorij opus magis quā antea efflorescet: qui Philippum infectantur, si in cœpto persistent, diem obibunt. Narrauit deinde idipsum Philippo, qui cum totus à Deo pēderet, nunquam de diuina ope desperauerat, nunquam ue animum desponderat, quinimo hæc semper, vt cætera fortiter, & constanter sustinuerat, & sustinebat.

Interea cum hunc in modum exerceretur, patientiaque superaret omnia, diceretque idcirco se ea oppugnari tentatione, vt animi humilitatem acquireret, & vt primū ex illa fructum cepisset, finem illico habituram, meritis est vt sui memor esset Omnipotens; Namque cum mira demissione, modestiaque ludicibus responderet, non magis ad inceptum opus prosequendum, quā ad intermittendum paratum esse, nihilque se præter vnam Dei gloriam quærere, suamq; ad Superiorum voluntatem accommodare: hoc humilitatis, ac singularis constantiæ specimen, Magistratum ad benignitatem induxit, quippe certus iam factus de eius vitæ innocentia, morumque integritate, malignan-

Vitæ lib. primus.

L

tium

tium aduersariorum technas in nihilum redegit, concessaq; illi libera facultas est suo more viuendi, peccatis obnoxios ad Deum qua veller arte, trahēdi. Testatur sanè qui cum eo tum versabantur, nunquam illum animo vel minimū exidentem vidisse, sed contra maiores in dies ad Dei gloriam promouendam vires collegisse: Vnus tamen ex ijs, qui Magistratui præerat magni vir nominis cum pertinaciter in homine Dei comprimendo persisteret, repentina morte intra præfinitos dies ex hac vita sublatuſ est anno huius sæculi quinquagesimo nono, x. Kal. Iunias.

His curis exutus iterum in proximorum salutem ardentissimo studio incumbit.

INterea cum in vulgus relatum iam esset, Philippo iterum datam facultatem quod vellet, faciendi, coeperunt ut prius homines, non ex plebe tantū, sed ex nobilitate etiam Sacramentorum, consiliorumq; causa illius cubiculum frequentare: fructus, qui ex pijs eius colloquijs procedebat, multus erat, in diesq; crescebat assiduè: ex quo fiebat, vt multos adiuuante Domino à sceleribus ereptos ad Christum adiunxerit felicissimè.

Proximorum charitate adeò ardebat, vt illum ad omnium vtilitatem natum crederes: in omnes enim effusus, quasi omnium parens, viuebat omnibus, vt omnia omnibus, quò omnes Christo aggregaret, factus esset.

Hinc fiebat, vt flagitiosorum hominum ita frangeretur misericordia, vt cum eos intueretur, uix se continere

nere posset, quin multas profunderet lacrymas, inter-
næ ipsius charitatis præclarissima testimonia.

Nulla res erat omnium, quam ipse magis cuperet,
quàm proximorum salutem. Accedentium confes-
siones omni tempore excipiebat, eosq; aut consolando,
aut consilio, aut re adiuuabat mirabiliter; in id vel
maximè incumbens, vt omni deposita solitudine,
Deo, sanctisq; omnibus se suamque salutem curæ esse
cognoscerent, seque demum peccatis omni ope absti-
nere contenderent.

Crebris, repetitisq; sermonibus de rebus piis illos ad
bene, Christianèq; viuendum hortabatur, nihil præter-
mittens eorum, quibus eis vel minima in re prodesset;
ardentissimaque cupiditate motus eosdem Christo ar-
ctioribus vinculis coniungendi, se ipsum relinquebat
potius, suaq; commoda, quàm illos desereret.

Sui copiam omnibus faciebat assiduè: cubiculum
suum perpetuò venienti cuilibet patere voluit, dicere-
que solitus erat, se nec tempus, quo sibi vacaret, nec lo-
cū vbi solus esset, cupere: sat sibi esse, si quibus rebus po-
terat, proximum iuuaret; Hinc factum est, vt qui ei erāt
à ministerio interdixerit, ne quemquam cubiculi aditu
prohiberent, nèue ad eum adeuntibus; Philippus, dice-
rent, quieti se dedit; Philippus in cubiculum nuper re-
cepit se se. O hominem proximorum desiderio, Deiq;
gloria flagrantissimum! quem non quies, non remis-
sio, nec quicquam aliud, quod delectationem afferret,
delectabat: nihil in vita expetendum arbitratus est, nisi
quod esset cum Deo, mortaliumq; salute coniunctum.

Illud etiam sæpe contingebat, quòd completo sacri-
ficio, accedebant ad eum quamplurimi, quos ille sum-
mo charitatis affectu aliorum magis, quàm sui memor

Vitæ lib. primus. L 2 (etsi

(et si iucundū sibi erat contemplationi eo tempore vacare) excipiebat: orationis quidem, meditationisq; studium in illo eximium fuit, sed tamen ut proximos iuua-
ret, ipsorum vtilitatem suis commodis, sanctisq; cupiditatibus praeferbat: hinc dicere solitus erat; animae Deū amanti nihil contingere posse iucundius, nihilq; suauius, quā Christum, Christi amore relinquere.

Nihil praeerea laboris erat quod alumnorum causa non subiret: omnia excogitabat, moliebatur, efficiebat, quò filijs consultum foret: nihil ad eorum spiritalem profectum quod pertineret, omisit: si contingebat ē suis quemquam tentatione premi, vix, ac ne vix quidem verbis explicari potest, quanto studio, & cura adesset, opitularetur, animum adderet. Ad omnium ingenia ita se accommodabat, ut Apostoli Pauli instar, omnibus omnia fieret mirificē.

1. Cor. 9.

Quid quæso non faciebat ille, ut quos Christo genuerat, Christo seruaret? consilio quidem quantum poterat, labore plus pene quā poterat, vigilabat pro ipsis, docebat eos orare, mundi contemptum monebat, Deo se totos tradere hortabatur, apud se etiam primis illis temporibus, ut vel sic maiore eos inter se amore coniungeret, frugali coena pascebat, instar gallinae factus, quæ ex naturæ instinctu id habet, ut congreget pullos suos sub alas; & Aquilæ non dissimilis, de qua hæc in sacris Codicibus verba legimus, Sicut aquila prouocans ad volandum pullos suos, & super eos volitans.

Mat. 23.

Deut. 32.

Mira-

Mirabilem Ecclasin patitur.

Philippus precandi assiduitate hoc acceperat, ut mentem in Dei, diuinarumque rerum cognitione perpetuò defixam haberet: quo fiebat, ut raptum fugiendorum gratia, animum a diuinis, quod ante diximus, remouere cogeretur, faciliusque Philippo erat in Deum rapi, diuinaque pati, quàm illis, in quibus calor Spiritus Sancti refriguerat, mentem ad res mortales conuertere.

Inter orandum, celebrandumque extra se positus videbatur creberrimè, ut corpore quidem coram adesset, animo verò in cælis versaretur.

Obseruarunt cum nonnulli sepius, in hostia salutari de more attollenda (senio etsi confectum) consistentem in digitis: eundem præterea extra se raptum, cum oraret, deprehenderunt complures.

Eodem anno Patres Cœnobij S. Mariæ supra Minervam, quo tempore eis Angelus Diacetus præerat, intra claustra domus quadragenarum horarum supplicatione ob res graues indixere: orationi interfuit Philippus, precabatur ille loco abdito, ibique se Deo coniungens, totus extra se rapitur, lapidisque instar factus, apertis oculis, hilarique vultu Sanctissimum Eucharistiæ Sacramentum intueri videbatur: Id cum quidam aduerterent, properè ad ipsum accurrunt, eumque, quem calor vitalis iam penè totum reliquerat, nominatim, ut ad se redeat, inclamant, manibus contrectant, sed frustra omnia; nihil enim ille audiebat, nihilque mouebatur, sentiebat nihil: ergo id quod erat suspicati, in cubiculum ei loco proximum inter manus

*Telles iurati
tres sacerdotio-
que pradii id
firmarunt.*

nus deferunt expiranti similem, sensusque omnis expertem: vbi tandiu eum reliquerunt, quoad totus hilaris ex raptu ad se redire visus est. Tum interrogatus ab Angelo Diaceto, & Felice à Castro Franco ex eadē familia, quidnam sibi accidisset, vix illorum precibus victus modestē, verecundēq; hunc in modum respondit: preces vestras, Patres mei, Dominus audiuit benignitate sua: sed huiusmodi responso haudquaquam contenti instabant enixius, vt rem totam exponeret: quibus tandem cedere coactus^a, oranti mihi, dixit, Christus se se ostēdit, astantesq; signo crucis munivit.

Prophetiae dono fulget.

Venerat eodem ferme anno Cæsar Baronius, Dominico die^b, ad Beatum Patrem, vt confiteretur de peccatis suis; cui ille; I nunc, inquit, ad Xenodochium Sancti Spiritus: audiam te post, ne moreris. Sed cum Baronius horā agris ministrandi iā abiisse responderet, ac proinde nihil superesse faciendum, quod eorum commodis, vtilitatieque seruiret (quippe tum capiendæ quietis tempus erat) perfice, subiecit mox Philippus, properē quod mandavi, tua quod nihil refert, percontari desinas, nihil aliud dicam. Paruit mox ille (ne minimo quidem spatio temporis interiecto) iubenti, inque Nosocomium ingressus, secum ipse animo agitans, non sine causa eō se à Philippo missum esse, circumspicere cœpit, si quem cerneret sua ope indigentem, interque circumcirca prospiciendum æger extremum agens spiritum ei se se obijcit, candela de more ad eius caput accensa: quamobrem arbitratus illum ipsum esse, ad quem mitteretur, ad lectulum accedit

^a
Compulsi sanctissimi viri uisa narrant. lego res gestas S. Bernardini à Surio relatas tom. 3. cap. 6. Theodoretum in Philot. c. 2. in Iuliano Saba, Georgium Monachum in S. Theodoro si- ceota.

^b
Testatur id sacramento Cæsar Baronius Cardinalis.

dit, egrotum vitali spiritu penè defectū offendit; querit ab eo primū peregerit ne peccatorum Confessionem, sacram ne Eucharistiam sumpserit: cui cum ille inter mortuis vocibus, sine eiusmodi sacramentorum perceptione se mori respondisset, aduolat illico Baronius ad sacerdotem: rogat morientis peccata auditum eat, à mora ei periculum esse vociferatur: Quibus sacerdos perceptis, coram Baronio de negligentia purgat se se: aeger, Domine (dicere coepit) cum heri à prandio in tempestiuè ad Nosocomium nostrum venisset, in lectulo, quòd alieno tempore accesserat, saluari peccatorū confessione nondum perpurgatus, collocatus fuit: interea eius rei oblitis ministris confessionis beneficio egrotus priuatur, quē adeò morbus improuisò oppressit, vt repentè inscijs nobis ad vltimum periculi venerit; id autem vbi ipsi comperimus, cum illico iam destitutum viribus, interclusa anima, vt loqui non posset (actum .n. de eo iam erat) extremo vel minimū oleo (alijs sacramentis, ob viri impotentiam, quippe mors instabat, non administratis) munire curauimus: hęc ille Baronio retulit; sed mira prosequamur.

Accedit sacerdos ad morientem, de necessitate vltima monet, cōfiteri ne uelit, exposcit: annuit, atq; vbi (re dictu mirabilem) confessionem peregit, sacrumque de manu sacerdotis viaticum sumpsit, illico astante semper Baronio stupore attonito expirauit, miroque prorsus modo factum est, vt labente iam spiritu, tandiu eger produxerit vitam, quandiu Beatus Pater de statu eius diuinitus admonitus miserit qui curaret, vt omnibus Ecclesie sacramentis prēmunitus supremum diem expleret. Post hęc reuersus ad Philippum Baronius, omnem rem ordine aperit: cui ille, ex his ait, iam discas

scas velim, quod tibi deinceps mandauero, id sine cunctatione exequaris.

^a
*Id iureiurando
firmauit Caesar
Card. Baronius.*

^b
*Legatur Caesaris
Card. Baronij Philippo gra-
tiarum actio.
Annal. tom. 8.*

Non ab re opinor erit, si hoc loco aliquid scribam de eiusdem Baronij Annalibus: quandoquidem ad eos cōscribendos à Philippo impulsus fuit ^a diuinitus: rem vt gesta est, explicabo. Cum primum ille ad populum sermones habere cœpit, æternos cruciatus apud inferos impijs constitutos, rursusq; sempiterna, & quæ verbis exprimi nō possunt præmia, quæ probos manēt in cælo, proponebat: diuini iudicij quoq; seueritatem, mortisq; memoriam grauib; verbis inculcabat. Id vbi crebrius Beatus Pater aduertit, diuini spiritus impulsu Baronio iubet, vt sine eius generis sermonibus facto, ad Ecclesiasticam historiam in Oratorio referendam se conuer-
tat: cui cum graue sibi id esse responderet, quod putabat nullam ex eo labore vtilitatem capturos esse astantes; instat iterum his auditis Philippus, vrgetq; etiam atq; etiam, vt imperata facere non differat. Ergo aggreditur ille iteratis sæpe eiusdem Philippi iussionibus Ecclesiasticam historiam: id autem opus adeò Beatus Pater vrgebat, vt si quando Baronium vel tantillum à cœptis desistentem vidisset, stimulis acerrimæ reprehensionis impelleret, exæstuans (vt eiusdem Baronij verbis vtar) ^b zelo Ecclesiæ laborantis, vbi mente illa sua diuino perfusa lumine, atque prophetico afflata spiritu vidit è portis Inferi in Ecclesiæ detrimentum Satane progressas esse Centurias, ex aduerso consurgens pro domo Israel præliaturus prælia Domini, non minore, vel pari saltem numero militum compensato certamine, decernendum putauit: elegit itaq; ex ijs, qui cum sequebantur, Baronium, quem vnum, quasi aliud agere simulans tot obijceret armatis hostibus:

bus: Exorsus itaque ille impositum onus, illud quidem, quod eius iussione semel coeperat, ad triginta annos feliciter propagauit, ipsam integram rerum gestarum seriem septies in Oratorio repetendo.

Mirum videre erat qua anxietate Philippus astaret operi, vrgens praesentia, instans verbis, durus nonnunquam Baronio videbatur pensi, diuinæque operæ exactor, cum ad aliena ab instituto se diuertere ne vel minimum pateretur. Quamobrem saepe aliquid ille humani in eo sustinebat nondum intelligens Beatum Patrem diuino afflatum spiritu id ab eo exposcere: quam verò ex his vtilitatem consecuta sit Ecclesia, non attingam: Quid enim opus est verbis, ubi res ipsæ per se loquuntur?

Septemdecim annorum adolescentem Sacerdotio insignitum noscit diuinitus.

Eodem ferme tempore adolescens quidam Thomas nomine, annorum circiter sexdecim (septimum enim, & decimum non expleuerat) Romam venerat. Hunc propinqui (quod omnes præter ipsos latebat) ea etsi ætate non erat, ut promoueri ad sacros ordines posset, sacerdotio tamen initiari fecerant, idque eo consilio, ut aditum sibi compararent ad luculentam, magnamque hæreditatem plus quinquaginta millibus adeundam aureorum, quam nullo alio pacto (quod hæredes secundi erant) nisi Thomas, cui ea obueniebat, sacerdotalem vitam amplecteretur, obtinere poterant: is itaque ubi Romam peruenit, mox secunda circiter hora noctis ad Beatum Patrem adducitur: qui simul atque illum vidit, sacerdos es, ei dixit, an non ita est? cui Thomas haud

Vita lib. primus. M du-

dubium, inquit, id quidem est: sacerdos sum: verum dicis, ei; cuncta exposuit, ut se habuerant. Ea porro praedictio admirabilis prorsus extitit, quandoquidem is planè ignotus erat Philippo adolescentulus, qui ætatis annū septimum & decimum non excedens, laicorum more indutus prodibat. Narravit deinde B. Pater Francisco Mariæ Taurusio se Thomæ faciem eo fulgore, qui è sacerdotali charactere fluit, splendentem vidisse. Cuius rei, ne quis fabulosam, aut commentitiam putet, auctor est idem Franc. Maria Taurusius Cardinalis Philippi familiarissimus, qui eandem iureiurando firmavit. Nunc discedam à rebus à Philippo gestis Paulo Quarto Pontifice: sed adjiciam prius hæc paucula, quæ quoniam quo Pontificatus anno gesta sint, ignoro, in extremum locum coniicienda fuere.

Predictiones.

*Id sacramento
testatus est
Franciscus Ma-
ria Taurusius
Cardinalis.*

Venit quodam die manè ad Beatum Patrem, Franciscus Maria Taurusius: huic mox Philippus: Quid ei mulieri, inquit (eam proprio nomine appellans) factum censes? quamdudum non vidisti eam? nostin quis sit eius vitæ status? magna enim eius causa solitudine afficior: I rectè quantocius ad eam, ipsaq; visa ad me quamprimùm revertere: Erat ea mulier pietati dedita, Philippo de peccatis suis confitebatur, seq; in Nosocomio S. Iacobi Infanabilium dedicaerat ægotantium feminarum obsequio: hæc itaque, etsi paucis ante diebus optimè valebat, tamen ex improviso morbo oppressa difficillimo, qui subito attulit mortem, sacris iam candelis ad caput eius accensis agebat animam; feminam ergo iam cum morte luctantem offendit Taurusius, omnibus sensibus destitutam, spiri-
tum

tum efflantem: mox ad Philippum reuersus rem ei totā narrauit, qui feminæ statum, de qua nihil prorsus acceperat, diuinitus præsenferat.

Dux quidam militum apud Philippum confessiones agere coeperat: hunc ille cum diebus aliquot non vidisset, id quod erat præsentens diuinitus, misit qui omni adhibita diligentia, ac festinatione inuestigaret vbi is moraretur: quem enim locum incoheret ab alumnis Philippi ignorabatur omnino: ergo quæritur, quæsitusque inuenitur præter omnium opinionem virali penè spiritu defectus; atq; ad mortem properans.

*Hec itidem
Franciscus Ma-
ria Taurusus
Card. iuratus
narrauit.*

Cogitationes hominum occultas noscit.

Enituit præter ceteras iisdem ferme temporibus in Beato Patre isthæc virtus, vt occultissimas hominum cogitationes prænosceret quàm optimè: eius rei certissima indicia habemus quàm plurima; illa verò maximè excellunt, quibus occulta hominum delicta ab ipso visa comprehenduntur.

Conscientiæ suorum vulnera, quamquam occultissima diuinitus intuebatur, penetrabat, eaque priusquam alumni verbum vllum facerent, illis ipsis detegebat, his verbis: Tu id periculi subijisti, vel in hanc culpam prolapsus es: hæc oranti mihi innotuere. Quibus dictis, salubria ipsis monita tradens, ita eorum animos in Dei timore, sui; ipsius amore firmabat, vt illos deinceps, suo nutu, arbitrio; regeret.

Intimos mentium recessus videbat, tentationes suorum in Christo filiorum ipsismet admirantibus, reticentibusq; detegebat: certis nonnunquam hominibus, qui cum conueniebant, colaphum infligere con-

Vitæ lib. primus M 2 lucue-

*vidisse Philip-
pum, nensisseque
hominum ani-
mos, intimosque
eorum recessus
penetrasse sacra-
mento testati
sunt Federicus
Borromæus Car-
dinal. Fran-
ciscus Maria
Taurusus Car-
din. Casar Ba-
renius Card.
Hec ipsum in-
tegrissima fidei
viri ad sexagim
in iurati firma-
runt.*

sueuerat, dicens: non te cædo, sed diabolus. qua in re sanctissimos viros imitatus videtur, qui diabolicas tentationes a lapis^a ab hominibus propulsabant.

^a
Vide Dorotheū in B. Dositheo, Metaph. in Pachomio cap. 59. S. Gregor. dialo. lib. 2. c. 4. & 30. Euerhelmum Abb. in Poppone apud Suriū tom. 1. cap. 18. Cranzium in S. Euermodo Vandal. lib. 3. cap. 42. Petrum Damianum in S. Romualdo c. 55. demum Suriū in B. Edmundo Episc. tom. 6. s. 8.

Multi sanè qui & doctrina, & prudentia valebant plurimum, cum animaduernerent sua delicta, occultasq; animi cogitationes Philippo probè cognitatasq; esse, maximo perculsi stupore eum tanquam caelestem, diuinumq; virum reuerabantur.

Aperiebat adhuc sæpissimè quibus cum eo quotidiana consuetudo erat, ipso quamquā ad confessiones non utebantur, mentis cogitata, intimosque animi sensus: quod ille eo cōsilio faciebat, vt eos ad caelestium amorem, atque peccati odium prouocaret facilius.

Adolescens quidam Dominicus, cum nocte quadam importunis concupiscentiæ motibus pressus esset, recundansque manè, cum his fortè non qua par erat, fortitudine restitisset, Philippum vt consueuerat, adire, domi se continuit, sed eodem die à prandio veniens is ad Oratorium, vt sermonibus interesset (nunquam .n. intermittebat vnum diem, quin semper veniret) Beati Patris aspectum declinare non potuit: ei ergo accersito; tu dixit, superiore nocte acerrimas tentationes carnis sustinuisti, adeòque perfectè rem totam exposuit, vt ille præ nimio stupore obmutuerit.

Alio deinde tempore rem nescio quam penitus occultam eidem aperuit, quam præter Dominicum sciebat nemo, ipse autem nulli mortalium enunciauerat.

^b
Eius rei, vt ceteri flectantur, iuratum testem habemus Federicum Card. Borromæum.

Concludam iam caput his paucis: Adeò excelluit Philippus in dignoscendis cum domesticorum, tum externorum occultissimis cogitationibus, vt^b vel ex sola facie internum cuiusq; statum cognosceret: illud verò contingebat sæpissimè, vt qui ad eum ventitabant;

Quid

Quid tua isthæc, diceret, noua figura oris? in vultu fili morbus tibi est, agrotatio, & vitium. Quibus verbis internam animi mutationem, quæ in illis, quibuscum loquebatur, facta erat, significabat, frequenterq; eum audires dicentem: melius nunc habes, nunc cœpisti conualefcere, nunc statum mutaſti. Verbis exprimi nō potest cognitio, quæ habetur diuinitus; ea quippe qua Philippus vel ex solo aspectu interiorem hominum statum nouerat, humana haud esse poterat vllō modo. Illud verò nec silebo, hac ipsa tā admirabili cognitione crebrius ab se internū priorū ornatū conspectū esse.

Iesu Christi anno
1539

Sede vacante

Aetatis anno
45

Futura prœuidet.

Adoleſcens quidam Lusitanus annorum septemdecim Franciscus Bassus nomine, Beato Patre ad confessiones vti cœperat: hunc Philippus ad sacramentorum frequentiam, atque orandi studium suauiter impellens, varijsque, quas vocant, mortificationibus exercens id assecutus est, vt tantum ille in spiritu profecerit, quod omnes in admirationem raperet, cæterisque exemplo præluceret, diuinæque iam gratiæ radij in eius faciem redundarent: inter loquendum verò iubente Philippo Patre, de rebus pijs, eo animi ardore, ea vi, ac facilitate sermonem exprimebat, tam dulcia cum Deo, Deique Matre miscebat colloquia, tam sanctè, ac piè consolabatur astantes, tamq; efficaciter de virtutis pulchritudine, deq; diuino amore differebat, vt omnes qui eum audirent, ac præcipuè doctissimus Aloyſius Lipomanus Veronæ Episcopus adolescentuli in dicendo vim, ardorem, & efficaciam non

Eius rei intra-
tus testis est
Franciscus Ma-
ria Taurinus
Card.

non satis admiraretur. Nec hic stetit res: ea erat præterea animi constantia, ut tribulationes omnes, graues licet, non fortiter modò, sed hilariter etiam sustineret; obediētiae verò tam miro tenebatur desiderio, ut quod Philippus imperaret, quasi ille Angeli vocem audiret, nulla interposita mora faceret libentissimè.

Is tandem, quòd maiorem fortè vitæ perfectionem cuperet, Religioni S. Dominici se addicere decreuit: quod ubi Philippus cognouit, et si molestè ferebat adolescentulum ab se, sui que institutione disiungere, nihilominus probato diu eius spiritu, & vocatione, ne diuinæ voluntati resistere videretur, facultatē ei concessit, anno huius sæculi quinquagesimo nono, octauo Idus Octobris, sacrum Religionis habitum induendi: quod dum fieret, aderat Beatus Pater vbertim lacrymans: lacrymantem quid fleret rogitat Franciscus Maria Taurusius: cui Philippus; huius adolescentuli inquit, virtutes deploro.

Atqui in præsentia quidem, quid isthuc verbi esset, quorsumue fletus ille spectaret, Philippo, qui solus cognouerat, silentio obuolente, Taurusium latuit: verum quem habuerit deinde euentū hæc adolescentuli in altiore vitæ statum migratio, res planè indicauit: is enim, quem ob vitæ integritatem, ardentemque in Christum amorem admirabantur plerique, quamquam Religionis habitu non exiit, ad tantam tamen fœcundiam, atque ignauiam delapsus est, ut paulatim in varios fluctus, æstusque solitudinum reuolutus tam graue tædium præsentis status mentem eius oppresserit, ut de abiicienda seueriore disciplina, & sæculi commodis repetendis secum ipse meditatus sit: ergo vitam vagam amplectitur, obedientiam fugitat, certum locum

locum non incolit, nunc vnum tenet, inde item in
alium se recipit, indeque in alium, miserrimusque mi-
ferrimam vitam errans ducit. vivit is adhuc, institu-
toq; suo vagus, & errans modò huc, modò illuc inuti-
liter discurrit.

Agè iam veniamus ad res à Philippo gestas Pio III.
Pontifice Pauli successore, qui Pontificatum inijt vij.
Kal. Ianuarias, anno millesimo quingentesimo sexa-
gesimo.

Libri Primi Finis.



BEATI
PHILIPPI NERII
VITAE
LIBER SECVNDVS.

Iesu Christi anno 1560 Pij IIII. Pap. anno 1 Aetatis anno 45.46

Cogitatio occultissima à Philippo visa.

*Id princeps femina Beatrix Caietana, ut caeteros sileam, iureiurando se-
stat.*



ANNO huius sæculi opinor, sexagesimo, iuuenis^a quidam non ignobilis, cuius consilium id erat, ut voluptatibus obsequeretur, casu inter eundum amicum offendit, à quo humanissimè salutatur: erat is pietati deditus, ducemq; Deum in omnibus rebus suis sequens: amicum itaque, quasi aliud agens secum ducit ad sermones, qui in Oratorio nostro habebantur: Amicus amicum inuitus licet, sequitur, sermonibus interest; quibus completis cum domum redire cuperet, ab amico, qui eius animi salutem striebat, ad Philippum adducitur, perinde ac eo ad confessiones uti vellet, cum nil minus eo ille tempore cogitaret; Vix hoc amicus fecerat, cum iuuenis, ab eo se derideri arbitratus, iniquo animo in benefactorem suum esse cœpit; sed tamen Beati Patris aspectum reueritus submissis ante eum genibus confessionem se facturum profitetur: itaque flagitia narrare aggressus, cum nō esset

set ei animus exponere singula, fide de peccatis suis confitebatur: quod praevidens Beatus Pater diuinitus rogat eum, si aliud commiserit delictum, confessione aperiat; cui cum ille responderet se omnia iam perfecte, planèq; patefecisse, amplexatus hominem Philippus falsum dicis fili, ait, quandoquidē fide & simulate peccatorum tuorum peregisti confessionem: agè iam sequere consilium meum, integrè de omnibus confitere: si id egeris, dignus eris ut tibi parcat: nec verba inventum iacta, ita enim penetrauit sermo hominem, simulque opinio, quam de Philippi sanctitate conceperat, ut repetita confessione omnium ab infantia peccatorum, totum se illi regendum tradiderit. is tandem breui post tempore Sancti Francisci de obseruantia, ut dicitur, familiae se obstringens, ibidem pio fine quieuit: fuit huic nomen, ex quò cœnobio se addixit, Raphael Lupus.

Iesu Christi anno Pij IIII. Pap. anno Aetatis anno
1561 2 47

Iuuenem morti proximum adiuuat.

ANno deinde huius sæculi sexagesimo primo, cum quidam Sebastianus ex spiritualibus Philippi filijs vnus in morbum incidisset, quem mors confecta est, vitæ sine iam instante, à communi humani generis hoste grauissimis cœpit tentationibus impeti; diabolus enim, ut hominem in desperationem induceret, nigrum se se illi, aspectuque terribilem ad videndum obiecit, animo eius insultans, cuius horribili visu perterritus æger, magnis vndique afflictationibus oppressus, prope desperatione torpebat, horribiles ei ad-

Id testes quatuor, qui interfuere, quorum duo sacerdotes sunt, iuraturam de narrarunt.

Vitæ lib. secundus. N huc

huc dæmonum facies occurfabant: flexo itaque in mœ-
sticiam ore heu me ! clamabat , quia perditus sum ; hei
misero mihi ! dereliquit me Dominus : quid faciam infe-
lix cum dies meos inaniter transegerim , atque extra
viam salutis sim ? duas iam horas nihil habebat in ore
aliud nisi se desperatum esse , nullamq ; malo suo inue-
niri posse medicinam , deq ; se ipso actum esse : res eò iam
periculi venerat , vt amissa corporis spe (erat enim mo-
ribundus) pertenuis spes animi salutis ostenderetur.
Igitur in hac tanta rerum desperatione ad Parochum
descenditur , qui rectà ad ægrum contēdens , nihil pror-
sus effecit ; namq ; vbi eum ille vidit , mox perinde ac si
dirum aliquod cerneret monstrum , atque execrabile ,
obuersus in aliam partem ab eo refugit clamitans
nullam se (quòd à Deo derelictus erat) salutis spem
habere : interim accersitur Philippus , qui simul vt pe-
dem in limine ostij aulæ domus ponit ; quid est ? incla-
mauit : & cubiculum ingressus , Sebastianum manu leni-
ter apprehēdit , quo attactu illud confestim factum est ,
vt æger à summa desperatione , atq ; tristitia ad magnā
animi tranquillitatem , lætitiāque , cunctis qui ade-
rant admirantibus , traductus , alta voce dicere cœpe-
rit : Philippus pater dæmones fugat : en abeunt dæmo-
nes à Philippo fugati : O magnam Philippi vim ! vi-
uat Christus , viuat Philippus , cuius ope ab Inferni
faucibus ereptus sum ; vigeat Oratorij opus : viuat Phi-
lippus Pater meus , cui tantum debeo , viuatque perpe-
tuò . Lætitia ergo perfusus quàm maxima diuinas lau-
des concinere non desisteat ; mi Iesu clamabat , Iesu
mi dulcissime : inuocet quisq ; Iesum . cumq ; frequenter
Iesum appellaret , Philippoq ; ex interuallo longā vitam
precaretur , in hæc tandem verba prorupit : en fratres ,
Angelo :

Angelorum aspectu fruor, Angelos intueor, qui me ut
in cælum perducant, adsunt: & paulò post: ecce Archā-
geli, ecce Throni, ecce Dominationes, ac reliquos alio-
rum Ordinum, Hierarchiarumque enumerans, & hæc
cum diceret, exultans, diuinasque laudes concinens,
paulò post animam inter manus B. Patris reddidit Deo
iiiij. Kal. Octobr. ipso Sancti Michaelis Archangeli
peruigilio.

Moribundam feminam à morte liberat.

Eodem anno, mēse Decēbri Delia Buschalia hone- Id sacramenta
firmant Delia ipsa, & Ga-
spar vir eius.
ste mulieri, cum iam octauus ageretur mensis quo
prægnans erat, quartus improuiso partus haud maturus
instare cœpit: doloribus accedentibus accersitur ob-
stetrix, cui Blanchæ nomen erat: hæc, quamquam eius
artis peritissima, puerperam tamen adiuuare haud po-
tuit: cum enim fetum effundere cœpisset, eam mox dif-
ficultatem experta est, ut totum nunquam edere po-
tuerit, propterea quod infans præter morem in vtero
iacens pedes tantum inde extulerat, quamobrem par-
tim intus hærebat, partimque prominebat foris. Hinc
is erat feminæ status, ut ex imbecilla quadam, atque
perrenui cordis agitatione quòd viueret sentiretur;
erat enim ut omnibus ferme sensibus, ita vitali calore
destituta: collocatur itaque in lectulo, ad eam pe-
ritissimi medici aduocantur, qui omnibus rebus frustra
tentatis actum esse de illius salute proclamant: id ip-
sum Blancha affirmat, illud simul adiiciens, quòd si
fetus, quem mulier expellere foras non poterat, vi
extrahi tentaretur, & ipsum in frustra diuisum iri, &
Vita lib. Secundus. N 2 mulie-

mulierem illico diem haud dubiè obituram.

Iacuerat femina hunc in modum exanimis nouem integras horas, cumque iam & à medicis, & à domesticis mortua crederetur, Gaspari Brixio vxoris vicem sollicito Philippus occurrit, quem ille fiduciæ plenus quàm suppliciter potest magna lacrymarum profusione rogat, vt moribundæ coniugi opem ferat. His ille ad pietatem flexus ad feminā pergit, eamq; vt mortuā offendit: accedit propius, pilcoque^a, quem gestabat, super vterum eius imposito, manus in cælum tendit, flet, suspiriaque ex imo pectore ducit, tum flexis humigenibus circumstantes feminas hortatur, vt pro moribunda orationem Dominicā, Angelicamq; salutationem recitent; quibus dictis feminam nominatim appellat: nec frustra, Delia enim quasi è graui somno euigilans cunctis, qui astant stupore oppressis, Philippo clara mox voce, quamquam nona iam abierat hora, qua linguæ vsum penitus amiserat, respondit; quid mihi iubes Pater? cui Philippus, id ego vellem, vt te totā Christo traderes, eumq; omnium plurimum amares pro viribus: tū illa, faxit Deus vt eum amem; quibus dictis, adiuua me Pater, subiecit, male me habeo, labore partus emorior. mox Philippus, bono animo sis, seruabit te Christus, eiusque corpore cruce signato foras exijt: & ecce tibi nouum miraculum: vix inde extulerat pedem, cum extemplò mulier nulla humana ope, nulloque dolore mortuum fetum enixa est, idq; adeò feliciter, vt eodem momento, & præfenti periculo erepta conualuerit, & valens vegetaq; è lectulo surrexerit. Sed & illud memorabile: Philippo è cubiculo egresso Gaspar tristis, ac lacrymās obuiā procedit, quē manu prehensum tandiū fixis oculis intuitus est,

*Percurre si li-
ber Gosfridum
lib. 4. vita S. Ber-
nardi c. 4. in Pe-
tro Asturiensi
Episcopo, et Gau-
fridum Abb. in
Petro Tarenta-
si Episcopo cap.
33. porro vesti-
bus sanctorum
viventium pa-
trata esse mira-
cula ex eorum
rebus gestis opti-
mè constat.*

est, donec ad scalas est ventū : ibi dimisso eo, perge ait ad vxorem tuā, Deus consolatus est vos: ipsi itaq; grati estote, in id incumbentes, vt ad custodiam mandatorum eius adnigiletis assiduē : Tum Gaspar sursum omni festinatione properans moribundam modò coniugē sanam planē, viribusque valentem fetu mortuo effuso comperit.

Morti proximos adiuuat extremo certamine.

Reliquum est, vt aliqua etiam de eius erga ægros, ac morientes pietate narremus. Aegrotantiū ille curam perpetuò gessit, eorum maximè, qui ei aliqua ratione noti essent, eosque singulis visens diebus omni ope, atque opere iuuabat: apud eos, qui in vltimo vitæ periculo constituti erant, si opus erat, pernoctare non grauabatur, illosque ad supremum illud certamen roborans, atque confirmans: Plerosque de se nimium confidentes ad humilitatem inducebat: quos verò ad desperandum de Dei misericordia dæmones vrgebant, hos ille ad spem diuinam, diuinamque fiduciam mirificè erigebat. Veniamus ad exempla.

Magnum eodem anno ostendit Philippus charitatis affectum erga Iacobum Marmittam^a supremis appropinquantem. Erat is Cardinalis Riccij Politiani à secretis, ingenio, prudentia, literisque apprimè ornatus: cōfitebatur sæpius per hebdomadam peccata sua Philippo, cui carus erat, atque communicabat in Ecclesia S. Hieronymi: cum is itaque in morbum incidisset, qui paucis post diebus attulit mortem, in maximo animi nœrore versabatur: erat enim valetudo grauissima, quæ acerbos incuteret dolores, hæc cum Iacobus (inferiore

*Eius rei iuratus testis est
Ioannes Franciscus Bordinus
Aquinonis Archiepiscopus.*

Psal. 45.

riore animi portione repugnante) non ea, ut par erat, mentis fortitudine, constantiaque toleraret, sed magis de vi morbi quereretur, monitus à Beato Patre ut in Deo confideret, amissamque cordis iucunditatem recuperaret, animumque reciperet, diceretque vnà cum eo: Deus noster refugium, & virtus, adiutor in tribulationibus: quæ(mox æger queribunda voce subiecit) inuenerunt nos nimis. Tum Philippus, ut eas tentationes ab eius animo propulsaret, dedit se illico in preces, quibus id effecit, ut paulò post respiraret bellator, animum reciperet, nec se tantum recrearet ex timore; sed etiam ad eò se erigeret, ut exultans spiritum efflauerit v. Kal. Ianuar. anno ætatis suæ secundo & sexagesimo, ac mensibus duobus.

Iesu Christi anno
1562Pauli IIII. Pap. anno
3Aetatis anno
47

Prædictio.

Huius sæculi anno sexagesimo secundo iuuenis quidam non ignobilis, cui Ioanni Thomæ nomen fuit, ibat quotidie ad sermones, magis id ut institutum irrideret, quàm ut salutem animæ suæ consuleret: hoc ubi aduertunt astantes, rem ad Beatum Patrem deferunt, multaque de istius insolentia queruntur: quibus ille, finite eum, inquit, in hac re gerere sibi morem: hominem quæso æquo animo ferte; sed cum is molestus adhuc esse pergeret, eamque ob rem qui sermonibus intererant, ipsum iterum ad Philippum deferrent, eadem quæ antea ab eodem audiunt. Interea rem miram operatur Deus: is breui post tempore cum nemo expe-

expectaret, ita ex eius rei occasione, Patrumque consuetudine immutatus est, ad eamque deuenit, sermo-
num, qui ibi habebantur, beneficio, rerum caelestium
intelligentiam, & humanarum contemptum, ut omni-
bus rebus abdicatis, diuitijs & honoribus spretis, Chri-
sti consilia sequi in animum induxerit: ergo addixit se
Religioni S. Dominici, & in cœnobio S. Mariæ supra
Mineruam, cunctis tam subitam hominis mutationem
stupentibus, sacrum habitum quarto idus Februarias
sumpsit, qui intra paucos menses nouitijs pietatis
ardore feruens, fiduciæque plenus diem obiit.

Eodem anno, ac mense alius adolescens Paulus è
Philippi schola eidem se cœnobio mancipauit, qui
cum breui maximos in spiritu progressus fecisset, fidu-
ciæ itidem plenus, ac spei migravit è vita: Religiosus
factus, mutato nomine, Ioannes appellari voluit.

Ioannis Baptiste Saluiati obitus.

EO ipso anno idib. Octobris migravit è vita Ioan-
nes Baptista Saluiatus, de quo superiore libro
est dictum, quippe qui Philippi opera vnâ cum coniun-
ge Portia caelestem pene in terris vitam degebat, sum-
ma totius Urbis admiratione, ut quæ horum diuitias,
nobilitatem, iuuentutem, corporis venustatem, & an-
teactæ vitæ delicias nouerat. Is cum grauiſſimo mor-
bo afflictatus, extremum ageret spiritum, hortatu B.
Patris, ac Vincentij Herculani tum cœnobij S. Mariæ
ad Mineruam Prioris, post Sarsinæ primum, deinde
Fori Cornelij, demum Perusiæ Episcopi, sub vespertum
instante prope morte sacratissimum viaticum sumpsit,
idque tanta cum animi tranquillitate, atque constan-
tia,

*Quod de Ioanne
Baptista narra-
tur, omnibus
Philippi disci-
pulis notissimum.*

Psalm. 121.

tia, vt cum de morte sibi instante cognouisset, omnibus illico audientibus, clara, alacrique voce imperterritus dixerit: Lætatus sum in his, quæ dicta sunt mihi, in domum Domini ibimus. nec multò post totus in cælestem patriam anhelans felicem in Philippi Patris complexu, læto, alacrique vultu, spiritum emisit.

Quo mortuo, eius vxor Florentiæ, vbi tum erat, monialis habitum, insequenti mox anno, mense Martio, induta; postmodum cæli mutandi studio in Urbem reuersa cœnobium S. Catharinæ nomine construxit in Viminali, vbi ad diem hunc degit.

Philippus grauiter agrotat.

*sancti viri agri
frequenter le-
guntur. vide B.
Gregorium Pa-
pam lib. 2. epif.
22. lib. 3. ep. 61
lib. 7. ep. 14. &
127. & lib. 8.
ep. 35. Edit. Ro-
man. Percurre
insuper Geor-
gium monachū
in Theodoro Si-
caota, & Gu-
lielmum Abb.
vita S. Bernar-
di lib. 1. c. 8. &
12.*

VExabatur assiduè Philippus, nouam Domino seruo suo aurearum coronarum in dies materiam præbente, diuturnis, & periculosis morbis: ægrotabat grauissimè bis frequenter in anno. Ego quidem ex eo tempore, quo primùm apud illum esse cœpi, nempe ab anno Domini millesimo quingentesimo septuagesimo septimo ad nonagesimum quintum vsque, quo ille obiit, nullum vnquam annum abijisse memoria teneo quin in morbum delapsus sit.

AEger cum esset, etsi ad febrim acerrimi dolores accedebant, nulla tamen cura, ne minima quidem cōficiabatur: grauitatem morbi, vt à Deo missi, non costāti solùm animo, sed libenti etiam ferebat; patientia autem tanta, vt nihil supra: nullum vnquam eius verbum audiebatur vel de vi morbi querentis, vel vllam eorum, qui astabant opem, vt sit, implorantis: siqua eius verba excipiebantur, ea erant, quæ summam viri sanctimoniam, humilitatemq; redolerent: verba lacrymæ comitaban-

tabantur, quibus circumstantium pectora ad pietatē inflāmabātur: omnia serui Dei dicta, facta, & gestus erāt eiusmodi, vt illū satis & morbo, & doloribus, ipsaq; demum morte fortiolem ostenderent: hoc tamen vnum Philippo (qua erat animi demissione) dolebat, quòd omnem vitam bonis operibus vacuam, vt ille dicebat, inutiliter transsegisset.

Aeger nihil aliud habebat quod æquē lubens faceret, nisi suorum confessiones, medicis non reclamantibus, excipere: Medicorum enim imperium in his, quæ ad curationem sui corporis pertinebant, prompto animo exequabatur.

Eodem anno millesimo quingentesimo sexagesimo secundo incidit in morbum adeò grauem, vt proximè ad mortem accesserit. Id autem fuit Philippo languoris initium: cœpit ille primū dolore, qui dextro brachio hærebat, eoque vehementi, atque assiduo miserè premi: isque deinde dolor per brachium, subinde ad musculorum nervos transiit, intendebaturque assiduè: dolori superuenit febris, quæ etsi principio leuis erat, tamen haud multò post amplior facta ita inualuit, vt adēpta iam medicorum iudicio, nempe Hippoliti Saluiani, Stephani Cerasij, & Bartholomæi Eustachij Vrbinais omni spe vitæ, dilatio mortis tātummodò quæreretur.

Interea tanti Patris filij metu perculsi ne parente tam optimo priuarentur, partim orationibus, lacrymis ac ieiuniis Deum exorabant; religiosissima quæque Urbis loca venerabundi obibant: sanctarum scalarum gradus ad Lateranum nudis genibus ascendebant: partim verò ei certatim diu, noctuque assidebant pro summo beneficio habentes si digni inuenirentur agro Pa-

Vitæ liber Secundus. O tri

Eius rei auctores sunt Franciscus Maria Card. Taurinus, Caesar Card. Baronius.

Assidebant Philippo aegrotanti Io. Franciscus Bordinus Aui-nienis Archiepiscopus, Angelus Vellius, alijq;.

tri ubi opus esset, ministrare.

Quid plura? cum de eius vita conclamatum iam esset, viatico, ne quid ad mortē piē obeundam omitteretur, instructo; extremoq; oleo delibuto, ecce tibi (alumnis carissimi Parentis discessum miserē lamentantibus) diuina virtute miraculum: qui omnium opinione mortuus credebatur, ubi Ecclesiasticis sacramētis munitur, extemplō medicis admirātibus tota febris eximitur, dolore magna ex parte leuatur, paucisq; post diebus pristinæ incolumitati restituitur.

Illud autem non inuoluam silentio, quod cum ab alijs, quo tempore moribundus erat, deploratam suam salutem audiret, virili, præsentiq; animo astantibus dixit, paratus quidem sum, & non turbatus; sed cum Dominus tot me, tantisque beneficijs exornarit, nescio quo pacto nulla cælesti refectione spiritus meus tanto in negotio roboretur: quo fit, vt credam nōdum migrationis meæ tempus aduenisse: & Francisco Mariæ Taurusio, per me non stabit, inquit, quin me ad piē moriēdum comparem, quamquam certus sum hunc discussum iri morbum omnino.

Eius miracula.

Cuius rei oculatos, iuratoq; testes habemus.

A Egrotauerat a eo ipso anno Mauritius Anerius, morbo ingrauescente ad vltimum periculi venerat; ergo à medicis derelictus propinquam mortem expectabat, iamque se alterius initurum viam vitæ Christi corpore instruxerat, sacro etiā delibutum oleo ad pugnandum cum aduersario comparauerat: hunc itaq; sensibus prope omnibus destitutum cum inuississet Philippus, illacrymantē vxorem, propinquos circumstantes

sistentes miseratus ad morientem accedit, astantesque hortatur, ut Mariæ Virginis opem pro eius salute implorent: Tum omnibus genuflectere iussis, manus morienti imponit: quo peracto, inde aduertente nemine se se proripuit. Vix ille abierat, cum æger, qui à prima hora ad secundam & vigesimam vsq; mutus iacuerat, derepente cæteris rei nouitate, ac stupore attonitis, apertis oculis quasi reuiuiscens, redeunte confestim animo, loqui cœpit expeditissimè, morboque se planè leuatum Medicis ipsis admirantibus clamat: demum nouo iam die illucescente (inuiserat enim illum Philippus inclinato iam in vesperam die) sanus, valensq; exilit è lectulo, acceptumq; donum omnibus præ gaudio exponere, passimq; prædicare non cessat, Philippum tantæ rei auctorem vociferatur: produxit is vitam ad annum Domini vsque millesimum quingentesimum nonagesimum tertium, quo tempore iv. Kal. Februa. obdormiuit in Domino.

Iesu Christi anno Pj. IIII. Pap. anno Aetatis anno
1563 4 49

Bradamantis pie femina mors.

ANno huius sæculi sexagesimo tertio religiosè, Decessit mense
pièq; migravit è vita^a Bradamantes Aneria: Augusto, die
fuit isthæc magnæ perfectionis femina, consanguineos, Assumpta Vir-
gini sacro.
aliosq; multos exemplo vitæ ad Christum adduxit, in
operibus misericordiæ versabatur assiduè, precibusque
insistebar. Sed hic nullo pacto silentio videtur inuol-
uendum illud beneficium, quo eam morbo oppres-
sam Philippus affecit: Hæc enim aliquot ante annis
Vitæ lib. Secundus. O 2 adeò

^b
Totam enim rē
iuratus narra-
uit Franciscus
Maria Tauru-
sius Card.

adeò grauitè ex capite laborabat, eaq; mali uis erat, ut nihil medicamēta proficerent: Ergo femina, quæ spē frustra in medicis iam, medicamentisq; posuerat à Philippo inuifitur, qui manu illicoprehendens linteā quibus caput inuoluerat, ea vi auellit: stulta dicens, quid tibi rei est cum his linteis? & hæc effatus, illa ipsa confestim in terram statuit: quod dum fit, mulier pristinae continuò sanitati restituitur, ut ne in posterum quidem ab eo se morbo tentari senserit: fuit ea ex illarum numero, quas Philippus anno huius sæculi quinquagesimo primo Christo lucrifecerat.

Cum quodam die, eodem circiter anno, Philippus iter per Nosocomium S. Spiritus haberet, contigit^a ut cum loco, ubi vulnerati curantur, appropinquaret, diuino repente agitatus spiritu, conuersus ad suos: en huc, dicere cœperit, ingrediamur; huc enim diuinitus impelli me sentio^b: & hæc dicens confestim rectā ad vnus lectulum, qui animam agebat, aduolat, eumque non viribus modò destitutum, sed voce etiam defectū labente prope spiritu, offendit: hunc ergo inclamans id mirabiliter effecit, ut moribundum stupentibus qui aderant, ad loquendum primū, deinde ad confessionem peragendam, tum ad sacrum viaticum recipiendum, & demum ad vitæ cursū sanctè, pièque conficiendum perduxerit.

^a
Id Io. Franci.
scus Bordinus,
& Dominicus
Iordanus sacer
dos, uterq; enim
ad fuit sacramē
to testati sunt.

^b
Idem de S. Ma
lachia Episco
po narrat S. Ber
nardus in eius
vita.

Iesu Christi anno
1564. 65

Pij IIII. anno
5. 6

Aetatis anno
49. 50. 51

Congregationis initia.

Philippus interim ubi è morbo, de quo nuper est dictum, conualuit, nuntios ad eum confestim Florentini

rentini ciues mittunt, qui postularent, vt ipforum Ecclesie, quæ S. Ioannis Baptiste nomine celebris habetur, regimen susciperet: Ad hæc Philippus, qui res arduas non nisi consulto Deo aggredi consueuerat, quæ visum est, respondit. Sed cum ille rem iam Domino diutius commendasset, annuit tandem, sibi que id placere dicit, cupere tamen aliquot è suis discipulis sacerdotio primùm initiari, seq; præterea è templo S. Hieronymi haudquaquam recessurum eisdem significat: accipiunt Florentini conditionem, domum ad habitandum attribuunt: stipendium vnde viuant, offerunt.

Interea Philippus tres è suis alumnis sacris initiari facit: primus sociorum, qui ad apicem sacerdotij euehitus, est Cæsar Baronijs Soranus toti iam orbi ob eruditissimam Annalium Ecclesiasticorum editionem notissimus: hunc S. D. N. Clemens PP. VII. nō longè à Philippi obitu, inuitum, ac renitentem Sanctæ Sedis primùm Protonotarium ex eorum numero, quos Participantes uocant, creauit; deinde reluctantem adhuc, reclamantemque ex Protonotario Apostolico Sacro Cardinalium Collegio Nonis Iunij, anno millesimo quingentesimo nonagesimo sexto ascripsit. Alter fuit Ioannes Franciscus Bordinus, qui ab eodem Sanct. D. N. anno huius sæculi nonagesimo secundo, iv. Id. Febr. primùm Cauallicensibus, postremò Auinionensibus anno nonagesimo octauo, Præsul datus est. Tertius Alexander Fidelis Romanus, miræ innocentie, atque integritatis vir: huius suauitatem morum, præstantemq; virtutem per totos tres, & triginta annos experta est Congregatio: obiit ille in ædibus nostris calculo laborans, anno huius sæculi nonagesimo sexto, mense Octobri;

Hi

Hi porro duo vltimi Sacerdotes, Ioannes Franciscus scilicet, & Alexander eodem die ad sacerdotij culmen euecti sunt.

Conuictus coeptus est anno millesimo quingentesimo sexagesimo quarto: principiò etsi ad Ecclesiam S. Hieronymi ibatur quotidie, quisq; tamen priuatim sine certis tum proprijs legibus ad Philippi nutum vivebat. Primi ex Patribus, qui vnà esse, vnàq; simul viuere coeperunt, fuere Cæsar Baronius, Alexander Fidelis, quem secutus est Germanicus fratris filius, eo tempore præstanti indole adolescentulus; quandoquidem is biennio ante Romam veniens, vt in literas incumberet, se totum ad Philippi ductum, arbitriumq; contulerat; tum alius accessit Ioannes Franciscus Bordinus; quartus Iacobus Salort Hispanus magna simplicitate vir; quintus Ioannes Rauficus, cui primùm animarum cura, vt eius rei admodum gnaro, demandata est. His initijs Philippus Congregationem instituere aggressus est.

Non multò deinde post accessit ad hos Franciscus Maria Taurusius tum Laicus, quamquam inter commilitones suos tanquam Sydus elucebat, vir Apostolico spiritu plenus, omniq; laude præstantior. Is Iulij Tertij affinis, ac Raynutij Farnesij Cardinalis Sancti Angeli olim à cubiculo; Pij V. iussu Michaellem Bonellum sororis filium Cardinalem Alexandrinum in Hispaniam, Galliamq; ad Reges legationem obeuntem secutus est; quo in itinere comitem habuit Hippolytum Aldobrandinum tum Rotæ Auditorem, postea in Purpuratorum Patrum numerum à Sixto V. adscitum, hodie demum totius Ecclesiæ Catholicæ Episcopū, Clementis VIII. nomine insignitum. Hic ipse Pontifex Clemens, vbi Romanæ Ecclesiæ clauum tenere coepit, Taurusium, de quo

quo dicimus, Ecclesiasticis dignitatibus ornare in animo habuit. Ergo anno post Christum natum millesimo quingentesimo nonagesimo tertio, mense Decembri, cum primum in Archiepiscopum Auinionensem elegit: tum anno nonagesimo sexto Nonis Iunij Cardinalem creauit: qui nouus amplissimæ dignitatis gradus temperato viro, summaq; virtute exornato nihil dedit nouum, nisi vt maiore auctoritate prodesse pluribus posset. Anno demum nonagesimo septimo placuit Sanctissimo Domino Nostro, vt is deposito Auinionensi Archiepiscopatu, Senensem Ecclesiam regendam, administrandamq; susciperet, quod & factum est. Taurusium ad socios accedentem imitatus est Angelus Vellius Prænestinus, qui deinde Congregationi nostræ proximus à Baronio præfuit, & hodie præest, vir nostris laudibus non indigens: porro Taurusius, & Angelus Vellius etsi ex antiquioribus Beati Patris alumnis habebantur, tamen non tam citò, vt alij, sacerdotio initiati sunt.

Viuebant Patres eodem testò, quibus cor vnum erat, & anima vna, mutuo se ardentique amore diligebant, Deoq; rem gratam facere omni ope nitebantur. Alumnos Philippus mira dulcedine, benignitateq; regebat: omnia enim ille factus omnibus, eos, quibus parentis loco erat, consilijs, paternisque cohortationibus potius quàm auctoritate, imperioque ad munera obeunda inducebat: Illudque mirandum in eo, simulq; imitandum cernebatur, ipsum nullum ferme vnquam imperio, aut præcepto ad aliquid agendum impulisse; sed lenitatē magis, affabilitateque sermonis: facilius enim ille blanditijs, lenibus adhortationibus, modestiaque, rogantis instar, potius quàm iubentis, corum,

rum, quæ agenda erant, etsi ardua, magnaque, obedientiam impetrabat, quàm alij auctoritate extorquere soleant; ita autem singulorum animos tenebat, ut eos quocquid vellet, impelleret.

Cæterum ut religiosæ vitæ ritum, formamque aliquam introduceret, constitutiones quasdam communi consensu condendas curavit, quas alacri fronte, promptisque animis susceperunt omnes: illud verò sapienter monebat nullam aliam esse certiolem, tutiolemque rationem recta via quò quis intendit, perueniendi, quàm gnarum itineris ductorem sequi: contra nihil periculosum magis, quàm suo arbitratu, Præpositorum auctoritate posthabita, semet regere.

At reuertamur ad Patres, qui vnanimis in Domino ambulantes, magno cum animorum fructu in Christi vinea excolenda apud Florentinos pro viribus laborare coeperunt: accedentium confessiones audire: Eucharistiæ sacramentum, qui per sacerdotium poterant, ministrare: à prandio ad Ecclesiam Sancti Hieronymi se recipere, ut ibi de more sermones de rebus pijs ad multitudinem facerent. Dominicis diebus præter Oratorij sermones quotidianos, modò Baronius, modò Bordinus in ade sacra Florentinorum populo, qui aderat cupidissimè audiente, è suggestu concionabatur: Quibus rebus breui factum est, ut tam sacerdotum numerus, quàm confluentium ad eum locum multitudo mirificè augeretur.

Dictis, factisque populum ad omne officium, atque virtutem vehementissimè accendebant: multos à turpi, & flagitiosa vita non ad sobrietatem solum, & continentiam, sed ad contemptum etiam rerum fluxibiliū, atque ad salutaria Christi consilia, & frequentem sacramen

cramentorum vsum suauiter compulerunt, aliosque ad nostrum institutum, vitæque rationem amplectendam crebris sermonibus inflammarunt.

Singulis hebdomadæ diebus, vt modò à Patribus nostris vno excepto die Sabbato fit, quatuor ex selectis Patribus (idonei enim ad id munus obeundum eligebantur) ordinata successione in Oratorio verba ad populum habebant: prædicabant autem hi non se ipsos, sed Christum crucifixum, eorumque sermones in rebus versabantur moralibus, planis, & ad omnis generis hominum captum, vulgi præsertim, accommodatis: Ergo subtiles disputationes deuitabant, de rebus non dictu speciosis, sed vsum necessarijs nulla pompa verborum populum erudiebant, sermones sanctorum exemplis, quæ plurimum valent ad sanandas hominum mentes, confirmabant: ex quatuor qui id munus obibant, primi in rebus plerumque moralibus versabantur, alij res gestas sanctorum, seu Ecclesiasticæ historiæ euenta ordine temporum distributa enarrabant, semihoræ spatio singulis ad dicendum concesso.

Perrexerunt Patres tandiu de rebus diuinis in Ecclesia S. Hieronymi ad populum dicere, donec Florentini egregium sanè opus ad hunc vsum accommodatum suis sumptibus ad ripam Tyberis construxere, vbi verbum de rebus pijs fieri cœptum est.

Hoc quidem viuendi genere plures annos vfi sunt Patres eadem domo viuentes, seq; , suaque diuino obsequio, & animarum lucro tradentes: erat omnium, marsupium vnum, communis mensa, eaque sobria, ac frugalis: oratio, & meditatio plurima: sacerdotibus, qui illis initijs quinque erant, rem diuinam facientibus, cæteri aut quotidie, aut alternis diebus cælesti

Vitæ lib. Secundus.

P

pane

pane reficiebantur.

Id vitæ institutum ita multis probatum est, ut plerique ingenio, doctrinaque præstantes, cum sacerdotes, tum laici, ultro se se in Patrum contubernium contulerint: non enim omnes Religionis vinculis se astringere omnino audent: Hec igitur fuere nostris hominibus Congregationis initia.

Reliquum iam esse videtur, ut ad res à Philippo gestas Pio V. quem Pontificem Maximum futurum (Pio IV. vita functo) præuiderat, præsenferatque transeamus: Vocem enim quandam in ipso noctis silentio audiuit. Frater Michael Cardinalis Alexandrinus Pontificatum obtinebit. Creatus is fuit vij. idus Ianuarias anno millesimo quingentesimo sexagesimo sexto, sedit annos sex, menses tres, dies viginti tres.

Iesu Christi anno Pij V. Pap. anno Aetatis anno
1566. 1 51.52

Petrum Victricius à morte liberat.

^a
Eius rei iuratus testis est is ipse Petrus, sed non unicus.

^b
Dum hac impriumur eripitur nobis vij. kal. April. Ecclesiasticis sacramentis rite perceptis. idem Petrus Victricius, aetatis anno septimo & nonagesimo.

ANno Christi millesimo quingentesimo sexagesimo sexto Petrus Victricius Parmensis graui oppressus^a corporis valetudine tenebatur lectulo: eum adèd morbus vrgebat, ut destitutus à medicis pro mortuo lugeretur à suis: interim venit ad eum Philippus, manibusque moribundo admotis, precibus pro eo fufis, illud his rebus affecutus est, ut is adèd melius confestim habere cœperit, ut duobus vix interpositis diebus è lecto planè incolumis surrexerit. Viuit is adhuc,^b confitetur ter per hebdomadam, totidem communicat in templo nostro Sanctæ Mariæ à Vallicella.

Antonium

*Antonium Fuccium ad piè moriendum
adiuuat.*

Eodem ipso anno Antonius Fuccius medicus, quæ esset eius in morientes pietas, in se ipso experiri meruit. De eo, cum quodam die, me alijsq; præsentibus loqueretur Philippus: is, dicere cœpit, cum virginem quandam religiosam valde, grauissimo morbo laborantem, in ecstasi positam comperisset, moratusque ibi tandiu quoad ægra ad se rediret, hæc ab ea ubi primùm ecstasi liberatur, audit: hem Antoni, quæ te vidi inter Angelos pulchritudine, qua venustate? Quibus ille perterritus confestim ad Beatum Patrem aduolat, rem vt se habuerat totam narrat; tum domũ reuersus, eo ipso die in morbum incidit, ex quo non conualuit: inuisebat eum Philippus singulis diebus maximo charitatis affectu, diuinisque verbis eius animum confirmabat: sed cum ægritudo in dies augesceret, ei morti appropinquanti dæmon^a medici specie se se ostendit; bonum habere animum iubet, vitam pollicetur longiorem, ex morbo euasurum affirmat: credit æger suadenti, quem quis esset non nouerat; sed à Beato Patre, alijsque è suis admonitus, diabolicam, fraudem agnoscens, mortem libenti animo amplexus est, quæ illo ipso die contigit; obiitque is maxima cum significatione pietatis.

Cæterum illud de hoc ipso viro, qui in antiquioribus Philippi alumnis vnus fuit, non silendum. Decreuerat is, ob carnis tentationes, quibus assidue incurandis potissimum mulieribus, dæmonis arte impugnabatur, medendi curam abijcere: quod cum ille Phi-

Vitæ liber Secundus P 2 lippo

*Id à Francisco
Maria Taurin.
sio Card. accep-
tum.*

Eius rei con-
fiscus est, ut fi-
leam ceteros,
Franciscus Ma-
ria Card. Tan-
rusius.

lippo (quippe qui erat ei à confessionibus) retulisset, id ab eo^a responsi accepit: non potes, nec debes ab arte medica desistere, cū qui tibi affines sunt, tute ipse, quòd inopia laborent, eo lucro quod in medendo facis, vestitum præbes, & victum; cuncta itaque tuæ artis officia securus exequere; nullam vnquam posthac, mihi crede, carnis tyrannidem senties: Credidit homo Philippo loquenti, soloque obedientiæ clypeo munitus ad obitum vsque medici officio absque vllò prorsus libidinis sensu, siue ægris hominibus, siue feminis medetur, functus est.

Hoc ipso itidem anno adiunxit se nostris Patribus Franciscus Sotus Oxomeñ. Hispanus.

Iesu Christi anno

1567

Pij V. Pap. anno

2

Aetatis anno

52

Nouus in Oratorium impetus.

ANno Christi millesimo quingentesimo sexagesimo septimo ineunte, noua exoritur tempestas in Philippum, eiusque alumnos, quandoquidem non deerant, qui quòd nostrum fortè institutum suspectum haberent, de eo funditus euertendo dies, noctesq; cogitare cœperint: verum etsi acerrimi erant operis insectatores, at Deo rem suam adiuuante, omnis aduersariorum labor ad irritum cecidit.

Adole-

*Adolescens ex oculis laborantem in
pristinam restituit valetudinem.*

Eodem ut arbitror anno adolescentulus quidam, cui Ioanni Baptistæ Crescio^a nomen erat, graui ophtalmia laborabat, & ardentium lacrymarum profluuio, ita ut nec auram, nec lucem ferre posset, cumque multos dies hoc oppressus morbo iacuisset, decreuerunt tandem medici cauterio adolescentulo succurrendum esse: at cum id remedium Ioannes id ægri auunculo erat nomen non approbaret, Ioannem Baptistam ad Philippum adduxit; is, inquit, qui sororis meæ filius est, ex oculis laborat, rogatque preces pro eo ad Deum offerat. His ille auditis, manibus affectæ parti confestim admotis, hoc morbo ægro ait, liber eris, qui mox habere melius cœpit, paucisque post elapsis diebus, nullis adiutus medicamentis integram valetudinem recuperavit omnino.

*Id hic ipse Io.
Baptista sacra-
mento enuncia-
uit.*

Iesu Christi anno
1568

Pij V. Pap. anno
3

Aetatis anno
53 54

Fructus animorum.

Sed abeamus ab his, & veniamus ad fructum animorum anni millesimi quingentesimi sexagesimi octauo. Fructus eorum, qui Oratorium frequentabant tacite magis æstimari ab hominibus, quàm à me inconsiderate poni in mea historia decet, sed vel hoc solum de eo dicam; tantæ multitudinis concursus ad sermones fieri solitum, quantam capiebat locus.

De

*Extat hic liber
Italicè conscri-
ptus, cui titulus
est Esamine,
etc.*

De eodem huius temporis id memoriæ prodidit Ioan. Rubéus in libro^a, quem Philippo dicauit anno millesimo quingentesimo sexagesimo nono, quod ab re fortè non erit historiæ intexere. Id tale est.

Ex omnibus, quæ Romæ anno superiore (est is annus huius sæculi sexagesimus octauus) sum admiratus, per iucundum mihi fuit intueri tam copiosam piorum hominum multitudinem S. Hieronymi Charitatis, ut vocant, templum, atque Oratorium quotidie frequentantem: Quæ quidem singularis exempli exercitatio, præ veterum, atque illustrium ædificiorum splendore, tam quæ præclaris tot Principum virorum Aulis, eorum omnium, quæ se mihi admirabilia obtulerunt, gloriam longè visa est antecellere; eoq; plus inde iucunditatis, atq; admirationis cepi, quod viderem frequentem tot clarissimorum virorum, atq; omnium gentium concursum tanta alacritate confluentium, ut priuatas conciones, ac res diuinas, de quibus à te (Philippum dicit) puro Christianæ Religionis, atque ipsorum salutis ardore agebatur, exciperent: Qua ex re oritur sæpissimè in tuis spiritualibus filiis sublimis quædam, terrenis omnibus abdicatis, vni Deo seruiendi cupiditas: qui nimirum in varijs hodie conspiciuntur cœnobijs, ac sacris Religiosorum familijs propriam vitam huic diuino cultui, obsequioque perpetuò consecrasse, & cætera quæ sequuntur.

Hactenus epistola ex Italico sermone in Latinū cōuersa, ex qua satis apparet, qui concursus ad sermones, quæ ad nostros frequentia, quis fructus animorum illis temporibus fuerit: atqui id non solum recitata epistola; sed voce potius illorum, qui huiusmodi colloquijs intere-
rant,

Christi
1568

Pij V. Pap.
3

Aetatis
53. 54 119

rant, cognouimus, suntq; ij à quibus accepimus, oculati testes, digni prorsus, quibus credatur in omnibus.

Iesu Christi anno
1569

Pij V. Pap. anno
4

Aetatis anno
54. 55

Predictio.

ANno Domini millesimo quingentesimo sexagesimo nono, Constantius Tassonius Mediolano Romam à Pio Quinto honoris gratia euocatus, re-
cta ad ardes S. Hieronymi, Philippi salutandi, visendi-
que causa venit: id ubi ille audit, iubet illico duobus è
suis tum adolescentulis, atque ceteris minoribus
natu, nempe Octauio Parauicino, quem longo post
tempore Gregorius Decimusquartus anno huius seculi
nonagesimo primo, ob singulares viri virtutes, Car-
dinalem creauit, & Germanico Fideli, ut in limine ostij
quà Constantio eundum erat, cadauerum instar se se
prosternerent, prostratiq; tandiu iacerent, dum ille pro-
grederetur: atqui quorsum hæc à Philippo fierent, ne-
mo fuit, qui perciperet; verum euentus deinde sequu-
tus rem patefecit; Constantius etenim paucis post elap-
sis diebus, etsi optimè tum valebat. morbo graui, &
mortifero derepentè affectus, decessit.

*Eam rem sacra-
mento firmavit
Franc. Maria
Car. Taurusius
Eandeq; P. Ger-
manicus Fide-
lis.*

Moribundum morte eximit.

Eodem tempore Laurentius Christianus (clericus
is erat Basilicæ Vaticanæ) cum ætatis annum vi-
gesimum, aut eo amplius ageret, incidit in morbum,
eoque inualecente desperantibus medicis, mortem in
hora m, solemnibus confessionis, Eucharistiæ, oleique
sancti

*Totam rem is
ipse Laurentius
alique ocula-
ti testes publico
testimonio con-
firmarunt.*

sancti praesidijs communitus expectabat : cumq; sensibus omnibus destitutus detineretur lectulo, à Philippo sub primam horam noctis inuisitur, qui mox de statu aegri astantes rogitat, tum precibus ad Deum fufis, vbi ab oratione surrexit, Laurentius (dixit) ex isto morbo haudquaquam morietur, propiusq; ad eum accedens, impositisq; super illum manibus, eius nomen magna pronunciat voce, nec hæc sanè frustra : moribundus .n. illius clamore excitus oculos confestim aperit, inde redeunte animo cibum sumit, melius habet, paucisque post horis non omnes modò sensus pariter cum uoce recepit; sed excussa etiam febris, planè conualuit. Interim medicus, is erat Petrus Crispus, manè à domesticis ad eum reuocatus, venarum pulsum explorat, cumque ex pulsu arteriarum saluum esse comperisset, admirans; maior te Laurenti inquit, dextera seruauit, non mea; neque enim humana es arte, sed diuina ope leuatus.

Iesu Christi anno *Pij V. Pap. anno* *Aetatis anno*
1570 5 55

Nouis ob Christum solitudinibus conficitur.

CUm Deo proprium sit amicos suos frequentissime exercere, quò eos meritis augeat; hinc mirum nemini esse debet, si Philippum nouis semper tribulationibus, & his quidem grauissimis modò ab hominibus, modò ab ipsis dæmonibus excitatis, diuexari permiserit: de viris iustis illud legimus: multæ tribul. iust. & de omnib. his libe. eos Dñs. Tribulationes, quæ se se ei obijciebant, forti semper animo, hilariq; vultu amplectebatur: in eis enim non modò animum nunquam despondit,

Psal. 33.

spondit, sed nec vel minima tranquillitatis conscientiae parte nudari se sensit.

Insectatores passus est, cum externos, tū domesticos, eosq; miro Spiritus sancti artificio, patientia, humanitateque frangebatur; ex domesticis non defuere (quod de primarijs sanctis scriptum nouimus) qui B. Patrem nimia fortasse simplicitate (sic illi appellabant) praeditum, nimiumue rudem dicerent; quæ ille omnia Christi amore ad maiora perferenda paratissimus, ridebat: atque in his non absimilem ipsum fuisse cognouimus sanctissimis illis Monachorum Archimandritis satis nunquam laudatis, Sabis, Theodosijs Coenobiarchis, Nicetiis, Romualdis, Franciscis. itē Beatissimis Episcopis Martinis, magnis Gregoriis, aliisq; multis, de quibus similia, vel certè grauiora circumferebantur, cum alioquin summa illi essent prudentia, summaque humanitate imbuti.

In exitu anni sexagesimi noni & insequenti, qui fuit septuagesimus, ineunte, alijs illum modis exercuit Dominus: quippe nō ferens diabolus fructum, qui ex Oratorio nostro ad profectum animorum procedebat, simul futura praesagiens eam confestim quibusdam (qui instituti nostri munera haud fortè probabant) mentem iniecit, ut Philippum per simulationem pietatis ad Summum Pontificem deferrent; quasi auctor ille esset, ut in quotidianis sermonibus, qui de rebus pijs eo praesente, atque iubente, simulq; interrogante in Oratorio fiebant, multa stultè dicerentur, quæ vel summam simplicitatem, summamque ineptiam, uel certè grauem, & intolerabilem eorum qui loquebantur, arrogantiam redolerent.

Hæc ubi ad aures Summi Pontificis, perueniunt, ve-

Vitæ lib. secundus.

Q

ritus

ritus ille ne quod nouum incendium existeret, huiusmodi rem diligenter, cautèque examinandam putat: ergo accersiri confestim iubet è Dominicana familia doctissimos viros Paulinũ ciuem Lucensem, & Alexandrum nunc Fori Liuij Episcopum, quibuscum separatim non modò à reliquis, sed ab ipsis etiam loqueretur: enarrauit quæ de Oratorio nostro auditione acceperat, ac timere se dicebat, ne Philippus (quem idiotam fortè arbitrabatur) in ijs tractandis, quæ ad Christianæ fidei dogmata pertinerent, laberetur. Quò peracto, id vtrique sanctæ obedientiæ nomine imponit, vt singulis hebdomadis quasi aliud agere simulates Oratorium adirent, sermonibus interessent, vbi si quid ab astantibus doctrinæ, ac rerum expertibus in referendo symbolo, quod quisque interrogatus dabat, audirent: quod rectæ fidei, aut bonis fortè moribus aduersaretur, id corrigerent, animis, mentibusque manderent, atque ad se referrent quamprimùm: ea enim tum vigeat consuetudo, vt inter sermones laici etiam homines eisdem de rebus, de quibus in Oratorio agebatur, interrogarentur.

Ergo Dominicani Patres sæpius per hebdomadam ad Oratorium veniebant, totam ipsi rem præsentiam cognoscere, totamque inquirere, quamquam alter alterum nesciebat, aggrediuntur: Philippi spiritum, doctrinæ genus, & vitæ institutum expendere decernunt: ad sermones audiendos cætera cum multitudine conflunt: qui modus disserendi sit, quòue sermones tendant diligentissimè animaduertunt: mirari fatis Philippi in dicendo vim, ardorem, atque mirabilem securitatem nequibant: illiteratus enim ille (quæ erat sui despicientia) apparere studebat; nihilominus ad singula

singula, quæ examinanda proponebantur, ita ubi res exigeret, respondebat, ut scopum semper (Dominicanis penè obstupefcentibus) attingeret felicissimè. Quibus illi commoti, non quàm optime solum de Oratorio nostro, deq; Philippi pietate, ac doctrina, quam vnquam antea sensere; verùm Pontifici etiam sana cuncta se reperisse narrarunt, sicq; adiuuante Domino tota res breui sine vllò iudicij tumultu suppressa est, atq; in pristinum candorem restituta.

Cæterum hæc ipsa Philippum præsensisse diuinitus, vel ex hoc vno cognosci potest. Nam cum Pontifex apud Principem^a virum de Oratorij nostri instituto, deq; Philippi spiritu, præsentem neminem, conquereretur; accersito Philippus eo ipso die viro (lectulo enim ille ob ægritudinem detinebatur) aperuit illico, quid ei Pontifex (secreto licet) de se ipso, atq; de Oratorio nostro narrauerat: verùm haud multò post Pontifex, re satis iam cemperta, atque explorata, Philippum, eiusque alumnos præcipuo quoad vixit, amore, studioq; complexus est.

Illud nec præteribo, quod obseruarunt nonnulli, Deū de Philippi insectatoribus poenas^b sumpsisse: Eius rei plura extant exempla, sed ne quemquam offendam, ea missa facio.

Predictiones.

Eodem anno millesimo quingentesimo septuagesimo Ioannes Angelus Cribellius^c cum ad Philippum de more animo confitendi de peccatis suis, feria quinta sanctioris hebdomadæ, sanus corpore, viribusque potens accessisset, vix ad eius se pedes prostratus

Vitæ lib. Secundus.

Q 2

uerat,

^a
Huius rei iuratus auctor est Alexander Medices Cardinalis.

^b
Iurati testes quamplures id asserunt. Idem Caesar Card. Baronius.

^c
Eam rem tres iurati testes enunciarunt

uerat, cum ille hominem intentis oculis intuitus : para ut sis, ei dicere mox coepit, virili praesentique animo, ne quicquam vereare, sed confortetur cor tuum : Deus quippe nescio quid sibi ad gloriam suam à te deposcit: cui Ioannes Angelus nihil nunc inquit, timeo Pater, ad omnem euentum paratus sum, faxit de seruo suo Deus quod ei libitum est, ad eius arbitrium vitam institui meam, eiusque totus sum. Tum Philippus quid si ait, velit Dominus maxima premaris tribulatione? ita me, respondit ille confestim, ad eum conformo, ut perpetuò voluntatem ipsius cupiditati meae antelaturus sim. Hic Philippus: Cura, ut te pro viribus pares ad eam rem grauem quidem, quae tibi Dei permisso acciderit, æquo, libentique animo perferendam. Rediit Ioannes Angelus paulò post domum optima valetudine; sed deficiente die tantus mox improuiso morbus eum oppressit, ut quarto die attulerit mortem, quam ille hilari fronte, sacramentis Ecclesiae munitus amplexus est.

Feminam demonio liberat.

Diligenter examinabat Philippus quae ab ijs, qui pro energumenis habebantur, fieri cernebat, nec faciliè inducebatur ad credendum quemquam demonio vexari: Hinc quae eius rei fidem facere poterant, ad naturalia ferme principia referebat, utpote ad naturales ex atra bile morbos, ad vteri affectus, aut certè cerebri decrementum. His igitur de causis raro admodum energumenis adiurandis, nisi necessitate compulsi, nauabat operam: illud verò sapienter discipulos monebat, sibi ipsis cauerent, ne energumenas feminas, nisi astantibus multis adiurare praesumerent.

Eodem

Eodem vt arbitror anno Atella * Romam venerat mulier quædam nobilis Catharina ab immundis spiritibus occupata : Hæc quamquam literas non didicerat, latinè tamè perbene purèq; loquebatur, latinè interrogata, latinè pariter respondebat: Crederes eam quæ nec scholas frequentauerat, nec magistros vllos habuerat, humanioribus literis, latino sermone scitè eruditam, exultamq; esse: tantum præterea animi tantum roboris habebat, vt vix à quatuor robustis viris aluiari, teneri, sistiq; posset dæmone ipso feminæ natura imbecilli, ac debili vires suggerente.

Adducitur itaq; ad Philippum qui eam exorcizare aggressus non prius precationibus pugnare destitit quàm ab ipsa diabolus expulerit. Quodam die B. viro Catharinam ferreis catenulis immisericorditer verberante dæmon alta voce clamare cœpit, cæde iam, cæde, percutite, occide; quæ verba identidem repetebat.

Mirum videre erat feminam toto eo temporis spatio, quo à Philippo vapulauit, nunquam se loco ne tantillum quidè mouere, sed marmoreæ statuæ instar manere immobilem loco semper hærentem.

Illud sanè nec reticebo: vix præsentiebat se à propinquis ad Philippum euocari, cum eorum conspectum declinandi cupida (vt quæ vereretur ne exorcismis de more ab eo vrgeretur) nunc hoc loco, nunc illo occultabat se velocissimè: quòd si res ei ex sententia non succedebat, ingentibus ædem clamoribus implebat: venire cunctabatur, rapere opus erat: Philippo summa ui oblectans vix à quatuor uiris sistebatur.

Hæc cum ille cernebat, vt erat eius miseratione commotus, ipsam tantisper & verberibus cæcidit, & exorcismis

Totam hanc rē
à Philippi disci-
pulis, qui ipsum
eo tempore se-
quebantur ac-
cepimus: in qui-
bus vnus est
Franciscus Ma-
ria Cardinalis
Taurusius,

Exergumenos
peregrinis lin-
guis loqui sol-
tos tradit S.
Hieronymus in
B. Hilarione,
Turonensis de
miraculis San-
cti Martini lib.
1. c. 2. Einhar-
dus abbas de
translatione SS.
Martyris Mar-
cellini, & Perri
lib. 2. c. 13 apud
Surium tom. 3.
S. Antoninus p.
3. tit. 23. c. 14. §
15. 55.

Sancti viri
in ergumenis
liberandis mul-
tum frequenter
temporis insun-
pere. lege S.
Hieronymum in
B. Hilarione,
Palladium in
Lausiacæ c. 28.
Metaphr. in S.
Auxentio, Geor-
gium Monachū
in Theodoro Si-
eota. demum

res gestas S. Anastasij martyris, quas in veteri codice habemus. vide Card. Baronii Annal. Eccles. tom. 8. anno. 713.

cismis adiuravit, dum nequissimos ab ea spiritus fugarit diuinitus.

Hic ne illud quidem prætermittam. Cum quodam die ea ipsa, de qua diximus, Catharina Philippi iussu flagellis cæsa esset, insequenti nocte eidem Philippo suo clauso cubiculo apparuit satan, qui minacibus oculis illū intuitus in has prorupit voces: Heus, heus bone vir hodie pro tuæ volūtatis arbitrio auctoritati meæ illusti; at ego iniuriarum non obliuiscar, & his dictis confestim euauit.

Iesu Christi anno Pij V. Pap. anno Aetatis anno
1571 6 56

Ioannes Animuccius Philippi Alumnus ad vi-
tæ exitum vocatur.

Christi anno millesimo quingentesimo septuagesimo primo Ioannes Animuccius magna animi tranquillitate supremum diem Philippo præsentem expleuit: fuit is de eius discipulis vnus, vir admodum pius, qui plus quindecim annos Lucretiæ coniugis pari religione feminae amplexibus abstinerat, quibus expletis, perfectioris vitæ desiderio stimulante, quod suapte sponte faciebat, voto agere quinquennium ante obitum voluntate vxoris, decreuit: cuius illa facinus post imitata, idem Deo votum lætissima nuncupauit, felicissimèq; ad vltimum diem seruauit. Acta sunt hæc Beati Patris permissu, qui in his concedendis, quod huius vitæ pericula, dæmonisq; laqueos, atq; in bonos inuidiam nosset difficillimum se præbebat.

Id à Francisco Maria Card. Tauriso acceptum.

Venerat quidam, cui Alphonso nomen fuit, anno huius sæculi septuagesimo quarto, v. Idus Ian. ad nostrum Oratorium^a, vt sermonibus interesset. Huic diei hora
tertia

tertia & vigesima domum redeunti, in ipso Sancti Hieronymi ambulacro obtulit se se videndum Animuccius, quem vita functum narraui: atqui quasi viueret, quid in Oratorio fieret, ex eo quaerit: cui ille iam cantatum est, ait, sermonibus enim finem fecere Patres, tu verò visue, pergit dicere, Philippum adire? non possum, respondit defunctus, eius preces petitum veni: tu itaque si qua est mei misratio, age cum eo, ut indigenti opem ferat. Quibus dictis ex oculis abiit.

Sed hic me locus impellit, ut de pia femina Lucretia, Animucci de quo dixi vxore, & Philippi spiritali filia scribam aliquid. Huic ille, ut haberet stimulos ad fundendas preces, certam praescribit horam, quam ipsis nocturno tempore tribueret; illud simul adiiciens; ni ad constitutam horam è strato exiliat, ab eo se euocandam fore omnino: sed cum femina somno enicta, praescripto tempore haudquaquam surgeret, Philippi vocem, qui procul inde aberat, in ipso silentio audiebat, quae orationem praeciperet, eamque ad precandum excitaret.

Eadem multos iam dies non surgebat è lecto: morbus febris erat. Huic itaque quodam die mandat Philippus^b, ut postridie eius diei ad templum S. Hieronymi sine cunctatione sacrum auditum pergat. Mira dictu res! insequenti nocte sanam se esse, viribusque valentem animaduertit, exilit è lectulo, ad Ecclesiam venit, rei sacrae interest, domum incolumis repetit, Philippi virtutem praedicat, vitam ad multos annos producit.

Eidem demum inter confitendum praedixit manè Philippus grauissimos intemperantiae stimulos, quos illa proxima nocte daemonis opera sustinuerat.

Qua-

^a
Lege Gofridum
lib. 4. cura S.
Bernardi c. 11.

^b
Hanc rem iu-
rati testes duo,
qui ab ea fre-
quenter acce-
perant, digni
quibus creda-
tur, enuncia-
runt.

^c
Id auditum ab
eadem ipsa Lu-
cretia, dum vi-
ueret.

128 Christi
1571

Pij V. Pap.
6

Aetatis
56.57

Quatuor alij in Congregationem admissi.

Eodem huius sæculi anno septuagesimo primo Cōgregationi Deo vocante nomina dant, seq; nostris aggregant, Thomas Bozzius Eugubinus, cuius multa extant opera in lucem edita: alter Nicolaus Gilius Trecensis: vir is fuit egregiè pius, atque in casibus conscientiae versatissimus: tertius Antonius Talpa Septēpedanus iuris ciuilis peritus, præter hos accesserat superiore anno ad nostros Antonius Sala Bononienfis.

Iesu Christi anno
1572

Pij V. Pap. anno
7

Aetatis anno
57

*Alumnum sacerdotem cum morte luctantem in
pristinam restituit valetudinem.*

*Eam rem iure-
iurando narra-
uit Caesar Car.
Baronius.*

Anno à Virginis partu millesimo quingentesimo septuagesimo secundo, Martio ineunte, Cæsar Baronius periculosè ex febris laborare^a cœperat: ea febris vis fuit, vt die vndecimo desperata à peritissimis medicis salute, ad exitum sine vlla humani spe remedij properaret. id vbi Philippus animaduertit, se se ad orandum pro eius valetudine dat, nec irritus; preces enim suas auditas esse sensit: id ipsum & Baronius certo hoc indicio didicit:

Eo ipso tempore, quo Philippus diuinam precabatur clementiam, iucundissimo confestim somno corripitur: in somnis sibi videre videbatur eundem Beatum virum prope Christum stantem, ad Christi dexteram sanctissimam Virginem candenti amictu, posteaq; Philippum obnixè Dominum rogantem audire: Serua Cæsarem: Cæsarem pristinae restitue valetudini: Cæsarem inolumem volo: supplicanti mihi Cæsarem redde. Et hæc

hæc quidem verba, qua erat in Deum fiducia, identidem alterius Moyſis inſtar repetebat. Interea cum ſic diutius cum Domino, vt nouus Iacob luſtaretur, nec quicquam impetraret, videbatur ſibi illum ipſum cernere, qui ad ſanctiſſimam Dei Matrem verſus cum ea ſuppliciter ageret, vt quod ex ſe conſequi non poſſet, per eam omnino aſſequeretur, cuiusque petitioni Virginem annuere, rogareque illico impenſe filium, vt quod ille peteret, concedere non grauaretur, eumque tandiu exorare, quoad Philippus voti compos efficeretur. Hæc itaq; dum fierent, moribundus ſomno experrectus, & cæleſti indicio lætus melius habere cœpit, eoq; ipſo die ſuam in tuto vitam medicis admirantibus, idque miraculo dantibus, collocauit, breuiq; poſt omni penitus ægrotatione corporis liberatur: quibus proſectò rebus haud vanum fuiſſe viſum, oſenſum eſt. viuit is hodie vniuerſo orbi notiſſimus, haud immemor cuius ope, & valetudini, & vitæ reſtitutus ſit.

Aegrum ſanat:

Eodem ferme tempore quidam Ambroſius grauiffimè ægrotare cœperat: morbo in dies inualeſcente eò tandem venerat, vt uiribus iam penè omnibus deſtitutus nullam in partem niſi aliena ope adiuutus mouere ſe poſſet, alleuatumq; vbi opus erat ſuper lectulum quatuor vix homines ſuſtinerent. Id cum Philippus audit, ei illico his verbis iubet, Ambroſi ſurge quantocius, vix hæc dixerat, cum æger omnibus qui aderant, ſtupentibus, miraculumq; iterum, ac ſæpius in- clamantibus, nullius ope alleuat^a ſe, alleuatusq; nullis adminiculis ſtat: breui poſt eiufdem Philippi precatio-

*Teſtatur id in-
ramento qui ad
fuit P. Iulianus
Eufcherius Sa-
cerdos, qui ſo-
lus ex ea mul-
titudine ſuper-
ſtes eſt.*

Vitæ lib. ſecundus. R nibus

130	<i>Christi</i>	<i>Pij V. Pap.</i>	<i>Aetatis</i>
	<u>1572</u>	<u>7</u>	<u>57</u>

nibus ad integram restitutus est valetudinem.

Sed abeamus ab his, & veniamus ad res à Philippo gestas Gregorio XIII. Pij V. successore, qui Pontifex renunciatus fuit iij. Idus Maias anno millesimo quingentesimo septuagesimo secundo. Sedit annos duodecim, menses decem, dies octo & viginti.

<i>Iesu Christi anno</i>	<i>Greg. XIII. Pap. anno</i>	<i>Aetatis anno</i>
<u>1572.73</u>	<u>1</u>	<u>58</u>

Cogitationes hominum videt.

*Is ipse Mutius
eam rem iura-
tus narravit.*

I Vuenis quidam Mutius Beati Patris consilia sequi decernens, eidem peccata sua confiteri coepit anno salutis millesimo quingentesimo septuagesimo secundo, mense Octobri: sed vt inconstantes sunt mortaliū animi, non multò post redijt ad eam dementiam, de qua videbatur deiectus: in impudicitiam enim anno insequenti Februario mense ineūte lapsus, vulnus medico aperire erubescibat, alijsque delictis confessione patefactis hoc vnum silentio prateribat: id autem vbi diuinitus B. Pater præsentiit, iuuenem monet, vt integrā faciat peccatorum confessionem, dæmonemq; confundat: sed cum clausas ille haberet aures ad voces cohortantis, in eoq; perseveraret quòd delictum aperire nollet, subiecit illico Philippus, tu non omnia mihi delicta narras, quod faciens maximo te astringis scelere, quæque ille crimina perpetrarat, omnia ad vnum aperuit: hæc, & hæc delicta dicens sponte præ verecundia silentio inuoluisti: vixq; eius flagitia enarrauerat (quæ præter Mutium sciebat nemo) cum iuuenis stupore simul, ac verecundia commotus delictum confitetur, confessionemq;

tionemq; omnium à pueritia peccatorum repetit, multasque profundit lacrymas poenitentiae testes: is demum in patriam reuersus, viam quàm itur ad Christum, sequi non destitit.

Illud præterea permultis sæpissimè contigit, vt vix confitèdi studio ad B. Patris genua procubuerint,^a cum is confestim quæ quisque delicta commiserit, quas tentationes sustinuerit, in quasue cogitationes inciderit, apertissimè indicaret, quæ res maximam illis admirationem mouebat.

^a
Eius rei iuratos testes habemus quamplurimos.

Aegro sacerdoti salutem reddit.

SUb idem tempus vnus ex eius filijs spiritualibus, qui adhuc viuit, ex sarcocèle (vulgo Herniam carnosam dicimus) laborabat. Is cum diu remedia de medicorum consilio ad morbum adhibuisset quamplurima, desperatis tandem medentium auxilijs, in quibus nihil opis esse experientia didicerat, ad Philippi opem confugit, eiq; morbi genus exponit. His Philippus auditis in hæc verba respondit: bonum animum habeas, breui conualesces: quod & factum est, nullo in posterum remedio ad morbum adhibito.

^b
Totam rem illè ipse sacerdos, qui experiri est sacramento firmavit, eandem à Frac. Maria Card. Taurinensi accepimus.

Iesu Christi anno Greg. XIII. Pap. anno Aetatis anno
1574 2 59

Oratorium in ades Florentinorum transfertur.

INterea temporis dum Oratorium et numero in singulos dies augebatur & fructu, construunt Florentini suis sumptibus ad ripam Tyberis, ad maiorem Vitæ lib. Secundus. R 2 no-

nostrorum commoditatem, egregium sanè opus, vbi sermones fieri cœpti sunt, non minore populi frequentia, nec fructu, anno huius sæculi septuagesimo quarto, xvij Kal. Maias, qui dies eo tempore in quintam hebdomadæ feriam Resurrectionis Domini Nostri Iesu Christi celebris inciderat.

Eo ipso anno ad nostros se se aggregant Fabricius Mediobarbus Politonij viri diuini, humanique iuris peritissimi filius, qui tertiodécimo post anno ab ingressu obiit, & Pompeius Paterius ciuis Papiensis sacerdos.

Prædictiones.

*Id Franciscus
Maria Card.
Taurusius pu-
blico testimonio
confirmavit.*

Eodem anno cum Ioannes Baptista Altouitus adeò grauiter æger esset, vt de eo actum esse medici proclamassent, orauit pro eo Philippus: supplicatione completa, euocato ad se confestim Francisco Mariæ Taurusio iubet, vt ægro suo nomine nunciet, cū haudquaquam ex præsentī morbo moriturum; quin potius manè (tum enim vesperi erat) melius habiturum. Et extitit dicto fides, quandoquidem id vtī prædixerat, obtigit.

Hoc item anno viij Kal. Aprilis cum Lauinia è prima nobilitate femina, Fabricij Maximi vxor ventrem ferret, mentione de ea Philippo præsentē illata, pro certo is affirmavit illam virilem prolem edituram: & hæc effatus ad eius, qui aderat, virum conuersus, Vxor tua, inquit, filium pariet, quem Petri nomine appelles volo: nec aliter euenit, Aprili enim mense infantem effudit, qui matri superstes duorum iam filiorum pater effectus est.

Mori-

*Moribundam feminam è mortis faucibus
eripit.*

EO ipso anno, Aprili mense, aut certè Maio mulier primaria Constantia Crescentia, cum effuso fetu^a ad ultimum venisset vitæ discrimen, varijs, grauibsq; symptomatibus oppressa secum ipsa animo agitare cœpit, nullum sibi remedium ad morbum repellendum præter vnum Philippum reliquum esse; videbatur enim sibi si ille, de quo multa auditione acceperat, quamquam hominis faciem non nosset, pro eaprecationibus institisset, discussum iri morbū omnino: ergo accersitur, qui manibus mox ægræ impositis preces Deo pro eius salute fundit: quo tactu ingenti femina lætitia perfunditur, maioreque spe teneri cœpit se tanti viri precibus in pristinam sanitatem restituentam fore: nec irrita, inuisens eam iterum Philippus, rogat, velitne ad se venire ad Ecclesiam Sancti Hieronymi: annuit illa utpote quæ diceret nihil esse quod faceret æquè lubens. Tum ille: bono animo esto, nihil, mihi crede, est quod vereare, venies ad me ad S. Hieronymi: nec falsa prædictio; mulier enim breui contra omnium opinionē pristinae valetudini reddita est, Philippo, qui eo tempore ædes S. Hieronymi incolebat, ad confessiones perpetuò vsa.

^a
Eam rem præter Constantiã duo alij aculati testes inuerrando exposuerunt.

Iesu Christi anno Greg. XIII. Pap. anno Aetatis anno
1575 3 60

Prædictio.

ANno insequenti Ianuario mense cōtraxerat^b Agnes Columna femina æquè præstātissima, nobilissimaq;
ex

^b
Id iurata firmans Princeps femina Beatrix Caetana.

ex abortu aduersam valetudinem: cumque in dies deterius haberet, iam non longe, vt fama erat, à mortis periculo aberat. Eam itaque ita grauiter ægrotantem, atque à medicis mali magnitudine derelictam inuifit Philippus, eique spem salutis ostendit, desine, dicens, Agnes vereri, timorem, curamque omnem depone; ex hoc morbo euades: nec verba in vanum iacta, mulier desperata licet valetudine, præter omnium spem pristinae sanitati restituitur, vixitque ad annum vsque septuagesimum octauum, quo vi. Kal. Maias supremum vitæ diem clausit.

Congregationis erectio, atque progressus.

Cum pusilli huius gregis fructus vberissimi in dies conspicerentur, cogitari à nostris coeptum est, vt alienis domibus relictis proprias aliquando sibi sedes acquirerent, quibus opus Dei ad successores eiusdem spiritus, vitæque rationis heredes transmitteretur, nempe qui eadem exequentes munia, Deo primùm gratum, hominibusque deinde proficuum obsequium perpetuò exhiberent: cumque ea de re creberrimi inter eos haberentur sermones, ne suum potius, quàm Dei, proximorumque negotium agerent, de confirmanda, stabiliendaque Congregatione deliberant.

Verùm Philippus, ne tanta in re quippiam ex propria sententia statuisse videretur, totum negotium Deo assiduè precibus commendabat, id ipsum faciebant alij: cumque diutius precationibus institum esset, venit tandem illis in mentem parochialis Ecclesia Beatæ Mariæ à Vallicella Regionis Pontis, seu Parionis, in vmbilico Urbis sita; erat eius Ecclesiæ Rector Antoninus

toninus quidam Adiutus, id viro cognomen, presbyter
Messanensis: is rogatus à Patribus, an fructibus sibi,
quoad viueret, reseruatis, Ecclesiam illam dimitteret,
consensit; consensuque habito, eius officij procuratio-
nem Philippus Taurusio mandat, qui suscepta mox
prouincia Pontificem adit, eique vota, studiaq; Phi-
lippi, & alumnorum exponit: nec sua eum frustrata,
spes: Gregorius enim, qua erat in Deum pietate, cum
Philippum probè nosset, multaque tum ex Taurusio,
tum ex alijs de Congregationis instituto didicisset, nò
modò Ecclesiam concessit, sed Congregationis etiam
erectionem, confirmationemque (vtrumque enim pe-
tebatur) Apostolica auctoritate indulgit; ad eam quip-
pe diè nulla erat Apostolica auctoritate sancita Con-
gregatio: Harum rerum extant literæ Apostolicæ ver-
bis amplissimis hoc ipso anno datæ, idib. Iulij.

*Feminam ex partu moribundam salu-
ti restituit.*

Eodem anno sexto kal. Augustas mulier Olympia
cui Troianæ cognomen erat, cum duos iam dies
periclitaretur difficultate partus, fetum enim effunde-
re non poterat, parum abfuit quin uitæ extremum diè
morte conficeret.

Interea temporis dum pro mortua lugebatur à suis,
venit ei in mentem Philippus. Qua ex re in spem
salutis ingressa circumstantes feminas etiam atque
etiam rogat, eū ad se quàm mox adduci curent. Accer-
sit itaque ille, quæ eius erat in omnes charitas, veni-
re non recusat, preces fundit, moribundæ manus admo-
uet Quibus peractis veluti sensisset auditas preces, se il-
linc

*Huius rei tres
habemus iura-
testes: in q̃s
duo oculati
sunt.*

hinc repētē subducit. Mirum dictu: vix ē cubiculo abierat, cum Olympia viuētem extemplō puellam, ipsa salua, praesentiq; exempta periculo effudit.

Constat alias item feminas partus difficultate iam deploratas, precibus eiusdem, seu reliquiaria theca, quam ille habebat, admota, incolumes facili, feliciq; partu fetus enixas esse.

Ecclesiae B. Mariae à Vallicella à fundamentis instauratio.

V Erūm cum angustum esset templum, vetustateq; ruinosum, visum est Patribus, quod erat in loco optimo, Urbisque commodissimo, & ad Congregationis functiones valde idoneo, utcunque restaurandū; neque enim nouum, etsi id maximē cupiebant, priuata rei angustijs impediti condere poterant. Ergo ea in deliberatione cum essent, eorum pijs optatis, votisque respondit diuina benignitas: vix enim operi manus admoueri coeptae sunt, cum Philippus solius Dei fiducia armatus (pecunia enim Patribus vel nulla erat, vel certe admodum tenuis) de eo primū funditus euertendo, ac deinde ampliore, augustioreq; forma à fundamentis extruendo cogitare occēpit: neque hīc stetit res, quod enim faciundum cogitarat, id confestim de diuina prouidentia securus ad effectum perducere statuit: ea enim ille in omni vita sua nixus nihil arduum, nihilque nimis amplum ducens, immensa quadam magnitudine animi maxima quaeque aggredi non verebatur.

Interea ruinosa Ecclesia, Philippo iubente, solo æquata, Matthæus Castellanus nobilis nostro sæculo
Archi-

Architectus mēse septēb. accersitur, qui omnib. diligē-
tissimē circumspēdit iā construendi ædificij latitudinē
signabat, cū Germanicus Fidelis Philippum ea de re
certiorem fecit, qui illico sacerdoti iubet (quippe qui
paratus erat ad sacrificium) ne quicquā priusquā eò
ipse accederet, decerneretur: absoluto sacrificio rectā
ad locum contendit: ibi Matthæum comperit, qui cum
eam partem, in qua iudicio suo effodienda forent fun-
damenta, designaret, eius ille sententiam non approba-
uit, quippe qui vltra producendum esse ædificium di-
ceret: cumq; ventum esset ad locum, quem illi indica-
uerat Deus; hic fodiatur, ait, hic iaciantur fundamen-
ta: quod cum ageretur, ecce tibi solidus paries peruetu-
stus, qui sub ruderibus latebat, palām fit. Erat is ad de-
cem palmos latus, totque pedes longus, vt constructi-
iam ædificij molem non expleat modō, verū excedat
etiam, super quo pariete quod reliquum erat operis
dextri lateris Ecclesiæ extructum fuit; pro alterius verò
structura fundamenta iacere opus fuit, in quibus cum
primus de more esset ponendus lapis, maxima cēremo-
nia, & frequentia gesta res est: porrò primum hunc la-
pidem ritu solemni consecratum in fundamenta conie-
cit Alexander Medices Florentiæ Archiepiscopus, cui
Congregatio nostra plurimum debet, nunc S. R. E. in
Titulo S. Mariæ Transyberim presbyter Cardinalis.

Cum templum extrueretur, nunquam Patri-
bus argentum defuit, neque ad satisfaciendum fabris,
alijsque operarijs, neq; ad domos contiguas coēmen-
das: in ædificium sumptus amplissimi, ac quotidiani
fiebant: eius pecuniæ summa (demptis nummis, quos
Petrus Donatus Cæsius Cardinalis, vt suo loco dicturi
sumus, fabricæ attribuit) pergrandis ad septuaginta cir-

Vitæ lib. Secundus. S ci-

citer aureorum millia.

Feruebat opus optimi Principis, ac nonnullorum ciuium beneficio, quorum tantus fuit erga Beatum Patrē amor, tantaq; in Deum pietas, vt rem vltro eleemosynis adiuuerint: Gregorius inprimis spontanea liberalitate ad septem millia aureorum in id ædificium insumpsit: ergo templi ædificatio nunquam intermissa, cum nunquam Patribus pecunia deesset, Deo illam semper abundē suppeditante. Breui tempore, nempe intra biennium, vel circiter, in eā prope qua hodie cernitur, formam, & amplitudinem, opere, sumptuq; magnificam felicissimē creuit; Templumque Sanctissimæ Virginis, & Beati Gregorij Papæ nomine dicatur Deo.

Hic non prætermittam quæ in huiusce sacre ædis extruptione acciderunt Patribus. Quidam ex vicinis cum ferre non possent nostros apud eos Ecclesiam construere, a damone instigante ita furere cœperunt, vt simul Ioannem Antonium Lucium sacerdotem fabricæ præfectum, simul fenestras templi lapidibus, ac balistis petere ausi sint; sed Deo sacerdotem protegente, nihil ex his mali Lucius passus est, quam ille rem Beati Patris orationibus acceptam referebat.

Fratres aliquot, quorum nomina consultò reticeo, cum ædificationem Ecclesiæ impedire niterentur, intra duos annos, Philippo silente, ac pro eis diu orante, molestiæ pœnas dedere: mortui enim sunt omnes diuinum agnoscentes iudicium, ne vno quidem ex eis ad sobolem propagandam relicto.

Præter hos alij etiam Patribus molestias addidere: sed cum, vt in sacris codicibus legimus, diligentibus Deū omnia cooperentur in bonum, tātum abest vt hominum iniuria Patribus obfuerit, ut maximē profuerit.

Lauiniæ

*Consimilia in
construptione Ec-
clesiarum, vel
Cœnobiōrū san-
cti viri passi le-
guntur. Lege
Metaphrastem
in Pachomio
apud Sur. rom.
3 c. 65. vitam
S. Deodati Epi-
scopi apud eun-
dem rom. eod. c.
S. S. Bernardum
in Malachia c.
41.*

Rom. 2.

*Lauiniae Philippi spiritalis filiae Fabricij Maxi-
mi uxoris obitus.*

Hoc eodem anno, Octobri mense, vocauit Deus ad premium Lauiniam primariam feminam, de qua non ab re erit (vt quæ Philippo ad confessiones utebatur) aliquid in hanc historiam referre: ea itaque etsi hominem initio irridebat, tamen vbi de diuinis rebus differentem audiuit, adeò Dei colendi desiderio incendi se sensit, vt ipso magistro ad eum venerit vitæ statum, vt se totam Christi amore pietatis operibus, suiq; ipsius contemptui dediderit: eidem contingere affirmabat Philippus, vt inter meditationes rerum diuinarum, quibus multum impendebat temporis, abstraheretur à sensu mentis: hæc deniq; tertio Kal. Nouemb. diè obiit extremum, cui suprema hora eo ipso Philippo auctore fuerat ad cælum via, vbi Beati sempiterno æuo fruuntur.

Eo ipso anno septuagesimo quinto congregationi se addicunt Iulius Sauiolus Patauinus, & Franciscus Bozzius Eugubinus Thomæ Bozzii germanus, ille 4. Nonas Aprilis, hic Kal. Nouembris.

De tecto ruinam minante peruisum admonetur.

Insequenti anno millesimo quingentesimo septuagesimo sexto illud inter ædificandum accidit, silentio non inuoluen- dum. Veteri Ecclesia, alijsq; domi-
Vitæ lib. Secundus. S 2 bus

⁴
Eam rem à P.
Germanico ac-
cepimus eiusq;
iuratos testes
quatuor habemus.

bus ad nouæ fabricæ amplitudinem, dirutis, vix ædicula reliqua fuerat, cæteris solo æquatis tecto cooperta, cum ecce tibi quodam die vocari ad se confestim iussit Philippus Ioannem Antonium Fabricæ præfectum, eiq; mox venienti imperat, vt ædiculæ tectum demoliri faciat quàmprimùm, quippe inquit, superiore nocte Sanctissimam Dei Matrem ab se visam esse, quæ suis illud manibus sustentaret: erat is locus pro sacello, vbi sacrû agebatur, sacramenta populo ministrabantur: veteri. n. Ecclesiæ animarum cura annexa erat: tum Ioânes Antonius domum reuersus fabris id tectum vt demoliantur, imperat, qui manibus rei admotis, tignum vident, cui superponebatur, retinēte nemine stare, altera enim ex extremis eius partibus, quod tigni caput appellant; tota extra murum erat: qua ex re qui aderant, stupore afficiuntur.

Aegrum adolescentulum morbo eximit.

*Ed is ipse sacra
menta testatur.*

Eodem huius sæculi anno septuagesimo sexto Ioannes Baptista Crescius adeò vehementer assiduis capitis doloribus, ac febri conflictabatur, vt clamores, & gemitus dies, noctesque miserabilem in modum ederet: cumq; eo cruciatu plurimos iam dies exarsisset, nec vllam quietis partem caperet, impetu tãdem doloris euictò veniebat sæpius in mentem, vt ad miserrias finiendas semet in puteum præcipitem daret: interea omnibus iam rebus frustra tentatis, occurrit illi remedium, nec sanè spernendum, vt Philippum accerferet: haud dubia spe erat, eius preces salubres sibi futuras: visit illum Philippus, manibusque eius capiti impositis, in has prorupit voces, peccata fuge, Sanctissimam Dei

Dei Matrem magno pietatis affectu venerare: nihil est quod timeas, etenim non hic ad mortem te morbus dabit, sed breui conualesces: quæ dum diceret, æger confestim habere melius cœpit, dolore capitis ex toto eximitur, quietem capit, breuique post è lectulo incolumis exilit.

Prophetie spiritu claret,

Eodem anno Hieronymo Beier cognomento è Prædicatorum familia tum adolescentulo, eam improviso mentem Deus submiserat, ut de Sancti Dominici amplectendo instituto auidissimè cogitare cœperit: id porro desiderium eò hominem breui adduxit, vt illa ipsa die ad Ecclesiam S. Mariæ supra Mineruam se contulerit, ea mente, vt quod secū ipse agitarat, Nouitiorum Præfecto (is erat fr. Petrus martyr) aperiret. Hic ille quandudum ex eo quærit isthuc aggredi in animo habuerit: hac ipsa die inquit Hieronymus occulto quodā instinctu ad id acriter impelli me sensi: Tum fr. Petrus, qui edito iam signo paratus erat, nouitijs eum sequentibus, ad funus Philippum ne cognoscat, rogat, ex eo enim quid sibi hac in re faciendum facili prorsus negotio discere posse, affirmat: cum itaque ad illum nomine suo mittit, quæ vt Philippus vidit, parū vt maneat, quod paucis eum vellet, rogat: nec multò deinde post priusquam Adolescens verbum vllum faceret, noui ego, dicere ille cœpit, quid velis: missus es à fr. Petro, ut mihi primū aperias, hac ipsa die venisse tibi in mentem, vt relicto mox sæculo institutum S. Dominici amplectaris, & ego deinde tibi, si id ex Deo cogitatum sit, an non, indicem: fac quod in animo habes, Deoque gratias

*Eam rem idem
frater Hierony-
mus iureiuran-
do testatus est.*

gratias age, qui ad se hac te euocat via. Hæc ubi ille audit, ingenti stupore perculsus, attonitoq; similis vera enuncias Pater, dicebat: nec aliud vnquã verbũ proferre potuit, Reuersusq; deinde ad fr. Petrũ, qui tũ à funere domũ redierat, ei quid sibi Philippus enunciauerat, indicat, contigisseq; sibi vt olim Samaritanæ, quippe qui hominem, qui cordis sui secreta consilia nosset, repperat: amplectitur illico iuuenem hisce auditis nouitiorum præfectus: cumque sacro Religionis habitu breui donandum fore pollicetur, & simul adiungit, ideo illum ad Philippum misisse, quòd nouerat quæ esset eius vitæ sanctitas, quæue spiritualium rerum noticia. Incidit ea res in xv. kal. Nouemb. induit frater Hieronymus vestem Religiosorum die S. Martino Episcopo sacro, anno eodem: viuit adhuc, concionatorisque officio fungitur.

Predictio.

EO ipso anno erant Mediolani ex Philippi alumni sacerdotes quatuor, nempe Alexander Fidelis, Nicolaus Gilius, Pompeius Paterius, & Petrus Perrachionus: hi cum proximorum salutis procurandæ operam darent, vix in vinea Domini laborare cœperant, cum de repente^a Philippi literis Romam euocantur; Philippus enim vbi Patres Mediolanum peruenerant, Francisco Mariæ Taurusio mandat vt literas quàmprimũ ad eos scribat, quibus illi lectis Romam confestim sine cunctatione remigrent. Sed cum id iussum durum Taurusio videretur, quòd grauem multis offensionem tam repentinum eorum sacerdotum discessum allaturum esse putaret; hæc iterum ab eo audit: vt tuum est

Huius rei iuratus testis est, vt ceteros præmittam, Fran. Maria Card. Taurusius.

est mandatis meis parere, ita illorum omnibus mihi in rebus sine cunctatione obsequi; sic itaque mihi dicto audientes sint, ut simul atque velim, accurrant. mira dicturus sum, vix literæ in eorum manus venire, cum pestilentia atrox, cuius ante id tempus nulla prorsus indicia erant, repentinò coorta, velut cælum inuoluens nebula, totam eam urbem occupauit, magnasque strages incolarum edidit: illi verò Philippi literis eo periculo exempti Romam læti redierunt.

Iesu Christi anno Greg. XIII. Pap. anno Aetatis anno

1577

5

62

Philippus grauiter agrotat.

ANno huius sæculi septuagesimo septimo ineunte Philippus in morbum incidit, nulla, aut exigua spe curationis: nocte quadam^a cum quiescere corpus tradere nulla ratione posset, datis per Urbem ad Martinas laudes recitandas signis, rogauit enixius Eucharistiam sibi dari; id autem ubi Francisco Mariæ Taurisio nunciatum esset, ei præberi negauit: verebatur. ne sacra sumpta Eucharistia, lacrymarum, orationisq; vis cum spe somni capiundi priuaret, certissimo cum valetudinis periculo: interea Philippus id quod erat, subodoratus, Franciscum Mariam accersit, eique se ob corporis Christi percipiendi desiderium somnum capere non posse, aperit, illud subiciens, si voti compos efficiatur, cum Sanctissimo Sacramento se quietem capturum; ut factum est: eo namque hausto confestim uti prædixerat, quieuit, somnusque accessit. Hinc itaque vsuuenit, ut quotiescunque morbo vrgeretur,

^a
Id sacramentum
testatur Franc.
Maria Card.
Taurisius.

retur, cælesti pane, qui solus explet hominum desideria, singulis quibusq; diebus pasceretur, quo sumpto placidissimus mox somnus cum amplectebatur. Desiderio deniq; huius sacramenti illud fiebat, quod ei ex longinquitate grauissimi morbi non dum planè recreato, vires suppetere ad sacrum in templo faciendum, quod admirationem astâtibus excitabat.

Oratorium in Vallicellam transfertur.

IN noua Ecclesia celebrari cœptum est eodem anno, iij. Non. Febr. Sacrum solemne primus fecit Alexander Medices Florentiæ Archiepiscopus, idq; illustriore quàm vnquam antea, cæremonia ac pompa, iucundioreque cantorum symphonia factum est: verùm Gregorius, quò res maiore populi frequentia fieret, amplissimam Indulgentiam ijs omnibus concessit, qui sacra confessione expiati, & suauissimo Christi corpore pasti Missæ sacrificio interessent, aut Ecclesiam eo die visitarent.

Cernere erat Templum aulæis vndique stratum, magna virorum; mulierumque frequentia celebrari, lætitia, cantibusq; plena omnia; à prandio eodem concentu, eodem operante Antistite Vesperę inchoantur.

Templum cum manè, tum vesperi, ac deinceps frequentem habuit turbam, neq; defuerunt ex exteris, qui per occasionem tam amplę indulgentiæ adipiscendę, ad salutarem Eucharistiæ mensam, peracta prius peccatorum confessione, accesserint.

Neque verò postea alacritas populi, studiumq; deferbuit, neq; pius animorum calor refriguit, sed magis in dies inualuit, hodieque mirificè accrescit.

Eo ipso anno, mense Aprili sermones de rebus pijs
à Pa-

Patribus apud Vallicellam haberi cœpti sunt, Floren-
tiorum Oratorio relicto.

Alij se ad nostros aggregant.

INterim cum nouæ Congregationis fama, suauisque
odor instituti operis manaret quotidie latius, multi
Deo inseruiendi cupidine incensi ad Patres nostros
eo consilio venire cœperunt, vt in eorum ædibus ad
pietatem instituerentur: accedebant quidem multi,
sed non omnes admittebantur.

In his, qui post erectam Congregationem eodẽ anno
septuagesimo septimo sociorũ numero adscribi sũt cœ-
pti, fuisse Petrus Perrachionus sacerdos: alter huius
Historiæ auctor, qui Patribus aggregatus id summo
Dei beneficio affecutus est, vt Beati Patris nostri ad-
ministrer, assiduusque comes esset: tertius Augustinus
Mannus à Cantiano, iuris ciuile, ac Pontificij benè
peritus. primus Congregationi se addixit x. Kal. April.
alter kal. Iul. postremus mense Octobri.

*Moribundam feminam à morte
liberat.*

HOc ipso anno mulier Ersilia Bucca in morbum
adeo perniciosum inciderat, vt medici iam de
eius salute penitus desperarent: tenebatur lectulo sen-
sibus propè omnibus destituta: mors imminens ti-
mebatur: cumque res ita se se haberet, rogat Ioannes
Franciscus Ersiliæ maritus Philippum, eo. n. ad confes-
siones utebatur, ægrā visat: cuius aduentu tantā cœpit
femina lætitiā, quantā nunquam antea se perce-

Vitæ lib. secundus. T pisse

*Id à Io. Fran-
cisco oculato re-
fle acceptum.
idem ipsa Ersi-
lia iurata nar-
rauit.*

pisse meminerat; cumulabat verò gaudium, quòd Philippum hilari sibi vultu dicentem audiebat: bono animo sis, futurum breui est, vt ex hoc morbo euadas. & hæc cum ille diceret, ægræ eo momento melius fuit, atque vi morbi fugiente, quarto post die domesticis admirantibus è lecto surrexit incolumis.

Prædictio.

Eam rē iureiurando confirmavit idem Pompeius Paterius.

DEcreuerant Patres in exitu huius anni septuagesimi septimi mittere Mediolanum^a ob negotia Congregationis vrgentissima Pompeium Pateriū. is cum ire nollet, quòd se ad eiusmodi obeunda munera haudquaquam idoneum iudicaret; ad vltimum, Philippo profectionem vrgente, inuitus obedientiæ iugo ceruicem inflexit. Roma cum discederet; securus i Pompei, dixit illi Philippus, spem tuam in diuina ope reponere: superiorum iussa, consiliaq; ne examines; omnia, mihi crede, tibi ex sententia euenient. Prænunciationem breui res ipsa comprobauit: Mediolanum vbi venit, rem agere aggressus, maximas etsi difficultates, aduersariosque magni nominis multos, minasque potentum perpeffus, vt à cœpto desisteret, vnus tamen Philippi, cuius verba in memoria habebat, precibus adiutus (in his enim totam Pompeius spem collocarat) omnia, quæ se illi obijciebant, quæcunq; ea essent, facili negotio, non sine magna animi sui admiratione superabat, req; ad exitum, quem optabat perducta, Romam lætus reuertit.

Alumno

Alumno cuidam tentatione oppresso apparet.

ANno Domini millesimo quingentesimo septuagesimo octauo ineunte, sensit Philippi auxilium^a quidam eius virtutis alumnus, cum magno in metu esset propter peccati periculum, quod sibi imminere putabat. Dederat huic Philippus, quod candidissimos hominis mores pernouerat, pulchrum aspectu adolescentem in custodiam: ^b utrumque idem cubiculum, lectis licet separatis cubarent, capiebat; formidolosus enim adolescens solus esse non audebat: is interim alumnus, quamquam Beati Patris imperio parebat, tamen cum eum demonis infidiae non laterent, magno in timore assidue erat: ergo cum his angustiis premeretur, ^c statim (res mira, auditu) obtulit se se videndum nocte intempesta, qui longè ab eo loco aberat corpore, Sanctus Pater: ex cuius visu, aduentuque alumnus mirabiliter recreatus est: verum Philippus, ut maiore illum gaudio replet, lectulo in quo is iacebat, insedit, quomodoque habeat, rogat: cui alumnus; malè inquit, mihi est Pater; multis vndique cingor periculis. Tum Philippus manibus eius pectori admotis, eoque vnà cum umbilico signo crucis consignato, bonum habere animum iubet, quod omnes iam illae libidinum faces, illique animi eius timores resederint. Quibus dictis ex oculis abiit. remansit alumnus, abeunte Philippo, ingenti læticia perfusus, magnoque lumine illustratus. Haud vanum fuisse visum rebus postea, studioque præcipue illius virtutis (castitatem dico) ostendit: cuius rei etià illud esse argumento poterit, quod ex eo tempore tu-

Vitæ liber Secundus. T 2 tiffi-

^a Totam rem restatus est ille ipse sacerdos cui contigit.

^b Id mihi alia nota notissimum.

^c Cuiusmodi rem narrat probatissimus auctor Leontius Episcopus in vita Magni Simeonis cognomento Sali apud Sur. rom. 4. c. 22.

Aliam haud ab similem Euripides scriptor itidem egregius in Prato ipse rituali c. 3.

tissimè cum adolescente, tanquam cum fratre, filio-
que erat.

*Id qui expertus
fuit sacramen-
to firmavit.*

Consimile auxilium sub idem tempus sensit quidam
adolescens, cuius animum cum impuræ quædam co-
gitationes subiissent, & ita penitus in eius animo hære-
rent infixæ, vt nulla ratione diuelli ab eo possent, eòq;
adductus esset, vt parum abesset, quin turpissimè labe-
retur, cum in quo plurimum præsidij fore arbitra-
tur, Beati Patris fidem implorasset, ab omnibus ea-
rum curarum stimulis, vbi eum ille suo pectori admo-
uit, liber euasit: neque id solum assecutus est, sed vs-
que eò diuini amoris igne inflammari se sensit, vt si
qua ei pars vacua temporis esset, totam precationibus
tribueret.

Sociorum numerus augetur.

EO ipso anno nostra Ecclesia ab iurisdictione Ba-
silicæ S. Laurentij in Damaso, eiusque titularis,
& Collegij (Capitulum ipsi appellant) & Canonico-
rum eximitur. quod item apparet diplomate eodem
anno dato, kal. Septembr.

Acceperunt præterea hoc ipso anno ad Congrega-
tionem Flaminij Riccius Firmanus, vtriusque iuris
peritus: Iuuenalis Ancina Fossanensis, Latinis li-
teris eruditus: is medici arte reiecta totum se ad
Theologiæ studia contulerat: Iuuenalem sequutus est
Ioannes Matthæus eius frater iuris studiosus. Aggre-
garunt se eidem Patribus Bernardinus Corona Rom.
Io. Paulus Curiatius, & Ludouicus Parisius Florent.

Caterum intra paucos annos adeò creuit sociorum
numerus, vt homines ad centum triginta, quamquam
non

Christi
1578

Greg. XIII. Pap.
7

Aetatis
64 149

non omnes confluentes admittebantur, Cōgregationi
se se dediderint; at singulorum nomina ad vnum re-
censere mihi in animo non est.

Iesu Christi anno
1579 80

Greg. XIII. Pap. anno
7.8

Aetatis anno
64. 05

Christi anno
septuagesimo no
no nihil mihi
nouit, quod sciā,
occurrit scri-
bendum.

Feminam propè mortuam morte eximit.

ANno huius saeculi octogesimo, Aprili ineunte
femina primaria Constantia Crescētia octauum
iam mensem pragnans iterum mortiferam in febrim
incidit, à qua miserrimè conficiebatur: accesserant pu-
stulae, seu ecchymata, & exanthemata nigra: cumq; ui
morbi nō lōgè abesset ab exitu, sacro viatico media
nocte munitur: quo peractō cū sacerdos paulò post eā
vt extremo oleo inungeret, accessisset, meditari ægra
secum ipsa cœpit, quonā pacto propinquam mortem
euaderet: cogitanti venit illico in mentem, hoc vnum
his tot periculis sibi remedium fore, vt Philippus pro
cius salute diuinam precetur clementiam. Interim al-
bescente die adest Beatus Pater vocatus à nemine: fe-
minam melius habentem, explanatè, clarèque prolo-
quentem reperit: illa vt Philippum vidit, noctem
habui, dicere cœpit, plenam timoribus, & mise-
rijs, parumque abfuit quin morerer; magno tu mihi de-
siderio fuisti, à quo sperabam auxilium, quod ne defuit
quidem; namq; vbi diuinam opem, te in animo habens
implorare cœpi, mox tuarū vi precum melius mihi fu-
it: tū ille quam tu noctem habuisti plenā timoribus, ea
ipsa ego tecum perpetuò fui: bonum ergo animum ha-
beas; quandoquidem non modò non morieris, sed
breui

Huius rei pra-
ter ipsam Con-
stantiam tres
iuratos testes
habemus.

breui planè conualesces . nec mora : eo ipso momen-
to leuius habuit, paucisque interpositis diebus pristi-
num animi , corporisque vigorem , præter spem , cun-
ctis qui eius morbi cōscij erant, attonitis recuperauit.

Prophetia spiritu claret .

Iuuenis quidam non ignobilis ad prælia Domini
apud nostros prælianda euocari se sentiens insti-
tutum nostræ Congreg. amplecti statuit: Congregatio-
ni ascriptus ita omnibus in rebus gerere se cœpit, vt
omnes de eo optima sperarent. Is Beati Patris percupi-
dus erga propinquos affectionem vicisse videbatur, vt
ne minimum quidem de illis cogitare crederes : sed vt
contingere quandoque solet, morbo correptus, pietatis
studio intentus, vique morbi perterritus, in animum
induxit, cæli mutandi gratia, quò facilius in statum
valetudinis pristinum restitueretur, patrium solum re-
petere: comitem itineris vnum è Congregatione elegit
aduersa iampridem valetudine, eo vel maximè consi-
lio; vt ille dicebat, quo cæli mutatione curaretur. Ado-
lescentis consilium Beatus Pater, quòd sinistrum eius
euentum animo præfagiret, non approbat; licentiam
ergo ille, quam flagitabat ab inuito, & repugnante non
magis impetrauit, quàm extorsit. Die, qui profectiōē
anteibat, vnum è suis aduocans: ^a memoria tene, inquit:
recedent duo, redibit vnus: Iuuenis suorum amore cap-
tus ad ædes nostras non remigrabit: quibus sacerdos
auditis obstupuit: nec in irritum Philippi verba cecidi-
derunt, res enim ita prorsus euenit, vt prædixerat. Inci-
dit id in annum huius sæculi octogesimum.

*Id non mihi so-
lum, sed omni-
bus è Congrega-
tione manife-
stum: id ipsum
iuratus narra-
uit cui Philip-
pus rē aperuit.*

Dæmones

Dæmones audito Philippi nomine deterrentur.

IN sequenti anno octogesimo primo vir nobilis Carolus Mazzeus Philippi discipulus confecta ætate, ex graui morbo proximè ad mortem accesserat: ea verò nocte, quæ ipsum Christo coniunxit, cum conscientiam suam diligenter excuteret, seque ad piè moriendum præpararet, cœpit à diabolo, B. Patre longè posito, acerrimè impugnari: obieciebat ei dæmon multa, cui nihil aliud Christi miles respondebat, nisi Philippum appello, appello Philippum. Quibus verbis ita cōmunem hostem delusit, vt eum à se expulerit, quietòque animo paulò post illa ipsa nocte spiritum Deo reddiderit, xvij. kal. Maias.

Eius rei duos iuratos testes habemus.

Michaeli Mercato desperatam à medicis salutem reddit.

Eodem anno, mense Octobri Michaellem Mercatum virum sanè eruditissimum vi grauiissimi morbi supremis appropinquantem in pristinam restituit valetudinem, Petroque medicæ artis peritissimo ægri parenti, qui de filij salute penitus desperarat, non est dixit quòd timeas: æger enim nequaquam morietur, sed recuperata valetudine vitam ad aliquot annos ducet: nec vana fuit prædictio: vixdum hæc effatus erat, cum Michael habere melius cœpit, breuiq; receptis viribus tanquam à morte reuocatus prorsum conualuit, vitamque plus duodecim annos tenuit: obiit anno huius sæculi nonagesimo tertio, kal. Iulias.

Eam Horatius Anselmus, qui adfuit sacramento expressit.

Neur

Nouae aedes ad Patrum habitationem coemptae.

INterea cum nouis hominibus in Congregationem admissis vix domus omnes caperet, Petri Donati Cæsij Cardinalis Amplissimi beneficentia factum est, vt domus domibus adiungerentur; is enim ad eedes contiguas coemendas, atq; absidis Aræ maximæ à fundamentis extructionem viginti aureorum millia dono dedit: cuius deinde frater Angelus Tudertum Episcopus, maiorum imitatione, & sua etiam sponte Patrum nostrorum studiosissimus, anteriorem Templi faciem Tiburtino lapide, atque egregio opere fabrefactam suis sumptibus erigit, cum iam antea per amplum & elegans extruxisset Sacellum in abside Aræ maximæ, ad cuius ornatum aureos circiter quinque millia, & eo plures contulit. Alterum verò absidis sacellum, quod reliquum erat, Alexander Glorierius Camerae Apostolicæ Clericus suis impensis preciosis marmoribus, sacraque suppellectili ornauit. Demum post Philippi obitum Federicus Cardinalis Borromæus nostri instituti amicissimus quatuor aureorum millia in Altaris maximi ædificationem infumenda attribuit.

Addam huc breuiter, quod Patribus in emptione domorum, de quibus paulò ante diximus, accidit. Anno Dñi millesimo quingentesimo octogesimo primo, cum de cœnobio monialium S. Elizabethæ nostris ædibus contiguo (his enim monialibus aliò Iacobi Sabelli Cardinalis tum in vrbe Vicarij iussu migrandum erat) coemendo cogitarent, vtpote qui domus angustia premerentur, qua non nisi eius cœnobij emptione laxabatur: hanc Patrum deliberationem vbi Philippus audiuit,

Id à Francisco Maria Card. Tauruso acceptum: id ipsum P. Pompeius iure iurando testatus est.

uit, non modò eorum cupidini non annuit, quin resti-
tit potius: dissoluatur primùm dicebat, æs alienum,
quod ad necessariam Ecclesiæ ædificationem contra-
ctum fuit, quando quidem non licet ære alieno pres-
sis nouum quinque millium circiter aureorum (tanti
æstimabatur cœnobium) conflare: magnam enim
Philippus spem habebat fore, vt cœnobium breui Deo
bene iuuante, aliorum impensis in manus suas deue-
niret: sed cum Patres nihilominus humana prudentia
ducti rem ad exitum perducere conarentur, iamque
partes vnum in locum conuenissent, aderat iudex, is
erat Marius Martius: aderat scriba, qui nomina te-
stium in tabulas retulerat, iamque ad stipulationem
ventum erat; cum Iudice derepentè syngraphis debi-
tarum pecuniarum non contento (pecuniam enim,
non in nominibus, sed in numerato petebat, quod in
similibus emptionibus non seruatur) re infecta disce-
dunt omnes. Id cum ad B. Patrem delatum esset, actis
primùm Deo gratijs; ij dixit (de nostris Patribus lo-
quebatur) nunquã suo ære cœnobiũ vt putant merca-
bũtur, quod & factum est: namq; quinque vix abierant
menses, cum Petrus Donatus Cæsius Cardinalis, qua
erat animi munificentia, illud sua pecunia eodem
anno, pridie Idus Iulias emit, emptumque Patribus
insequenti anno octogesimo secundo, xvij. kal. Fe-
bruarias sponte dono dedit. nec id cœnobium modò,
sed domum itidem Arditiorem appellabant, cœnobio
proximam: non paruo quidem eodem anno octoge-
simo secundo Idib. August. coemptam pretio Patri-
bus anno tertio & octogesimo, pridie kal. Martias at-
tribuit: has porrò ædes in præsens nostri incolunt, præ-
ter quas duas item alias ad absidis Aræ maximæ ædi-
Vitæ lib. Secundus. V fica-

ficationem mercatus est nobis idem Petrus Donatus Cæsius Cardinalis dans pro ambabus tria millia aureorum: nec hic finis eius in Patres munificentiae, namque ad absidis extructionem octo aureorum millia testamento reliquit: quæ pecuniæ summa etsi tanta non fuit, quanta opus erat, magna tamen eius Fabricæ pars ea extructa est.

Iesu Christi anno Greg. XIII. Pap. anno Aetatis anno
1583 11 68

Adolescensculum à mortuis excitat.

*Totam rem in-
reuerendo firma-
runt Fabricius
Maximus nobi-
lis Romanus,
Violantes con-
iux, & Franci-
sca Antonij à
Castro Civitel-
la. ex ijs qui
adfuere hi su-
perstites sunt.*

ANno Christi millesimo quingentesimo octogesimo tertio Paulus Maximus ætatis annorum quatuordecim, trimestri circiter, tabe, diutinoque languore consumptus obierat: accidit autem ut eo animam agente accerferetur Philippus, qui in sacro faciendo impeditus venire non potuit; sed absoluto sacrificio ad moribundum pergens Paulum per semihoræ spatium diem obiisse reperit, cuius iam oculos Fabricius pater, ut hominibus vita functis fieri solet, clauferat, & sacerdos Camillus eius animam Christianis mysterijs munitam, solemnibus iam precibus Dei, sanctorumque tutelæ commendauerat, nec inde prius abierat, quam moribundum animam halantem vidisset, neque hæc solū facta sunt, sed & aqua calida ad corpus de more lauandum, & vestes ad illud ipsum vestiendum, quod cadauer ad Ecclesiam deferretur, paratæ erant, iamque una ex ancillis Francisca, quæ adhuc viuit, caligas in manibus habebat, quibus nuda membra tegetet: interim rebus ita se habentibus, venit Philippus, cui Fabricius:

cia

cia inquit, Pater, obiit Paulus: iam non est quod agas. Tum ille; quid causæ fuit, ut me opportuniore tempore accersiri non feceris? Quibus dictis rectà ad locū, ubi mortuus iacebat, cōtendit: ibi ex domesticis ancillis Franciscam comperit, quæ vestes, quibus pueri corpus indueret, tenebat in manibus, parata ad vestiedum: accedit propius, & lustrali aqua petita, ea mortui os, ac faciem aspergit, tum manibus eidem impositis orat: orando mortuum attrectat: inter attrectandum, orandumque ut inclamavit mortuum bis nominatim, Paulus ad vitam miro prorsus modo, eius precibus euocatur: apertis oculis, Philippo, omnibus qui aderāt stupore oppressis clara voce respōdit, quocū per quadrantem horæ, aut plus eo multum sermonem habuit, quem astantes non audiebant: post id tempus rogatus à Philippo; velitne mori, an in vita diutius esse? mori se velle respondit, quòd putaret certum, sibi esse in cælo, ac definitum locum, ubi perpetuò Dei Optimi Maximi pulchritudine frueretur. ergo mortis cupidus, ut in terram abiret viuentium, in Beati Patris conspectu, complexuque iterum^a efflauit animam, anno, quem diximus octogesimo tertio, xvij. Kal. April.

Philippus in Vallicellam commigrat.

QUamquam Philippus omnium, quæ à suis alumnis apud Vallicellam gerebantur, auctor esset, & dux, non tamen ita subito habitationem templi S. Hieronymi ut defereret, induci potuit; id enim multis post annis Petri Donati Cæsij Cardinalis opera impetratum est: is siquidem cum Congregationem nostram singulari amoris affectu prosequeretur, omni opere Vitæ lib. Secundus. V 2 con-

^a Consimilia miracula à Sæctis viris parari solita grauissimi auctores memoria prodiderūt, lege Euagriū, & Palladium in vitis SS. Patrum, in Mutio, Ioannem Euiratum in Prato Spir. capit. 77. 78. 93. præsertim c. 11. cui est initium Abbas Petrus: auctorem vitæ S. Ebrulphi apud Sur. tom 6. c. 4. Demum Eugipium in vitæ S. Severini Noricorum Apostoli ad S. Paschasii Diaconum cap. 36. quam nos in manuscriptis codicibus integrā habemus, quæ enim apud Sur. extat vitiosa ē additq; is auctor id fuisse miraculum, ut omnes præter eos, qui præsentibus fuere Severino vincente latuerunt.

contendit, ut Philippum ad suos adiungeret: quare Gregorium Pontificem ultro adiens, obtinet ab eo, verbis suis Philippo præcipiat, ut in Vallicellam commigret quàmprimùm: cuius ille iussui non restitit; eo enim Pontificis imperio diuinam voluntatem satis exploratam habuit: hoc certè scio id fuisse Philippi consilium (ne cruces sibi à Deo paratas fugeret) ut ab ædibus S. Hieronymi nunquam recederet animo habitandi apud Vallicellam cum suis, nisi superiorum iussu ad eam rem impelleretur.

Ergo profectus est ab ædibus S. Hieronymi in Vallicellam anno post Christum natum millesimo quingentesimo octogesimo tertio, x. Kal. Decemb. atque tum primùm Congregationis corpus arctiore vinculo colligatum, totum integrum capite cum membris coniuncto conspici cœpit.

Protinus Philippus non obscuriora dedit vſitata, indicia sanctitatis: nam etsi eadem nobiscum domo erat, solitudinem tamen pristinam haudquaquam deseruit; solus cibum capiebat, mensæ administrum, admittebat nullum; sacrum accersitus faciebat, atque ut cæteros suo ad obedientiam exemplo prouocaret, vix ad sacrificium vocabatur, cum relictis mox omnibus se expeditum, ubi opus erat, illico sistebat: sacris cum indueretur vestibus, non selectiores modò vestes, quarum multæ Patribus erant, sed obsoletiores postulabat: & hæc sanè haud lenia sunt, si hominis supremam inter suos potestatem, & licentiam suo modo, ut ita dicam, viuendi consideremus: omnium confluentium confessiones audiebat: Eucharistiæ Sacramentum completo sacrificio accedentibus ministrabat.

Accedebat ad hæc summus suiipsius despicientiæ amor

amor, summa in omnes charitas, in regendis filiis cura, & vigilantia plusquam paterna, suaque praesentia mirum in modum omnium oculos, & animos oblectabat: erat enim vir, ut alibi de eo dixisse me memini, sine fuce, morum elegantia, ac suauitate praeditus, si quis alius: consilijs verò, ac sententiarum gravitate omnibus admirandus.

Sub idem opinor, tempus sacerdos quidam, cui Mutio^a nomen erat, quique extra Urbem domicilium habebat, cum vel in periculo aliquo esset, vel tentatione aliqua premeretur, ubi Philippo se commendabat, extemplò omni ea molestia se leuari sentiebat. Quodam die cum prope iam esset, ut in Tyberim (Romae enim tum erat) certissimo cum vitae periculo laberetur, ad solam Beati Philippi inuocationem incolumis inde confestim euasit.

^a
Eam rem is ipse sacerdos Mutius Achilleus sacramento affirmavit.

Primariam feminam per visum corripit.

Mulier quaedam, cuius nomen^b de industria reticetur, adeò iratum animum in quendam cognatum sibi proximum gerebat, ut nulla ratio iam esset, quae eius ad pacem animum induceret; cumque diutius in iracundia permaneret, ut ne viri quidem aspectum aequo animo ferret, nocte quadam lectulo cum iaceret, alapa percuti se sentit: tum vocem Beati Patris (eo enim illa ad confessiones utebatur) audire sibi visa est: & tu quoque proteruè es iracunda? haud decet ita: omitte iam tuam istam iracundiam, & uti aequum est, reiecto odio viro te illi quam mox reconcilia. His rebus turbata mulier simul stupore attonita, quòd nosset longè tum ab ea B. Patrem corpore abesse, timore,

^b
Id ea ipsa cui contigit iurata narravit, idèq; domesticorum aliquot sacramento testatur.

158

Christi

Greg. XIII. Pap.

Aetatis

1583

12

65

timore, tremoreque correpta, lacrymis perfusa, cum cognato quàmprimùm in gratiam redit: albescente die Philippum adiens, omnem illi rem mirabunda narrat, vt facta erat.

Iesu Christi anno

Greg. XIII. Pap. anno

Aetatis anno

1584

13

69.7.

Aegrum pristinae restituit sanitati.

Eam rem ille ipse qui in se expertus est iurando exposuit.

Christi anno millesimo quingentesimo octogesimo quarto, mense vel Iunio, vel Iulio, viro cui dā è prima nobilitate (nomen consultò supprimitur) in obsœnis partibus vlcera quædam exorta erant sanè permolesta, vsque adeò, vt ignem sacrum sibi perpeti videretur, vnde & pars nonnulla glandis nigrescere iam cœperat. Is accersito medico læsum membrum ostendit: qui magnitudine mali victus ægrum hominem perterrefecit; perterritusque vt erat, ad Philippum aduolat, qui mox priusquàm ille verbum vllum faceret, affectum membrum sibi ostendat, iubet: hæc ita dixit, vt appareret ei rem omnem diuinitus indicatam: iussa exequi iuuenem pudet, remoratur imperiū: sed cum Philippo vrgenti resistere non posset, mandatum exequitur. Mira dicturus sum: à uitioso mox mēbro Philippus morbum attractu depellit omnem: ad hæc parumper hæsit iuuenis stupore attonitus, euidentia deinde miraculi motus, ad Philippum conuersus; licebit mihi iam, inquit, per omnes Urbis vias tuas enarrare laudes, teq; salutis meæ auctorem nominare: at Philippus, vt erat homo propriæ laudis inimicus, silentium indicit, remque ipsam summa ope taceri iubet:

bet: voti compos efficitur; iuuenis enim Philippo vi-
uente miraculum silentio textit; sed eo mortuo, ne in-
grati animi vitium incurreret, multis è Congregatio-
ne Patribus, alijsq; primarijs viris rem omnem, vt ge-
sta erat, iuratus ingenti profusione lacrymarum enun-
ciauit. Viuit is hodie, sacramenta religiosè, pièque
frequentans.

Dæmones Philippo molestiam exhibent.

Eodem opinor, anno cum esset Philippus in Eccle-
sia, dedit se se ei in conspectum diabolus ^a pue- Eam rem qui
adfuit iureiu-
rando exposuit.
ruli forma, vt eum irrideret. At ille subodoratus con-
festim qui esset, qui aliena specie ad se illudendum ve-
nerat, eum aduocat, contemnit, demumque ab Eccle-
sia eijcit.

Illud hoc loco adijciam, quòd nocte ^b intempesta, Id qui eos au-
diebat frago-
res iuratus enū-
ciauit.
eo orante audiebantur quandoque super cubiculo, in
quo nullo sibi adiuncto comite morabatur, fragores
magni, strepitusque, quos dæmonis opera excitatos ef-
se nemo est, qui non videat. Sed & eidem noctu pre-
cationibus intento diabolum terrorem incutere, ten-
tasse superius attigi.

Iesu Christi anno Greg. XIII. Pap. an. Aetatis anno
1585 13 70

Moribundum morte eximit.

Anno huius sæculi octogesimo quinto ^c Ioannes Incidit id in
mensẽ Mar-
rium, vel Apri-
lẽ: m. Gregorio vi-
uente.
Franciscus Anerius cum ætatis quartum et
decimum annum ageret, ex febris mortifera laborare
coepe-

Eius rei ocula-
ros, iuratosque
testes, prater Io.
Franciscum,
quatuor habe-
mus, in quibus
est femina Prin-
ceps Iulia Vr-
sina Rangona.

coeperat^a, eaq; mali vis fuit, vt à medicis destitutus ani-
mam traheret; apparebantq; in eo signa, quæ facerent
propinquæ mortis indubitata fidem: iam septemdecim
dies prope exanimatus iacuerat, membra eius perinde
atque mortuorum cadauera obriguisset tactu sentiebā-
tur, sensus amiserat omnes, nihil omnino gustabat, mo-
tus in eo percipiebatur nullus, à mortuo parum, aut ni-
hil differre dignoscebatur, vt omnium iam opinione
mortuus crederetur: nec defuere qui obstupescerent,
cum viderent moribundum adolescentem per plurium
dierum spatium, spiritum nullo propemodum sustenta-
tum cibo retinere. Id vbi Philippus persensit, rectà ad
ægrotum tendit, manibusque eius fronti impositis,
astantes monet, vt pro illo semel orationem Domini-
cam, Angelicamque salutationem recitent, tum pro-
cumbens in genua, manu fronti admota, adolescentis
matrem alloqui cœpit: tute ipsa filium tuum fame ne-
cas, afferte mihi, clamat, ad astantes conuersus, vinum
creticum, allatumque derepentè morientis ori admo-
uit, maximo eiusdem beneficio, qui eo ipso mo-
mento quasi reuiuiscens non modò exugere quod por-
rigebatur, sed etiam melius habere cœpit, paucisq; post
elapsis diebus sanus, vegetusque è lectulo surgens Bea-
to Patri gratias quantas maximas potuit pro bene-
ficio egit.

*Gregorij XIII. multorumq; S. R. E. Cardina-
lium erga Philippum obseruantia.*

Philippus non apud eos modò, qui vel in periculis
erant, vel morbis afflictabantur, in magna erat
veneratione, sed apud Principes viros, ipsosque etiam
Summos

Summos Pontifices : Illum siquidem Gregorius XIII. summæ prudentiæ , atq; integritatis Princeps impensè amavit , ac libentissimè audire solitus erat : quin rebus in multis consilium eius , & operam frequenter adhibuit , eoque audito multa faciebat . Eodem propemodum amoris , atque observantiæ affectu eundem prosecuti sunt & alij Summi Pontifices , de quibus suo loco dicturi sumus .

Reverebantur præterea Philippum tanquam Dei amicum , eodem Gregorio XIII. Pontifice , Amplissimi S. R. E. Cardinales , Carolus Card. Borromæus Archiepiscopus Mediolanensis , Guido Card. Ferrerius , Guilielmus Card. Sylvetus Bibliothecæ Apostol. Præfectus , Gabriel Card. Palæorus primus Bononiæ Archiepisc. Fr. Michael Bonellus Card. Alexandrinus , Antonius Card. Carafa , Iul. Antonius Sanctorius Card. S. Severinæ , Alexander Medices Card. Florentiæ Archiepiscopus , Nicolaus Sfondratus Card. Cremonæ Episcopus , qui postea fuit Gregorius XIII. Augustinus Valerius Card. Veronæ Episcopus , Vincentius Laureus Card. Montisregalis Episcopus , alijq; permulti .

Transeamus hunc ad res à Philippo gestas Sixto V. Pontifice Gregorij successore , qui Summus Pontifex declaratus fuit anno millesimo quingentesimo octogesimo quinto , octavo Kal. Maias . Sedit annos quinque , menses quatuor , dies tres .

Predictio.

*Transantur idia
reuerando viri
nobiles Petrus
Paulus, & Ia-
cobus Crescen-
tius fratres.*

*Incidit id in
mensum Apri-
lem, vel Ma-
ium.*

ANno huius seculi 85. Io. Antonius Lucius Sa-
cerdos, cū sexaginta annos, aut plus eō natus es-
set, ab equo, cui insidebat, excussus, afflictusq; ad terram
ad vltimum ferme periculum venerat, quandoquidem
confractō capite, omoplataq; luxata, febris accedente,
salute medicis pronuntiantibus periclitabatur: ergo
cum ex eō morbo vereretur mori, accersito mox Phi-
lippo, mortis dixit, me tader Pater, quandoquidē te-
stamentum nondum, quod mihi placeat, composui, ob-
signauiq;: Tum Philippus hominem amplexatus, bono
animo esto inquit, testamētū tu ipse arbitrato tuo cō-
scribes. nec verba in ventum iacta: aeger enim melius
confestim habuit, breuique post conualuit omnino, vi-
tamque ad multos annos produxit: decessit anno
millesimo quingentesimo nonagesimo quinto, kal.
Nouembr.

Graui morbo oppressum sanat.

*Id Carolus, &
eius mater Li-
uia Vestria pu-
blico testimonio
firmarunt.*

EO ipso anno mense Nouembri nobilis adolescens
Carolus Vrsinus, cum ætatis annum duode-
cimum ageret, morbo laterali, vehementique febris
correptus est; doloribus ad sinistrum latus vtrinque
grauibus. Urgebat continens febris ne vel minimum
quidem remittens: morbus mortifer erat: de ægri vita
medici dubitare iam cœperant: interea temporis, cum
quodam die sub vespere ad desperationem laborare
cœpisset, adest Philippus ab ægri matre euocatus, qui
submotis mox omnibus, foribusque clausis; vbi primū
insideat dolor ægrum rogitat: tum ex eodem percon-
ratur

tatur, velitne confiteri de peccatis suis: libenter quidem inquit ille: Hic Philippus procumbens in genua eius confessionem manu dolenti parti admota audit: nec frustra hæc fuerunt: ex eius enim attractu id Carolus affecutus est, ut morbo leuari se senserit. In recessu Philippus, ne timeas ei dixit, hoc morbo haud morieris, cras melius tibi erit. Mirum dictu: vix domo excesserat, cum adolescens omni repente dolore liberatur diuinitus, eaque nocte, quamquam nocturna ante premebatur vigilia, quietem capit, ad lucem usque placidissime dormit, somnoque experrectus omnem à se morbum penitus discessisse, sanitatemque sibi pristinam redditam esse, medicis miraculo attonitis, aduertit: narravit deinde Carolus sibi ægro visum esse sentire, Philippum ea manu, quam dolenti parti admouerat, dolorem omnem exhaurientem.

Iesu Christi anno

1586

Sixti V. Pap. anno

1

Aetatis anno

71

Nouus Philippi morbus.

ANno salutis millesimo quingentesimo octogesimo sexto, xvij. kal. Februarias, recenti iterum, ac repentino morbo, eoque grauissimo, atque mortifero opprimitur Philippus, ex quo tamē breui quāquam oleo sancto inunctus, præter spem, medicis admirantibus, miraculumque inclamantibus, prorsus conualuit.

Vitæ lib. Secundus.

X

2

Con-

Congregatio augetur.

CUm Patres eadem domo viuentes se, suaque ad nutum Philippi moderarentur, nihilque rerum omnium esset, quod cuperent magis, quàm diuinam voluntatem, vt eam sequerentur in omnibus: tum maximè factum est, vt eorum fama longè, latèq; vagata, varijs in locis, ac regionibus summa cupiditate expeterentur. ergo è Romano Oratorio vt à primaria arbore furculi multi per diuersas Italiae Vrbes transferri coepti sunt, fertilique solo Plantati extenderunt quacunque ramos suos.

In his celeberrimum habetur Oratorium Neapoli constructum opera Francisci Mariae Taurusij, qui eò huius sæculi anno octogésimo sexto ab Annibale Capua Archiepiscopo, alijsque nobilibus viris accersitus fuerat. is vbi Neapolim peruenit, hospitio ad Nosocomiũ insanabiliũ accepto paulatim aedes, ac templũ sanè magnificum ciuibz adiuuantibus extruendum curauit, in cuius fundamenta primum lapidem iecit idem Annibal Archiepiscopus maxima cæremonia, atque frequentia. Vt autem maior esset fructus animorum, Taurusium sequuntur, Patrum Romanæ domus decreto, Antoni Talpa Septèpedanus, Franc. Bozzius Eugubinus, Thomas Galletus Niciësis, & Michael Angelus. Tocius laicus: post aliquantò alij tres sacerdotio præditi, Iuuenalis Ancina Fossanensis, Petrus Puteus Panormitanus, & demum Flaminius Riccius Firmanus. Ergo ij vbi vnà cum Taurusio in vinea Domini diuini verbi semine excolenda laborat, coeperunt multi, Taurusij præcipuè (cuius nomen iam tum celebre erat) monitis, & exemplo permoti ad nostrum institutum se se aggre-

aggregare; breuiq; Deo bene iuuante factū est, vt plures sexaginta Congregationi ad spiritalem militiam nomina dederint.

Quid memorem apud Septempedanos in Piceno, & alibi alia huius instituti loca non sine maximo animorum fructu intra paucos annos erecta? Quæ omnia vnus Philippi labori, exemplo, atq; auctoritati accepta referunt omnes.

Verū Lectorem hic admonitum volumus, Patres nostros domicilia extra Urbem, quorum regimen apud eos resideat, iustis de causis præter Neapolitanum, & Septempedanū, habere velle nullum; idq; hoc decreto sancitum est.

Ne quis prætextu amplificandę Cōgregationis eam, dissiper, atque vt confusio cuitetur, quam multitudo, parere solet, arctiusque inter se, qui sunt ẽ Congregatione amoris vinculo colligentur, quem quotidianę consuetudo conciliat, ac mores cuiuslibet ex hoc dignosci possint facilius, & notorum vultus cuncti reueantur; Statuitur, ne Congregatio alibi vllum locū recipiat, neq; alterius Congregationis regendę onus, nisi Romę, Neapoli, ac Septempedę. hucusq; ibi.

Ceterū Patres, ne aliorum Oratoriorum extruccionem reiicere viderentur; hæc verba decreto adiecerunt. Possit nihilominus, si ipsi videbitur, mittere aliquos, qui instituant alijs in Oppidis eiusdem rationis Collegia; cum eo tamen, vt hoc peracto reuertantur; neque illa sint nostris annexa, neque Clerici eorum sint ẽ Congregatione Oratorij Romani. Possit similiter in ædes suas excipere veluti hospites sacerdotes exteros, qui addiscant instituta nostra, ac post aliud quod tempus eadem valeant inter suos fundare. hætenus

nus decretum.

Sed quamquam hæc ita sint, necessitate tamen Patribus obueniente, nouum Anxani Oratorium anno huius sæculi nonagesimo octauo, Kal. Nouemb. aperire opus fuit: possidet enim Congregatio Abbatiam Sancti Ioannis in Venerè vulgo dictam, ei Vrbi proximam, cui animarum cura annexa est: ibidem præterea institutum à Patribus Seminarium indigenarum adolescentium eo consilio, vt ad pietatem facilius, atq; ad omne munus officij instruantur. Habet Abbatia Oppida decem; vnus ex his, quod Fossaceca appellatur, Patres domini sunt.

*Oratoria quorū
regimen ad nos
stros pertinet,
quatuor sunt,
Romanum, Nea-
polititanum, Sep-
tempedanum,
& Anxanum.*

Extant iam in hunc usque diem varijs in locis Oratoria extructa quàmplurima, aliaque extruuntur in præsens, omnia Romani instar: quibus rebus fit, vt inducamur ad credendum, breui tam præclaram Beati Philippi vitæ institutionem ubiq; gentium propagandam fore: Congregatio enim ad omnium gentium auxilium nata omnibus prodesse debet sine vlla Regionum, aut locorum exceptione.

Oratoria iam extructa Romani instar præter Neapolitanum, Septempedanum, & Anxanum, quatuor sunt, Lucense, Firmatum, Panormitanum, & Camertinum: quæ extruuntur in præsens, sex: Fanense, Patavinum, Vicentinum, Ferrariense: quintum in Oppido erigitur, cui Tononio nomē trans Alpes diœcesis Gebennensis Ducatus Chablasi: sextum in Ecclesia B. Mariæ Gratiarum diœcesis Foroiuliensis in Prouincia.

Mira-

Miraculum.

EO ipso anno Nouembri mense, aut Decembri, Eugenia Manfueta per menses octodecim narium morbo laborauerat, quae illi interdum non modò intumescabant enormiter, verum graui quoq; eam vexabant incendio: ab eo autem morbo ubi nullis etiam assiduis medicorum curationibus, ac remedijs liberari se posse vidit, frustulo lintei B. viri sanguine asperso sibi admoto, protinus ab ea agrotatione euasit, neque in posterum ab ea tentari se sensit.

Huius rei oculos, iuratosq; testes praeter Eugeniā duos habemus.

Cogitatio occultissima à Philippo diuinitus visa.

Eodem anno, aut certè insequenti, Quidam è prima nobilitate magno tenebatur desiderio Philippo nescio quod animi sui consilium, quod nemini enunciauerat, credere: sed siue metu, siue veretundia impeditus rem in diem ex die differebat, cumq; quodam die manè apud ardes nostras esset, excipit illum Philippus, eiusque animum, de quo nihil prorsus audierat, eidem silenti atque stupenti explicat, aperitque.

Eam rem is ipse cui conuigie publico testimonio confirmant.

Iesu Christi anno

Sixti V. Pap. anno

Aetatis anno

1587

2

72

Predictio.

Christi anno millesimo quingentesimo octogesimo septimo, Martio mense Ioannes Franciscus

Ber-

Totam rem apud nostros satis peruulgatam sacramento firmarunt idem P. Io. Franciscus, & Alexāder Alluminatus, qui ei agrotanti assidebat.

Bernardus Placentinus nostræ Congregationis sacerdos in pernicialem morbum incidit: ea extitit morbi vis, ut breui omnium cum medicorum, tum domesticorum opinione pro mortuo haberetur: Hunc extremo iam delibutum oleo inuifit Philippus, eiq; in aurem dixit, bonum habeas animū, hoc morbo minimè morieris: nec sanè in irritum ea verba ceciderunt, quippe continuo melius ægro fuit, illoq; ipso die, quo Medici eum morituum prædixerant, magnum augmentum salutis affecutus est, paulòq; post contra omnium spem integram corporis recuperavit salutem.

*Intimos animorum recessus
penetrat.*

*Id ille ipse adole-
scens iuratus
narravit.*

Hoc etiam anno, an Martio, an Aprili mense, Adolefcens quidam satis ampla familia (nomen silentio premitur) crebrò ad Philippum ventitabat. Hic peragebat confessiones apud religiosos viros magnæ apud omnes æstimationis; inter confitendum delicta, aliquot pudore impeditus occultabat: cum itaque sic vitam ageret, venit de more ad Philippum, quem cum ille attentissimè intueretur, lacrymis illico oppleri cœpit: puerum à matre cæsum qui flebat, crederes, tantaq; lacrymarum vis fuit, ut adolescentem in eundem fletum adduxerit: inter gemitus & lacrymas in has voces prorupit: quid est quòd sacerdoti, qui tibi est à confessionibus singula peccata non aperis? confitere ei, confitere quæ commisisti delicta, ne incassum defatigeris. Quibus mox verbis adolescens in stuporè actus, quippe

pe qui id à patre audierat, quod nulli hæcenus mortali-
um patefecerat, toto corpore præ metu, ac reuerentia
contremiscebat: cadebant ei lacrymæ quasi puero præ
dolore; itaque constituit simul amplecti poenitentiam,
simul sacerdoti, quo ad confessiones utebatur, animi
vulnus aperire, quod & die insequenti facta totius vitæ
confessione diligentissimè præstitit. Tum redit more
solito ad Philippum, quem ille intuitus, etsi eius pera-
ctæ confessionis nescius, ex solo tamen aspectu animi
mutationem nouit, factum laudat, aliumque eum esse
quàm dudū, fatetur: quid tua isthæc inquit, nunc noua
figura oris, & vultus? alius mihi videris modò, quàm
antea; nouū mihi crede, vultum induisti: quæ profectò
res vt magna, insolita, atq; inusitata, ita adolescentem
noua admiratione affecit. Vixit is deinceps sub fre-
quenti sacramentorum vsu, tantumque hausit ex ea re
roboris, vt se totum Deo corpore, animoq; dicauerit.

*Præpositus Congregationis perpetuus renun-
ciatur Philippus.*

INterim cum Philippus apud suos esset, visum est
tandem Patribus, quem parentem, & auctorem
Congregationis habebant, eundem etiam ipsius-
met Congregationis perpetuum habere Præpositum
Generalem, cuius partes sunt cæteris cum potestate
præesse, idque miro omnium consensu; dictis sine va-
riatione sententijs decretum est eodem xiiij. kal. Iulias
eo prorsus inuito, ac renitente, suoque incluso cubicu-
lo: fugiebat enim Philippus id onus, vt erat homo
quietis, ac vitæ priuatæ cupidissimus, summaq; animi
demiissione ornatus.

Vitæ lib. Secundus.

Y

Erat

Erat eo tempore lex, vt Præpositi Generalis munus tres annos duraret, aut ad summum sex, quibus exactis nihil amplius potestatis haberet, neq; confirmari posset: quam quidem legem interpretati sunt Patres, ne Philippum comprehenderet: ergo decreuerunt, atque sanxerunt iterum, vt Præpositi Generalis potestas vno excepto Philippo, triennij spatio definiretur, ea conditione, vt præscripto muneri tempore exacto Præpositi potestas ad tres alios annos, modò id Congregationis bono cōducere visum esset, prorogari posset: uerum post Philippi obitum, anno huius sæculi nonagesimo sexto, mense Maio, ea lex decreto vniuersæ Congregationis irrita facta est; noua in posterum constituta, qua Patribus facultas daretur Præpositum Generalem nō exacto triennio solum, sed iterum etiam, tertio, ac deinceps, dum Congregationi id expedire nouerint, confirmandi.

Illud non inuoluam silentio, ea fuisse Philippum, mente, vt cuperet, quam vitæ, institutique rationem Congregatio initio ceperat, eam perpetuò retineret: hinc factum est, vt omnibus testatum esse voluerit, id sibi in desiderio esse, vt qui Congregationis instituta amplecterentur, nunquam se voti, aut sacramenti vinculo, neque in præsens, neque in posterum obstringerent. Quòd si qui perfectioris vitæ desiderio stimulante Religiosorum statum amplecti malint, seu iuramento, aut promissione aliqua se obstringere, ijs liberū omnino esse ad quamcunque velint Religiosorum familiam se se recipere: qui verò in Congregatione vitam agere decreuerint, arreptam initio viuendi rationem immutare non præsumāt, sic viuant tamen, vt mutuis se charitatis nexibus colligantes, bonus Christi odor

odor omnibus ubique fiant; illud imprimis attendentes, ut partim exemplo vite, partim verbi Dei prædicatione religiosi esse videantur.

Præscriptis insuper leges ad Congregationis vocationem, & spiritum quàm accommodatissimas, quas susceperunt omnes: tum verò ne domesticæ pacis, atque concordie bonum disperderetur, statuit, ut si qui inobedientes inter eos essent, seu alios suo exemplo offenderent, hi tanquam ad nostrum institutum minus apti, si corrigi non possent, à Congregatione pellerentur.

Illud præterea monebat sæpissimè alumnos, ne rebus externis, sed Christianis virtutibus delectarentur, in idque studij pro viribus incumberent, ut humilitatem, obedientiam, patientiam, charitatem, castitatem, caducarum rerum contemptum, mansuetudinem, cæterasque virtutes intus, forisque possiderent; ea præterea esset in omnibus eorum vitæ ratio, quæ inter sæculi licentiam, & asperas sacrarum familiarum observationes auream quandam mediocritatem contineret, ut id vitæ institutum spectantes, qui in mundi luxu vitam agunt, si Religiosorum cœnobijs ob vitæ asperitatem se mancipare non possint, habeant quò se recipiant, quòue confugiant, ubi mores corrigere, parare virtutes, piè demum, sanctèque vitam instituere valeant.

Prædictio.

Constans olim fama per Urbem erat, virum quendam præclaro genere ortum Ecclesiasticis dignitatibus ornatum, cuius nomen consultò reticetur, Cardinalium Collegio eo ipso anno, xv. Kal. Ianuar. adscribendum: id simul atque Philippus audiuit; is dixit, Vitæ liber Secuudus. Y 2 non

*Hinc rei intra-
tus testis est sa-
cerdos, sororis
primarij huius
viri filius.*

non in præsens modò , verùm ne in posterum quidem Cardinalatus honorem consequetur : prædictionem comprobauit euentus , siquidem Clemente Octauo Pontifice Maximo , nullis ei nouarum dignitatum accessionibus factis, obiit Romæ .

Sacerdotem sibi ignotum corripit .

*Hanc rem is ipse
Prosperi iure-
iurando testa-
tur .*

S Vb idem tempus vt arbitror, Prosper Somaius sacerdos nostram ingressus Ecclesiam à Philippo confestim vocari se sensit, vocatusque adfuit : tum ille, te idcirco accersiui, inquit, vt moneam, ne sacerdos cum sis, mulieres contingere audeas, neue te in feminarum cõsuetudinem inducas ; hæc enim facere sacerdotem minimè decet, cuius partes sunt castitatem totis viribus colere . His ille auditis mirandum illico in modum obstupuit, eòque vel maximè, quòd nec ille Philippum, nec illum Philippus nouerat .

Iesu Christi anno Sixti V. Pap. anno Aetatis anno
1588 4 74

Futura & absentia prospicit .

*Huius rei iura-
tam testem ha-
bemus Tami-
riam nobilem
feminam .*

A Nno deinde millesimo quingentesimo octogesimo octauo Helena nobilis mulier Tamiriæ Ceulæ filia vterum cum gestaret Septembri mense instante partu, quòd fetum non effunderet, accersitur Philippus ; is feminam mox manuprehendens circa cubiculum deambulare iubet; quod dum fieret, preces ille ad Dominum fundebat pro ea : Tum vbi discessum parat , instat benignè mulier, nasciturum infantem vt baptizare velit: negat Philippus excusationem legitimam

mam affert: quæ cum haud satis iusta, atq; idonea femina videretur, orat iterum aliquem saltem suo nomine mittat eius vices supplētem: tum demum ille, nullo tibi homine opus erit, qui infantem baptizet: & his dictis abiit. Nec Philippi verba sine effectu, femina nocte insequenti mortuum fetum enixa est.

Eodem anno Iulio Saueræ Mutinensi Philippum adeunti allatæ in itinere literæ sunt, in quibus scriptū erat eius matrem, de cuius morbo nihil prorsus acceperat, v. Kal. Septemb. diem obiisse: his ille percussus literis rem nemini, enuncians, cœptum iter lacrymarum plenus prosequitur: hunc Beatus Pater ut vidit, pileo suo primū eius testō capite, tum Rosario in girum actō eiusdem collum circumdans: Age, age, inquit, mitte lacrymas, mater tua ita decessit, ut de illa optima sperare possimus. ea porrò res eiusmodi erat, ut omnes vno excepto Iulio lateret. His ille auditis, simul læritia, simul stupore perfunditur.

Totam rem Iulius sacramento enunciauit.

Aegram in pristinam restituit valetudinem.

Hoc etiam anno Victoria Varesia Romana patiebatur è capite fluxionem, catharrum vocant, cum frigidis doloribus in dexteram manum delabentem, quæ per brachium subinde ad pollicem prope extendi cœperat nonnullum tumorem inuehens: hæc ad morbum frustra medicorum remedijs vsa deterius habebat in dies; ergo venit illi in mentem ad Philippum confugere, eoque vel maximè ad id impelli se sensit, quòd videbat maiores morbum vires sumere, dexteræque manus nervos contrahi: quibus fiebat, ut vixdum brachium, quo ad nullam iam ferme rem uti pote-

Id iureiurando ea ipsa Victoria testata est: idemq; ab eius domesticis acceptum.

poterat, flectere, extendereq; posset: itaq; Philippum fiducia plena sacri aduentus tempore adit, morbum, aperit. Tum ille affectum membrum fascijs obligatum manu prehensens orat pro agræ salute, interq; orandum apprehensum brachium manu stringit, premitq; fortiter: demum supplicatione cōpleta; vade, inquit, Victoria, & ne quicquam timeas, sanitati pristinae restitueris. His illa auditis læta inde abiens domum reuertit: In itinere id secum ipsa dicere cōpit: nonne Philippum vt virum sanctum, Dei; amicum veneror? nonne spem omnem valetudinis recuperādæ in eo vno reposui? facessant igitur humana remedia, abeāt medicamenta: quibus dictis læsam illico manum fascijs ligatam soluit; ceratum in ignem conijcit: Quo ex tempore adeò confestim melius habuit, vt læsam partem frigida aqua medico inuito madefaceret, eadem ad omnia vt vellet, vteretur, nulloque deinceps medicamento breui prorsus conualuit.

Iesu Christi anno Sixti V. Pap. an. Aetatis anno
1589 5 74

Prædictio.

Hanc rem Tamiria ipsa iurata narrauit.

ANno huius sæculi octogesimo nono vno eodēque tempore Helena Ciba, et Dominicus Mazzeus coniuges graui impliciti morbo cum tenerentur, Tamiriæ Helenæ matri vtrumq; diem obituum suspicanti, timorem inquit Philippus, depone: de duobus alter duntaxat morietur, prædictionem euentus subsequitur; solus Dominicus Helena vxore relicta cessit è vita quinto decimo kal. Iulias.

Mori-

Moribundos è mortis faucibus eripit.

Eodem anno virgo nobilis Laura Morona, annum agens duodecimum mortifero morbo corripitur: morbus usque eò processit, ut puellæ nullam vitæ relicta spes esset: dereliquerant eam medici; iacebat enim lectulo sensibus omnibus destituta: non audiebat, non loquebatur, eamque sacerdos oleo sancto inunxerat: Hanc itaque cum viderent parentes nulla spe salutis animam trahere, lamentabantur ut mortuam; iamque omnia erant ad sepulturam, ac funus parata: fossa, in qua corpus humandum, decreta. Interea accersitur Philippus, qui ubi eò venit, in puellæ mox faciem efflauit, alapam inflixit; tum eius capillos manu prehensens, caput circumagens, magnaue voce eam inclamans, ut Iesu nomen pronunciaret, imperauit. Hæc ut facta sunt, moribunda extemplò oculos aperit, Sanctissimum Iesu nomen pronunciat, melius habere incipit, periculo confestim eximitur, febri omnium spe citius liberatur, & tandem in pristinam restituitur valetudinem.

Hoc etiam anno Ioannes Baptista Guerra Mutinensis nostræ Congreg. laicus cum xiiij. kal. Ianuarias Ecclesiæ parietes peristromatibus exornaret, præceps ex altissimo loco ruit, quo casu tam vehementer offendit, ut mortiferum in occipite vulnus acceperit: caput ad marmor cadendo allisit: ictus grauis, percussio mortifera: itaque repertus ut nec quicquam loqueretur, nec exaudiret inclamantes, pro mortuo sublatus expiranti similis in proximum Cubiculum per manus defertur: horas aliquot iacuit alienatus à sensibus: ex patribus non

*Id præter Lau-
ram tres ocula
si testes sacra-
mento firma-
runt.*

*Huius rei iura-
tos, oculatosque
testes nouem ha-
bemus, in quibus
vnus est
Angelus Fistorini
Medicus,
qui rem mira-
culo tribuit.*

non deerant, qui eum quasi animam ageret, ad bene moriendum precibus adiuuarent.

Interea de Ioannis Baptistæ lapsu nuncius ad Philippum mittitur, qui dimissis confestim omnibus Deū pro moribūdo rogare cœpit enixius, vt qui diceret, nolle se eum tum emori. Aduocantur interim medici, qui vt ægrum prope exanimatum offendunt, fracto capite, & ex vulneribus sanguinem fluere conspiciunt, periculis plena omnia, vulnera lethalia esse seuerè pronunciant: id ipsum Angelus Victorius medicus Patrum aliorum opinionem secutus affirmat: de grauitate morbi medicorum omnium in vnum congruere sententiæ; sed de modo medendi summa inter eos dissensio erat: Ioannes (id vni ex illis nomen) in ea erat sententia, vt diceret læsam partem ferramentis non modò abradendam, sed etiam aperiendam esse, osq; ipsum detegendū, vt quicquid læsum erat, in conspectu esset: alij verò cōtra, in quibus Iosephus Zerla erat medicæ artis laude præstans, nullo id pacto tentandum: iamq; ferramentum ad scindendum, perforandumque parata omnia: sed cum peritissimi medici diuersa de curandis vulneribus sentirent, nullum ægro adhibetur medicamentum, præter simplicem abiegni olei vnctionem, & vnicam ex oleo amygdalino potionem. His peractis venit ad Philippum Angelus Victorius, vulnera prorsus mortifera esse exponit; cui ille subridens; ego inquit, nolo is moriatur, donec cœptam fabricam absoluerit: tum seriò locutus, Dominum rogo, adiecit, pro istius salute, quem noui è morbo planè surrecturum, vt factum est; Ioan. Baptista enim mirificè conualuit; quippe febris nulla fuit, quæ morbum sequeretur, quamquam medici eam expectabant: dolor itidem nullus, nulloq; alio medicamento,

Christi
1589

Sixti V. Pap.
5

Aetatis 177
75

mento, prater id, de quo ante dixi, vulneribus subuentum fuit, etsi ex medicis non deerant, qui dicerent ad ferramenta veniendum esse: eger tamen pristinam contra omnium spem recuperavit sanitatem.

Iesu Christi anno
1590

Sixti V. Pap. anno
5

Aetatis anno
75

*Corpora SS. Martyrum Papiæ, & Mauri militum
Romanorum Augustini Cardinalis Cusani
opera impetrat.*

CUm Ecclesia nostra Sanctorum reliquijs nudata in eam, qua nunc cernitur formam redacta esset, cogitare statim coepit Augustinus Cusanus Cardinalis (cui semper vni Philippo magis quam ceteris obsequi cordi fuit) de ea tam ingenti thesauro locupletanda. ergo vbi id secum animo agitat, omnem operam ponere statuit, ut Sanctorum Martyrum Papiæ, & Mauri sacra corpora è Diaconia Sancti Adriani, cuius eo tempore Titularis erat, ad Ecclesiam nostrâ auctoritate Apostolica transferrentur: ad id porrò hac mouetur occasione. Decreuerat eius Ecclesiæ Aram maximam peruetustam instaurare, exornareq; : id vbi fieri coeptum, reperiuntur fabris altare demolientibus, nonnullorum insignium Martyrum corpora, nempe Flauiae Domitillæ Virginis, Nerei, & Achillei eunuchorum, Marij, & Marthæ coniugum; ac demum Papiæ, & Mauri nobilium militum Romanorum, tribus distincta loculis, cum vetustis inscriptionibus.

Interea temporis Augustinus Cardinalis quò pijs Philippi optatis, votisq; respòdeat, à Sixto V. impetrat

Vitæ lib. Secundus.

Z

petrat

petrat, vt Sanctorum Martyrum Papiæ, & Mauri sacra corpora è Sancti Adriani Diaconia in nostram Ecclesiam S. Mariæ & Beati Gregorij à Vallicella deferantur, quod eiusdem religioso officio, ac liberalitate curatum est.

Tertio itaq; Idus Februarias, anno millesimo quingentesimo nonagesimo, resignato, apertoque loculo, quo horum Martyrum sacra corpora continebantur, extracta est concessu Pontificis exigua quædam sanctorum ossium pars, quæ eo ipso in templo S. Adriani, quasi diuturnæ mansionis, & hospitij testis, ac monumētum retineretur: clausus rursus, & obsignatus loculus, reconditusq; in arcam ligneam serico bombycino coccineo contectam; is demum locus eodem die magna populi frequentia è Sacrario elatus, feretroque impositus super Altare maximum collocatur: Tum Germanico Fideli cæremoniârū præfecto annuente agmē, ac pompa cœpit ab ædibus S. Adriani ad fornicem Septimij procedere, inde ad Capitolium, tum ad plateam Alteriorum, ex qua per viam Pontificiam ad montem Iordanum processum, inde demum ad nostram Ecclesiam peruentum est.

Res fuit omninò visenda; sacra portabantur Reliquiæ auro fulgētes, patentes in feretro sub Vmbella holoserica, pio sacerdotum nostræ Congregationis ministerio, Symphonicorum choris suauissimè præcinētibus: antecedeabant præclarissima Beatorum Martyrum pignora, sacrorum hominum familiæ, Clerus, laicique, quàmplurimi, qui nostram Ecclesiam, & Oratorium frequentant: singuli faces accensas manibus gestabant, argentea Turibula bina deferebantur, funalia circum quàmplurima: Heluetij item ad tumultū vitan-

vitandum sacrum feretrum cingebant.

Qui autem allata celebri pompa Sanctorum Martyrum corpora, pio, ac religioso obsequio exceperint ad infimos vsque Ecclesie gradus obuiam prodeuntes, fuere S. R. E. Cardinales.

Alphonfus Episcopus Portuensis Card. Gesualdus.

Gabriel Episcopus Albanensis Card. Palæorus.

Dominicus tit. S. Laurentij in Pane, & Perna Card. Pinellus.

Hippolytus tit. S. Pancratij Card. Aldobrandinus, Maior Pœnitentiarius, hodie Catholice Ecclesie Episcopus Clementis Octau nomine assumpto.

Hieronymus tit. S. Petri ad Vincula Card. de Ruere.

Scipio tit. S. Mariæ de Populo Card. Gonzaga.

Marianus Perbenedictus tit. SS. Marcellini, & Petri Card. Camerin.

Federicus S. Agathæ Diaconus Card. Borromæus.

Augustinus S. Adriani Diaconus Card. Cusanus, qui Sanctorum Martyrum corpora iussu Sixti Papæ V. cõceptis verbis tradidit Beato Philippo Nerio Florentino Parenti nostro, nostræque Congregationis Fundatori, auctorique.

Guido SS. Cosmæ, & Damiani Diaconus Car. Pepulus.

Hi omnes cum sacrum feretrum iam aræ lignæ medio in templo excitatæ, aureoque pallio circumtectæ impositum venerarentur, superuenit Nicolaus Sfondratus tit. S. Cecilie Card. Cremonensis: qui postea Gregorius Decimus quartus fuit.

Verum elapso quatrIduo sacra Martyrum corpora, & capita è templo sublata, in sacrario fuere deposita, ibi tantisper mansura, dum & ipsa Basilica, & Ara maxima, quæ magnificis operibus extructa est, cõsecraretur.

Vitæ lib. Secundus.

Z 2 tur,

tur, & dedicaretur; quæ tãdem dedicatio superiore anno millesimo quingentesimo nonagesimo nono per Alexandrum Medicen S.R.E. presbyterum Cardinalem Florentiæ Archiepiscopum solemnî ritu, ac pompa celebrata est.

Hæc de postrema Sanctorum Martyrum translatione, quam diffusius, vberiusque Iacobus Butius Lateranensis Basilicæ Canonicus, atque Illustrissimi Domini Hieronymi Rusticucci Cardinalis Vicarij notarius, qui rebus omnibus interfuit, minutissima quæq; persequendo literis mandauit.

Religiosa virgo Philippo apparet.

*Eius rei quinque
iuratos testes
habemus.*

Incidens quodam die ex sibi data occasione in sermonem de Catharina Pratenfi, ex ordine S. Dominici insignis sanctimonix femina, cuius res præclare gestas tribus libris profecutus est Seraphinus Ranzius ex eadem familia, in hæc prorupit verba: Catharina dum viueret, se se mihi per visum ostendit. Quæ esset eius corporis effigies, quæ habitudo oris, qualis statura, quis aspectus, adamussim exprimebat: mirabile id fuisse quis neget? quandoquidem nec Philippus Roma, nec Catharina Pratenfi cœnobio egressa est. Hæc porrò narrauit ille occasione obitus eiusdem Catharinæ, qui in hunc annum in diem quartum nonas Februarias incidit.

Intimos animi motus intuetur.

*Id est ipse Hector
sacramen-
to narrauit.*

Hector Modius Calaber eodem anno, Februario mense Romam veniens Philippo peccata sua

sua confitebatur: quod dum faceret, non importunos modò intemperantiæ ardores, quibus frequenter impugnabatur, sed desidiā etiam, quam in illis refellendis adhibebat, silentio inuoluere consueuerat. Philippus interim ut iuuenis pertinaciam vidit, simulque animi periculum, in quo erat, arrepta ex confessione delictorum, quam faciebat, occasione; quid causæ est, dixit, quòd te de libidinis, atque intemperantiæ stimulis, simul de negligentia, qua in eis repellendis vteris, non accusas? effare peccata tua, si Deo rem gratam facere cupis. Quibus ille rebus in admirationem raptus, mox intimo cum animi dolore confessus est se in his deliquisse; atque deinceps maiore solertia vitam traducturum omni asseueratione affirmavit.

Aegros sanitati restituit.

E O ipso anno, mense Martio ne, an Aprili P. Prometheus Peregrinus^a nostræ Cōgregationis sacerdos ita grauiter ex intestinis laborare cœpit, ut ea sibi extrahi crederet: Quamobrē in cubiculum mox delatus miserandum in modum cruciari se sentiebat doloribus increfcentibus: Hunc itaque visit Philippus, qui aliud instituto suo agere simulans,^b quasi iocaretur, ægrum manu contrectat, illiusque mox pectore signo crucis signato, cum bonæ implet spei, illud adiiciens nihil esse, quòd timere debeat: & his dictis abiit; ille verò intra semiquadrantem vnus horæ omnem dolorem à se penitus abcessisse sensit, & professus est.

Eodem anno nobilis mulier Liuia Vestria^c permolestam capitis vertiginem quatuor plus menses patiebatur, & Guaiaci decoctum, lignum sanctum appellant, quod

^a
Hanc rem ipse
P. Prometheus
inrelatando ex-
pressit.

^b
Idem in mira-
culis perpetran-
dis à S. Romual-
do fieri solitum
tradit B. Petrus
Damianus in
eius vita.

^c
Eam rem eadē
Livia publico
testimonio fir-
mauit.

quod sumpserat, morbo profuerat nihil, quin parua occasione succideret. hæc igitur quodam die cum è templo nostro, ubi sacramenta frequentat, domum repetere vellet, haud potuit vertigine eam repentinò inuadente, quippe cui circumagi quęcunque cerneret, videbantur: id ubi aduertit P. Angelus Vellius, ad Philippum eat, hortatur: paret illa, rem B. viro exponit, qui eius mox caput manu contingens omnem ab animo curam repellat, monet: mira dictu res, extemplò illa vnus Philippi attactu toto morbo ita se leuatam, animaduertit, vt ne vlli quidem vel minimæ eius valetudinis perturbationi deinceps subiacerit.

Cuidam desperatam salutem reddit.

Id' præter Bartholomæi duo oculati testes sacramento confirmant.

Hoc etiam anno, Augusto mense Bartholomæus Fuginus Romanus eo erat corporis morbo æger, vt iam deplorata esset salus: Hic enim à medicis derelictus, extremoque oleo inunctus, partim pestilentis febris vi, partim acerbissimi doloris, qui capiti hærebatur, magnitudine, proximè ad mortem accefferat. Eam rem vt Philippus audiuit, ad astantes tertia noctis horâ conuersus, ægro dixit, certam opem feret Dominus; Eoque pro illo noctu orante reperitur manè qui vesperti pro mortuo habebatur ab omnibus, nō à febris solum planè relictus, sed doloribus etiam, quibus vel maximè conficiebatur, liber. Viuit is adhuc sanitatis B. Patris intercessione redditæ fidelissimus testis.

At de his fatis. Iam nos ad ea conferamus, quorum annos, quibus gesta sunt, etsi hoc Pontifice facta, haud fatis compertos habemus.

Cogi-

Cogitatio occultissima à Philippo diuinitus visa.

F Eminam quandam nobilitate præstantem inuaserat^a cogitatio rem nescio quam Deo gratam amplectendi, eaque occulta erat: ipsa autem nemini dixerat; cumque nec quid ageret, sciret, nec Philippo animum suum aperire auderet, in ancipiti cura versabatur: verum cum quodam die confessionis peragende cupida Philippum adiisset, nondum mulier verbum vllum fecerat, cum ille eius animi cogitationem, quam diuinitus nouerat, mulieri obstupescenti exposuit.

Quidam ad eius inuocationem morbis releuantur.

E A erat omnium de Philippi sanctimonia constans opinio, vt non deessent, qui eius absentis licet, quasi præsentis, opem^b implorarent.

Patritius Patritiæ gentis cum nocte quadam incrementibus stomachi, seu intestinorum doloribus, quibus laborabat, mori metueret, ad Beatum Patrem mente confugit, eius opem implorat; nec irritus: totus enim is dolor continuo^c abiit, ipseque manens sanus, ac vegetus è lecto exiit.

Honestam mulierem^d Maria Paganella cognomento eodem morbo oppressa telæ frustulum^e Beati viri sanie, ac sanguine imbutum dolenti parti admouens illico sanatur.

Eandem alio tempore capitis dolore grauissimè confectam Philippus solo tactu in pristinam confectam restituit valetudinem.

Moerore

^a Id ea ipsa Mulier, eiusq; filij sacramento testati sunt.

^b Sancti viri adhuc viuentes à pjs inuocantur. Lege Marcum in Porphyrio Gaz. 7. Sur. in Auxentio tom. 1. Theodoretum in Philotheo, Cyrillum in Ioanne Silentario, Eudamianum in Radegunde lib. 2. Theellertum in Niceta, Petrum Damianum in Romanoaldo c. 70. adq; apud alios frequentius inuenies.

^c Hanc rem iuratus narrauit P. Germanicus Fidelis, qui eam à Patritio die subsequenti acceperat.

^d Id ipsamet iurata narrauit.

^e Miracula ex sanctorum videntium vestibus, vel conspectibus frequenter.

*per patrata esse
 ipsum histo-
 ric restantur:
 vide Theodori
 in Philo-
 theo, Cyrillum
 in Iohanne silen-
 tiario, Metaph.
 in Cyro, & Ioa-
 ne pridie Kal.
 Febr. Eodem in
 Cutherto, & de
 mum Gofridū
 in S. Bernardo
 lib. 4. c. 1.*

*Id ipsa cui con-
 sigit sacramen-
 to testatur.*

*Eam rem sacra-
 mento firmavit
 Federicus Car.
 Borromaeus.*

*Mærore afflictos mirificè recreāt, tentationibusq; op-
 pressos omni ope iuuat.*

Natus videbatur Philippus ad afflictos subleuan-
 dos, tentationibusque vexatos confirmandos; in
 his. n. plurimum ille valebat. Rem vno & altero exem-
 plo notabimus.

Mulier quædam^a eximiè nobilis, piaque valdè gra-
 uissimis animi curis opprimebatur, cumq; ad sex men-
 ses eo tentationis genere oppugnaretur, de consilio cō-
 fessarij Philippum adiit, cui cum animi molestias ape-
 ruisset, eam ille intuens, lenique tactu demulcens bo-
 næ implet spei: abi, dicens, nihil iam erit quod te mole-
 stet in posterum: Vix ille hæc dixerat, cum extemplò
 femina omni ea molestia non in præsens modò, verum
 in posterum etiam liberatur, quod profectò absq; mira-
 culo contingere non potuit.

Quidam in diuino officio recitando adeò scrupulis^b conficiebatur, vt penè diffideret ad hanc: itaque
 pestem auertendam multa nequicquam expertus tan-
 dem ad Philippum confugit: ille re cognita claudens il-
 lico cubiculi fores hominem à se dimittit; Deum pro eo
 precaturum pollicetur: abiit ille domum, diuinumque
 officium recitare aggressus ab omni illa diaboli tenta-
 tione liberum se prorsus aduertit.

Multi præterea maximis pressi solitudinibus, vel
 ex hoc solum quòd eum alloquebantur, læti inde rece-
 debant.

Gregorij

Gregorij XIII. in Philippum beneficia.

Nunc ad res à Philippo gestas Gregorio deci- Greg. XIV. crea-
tur nonis Decē.
br. anno mille
simo quingentisimo nonagesi-
mo. Sedit men-
ses decem, dies
decem.
 mo quarto (nihil enim de B. Patre, Urbano VII. Pontifice ob Pontificatus breuitatem scribendum occurrit) Hic porrò est ille Gregorius, cuius permissu B. Pater sacrum priuato in facello (erat id suo cubiculo proximum) facere cœpit: ibi enim ille desiderio se Deo liberius coniūgendi, ad ea verba cum vêtum esset; Domine non sum dignus, tum circumstantibus, atque ipso ministro foras exire iussis, ipse solus in facello manebat, moxq; vt solus erat ab arbitris remotus, non prius sanctissimam Eucharistiam sumebat, pretiosissimumque sanguinem degustabat, quàm duas frequētius circiter horas, plus, minusuè, in tanti, tamque admirabilis sacramenti contemplatione, maximo cum sensu pietatis, ingenti lacrymarum profusione consumpsisset: tum Christi corpore, ac sāguine sumptis, administro ingreffo rem sacram perficiebat. Absoluto sacrificio ita nonnunquam abstractus à sensibus apparebat, vt exanimatum magis quàm viuentem crederes.

Concessit præterea Philippo hic idem Pontifex, vt ab officio diuino recitando propter frequentes ægrotationes, & ecstases abstineret, eiusq; loco Coronā recitaret: verùm ille æger, medicis ei diuino officio, horisq; canonicis nominatim interdicētibus Coronam recitabat: sanus nunquam permissa vti voluit licentia; diuinum officium, vt nunc est, perpetuò recitauit.

Predictio.

*Hanc rem satis
 peruulgatam
 quatuor sacer-
 dotio predi-
 cando iureiurando fir-
 marunt.*

ANno Christi millesimo quingentesimo nona-
 gesimo primo mulier primaria cum in graui-
 simum morbum affecta iam atate incidisset vnus ex
 propinquis vereri coepit, ne femina Patres Congrega-
 tionis bonorum suorum hæredes institueret; egram vi-
 sebat Philippus, qua erat charitate, quotidie (eius .n.
 cōfessiones audiebat) non amore pecuniarum, vt pro-
 pinquus putabat, sed eius salutis desiderio: interea cū
 ille vehementiore suspitione sollicitus Philippum pec-
 uniam, non animam quærere cogitaret, cogitatioque
 homini nullam partem neque diurnæ, neque nocturnæ
 quietis impertiret, minis B. Patrem à proposito deter-
 rere constituit, quibus demum si nihil proficiat, non
 introitu solum ad ægram, sed omnino aditu prohiben-
 dū censeret: sed frustra sunt omnia: serui .n. Dei quam-
 quam apud se ipsos abiecti, in diuinis tamen negotijs
 agendis mirum in modum fortes sunt: ergo Philippus
 in proposito, susceptoque consilio permanens, vt erat
 animo forti, quæ sibi obijciebantur pericula contem-
 nens, singulis diebus semel atque iterum, ac sæpius
 ad ægram accedebat, in cuius cubiculum inuitis custo-
 dibus penetrabat, nulla alia re aduersus viri furorem,
 nisi diuina fiducia armatus.

Quodam die ad eam de more pergens ab alumnis
 monetur, ne certissimo se se periculo obijciat: feminā
 inquit ipse, vt eius animæ prosim inuiso: id autem ope-
 ris, occidant me, non intermittam. His illi auditis ro-
 gant iterum ab incepto desistat, seruiendum tempo-
 ri, necessitatiq; parendum tradunt. Ille denique, nun-
 quam

quam iam dixi vobis, desistam, quin feminam visam,
interfici hanc ob rem haudquaquam timeo: illud por-
rò sciatis velim, & ægram, quamquam morti proximā,
è morbo cōualituram, & propinquum, etsi optimè va-
let, è vita breui cessurum; idq; vti prædixerat, contigit.

Manzoliū morte eximit.

Eodem anno, Iunio incunte Ioannes Manzolius
Florentinus ex antiquioribus Philippi alumnis
vnus in grauem, mortiferumque morbum inciderat;
morbo in dies ingrauescente ventum iam erat ad ex-
trema, deserto à medicis nulla spes salutis suberat. er-
go sub vesperum oleo sancto inunctus, Ioanni Baptiste
sororis filio mandat, Philippum roget, vt sacerdotem
quāprimū mittat, qui sibi morienti assideat.

*Id præter Man-
zoliū alij etiam
testes ex hys, qui
adsuerē, sacra-
mento testati
sunt.*

His dictis, B. Patri quasi coram adesset, toto pecto-
re se se cōmendat, idq; eò libentius quòd memoria re-
tinebat, eundem prænuñciasse, se ei superstitem futu-
rum. Mira res, etsi ille animam agebat, vitæ tamen nō
amittebat spem: eoq; hæc secum cogitante medici ac-
cedūt, qui mortē illi instare ex venis, alijsq; signis per-
cipiunt, eòq; hominem deductū, vt nulla spe salutis in
horam viueret; propinquos de parandis rebus ad fu-
nus necessarijs admonent.

Accedit interea sacerdos à Philippo missus: is erat
Matthias Maffeus, qui moribundi animam Chri-
stianis mysterijs munitam assiduis precibus Dei, san-
ctorumq; tutelæ impensè commendat.

Vix iam hora abierat, intra quam ægrum moriturū
prædixerāt medici, Hieronymus scilicet Cordelius, &
Vitus, cum ille oculis in parietē, qui erat lectulum iux-
Vitæ lib. secundus. A a 2 ta

ta, defixis hæsit diutius: quod ubi cernunt astâtes, eū vt mortuū lamentari incipiunt, candela de more signant, alij alios intuentes inter se dicebant; ecce moritur, ecce spiritum efflat: cumq; durante tractu, ac lentitudine mortis defectus iam viribus neminem prorsus agnosceret, sentiretq; nihil, Matthias domum redit, Philippumque adiens eidem Manzolium vltimis iam appropinquasse exponit.

Quibus ille auditis quod reliquum erat noctis, in oratione consumpsit. Auditæ preces: ea siquidem nocte moribundo melius fuit; dulci enim sopore corripitur, dormit ad horas duas: experrectus clara voce astantes euocat, cibum petit, animi, corporisque yigorem recuperat.

Interea minores custodes Misericordiæ sodalitij luce vix apparente domum Manzolii, quem vita functum acceperant, petunt: corpus sibi ad lauandum dari rogitant: sed ubi audiunt eum non modò non mortuum esse, sed ne periculosum quidem, vt qui vitam ea ipsa nocte in tuto collocarat, admiratione complentur, nec dictis fidem habuere, donec suis ipsi oculis illum melius habentem, expedita lingua loquentem viderint.

Illud hic annotatu dignum; mittit Philippus eundē sacerdotem Matthiam summomanē Manzolium visum, quo abeunte venit ad eum Montes Zazzara, vt illum de eiusdem obitu admoneret; cui & dicere cœpit. Amici pater vnicè mihi cari iacturam feci: Io. Manzolius supremum diem priore nocte expleuit; & ecce tibi signum, Misericordiæ sodales ad funus conuocati sunt. hæc vix ille dixerat, cum Philippus, Manzolius, inquit, nō modò nō obiit; sed ne hoc quidē morbo obibit. Reddit interim Matthias, qui rogatus à B. Patre, quomodo

do Io. Manzolius haberet, decessit inquit; & ille haud verum dicis, uiuit ipse; propera ergo ad eum iterum pergere, quid stas? quid cessas? sed cum sacerdos iussa exequi cunctaretur, quod diceret se à Manzolij familiaribus de eius obitu admonitum esse: Instat acrius Philippus, vrgetq; mandatis pareat: Abiit ille: in itinere hæc animo voluebat: Quid sibi vult isthæc reditio? frustra Manzolij domum repeto, iterum audiam, quod semel audiui, Io. obiit. Hæc dum ille cogitaret, ad eius eedes peruenit, ingressus cubiculū: moribundū hominem non modò viuū, sed optimè habentem, expectetq; loquentem, circumstantes noscitantem offendit, miratur. Reuersus ad Philippum quod vidit, narrat; eū Manzolij nomine salutat.

Cæterum, vt ad rem nostram redeamus, accedunt medici ad Manzolium à domesticis reuocati, quamquā initio quòd cum mortuum putarent, venire renuebāt, expulsu arteriarum extemplò certam, indubitatamq; spem valetudinis admirabundi concipiunt, miraculum inelamant, miraculum, in singula momenta leuius Manzolium habere profitentur.

Neque hic stetit res, haud multò post magnis indies virium incrementis planè conualuit. Produxit is vitam ad annum huius sæculi nonagesimum septimum, obiitque paulò plus quàm biennium post Beatum Patrem.

*Nicolaus Lilius animam agens à Philippo
mirabiliter adiuuatur.*

Nicolaus Lilius nostræ Congregationis sacerdos, vir cum multis virtutibus excellens, tum maximè

mè sui despicientia, periculosè egrotabat, tantaq; apparebat vis morbi, vt mors instaret; visebat eum assiduè Philippus, cui ob singulares virtutes carus admodum erat, atque ad pugnam contra diabolicas infestationes incitabat. Accidit autem aliquando, vt cum ille supremis appropinquaret, ab aduersario varijs modis impugnari cœperit; id autem hac occasione ad nostram permanuit notitiam. Sacrum faciebat Philippus in priuato sacello, cum Patribus cibum sumētibus strepitus super fornicem triclinij audiuntur (proximus erat is locus, & cubiculo, vbi eger iacebat, & sacello, vbi Philippus salutare hostias diuinæ Maiestati immolabat) Ergo dum hi strepitus fiunt, ex Patribus aliqui tonare credunt; alij quasi lapides pergrandes maximi pōderis super fornicem triclinij summa vi traherentur, audiūt; strepitus ad singulorum aures haud peruenere: audiunt ex sacerdotibus Petrus Consolinus, & Prometheus Peregrinus; inter strepitus Philippus, qui pro agro tum precibus insistebat, ministros aduocat; Consolino, qui primus accesserat, ad Nicolaum, inquit, perge quantocius, vt quamprimum quicquid de illo est, certum sciam: aduolatis confestim, eoque vbi venit, moribundum sacerdotem iunctis manibus, hilari, serenoque uultu dicentem reperit: gratias agamus Domino Deo nostro, accessit, recessit, victus est. Quibus quidem verbis, quæ identidem repetebat, videbatur innuere se cum diabolo, cuius aspectum vitare nequiuerat, dimicantem, à Philippo mirabiliter adiutum, eiusdemque opera ab illius furore, minisque liberatum. Beato deinde Patri cum adeunti, hem Pater mi, dixit, quid quæso causæ fuit, quòd te hætenus non nouerim? cum morior, nunc qui homo sis, noscere

re

re incipio .

Ceterum de hoc, quoniam vir fuit spectatę per plures annos in Congregatione integritatis, aliqua digna, quę mandentur literis, narrabimus.

Fuit hic præter cętera pietati ita deditus, vt vocatus à Deo nihil habuerit antiquius, quàm obliuisci populum suum, & domum patris sui. Propinquorum adedò oblitus erat, vt ne minimum quidem de illis cogitaret; hinc fiebat, vt eorum literas è Gallia Romam allatas non modò non legeret; sed fasciculum etiam, vt erat ligatus, abijceret in ignem. Orationi deditus erat; obedientiam ita amabat, vt nemo magis; sui ipsius despicientia excellebat.

In confessionibus audiendis multus, assiduusque; pietate in Deum, & charitate in proximum flagrabat; de se ipse demissè, abiectèque sentiebat. Cœnobium B. Franciscę Romanę omni ferè tempore dulciter, ac sine querela rexit.

Diem obitus sui priusquàm lectulo decumberet, præuidit, prædixit: morti proximus sacramentis Ecclesię munitus supremum diem maxima cum significatione pietatis expleuit eodem, quem diximus, anno nonagesimo primo, xvij. Kal. Iulias.

Futura prænunciat.

Hoc etiam anno, xi. Kal. Aug. P. Desiderius Con-
saluus ordinis S. Dominici in grauem morbum
incidit; morbu pestifera febris secuta est, febris phreni-
sis accessit. Iacebat æger in lecto vi mali victus, & si
medicis crederes, nulla spe salutis. Eo interim ad finem
properante euocatur Philippus ad P. Franciscum Ben-
cinum

*Totam rem præ-
ter P. Desideriũ
& Ioannem
Comparotum
medicum, duo
oculati testes
publico testimo-
nio confirma-
runt.*

cinum grauitè itidem ægrum, sed non ad desperationem medicorum laborantem; qui mox, is, dixit, ex hoc morbo non conualefcet; tum Patrem Defiderium adiens, Bencinus, iterum ait, præfenti ægroratione morietur. Illud his subnectam, vixdum Defiderij cubiculum attigit, cum ad se æger reuertens, tanto confestim gaudio ex sola uiri præfentia repletur, vt sibi ipse fanus iam esse videretur. Neque eum opinio decepit: Philippus namque manibus super illo impositis, confide dicebat, breui conualefcet: Nec mora; Aeger delirio, phrenesi, & somnolentia solutum se animaduertit: febricula demum, quæ ex morbo reliqua erat, liberatur. Is itaque cum à media morte ad vitam reuocatus efferet, ab amicis dici cœptus est non iam Defiderius, sed Lazarus Rediuius: quo vocabulo in hunc vsque diem à quibusdam nominatur.

Ioannes Comparottus medicus, qui vtrunq; curabat, vbi prædictioni euentum respondisse vidit, Philippum ut Dei amicum magis, magisq; venerari cœpit. P. Defiderio salutem diuinitus redditam Beato viro pro eo orante affirmavit; simulque adiecit, ingenti se admiratione affici cogitantem P. Bencinum, de cuius salute medici haud desperarât, diè obijisse, & P. Consaluum, qui omnium opinione mortuus credebatur, contra omnem medicæ artis rationem è morbo euasisse incolumem.

Eam rem vt ceteros fletum inuenerado enunciarunt Principes femina Beatrix Caietana, & Iulia Vrsina Rangona utraque enim spectaculo interfuit.

Moribundam feminam mira in ea operando extremo adiuuat certamine.

Femina Princeps eodem anno, Augusto mense, ad vltima, summa vi morbi adducta venerat, extremaque etsi patiebatur, signa tamen apparebant in ea,

ea, quæ seriores mortem denunciarent: hanc Philippus; cuius pectus flagrabat charitate, visit, cumq; paulisper pro illa diuinâ precatus esset clementiâ, inde nescio quæ ægrotû visû abiit: in itinere secum ipse, heu feminam! frequenter dicebat, heu auxilio indiget! res sua postulat, vt ei opẽ feramus: ad plateâ S. Marię ad Martyres vt ventum est, reuertamur, ijs qui secum erant, ait, ad moribundam: senserat enim diuinitus se ad eam cum diabolo fortè dimicantem reuocari: quam reperit eodem prorsus modo habentem, vt antea, crederes eam egregiè adhuc robustam ad alium saltem diem spiritû ducturam esse omnino: tûm Philippus, vt feminæ subueniat, quibusdam, qui eius infidebant lectulo, foras exire iussis, in moribundæ faciem primûm, semel, atq; iterum exufflat, tum preces pro ea ad Deum fundens, ipsamque sermone de rebus diuinis perbreui confirmans in hæc tãdem verba prorumpit: iubeo tibi anima, Dei nomine, vt ex hoc corpore egrediaris. quibus dictis, extemplò mulier (cunctis qui aderant stupētibus, factumq; initio non credentibus) spiritû efflauit.

Aegrotantem morbo eximit.

Hoc ipso opinor, anno, mense Octobri accidit Victorix Varesię Romanæ, vt ingenti dolore correpta, sed in leua scapula, eo tam acerbè opprimeretur, vt anhelitum trahere vix posset, nec noctu conuiescere, nec in lecto decumbere. His in angustijs B. Philippi memor ad eius iterum opem confugit, enixèque rogat præsenti se morbo eripiat: Nec irrita; Philippus namque affectam mox partem pugno percutiens, Abi inquit, ex morbo planè conualesces. Mira res: Vita lib. Secundus. B b cto-

Totam rem ipsa Victoria inuata testatur, eandemq; à domesticis accepimus.

etoriae extemplò melius fuit, vixque domum, quam nostris ædibus proximam habebat, peruenit, cum in statu valetudinis pristinum restitutam se animaduertit.

Gregorij erga Philippum amor.

Illud hic attexam, quòd Gregorius XIII. & Cardinalis, & Pontifex Philippum semper plurimi fecit, dilexit vnicè, magnamq; ex eius præsentia capiebat lætitiā, eumque præterea, & læto semper, hilarique vultu excipiebat, & peramanter amplectebatur, nec permisit vnquam eum coram se esse, aut secum de quavis re agere, nisi scabello confidentem, atq; operto capite.

Quodam die cum de more Pontifex in eius rueret amplexus, me præsente, in has illico erupit voces: O te verè felicem! tu quidem Pater mi, sanctitate nos vincis, quamquam nos te (quòd Christi vices in terris gerimus) dignitate, & potestate superamus.

Amplissimi S. R. E. Cardinales, qui eo Pontifice, magna Philippum obseruantia colebant, quiq; simul eius delectabatur cōsuetudine, hi fuere, Gabriel Card. Palæotus, fr. Michael Bonellus Alexandrinus, Iulius Antonius Sanctorius, Alexander Medices, Augustinus Valerius, Vincētius Laureus, præter hos Hippolytus Card. Aldobrandinus maior Pœnitentiarius, qui hodie tanta cum Sanctitate, ac prudētiæ laude Ecclesiæ gubernacula tenet, Clementis VIII. nomine honestatus, Hieronymus de Ruuere Archiepiscopus Taurinensis, Scipio Gonzaga, Federicus Borromæus, Ioan. Franciscus Maurocenus, Augustinus Cusanus, Guido Pepulus, Paulus Camillus Sfondratus, Octavius Para-

Christi Grég. XIV. Pap. Aetatis 195
1591 1 77

Parauicinus, & alij.

Verum Philippus in magna quamquam semper auctoritate, & existimatione apud Summos Pontifices, & Amplissimos Cardinales, & Principes viros fuit; his tamē ille nunquā elatus honoribus, utpote qui caduca omnia contemneret, de sempiternis honoribus, sempiternaque gloria, cuius vehementer cupidus erat, assiduē cogitabat.

Hec de rebus à B. Philippo gestis Gregorio XIII. Iam de iis, quę ab eodem facta sunt Innocentio IX. qui Pontifex creatus iij. kal. Nouemb. anno millesimo quingentesimo nonagesimo primo sedit menses duos.

Iesu Christi anno Innoc. IX. Pap. an. Aetatis anno
1591 1 77

*Occultum cuiusdam cogitatum diuinitus
 videt.*

IN exitu huius anni millesimi quingentesimi nonagesimi primi quidam, cui Matthæo Guerre nomen, Romam venerat (erat is eximia erga Deum pietate) hospitio exceptus fuit à nostris, Philippo ad confessiones vrebatur: de eius enim sanctimonia magna & fama, & auditione acceperat; illud autem interim contigit: erant vesperi apud B. Patrem viri aliquot nobiles, ac primarij; hos cum ille, qua erat animi comitate, more suo festiuē, & vrbane tractaret, vnāque ipfis modestē etiā quandoq; subrideret; passus est ex his hospes nescio quam animi offensionem, dicebatq; secum ipse; hic si ea esset sanctimonia, qua dicitur, aliter vitam ac facit, institueret, vitio dans quod virtuti triv-

Hanc rem ipsomet sacramento exposuit.

Similia habes apud Cyrillum in S. Saba Abbatē lege si libet, epistolam S. Greg. Nazianzeni quadragesimam sextam ad Amphilo- chium.

Vitæ liber Secundus. Bb 2 bu-

buebant alij.

Interim cum iam dilucesceret, B. virum adit, delictaque confiteri aggressus, quod de eo vesperi secum agitarat, silentio transmittit: intuetur hominem Philippus, ipsumque ne vllum in confessionibus faciendis delictum reticeat, etsi leue sibi videatur, admonet: quibus dictis, Tuum erat, adiecit, quam de me heri vesperi offensionem habuisti, aperire, ei; rem totam disertè explicuit: stetit ille his auditis stupore defixus: cogitatum aperit, confessionem peragit, culpæ veniam petit.

Visiones.

Id iuratus narravit, ut ceteros pratercam, Franc. Maria Card. Taurinensis.

Illud de B. Patre hîc mirabile adijciam, cum locum aptiorem non compererim, quod Romana Sede Pastore orbata, semper ferme, nunc dormiens, nunc vigilans nomen illius, qui in Summum Pontificem eligendus erat, maxima voce pronunciari audiebat: quâ rem paucis admodum viris aperire consueuerat.

Sed ab Innocentio, qui Pontificatum gessit bimestrem, veniamus ad Clem. VIII. hodie viuentem, qui ei subrogatur tertio kal. Februarias, anno salutis humanæ millesimo quingentesimo nonagesimo secundo.

Libri Secundi Finis.



BEATI PHILIPPI NERII VITAE

LIBER TERTIVS.

Iesu Christi anno Clem.VIII. Pap.anno Aetat is anno
1592 1 72

Multa diuinitus pradicat.

PETRVS Philippus Lazarellus Eccle-
 siasticum beneficium ab Innocentio no-
 no obtinuerat : qua de re cum Apostoli-
 cas literas Summo Pontifice ex hac luce
 sublato conficere non potuisset, Clemen-
 te Octauo in demortui locum suffecto, omni ope nixus
 est, vt eam rem expleret ; sed libello supplici (vt is opi-
 nabatur) à nobili, præpotentique viro retento, quò id
 sacerdotium in alium transferretur, re desperata co-
 gitare coepit de nobili illo viro sclopetto occidendo,
 iamque à sacro faciendo, diuinoque officio recitando
 cessauerat . Hoc itaque animo cum esset, venit Domi-
 nico die manè ad nostram Ecclesiam, ibique è regione
 Philippi procumbens in genua, occultiore vi se sensit
 impelli, vt eñ adiret; eiusq; pedibus nesciès quid age-
 ret, quidue sibi veller, prouolutus nullum loquebatur
 verbum, nullam edebat vocem, mutum eum crederes.
 Hic Beatus Pater sinistram viri aurem manu leniter
 appre-

*Id is ipse Petrus
 Philippus iure-
 iurando annu-
 ciatus.*

apprehendens, tu, inquit, ærumnis premeris, an non ita est? cui ille, sic Pater: bono animo sis, subiecit illico Philippus, intra quindecim dies hac sollicitudine liberaberis. Quibus ille auditis ingenti gaudio perfusus, bonæ spei plenus lætus inde se subduxit: intraque præfinitos dies ea molestia præter omnium expectationem liberatus, beneficio Ecclesiastico, de cuius spe deciderat, confectis ea de re literis, donatur.

Eam rem idem Hieronymus, atq; germanus eius Camillus sacramento testati sunt.

Eodem anno Hieronymus Pamphilius è prima nobilitate vir, Rotæ Auditor, cum ita graviter ægrotaret, ut ad desperationem medicorum laborare cœpisset, à Philippo Aprili extremo inuisitur, qui hominem benignè amplexatus timorem omnem abijciat, monet, morbum brevi discussum iri affirmat, pollicetur. Neque absuit dicto fides; quippe ille haud multò post sano, vegetoque corpore surrexit è lectulo.

Hic autem non prætermittam ne illud quidem, observatum frequenter à multis fuisse, ægros, de quibus medici desperarant, pristinas recuperasse vires Beato Patre eos se morbo euasuros pronunciante: contrà de quibus medici nil suspicabantur mali, eodem annuente è vita cessuros, naturæ debitum exoluisse.

Huius rei præter ipsam Catharinam tres habemus iuretestes.

Puellæ annorum nouem Catharinæ Ruissæ nomine crustulæ quædā cacoethe, hoc est mali moris nares occuparant, non absque prauæ luis suspitione; quippe cum domo nuper exceptus fuisset, qui eisdem infectus pariter laborabat: puellæ medicamentis succurritur, sed certè incassum omnia: nam crustulæ quamquam mundari ex interuallo videbantur, nouæ tamen confestim eiusdem generis in naribus nascebantur: cumque per integrum annū hoc morbi genere oppressa iacuisset, nec medicamentis sanari posset, à matre ad Philippum

pum hoc ipso anno, Aprili, mense, vel Maio adducitur. Is ubi puellam vidit, affectas mox nares manu leniter contrectans; filiola dicebat, nullus tibi deinceps eius generis morbus erit. Nec mora; Catharina confestim habere melius coepit, breuique post vsq; adeo integram recuperavit valetudinem, vt ea deinceps egrotatione nequiquam laborauerit.

Hoc etiam anno, mense Augusto venerat ad Philippum Victoria Ciba, vt animum sacramento confessionis expurgaret: cui mox ille, quampridem ait, sororem tuam visisti iam dudum, respondit: & ipse, i frequenter visere eam, futurum enim est, vt breui supremum diem expleat. Erat hæc, virgo Deo sacrata, cui Victorix, vt sorori, nomen fuit, quæ relicto sæculo cœnobio B. Franciscæ Romanæ se addixerat. ea itaque optima quamquam tum utebatur valetudine, quietè, liberèq; vivebat, vitæ annum alterum & vigesimum agens, repentino tamen morbo oppressa intra mensem nempe xiiij kal. Octobres diem obiit extremum.

Id Tamiria nobilis mulier publice testimonio confirmavit.

Eodem itidem anno, ix. kal. Septemb. dati fuerunt sub Patrum custodia adolescentulj quatuor ijsdem parentibus geniti, religione Iudæi, obstinato prorsus animo, Hæbreorum ritibus, & superstitionibus addictissimi: Hos Philippus ubi obstinatiores vidit, Christo laud ita multo post nomina daturus prænuñciauit: res autem hoc gesta modo.

Id iurati testes complures affirmant.

Quodam die sub horam noctis primam cum in Iudaica superstitione obfirmato quàm nunquam antea animo perstarent, in eoque perseverantes, quòd in patria vellent, atque auita religione mori, omnemq; præterea qui haberetur de Christo, sermonem auribus respicerent: non modo superbæ eorum obstinationi non cessit

cessit B. Pater, sed inflammari etiam se sensit magis ad eos Christo adiungendos.

Illos itaque hortatur Deum enixè orent, ut eos veritatem edoceat, & simul adiungit, eundem se postero die in ipso sacrificio pro illorum conversione rogaturum, quem preces suas auditurum sciebat.

Die verò insequenti manè, cum eiusdem essent sententiæ, obstinatoresq; animo Iudaicam legem profiterentur, improvisè cum nil minus expectaretur, Philippo sacrum faciente, vi diuina ad Christianam religionem impulsus Petro Consolino sacerdoti Christianos se fieri velle exponunt.

Hi postea de rebus fidei optimè eruditi à S. D. N. Clem. VIII. in Basilica Lateranensi sacro baptismo abluntur, mutatisq; nominibus, natu maximo Alexander, alteri Augustinus, tertio Hippolytus, postremo Clemens nomen imponitur.

Duobus imminentem mortem prædicit. Feminae cogitatum intuetur.

*Hanc rem tres
sacramento tes-
tes affirmarunt.*

Virgilius Crescentius nobilis Romanus hoc ipso anno, Nouembri mense ægrotare cœpit: morbus initio ita levis videbatur, ut ne medicorum quidè iudicio mortifer haberetur: Interea rogatus Philippus, ut pro illo Deum oraret, apertissimis indicauit verbis, ægrum eius vi morbi è vita cessurum omnino: sed cum iterum vrgeretur, ut morbum ab eo precationibus expelleret: voluntati diuinæ, inquit, obsequendum in omnibus; id enim vult Deus, ut is hoc morbo moriatur; ergo nos ad eius voluntatem conformemus. Mira dicturus sum: æger paucis post elapsis diebus ea ægro-
tatione

tatione decessit.

Non inuitus huic subnecto eius coniugem Constantiam. Hæc Philippo præsentē (ut qui eam solaturus aduenerat) id secum animo agitare cœpit: Vir meus affecta nondum ætate obiit; hic verò (Philippum dicebat) extremam quamquam ætatem attingit, vita tamen fruitur, vitam retinet. Tum Philippus eius mentis cogitata intuitus; vir tuus, feminae inquit, etiam nunc iuuenis mortuus est; & ego, qui senex sum, in vita adhuc maneo: nonne vera loquor? quid taces? His illa auditis miraculo attonita obmutuit.

Ex ipsa totam rem iurata narravit.

Patritium Patritiæ gentis eodem anno, ac mense leuissimè egrotantē inuifens, illud monet, ut sacramentis Ecclesiæ se muniat, seque demum mortalem agnoscat: sed cum id verbum tum illi, tum domesticis durum nimis videretur (quandoquidem de ægri morte ne levis quidē suspicio erat) de Philippi consilio in aliud tempus differēdo cogitari cœptum est: sed B. Patre acrius instante datum sibi consilium ægrotus tandem amplectitur, qui sacramentis Ecclesiæ munitus rebus humanis eripitur.

Id iurati testes duo firmitur.

Grauiſſimo morbo implicitus conualeſcit diuinitus.

EO ipso anno inciderat Philippus Nouembri mense in continentem febrim sine remissione grauē, ardentem, atque periculosam, quæ quadraginta totos dies eum acerrimè diuexauerat: inualeſcente in dies morbo, cum putarent omnes eum procul abesse exitio, integrè derepentè firmitati præter spem restituitur: id porro medici diuinum fuisse miraculum, ætatis viri

Vitæ lib. Tertius.

C c præ-

praesertim habita ratione,iurati publico testimonio cō
firmarunt.

*Id iurati testes,
oculatique fir-
marunt.*

Illud quoque admirabile, quòd Hieronymo Cor-
delio vni ex ijs, qui cum ægrotantem curabant, acci-
dit. Hic cum quodam die sub vespere illum pessi-
mè habentem reperisset, Philippus dixit adeò pericu-
losè ægrotat, ut non longè iam absit à periculo mortis.
Redit deinde postridie sūmo manè, quæritq; sollicitus
num benè haberet: ei Philippus, qui de verbis illius ni-
hil acceperat, seorsum ab alijs euocato; ò Cordeli in-
quit, non est mihi hic morbus, vt tua fert opinio, supre-
mus: ex eo surgam.

Hoc ipso tam graui morbo detentus certis quibus-
dam adolescentibus, quorum ille confessiones frequē-
tissimè excipere solebat, facultatem nunquam, multis
ac iustis de causis dare voluit apud alios confessiones
peragendi: expectate, dicebat illis, parumper, quieto
animo viuite, Natali die Domini Nostri Iesu Christi
ego ipse peccatorum vestrorum audiam confessiones:
id sicuti prænunciauerat, contigit; ex eo enim morbo
paulò post medicis admirantibus (vt qui Philippum,
ante id tempus è vita cessurum dicerent) planè conua-
luit, eorumq; confessiones nō modò, sed aliorum etiam
excepit, audiuitque.

Obseruatum præterea fuit frequenter à multis, B. Pa-
trem ex grauissimis morbis, quorum vi peritissimorum
iudicio ad vltimum venerat vitæ discrimen, diuinitus
pristinæ incolumitati humanis remedijs nihil profusus
efficientibus, vel etiam non adhibitis restitutum fuisse:
eam porrò rem medici, qui eius corpus curabant, sa-
cramento testantur.

Videre erat etiam quandoq; Philippum tam breui
ex

ex grauiſſimis morbis ad integram corporis incolumi-
tatem redire, vt medici, qui illum veſperi morti proxi-
mum offende-^{ſed teſtes ali-}bant, poſtridie manè omni prorsus morbo
leuaturn reperirent.^{quor ſacramen-}
^{to enunciatũ,}

Illud quoque hic attexam pro miraculo à peritiſſi-
mis medicis habitum, Philippum de uexa iam ætate, ſi-
ue morbo affectum, ſiue viribus valentem, tam tenui
cibo vitam tenere potuiſſe; idq; ſupra vires naturæ, ac
diuinum prorsus miraculum fuiſſe iureiurando con-
firmarunt.

Amici cogitationes videt.

IN huius anni exitu Claudius Nerius ciuis Roma-
nus, vir vtriuſque iuris peritia clarus in Vrbe
adeò magnis conſcientiæ aculeis mali dæmonis im-
pulsu torquebatur, vt eis impeditus Eucharistiæ ſa-
cramentum frequentare non auderet. Hiſce in an-
guſtijs Philippum conſulere ſtatuit, animo quod ille
daret conſilij proſequendi, multumq; cum eo ſermonẽ
habens, quod dictum venerat, reticẽs, omnia alia enar-
rauit: tum Philippus, qui rem totam diuina reuelatio-
ne prænouerat, rogare hominẽ cœpit, vt ſiquid, quod
aperire cuperet, in animo haberet, expromeret: negat
initio Claudius; inſtat iterum Philippus: negat ille vt
antea, forasq; exire volebat; ſed nõ permittit B.P. qui
ut amico opẽ ferret, ficta perſona, quod ille ſecũ ani-
mo reuoluebat, aperit. Amicus mihi erat, dicere cœpit,
qui eiufmodi ſcrupulo conſciebatur (eum ipſum refe-
rens, quo premebatur Claudius) cumq; is nullam ani-
mo quietem capere poſſet, me conſulere decreuit. Tum
enarrans modum, quo amicum ea ſolicitudine libe-

*Hanc rem iure
iurando idem
Claudius, eiuf-
que filij, & con-
iux expoſuero.*

Vitæ lib. Tertius.

Cc 2 ra-

204 Christi
1592

Clem.VIII.Pap.
1

Actatis
78

rauerat, quasi aliud ageret, nunc amici, nunc Claudij nomine loquebatur: putares eum à Claudio de re sua iam antea plenè eruditum fuisse: qua ille denunciatio-
ne percussus attonito mox similis efficitur, experimen-
to discens id rescisse B. Patrem, quod mortalium nemo
præter se ipsum suspicari potuisset: domum verò reuer-
sus expertam B. viri sanctimoniam tum cōsanguineis,
tum amicis enarrare non destitit.

Iesu Christi anno Clem.VIII.Pap.an. Actatis anno
1593 2 78

Diabolus in Philippum infestus.

*Id sacramento
testantur, qui
adfuere.*

ANno post Christum natum millesimo quingen-
tesimo nonagesimo tertio, cum quodam die
precibus de more insisteret, dæmon, cuius studium se-
pe fuit interpellare orantem, vestem eius, quem ferre
non poterat, sordibus asperfit.

Oppressam morbo feminam sanat.

*Totam rem ip-
sa Antonia,
eiusq; maritus
iureiurando
exposuere.*

EOdem anno, mense Iunio Antonia Caraccia An-
tonij Pasquini coniux effuso fetu repentino dex-
tri lateris dolore corripitur: dolore increscente à do-
mesticis in lectulo collocatur, eoque mirum in modum
aucto, molestissima febris iactari cœpit: febris verò, ac
doloribus diu pressa cō tandem deuenerat, vt neutram
in partem mouere se posset. Ergo cum quindecim
circiter dies ita grauiter afflictata iacuisset, nec quic-
quam ei prodesset, quod à medicamentis proficiscere-
tur, Antonio visum est ad Philippi opem confugere;
cui

cui ille, abi inquit, vxor tua è morbo euadet: quibus dictis illum dimisit: sed cum morbus in singula penè momenta maiorem in modum amplior fieret, ipsaque agra omnes ferè cibos, haustusque stomacho fastidiente respueret, vllamque quietis partem, neque noctu, neque interdiu caperet, perrexit iterum Antonius ad Beatum Patrem, quem mox etiam atque etiam rogare cœpit, ut periclitati vxori, quæ seuiète atrociter febri proximè ad mortem accesserat, succurrere velit: cui ille; coniux tua, inquit, non modò præsentī morbo non morietur, verum etiam pristinum corporis, animiq; vigorem recuperabit: abi ergo domum, ego te mox sequar: eam itaque adiens, quid morbi sit, vbiq; hæreat dolor, rogitat: quibus demum cognitis manu dolenti parti admota, tam ingenti lætitiā eo confestim attracta agra perfunditur, vt vbi esset, vix sciret præ gaudio: Philippus interim, quod Deus per ipsum effecerat, sentiens inde se subduxit, his verbis mulierem in discessu solatus, læta iam esto; ne quicquam vereare. Vix ille abierat, cum ea præter morem cœpit sine vllō adminiculo in vtramque se partem mouere periculum virium factura; quod vbi facere aggreditur, & deperditas vires se recuperasse, & tota febri, totoq; dolore solutam se animaduertit, virumque suum gaudij plena euocans ei miranti sanam se se ostendit.

Præpositi Generalis munere se se sponte abdicat.

CUm priuatæ vitæ desiderio teneretur Philippus, atque graue sibi videretur, qua erat humilitate, alijs imperare, Francisci Minorum Patriarchæ exemplum secutus Præpositi munere omnino se abdicare con-

constituit: in hanc itaque ille sententiam ingressus, Patribus, qui assistere in deliberationibus solerent, conuocatis, quid in animo fixum haberet, enunciat, rogatque, ut nulla sui habita ratione Cōgregationis utilitati prospiciant omnes, cum debeat unusquisque suam voluntatem ad publicam causam aggregare, & quamprimū nouum deligant Præpositum Generalem, qui cunctis præsit, virum se & animo, & corpore firmiorē: ego enim inquit, Patres, senectute iam confectus ad res agendas non satis mihi aptus videor: haud ergo æquū opinor hoc à me diutius ferri pondus debere: vnum itaque etiam atque etiam oro, eligatis, qui mihi fessa iam ætate viro succedat: date mihi quæso, ut liber ab onere, vacuus à curis rectius imminenti morti me comparem.

Sed ubi animaduertit, quibus rebus putabat mentes Patrum ad suum imperium flectere, illis ipsis studiæ eorum vel maximè incendi, ne voti compos efficere-
tur, Augustinum Cusanum, & Federicum Borromæū Cardinales rogare mox cœpit id suo nomine cum Patribus agerent, ut se Præpositi munere abire permitterent: Qua re cognita, eam illi prouinciam libenti animo susceperunt. Pridie itaque nonas Iulias conuocatis Patribus, quibus ferendi suffragij ius erat, exponunt ijdem Cardinales Philippum quàm suppliciter potest, rogare sibi primū fessa iam ætate Præpositi onere abdicare liceat; tum ut Congregatio Cæsarem Baroniū ex antiquioribus filiis unum Præpositum deligat: ad quæ Summi Pontificis uoluntatem accedere fatebantur, ut qui totam rem approbaret, & eundem Baronium Generalem Præpositum declarandum fore censeret. Baroniū ut hæc audit, displicet mihi uehementer

ter, dicere cœpit, nec sanè sine dolore loquor, id parentis nostri consilium: Tamen cum eo ipse onere leuari tantopere cupiat, idemq; Amplissimi Cardinales suo nomine petant, accedatque Sanctissimi voluntas, eius desiderio haud repugnare amplius censeat Cōgregatio: Philippo interim in proposito, susceptoq; consilio permanente decernunt Patres vt nouus Præpositus eligatur, cumq; sua quisque responsa dedisset, suumq; in schedula suffragium reliquisset, Baronius quod initio iam dixerat, antequam reliqui sacerdotes suā protulissent sententiā, nō posse æquo animo pati, adiecit, se eligi Præpositum Generalem, negatq; munus viribus impar suis vlla ratione subitum, nisi in se eligendo modus Congregationis decreto definitus seruetur, liberisque sacerdotum votis relinquendum esse, quem vellent, eligerent, idq; se quanto maximo poterat studio à Cardinalibus, qui coram aderant, atque ab ipso Philippo efflagitare; fore enim vt Sanctissimus Dominus Noster haudquaquam repugnaret, si nostra nosset decreta.

Cum hæc, & alia multa in eam dixisset sententiā, eius opinionem qui adstabant sacerdotes secuti, rem precibus Deo commendandam putant: Patres Neapolitanæ domus, vt suam ipsi ferant sententiā per litteras de noua Præpositi electione, admonere decernūt, atque his ita constitutis cœtus ille dimittitur.

Interea rebus omnibus optimè digestis, decimo Kalen. Augustas, qui dies B. Apollinari Episcopo, & Martyri anniuersario ritu sacer est, assiduis iam precationibus, & sacrificijs eam in rem adhibitis, dato signo in vnum locum conuenire patres, qui Philippo in proposito perseverante de noni Præpositi electione agi cœptum

ptum est: cumq; suum quisq; suffragium in schedulam misisset, suffragijs tandem legitimè extractis, recitatisque Præpositus renunciatur Baronius, nemine præter ipsum Baronium discrepante, idque ingenti omnium lætitia, quòd Beato Patri dignum, qui succederet, reperissent.

Præfuit is toti Congregationi maxima cū laude tribus plus annis, sui; officij munera, grauissimis etsi curis impeditus, summa semper diligentia, atque dexterritate executus est. Expleto triennio, ubi iterū de more ad suffragia ventū est, idem prorsus Patrum consensus in eo confirmando extitit, qui olim fuerat in eligendo. Sed vix hæc facta sunt, cum à Sanctissimo Domino Nostro Clem. VIII. ut superius attigimus, in Cardinalium numerum vnà cum Fráncisco Maria Taurasio Archiepiscopo Auinionensi collega, ac sodali suo cooptatus est.

Baronio Cardinali creato Angelus Vellius summo omnium consensu secundus à Philippo sufficitur anno redempti orbis millesimo quingentesimo nonagesimo sexto, Iunio mense.

Angelorum voces audit.

*Id sacramento
testatus est Ce-
sar Card. Baro-
nius, idemque
sacerdos quidā
alius præstitit.*

EA erat Philippus sanctimonia, vt Angelorū cantibus, symphonijsque frueretur.

In obitu Helenæ Maximæ tredecim annos natæ eos suauissimè concinentes audiuit: fuit hæc Virgo in Dei amore mirè feruida: vitam suam arbitrio Confessarij moderabatur in omnibus: Christi mortem maximo cum sensu pietatis assiduis propemodum lacrymis deplorabat: ter per hebdomadam sacratissimo Angelorū pane

pane se se reficiebat: in communicando maximā lacry-
marum vim profundere cernebatur, orationi assidua
erat: crucem, sui; ipsius contemptum amabat: patien-
di pro Christi gloria cupidissima erat: moribunda ubi
sacrum viaticum sumpsit, quod Baronius ministravit,
se totam Sanctissimo Christi sanguine perfundi pro-
prijs vidit oculis. Demum (vt B. Patre referente co-
gnoui) diem obitus sui praeuidit, praedixit; cuius post
corpus exanime ad Ecclesiam nostram delatum ibi-
dem arca lignea inclusum sepulturæ mandatum est: in-
cidit eius mors in diem V. Id. Septemb. Christi anno
millesimo quingentesimo nonagesimo tertio.

Iesu Christi anno

Clem.VIII. Pap. anno

Aetatis anno

1594

3

79

*Philippo penè moribundo Sanctissima virgo se
se ostendit.*

ANno Domini millesimo quingentesimo nona-
gesimo quarto, Maio mense, Philippus vix à cō-
tinenti febrī, quæ viginti quinque circiter dies eum di-
uexauerat, relictus fuerat, cum ē renibus grauissimè la-
borare cœpit: dolor tantus, tamq; acerbus erat, vt nul-
lam partem quietis eum capere sineret: cumque is do-
lor decem, aut duodecim circiter horas eum tenuisset,
teneretq; adhuc, vrinaq; non redderetur, actum esse de
illius salute, insuper ipsum intra paucas horas ē vita
cessurum non magis iam medici, quàm domestici pro-
certo habebant. Ergo in tanto vitæ periculo cum ef-
fet viribus destitutus, vt iam non viuum, sed mortuum
crederes, diuinitus repētē factum est, vt Angelo Victo-

Vitæ lib. Tertius.

D d

rio,

*Totam rem Au-
gustinus Card.
Cusanus, qui
uerū id visum
fuisse à B. Phi-
lippo accepe-
rat, & Caesar
Card. Baronius
publico testimo-
nio confirma-
runt: idem se-
cere alij ad
quatuordecim.*

rio, & Rodulpho Siluestrio medicis præsentibus, & inspectantibus, quò euidentius esset miraculum, pristina incolumitati restitueretur. Erant tum apud B. Patrem præter medicos, de quibus diximus, Alexander Alluminatus, Franciscus Zazzara, & huius historiæ auctor. rem vt se habuit, narrabo.

Vix Philippus, sed ne vix quidem mouere se poterat, ea erat virium imbecillitas, vix loqui vt audiretur, cum hora diei prima & vigesima alta voce, vt omnes audire possent, clamare cœpit; Qui aliud præter Deum cupit, fallitur: Qui aliud præter Deum amat, turpissimè labitur: & hæc cum semel, atq; iterum pronunciasset, confestim quasi deperditas vires recepisset, toto corpore sublimis, nulla vi sustentatus, cunctis, qui aderant, simul admirantibus, simul collacrymantibus, ferri cœpit: & uelut aliquem, sensum omnem oculorum effugientem amplecteretur, clarissima voce, vberimis lacrymis mixta dicebat: O charissima mihi Virgo! tu, tu ad me venisti, vt me his doloribus liberares? O Virgo aspectu pulcherrima, venustate affluens, & decore! & quis ego sum, qui dignus sim tua præsentia, non certè, non is sum, in quem tanta gratia conferatur: nihil est in me, quod te ad me amandum alliciat: indignus prorsus sum qui abs te visar: quid meo merito factum Sanctissima, atq; Optima Virgo, vt ad postremum famulum tuum venire ne graueris? tum motans subinde manus, lacrymarum plenus quasi Beatissimam Virginem obuijs vlnis amplecteretur, hisce vocibus assiduè clamabat: O sanctissima Dei Mater! ò omnium creaturarum vt optima, ita & pulcherrima! & hæc cū effaretur, toto corpore, nullo fultus adminiculo cubito circiter, vel etiam plus eo, sublimis mirandum in modum

dum attollebatur: tum, ò Sanctissima Virgo (nobis audientibus) dicebat, ò dulcissima Dei Mater! quo meo merito factum est, ut ad me veneris? in tuos ergo amplexus irruam optima Virgo, quæ ad me hodie venisti: & quid mihi impedimento erit, ne id faciam? Perstitit B. Pater in hoc tam alto excessu diutissimè, constantissimèq; Sanctissimam Dei Matrem assiduè perquam familiariter nominatim inclamans; tum quieti se tradens quasi alienato à sensibus animo factus est. Ad se tandem ut redijt; vidistisne (astantibus ait) Beatissimam Dei Matrem, quæ sua nunc præsentia omnem à me morbum depulit? Tum superiore se linteo regens vberimas lacrymas quasi puer profunderè cœpit: Quibus tandem restinctis medicos rogat, ne cuiquam quod sibi ipsis præsentibus, & inspeçantibus contigerat, indicent. Illud quoque (neque enim omitendum videtur) plurimum habuit admirationis, quòd eodem momento, quo Beata Virgo ei se se videndam obiecit, pristinam ille confestim corporis salutem recuperavit.

Verum cum aduerteret post aliquantò in vulgus iam editum esse, Sanctissimam Dei matrem sibi ostendisse se se, ut erat homo tam suæ laudis inimicus, quàm qui maximè, in eo omnes nervos contendit sanctissimos viros imitatus, ut hanc rem si non suppressere poterat, at saltem obscuraret: sed frustra omnia, quandoquidem non defuere grauiissimi testes, qui verum id visum fuisse ab ipsomet didicerint: quinimo cui Philippi humilitas, resque gestæ Sanctorum cognitæ sunt, is hominis artificium desinet admirari.

*Sancti viri
miracula, &
visa alios celer
re omni ope cō
tendunt. vide
Theodorum
in Philotheo
c. 3. Georgium
in Theodoro Si
eota, dum ait,
Ingressus igitur
in Urbem Re
giam, &c. S. Au
doennum in Eli
gio lib. 1. c. 24.
26. 31. Petrum
Damianum in
Osilone ibi
Cuidam
Turonensis Ec
clesia clerico,
&c. Surium in
Annone Epi
lib. 2. c. 4. &
alibi saepe: de
mum Nicolaū
Monachum in
Godefrido Epi
scopo lib. 2. c. 13*

*Nobili viro benè valenti mortem imminere
prænuñciat.*

*Eius rei duos
testes iuratos
habemus.*

Hoc etiam anno, Augusto ineunte cum de Alexandro Crescentio, Philippo præsentē sermo fieret; Alexander, dixit, quamquam optimè valet, breui tamen è vita migrabit: prænuñciationem viri mors intra paucos secuta dies (decessit enim xvij. Kal. Septembr.) comprobauit.

*Marcus Antonius Cortesellus vita functus
Philippo apparet.*

*Hanc rem plu-
res iureiuran-
do enunciarūt.*

Marcus Antonius Cortesellus ex antiquioribus Philippi discipulis vnus, vbi primùm spiritum efflauit Beato Patri illico per quietem occurrit, apud quem cum duas integras fuisset horas, ipso tandem rem omnem conspiciente Beatorum lumine fulgens cælum conscendit: obiit is hoc anno, mense Octobri.

*Id vt ceteri si-
leantur, iura-
tus exposuit Fe-
dericus Card.
Borromæus.*

Neq; hic finis istiusmodi mirabilium visionum Philippi; Federico enim Cardinali Borromæo sibi egregiè charo, alijsq; honestis, & grauib; viris paucis, de quorum virtutibus periculum fecerat, præclara sibi oblata occasione; multorum animas, dixit cum alumnorum, tum externorum sapissimè ab se fuisse conspectas luce clarissima radiantes cæli beatissima regna, conscendere.

Barsum

*Barsum Alexandriae Aegypti Archidiacono
sanitatem reddit.*

B Arsum Archidiaconus Alexandrinus Romam venerat anno huius seculi nonagesimo quarto, ut Ecclesiam Alexandrinam ab haeresibus se purgari cupientem Romanae Ecclesiae conciliaret: cumq; res ageretur, Octobri mense mortiferum in morbum incidit: is erat morbus, ut aeger sanguinem spueret, qui medicorum iudicio ex ruptis venis capillaribus, pulmone, vel hepate iunctis exibat: Accedebat ad haec febris, tussis frequens, & spirandi difficultas, quae aegrotum mirum in modum vexabant: frequens tussis sanguinem extrudebat: nocturna praeterea, diurnaue vigilia premebatur: somnus, quod pessimum est, neq; noctu, neque interdiu accedebat.

*Id praeter Archidiaconum
duo testes oculati publico testimonio confirmant.*

Cordelio interim de eius salute dubitante, Hieronymus Vecchiectus, qui aegrotanti assidebat, ad Philippum confugit, & quae paratum iam ad sacrificium, & calicem tenentem in manibus inuenit, rogat, Archidiaconi Alexandrini gravissimè laborantis meminisse velit: Pollicetur ille se oraturum pro eo. O rem dictum mirabilem! ubi primum Deo sacrificium offerre coepit, extemplo aeger (ut postea temporibus inter se collatis intellectum est) dulci corripitur somno, ut simul B. Pater celebraret, & Archidiaconus post longam vigiliam dormiret, dormiuitq; ad horas aliquot: somno experrectus melius habere sensit. Philippus interim absoluto sacrificio, Barsum dixit è praesenti morbo surget: tum accersito Vecchiecto, Archidiaconum, inquit, in aedes Federici Borromaei Cardinalis transferri cura quamprimum, ibi

ibi tantisper is maneat, dum pristinam recuperet valetudinem. Hæc ubi ille audit, quid consilij caperet, non satis sciebat, nam neque ægrum grauissimo confectum morbo commouere, quòd id periculosum putaret, audebat, neque Philippi mandata exequi, nisi impetrata prius à superioribus licentia: Consilij itaq; inops excusare se cœpit; sed Beato Patri acrius instanti, urgentique obedire quasi cælesti voce iussus cogitur, illiusque fretus precibus, auxilioque ægrum rheda deportandum curat.

Hic non prætermittam ne illud quidem. Egerat Philippus cum Vecchietto, vt non prius ad ædes Federici Cardinalis Borromæi æger, quàm ad se adduceretur; id enim faciebat ipse causa sanandi illius: nec irritus, hominem enim arcè complexus ad salutem reducit, totus quippe tum æger repentino sudore madefactus viribus restitui se sentit, sputo sanguinis liberatur, quòd si quid eius post excreuit, id fuit, quod iam antea in pectus descenderat, quod mittere opus erat. Tum Philippo iubente ad ædes Cardinalis Borromæi adducitur; in discessu rogat ille Beatum Patrem, precibus, in quibus spem omnem collocauerat, apud Deum pro sui salute insistat: Annuit Philippus, omnia læta sperare, certamque expectare sanitatem iubet. Non fallitur: æger paucis post elapsis diebus è morbo planè conualuit.

Hiero-

*Hieronimi Cordelij peritissimi medici
obitum prädicit.*

ANno Christi millesimo quingentesimo nonagesimo quinto, Februario mense, cum vesperi instituto meo apud Philippum essem, nuncius venit, qui diceret vnam ex ancillis coniugis Cordelij me ad ianuam vocare, ut eius nomine saluteret, & colloquatur: me interim ad feminam exeunte in has Philippus voces confestim, ut ab his, qui intererant, didici, prorupit: ò Cordeli, ò Cordeli! morietur is nunc iam sine dubio, & id mihi certum, quòd mortem obibit: tempus quo ei moriendum est, ecce adest: admirabantur astantes Philippum ita secum loquentem cum audirent; quandoquidem, ut quid femina uellet, à nemine acceperat, ita ne Cordelium quidem in morbum incidisse; id enim nemo adhuc sciebat hominum, eo namq; ipso die ægrotare leuissimè cœperat.

Id à iuratis testibus acceptum.

Interim de recentj viri morbo admonitus Philippus, Cordelius iterum dicere cœpit, diem obibit, Cordelius ex hoc morbo non conualefcet, adest iam eius vitæ supremus dies, breui interibit: ei verò dicentibus qui aderant, iam nunc Pater, si periclitanti corpori auxilium ferri non potest, animæ vel saltem succurratur: Id libenter agam, aiebat, in id totus incumbam, ut sprete corporis salute laboranti animæ præsto sim. Haud sibi falsus: Cordelius eo morbo paucis post diebus occubuit.

Quod sequitur non minus admirabile. Die quodam summo manè, cum Petro Còsolino comitatus ad Philippum pergerem, vix cubiculum ingredior, in quod nullus

nullus fores custodiente me penetrare poterat, cum ille dicere coepit; en Cordelius proxima nocte, hora tali (certam designauit) efflauit animā; sed mirantibus nobis, qui tandem id rescire potuisset, notata hora, missoque confestim qui rem cognosceret; omnia B. Patris prædictioni respondere comperiuntur.

*Sanctissimum chiragræ doloribus
liberat.*

*Id acceptam
ab Augustino
Cusano Card.
Federico Card.
Borromao, Frā
cisco Maria
Taurusio Card.
Casare Baronio
Card. qui ab ip
so Sūmo Ponti
fice accepisse te
stificati sunt.
idem ab alijs
Philippo viuen
te didicimus.*

Eodem anno Summus Pontifex Clemens, Pascha-
libus diebus, magnis chiragræ doloribus conficie-
batur: id vt Philippus cognouit, eum adiit, cūq; illum
de more amplecti vellet, eiusq; manus prehende-
re; subsiste Pater, ei Summus Pontifex dicere coepit, &
ne quæso propius accedas; manus enim dolet mihi ve-
hementer: mox Philippus, non me inquit, morbi tædet,
quod per eum licet tibi parumper curis vacare, sed do-
loris: ad eiusque manum adrepens sua ei admota to-
tum confestim dolorem ab ipsa depellit.

Novus Philippi morbus.

Molestissima Philippus febris eodem huius sæculi
anno nonagesimo quinto, iij. kal. Apriles corri-
pitur: incæpit febris ab horrore, is tantus fuit, vt Au-
gustinum Valerium Cardinalem, qui eum salutatum
venerat, ne vno quidem verbo potuerit excipere.

In hæsit assidue febris totum mensem Aprilem: sed
accensus ille cupiditate rei sacræ faciendæ, die Sancto-
rum Apostolorū Philippi, & Iacobi, qui in kal. Maias
incidit,

incidit, pridie eorum natalem tantorum Apostolorum
opem implorat: nec frustratae sunt cum preces; è le- Eius rei plures
habemus testes
iuratos, ocula-
rosque.
ctulo exiliit, rem sacram peregit, astantibus sacratissi-
mum Christi Corpus praeiuit: & haec quidem omnia
ea ille corporis agilitate faciebat, ut qui corpusculi
imbecillitatem noscent, id satis mirari nequirent, sed
à Domino vires, quod res erat, celsò animo suppeditari
censebant.

Tribus post insequētibz diebus nō quò corporis im-
becillitati indulgeret, sed ut medicis obsequeretur, à
Sacro faciendo abstinuit: sacrificij loco, ne ijs ipsis die-
bus diuino illo priuaretur bono, Eucharistiam quoti-
die maximo pietatis affectu percipiebat.

Exaeto triduo cum leuius haberet Sacrum medico-
rum voluntate agere coepit, quod facere perrexit ad
vsque diem quartum Idus Maias, quo die nouo, ac re-
pentino morbo oppressus: eam summo mane sangui-
nis copiam derepentē me astante euomit, ut expi-
ranti similis, ac prope exanimis iaceret in lectulo, fa-
ciesque palluerit: aduocati medici, tactis venis, alijs-
que inspectis, actum de illo esse affirmarunt.

Ergo cum vereremur, ne Philippus repentinò mo-
reretur, à Cesare Baronio (Federico Cardinale Borro-
mæo praesente, & inspectante) oleo sancto maxima ce-
leritate inungitur: quo peracto coepit Philippus pau-
lulum, animo sensim redeunte, oculos alleuare: quod
cum aduerteret Federicus Card. Alexandrum Allumi-
natum, qui B. viro aegrotanti assidere consueuerat, mo-
net, ut ex uenis exploret, virium ne satis habeat, ut sa-
crum Christi uiaticum suscipere possit; quo mox co-
gnito, ipsemet Federicus Card. Christi Corpus pretio-
sissimum ad eum defert, Augustino Cusano Cardinale,

Vitæ lib. Tertius.

E c

cate-

cæterisque è Congregatione Patribus, ac fratribus, & alijs quàm plurimis astantibus, simulque commune damnum collacrymantibus.

Illud hic accidit memoria dignum: vix Borromæus Philippi cubiculum ingressus erat sanctissimum Christi corpus in manibus gestans, cum ille uiribus quamquam omnibus destitutus, maxima illico voce lacrymarum plenus clamare cœpit, vt omnes obstupescerent; Ecce amorem meum, ecce amorem meum; hic ille est, in quo me oblecto, solum id est charum mihi: præbe ergo, præbe mihi amorem meum, præbe mihi eum quàm celerrimè: & hæc quidem verba easpiritus vi proferebat, vt astantes ad lacrymas, & admirationem excitaret: cumq; Federicus Card. Domine non sum dignus, de more pronunciaret, eadem Philippus clarissima voce manantibus præ dulcedine, atque Christi desiderio vbertim lacrymis repetebat, qui tuo corpore pascar, dicens, dignus fui nunquam: sacro tandem sumpto viarico, medicum meum ait, hospitio excepi.

Hac ipsa die sub vespere ter, quaterue sanguinem vomit, qui multus erat, ac rubens: vomitum tussis subsecuta est: ex impetu ruentis sanguinis parum abfuit, quin æger suffocaretur; Viri constantiam admirabantur omnes, in summis enim ille doloribus non modò non infracto animo propter magnitudinem morbi, sed confirmato, atq; renouato apparebat.

Medicamenta, quibus utebatur, erant præter cætera cucurbitulæ: hæc enim sunt, in quas linamentum ardens conijcitur, ac sic earum os corpori aptatur, imprimiturque donec inhæreat.

Cæterum vno, aut altero elapso die, medicis ad eum manè venientibus; abite vos hinc ait, remedia mea medica-

dicamentis vestris potiora sunt; vbi enim nisi à prima luce, qui varijs Religiosorum familijs eleemosynas distribueret, vt pro me Sacrum fieret, continuò vomitus sanguinis mansit, dolor præcordiorum, ac pectoris ex toto desijt, melius habui: deperditas vires recuperaui: tum accedentes medici ex venis, sputo: umq; quæ ante expuerat, & quæ tum expuebat, dissimilitudine, illum pristina incolumitati restitutum, miraculo attoniti fatentur, ex illoque die ad obitum vsq; optima semper vsus est valetudine.

Continuauit viribus potens plures dies, rem sacram quotidie faciens, suorum confessions audiens, adeòq; bene valebat, vt iure, meritòque Patres ad opinandum inducerentur, cum ad aliquot annos spiritum traducturum; quod tamen, Deo ipsum derepentè ad præmiũ euocante, non contigit.

Suum obitum prædicit.

Significauerat Philippus Francisco Zazzaræ ætatis annum octauum & decimum agenti, plus triennio ante obitum, se non prius è vita cessurum, quàm ei, ad quem vitæ statum à Deo euocaretur, aperiret: id Beato viro adolescens in memoriam frequenter reducebat: cui ille, ne animo angaris, respondere solitus erat, ego Deum pro te precor assiduè, quod ipse de te mihi indicabit, id tibi ante obitum aperiam; tu mihi temet, tuæque omnia credidisti, ego fidem tuam non fallam: mirum dictu, quamquam Philippus ab eo tempore ad vsque initium anni nonagesimi quinti frequenter ægrotauit, vt medicorũ sepe iudicio mortuus crederetur, nunquam tamen vel vnum verbum ad adolescentem ea de Vitæ lib. Tertius. Ec 2 re

*Id hic ipse Fr. M.
ciscus sacramen-
to solatus est.*

re fecit; sed ubi è uomitu sanguinis conualuit; continuo quodnam vitæ institutum amplecti deberet, explicuit: ea porro res in diem sextum decimum Kalendas Iunias incidit, octo nimirum ante B. viri mortē diebus.

Aliud afferamus exemplum: Ex eo sanguinis vomitu pristinè incolumitati restitutus à nobili viro Nero Augustini Neri filio inuisitur; huic de recuperata eius valetudine lætanti, ego ait, etsi præsentem morbum euasi, optimèque habeo, tamen id filiorum gaudium breue erit, adest enim pugnae finis, eritque obitus meus eiusmodi, vt cum contigerit, vix aduertatur à quaquam, auditusq; vix credatur, eritque initio inter dubia: denunciationi optimè respondit euentus.

*Hæc rem idem
nobilis vir Ne-
rus iuratus ex-
posuit.*

Hoc ipso præterea morbo laborans Germanico Fidei, cuius opera utebatur in multis; satis inquit, de me sollicitus fuisti, satisq; pro me laborasti, adest iā laborū finis: tum manu eum prehēdens, quid intra paucos visurus es dies! mortem sibi imminentem his verbis significans, quandoquidem paucis post elapsis diebus ex corporis vinculis tanquam ex carcere, lætitiæ plenus euolauit.

*Idem eam rem
iuratus enun-
ciauit.*

Sed accipite aliud non minus opinor, admirabile: paulò deinde post cum eidem P. Germanico iter faciendum esset Castrum versus, Carbonianum nominatur, non prius Vrbe egreditur, quā sibi à Philippo fides daretur, se eum aduentu suo Romā, viuū, atq; incolumem reperturum. His auditis rogat; ad quem diem reditus erit: cui ille quā tardissimè, pridie eius diei, quo Augustissimæ Eucharistiæ sacrum diē ritu anniuersario colimus. Tum Philippus, cum paulisper quasi cogitans quid respondendum esset, stetit, in hæc verba prorupit, i, redi. Interea Germanicus nocte eius diei,
qui

qui peruigilium festi Sanctissimi Christi Corporis anteit, tale vidit insomnium: existimabat se esse Romae in cubiculo Beati Patris, quem aegrum in lectulo iacentem videret, audiretque dicentem; adest tandem Germanice vitae finis, illeque, Pater mi responderet, haud erit ita; periculosius siquidem alias aegrotasti: et ille, vltimam mihi adijceret, instat hora: cura itaque pro meris sacrae ut fiant. Hoc dormienti somnium, uigilanti consilium fuit: nam experrectus tum ille discessum accelerat, vnius diei iter longissimum ei pro Beati Patris desiderio videbatur: Romam ut venit, Philippum lectulo insidentem incolumem, sanumque offendit: cui ille, reuertisti inquit: reuerti respondit ipse, quamquam parum abfuit quin oppidanorum rogatu reditum alium in diem distulerim: Tum Philippus, ut quod aduenisti praefinita die, recte plane fecisti, ita si reditum remoratus esses, perperam egisses: nec verba sine causa, postero enim die B. Vir praeter omnium opinionem e terris in caelum euolauit. Sed veniamus modo ad aliud.

Dederat Philippus in mandatis eidem Germanico Fideli, idque ineunte Aprili, anno millesimo quingentesimo nonagesimo quinto, ut ad Flaminium Riccium Congregationis nostrae sacerdotem Neapoli commorantem literas suo nomine daret, in quibus scriptum esset, Romam rediret quamprimum, quem ante obitum videre cuperet; prauiderat enim velocem fore depositionem tabernaculi sui: sed Flaminio per literas se excusanti, & ad Septembrem usque mensem inducias petenti, non indulsit B. senex: quin nouis iterum literis in eadem sententiam scriptis suo nomine vrgeatur, iubet, ut illis lectis Romam nulla facta mora reuertatur: sed

*Eius rei apud
nostros satis per
uulgata testis
inratu est ipse
met Germani-
cus Fidelis.*

fed cum is nihilominus rogatu Annibalis Capuæ Archiepiscopi discessum remoraretur, recentibus adhuc eiusdem literis, ut qui eum videre cuperet, Romam reuocatur: verum ille ubi nouis impedimentis recens exortis B. Patris imperio non paruit, paucis post elapsis diebus è vita Philippus decessit.

Idem Consolius iureiurando firmavit.

Eodem etiam tempore Petro Consolino, pridie sui obitus apertissime se breui moriturum significasse videtur: nam cum familiariter cum eo colloquens rogasset, sacrum ne pro se facere vellet, illeque id se libenter facturum respondisset, quamquam sciret haud opus esse, cum optimè valeret, ut pro eius corporis salute precibus insisteretur: sacrum quod efflagito, adiecit Philippus, id est, quod à defunctis nomen habet; quid porro his verbis significare voluerit, mors postmodum secuta apertè indicauit.

Id hic ipse Ioannes Baptista sacramento confirmavit.

Alterum eodem mense admirabilius, Idibus Maijs (erat eo anno alter dies Pentecostes Sancti Spiritus in Apostolos immissione celebris) cum Ioannem Baptistam Guerram, quem ego ipse in mei locum, dum rem diuinam facerem, ad curam B. Patris substitueram, euocasset Philippus, quotus esset dies mensis rogasset, illeque diem Iduum dixisset; decimo post die, qui dies erit octauus kal. Iunias, subiecit B. Senex, ego moriar. Cæterum veram fuisse ipsius prædictionem docuit euentus; quandoquidem ea ipsa die, post sextam noctis horam è vita migravit.

Sanctissime moritur.

Philippus interea triduo ante obitum diuina luce, ac dulcedine vberius fortè quàm unquam antea delibutus, ut qui se se ad nuptias agni euocari sentiret,
Sacrum

Sacrum incredibili animi lætitia, ac voluptate faciebat quotidie. Octavo Kal. Maias, qui dies eo anno & sacratissimo Christi corpori sacer, & eius vitæ postremus fuit, rem sacram quasi caneret gaudio, peregit. Initio sacrificij oculos in villas ad Sæcti Onuphrij Templum sitas coniecit, tanquam aliquid oculorum effugiens obtutum cerneret: porro quid ille tum viderit, eo, qui solus norat reticente, omnes latuit.

Magnam eius diei partem in confessionibus audiendis consumpsit, multosq; ex alumnis suis ipse manibus Eucharistia munivit.

Hoc perpetuo triduo ubi è lecto manè surgebat, in eo postea nunquam, quod firma vteretur valetudine, nisi noctu stata hora cubare visus est: eo verò die, qui vitæ supremus fuit, cum illum Angelus Victorius adiisset; non-viso te, inquit, Pater mi, vt medicus, sed vt amicus: ex eius cubiculo egressus; Philippus, mihi, alijsque dixit, adeò rectè valet, vt ne ab hinc decem annos ita viribus valentem, vt nunc compererim.

Eodem die Philippus mortē etsi imminentem sibi diuinitus nosset, vultu tamen lætitiā præseferbat: aduentantes amicè complectebatur, Sæctorum historias, quas Franciscus Zazzara legebat, audiebat attentissimè: eiusmodi enim lectione magnopere delectabatur. Interea cum S. Bernardini Senen. vita legeretur, venit ad eum Augustinus Cusanus Card. Hieronymo Pamphilio Rotæ Auditore comitatus: accessit ijs paulò post Spinellus Bencius integerrimæ vitæ vir, primus Politiani Episcopus: Hi diuino officio cum Beato Philippo recitato tandiu ibi mansere, dum dies in vespèrum inclinaret; nocte adueniente domum quisq; remigravit.

Sub horam primam solita Vir Sanctus parsimonia
cena-

cenauit: à cena ita benè valebat, vt antea, nullum signum in eo apparebat, quod faceret non mortis modò, sed ne leuissimi quidem morbi leuissimum indiciũ: adeò præterea lætus erat, vt omnia alia crederes, quàm ipsum paucis post horis è vita migraturum. In lectulo cum esset, satis gnarus adesse sibi supremam horam, astantibus primùm dicere cœpit; en morimur omnes: Quota deinde hora sit, rogitat; cumq; tertiã noctis horam esse didicisset, illico quasi secum ipse loqueretur, dicebat, tertia hora est, sed huic si addatur binæ, quinta hora erit, si ternæ, sexta: tum ad nos conuersus; abite vos cubitum: hæc autem dum loqueretur ita se fortiter gerebat, vt satis ex dictis, gestisque appareret magna eum exultare lætitia, vt qui cælestibus iam perfrueretur voluptatibus.

Ergo nos, qui aderamus, nihil admodum periculi suspicantes cubitum discessimus: sub horam sextam, vix me somnus complexus erat, cum repentè excitus, Philippum deambulare sentio: timore perculsus è lectulo celerrimè surgo, non minore celeritate seminudus propemodum sola talari tunica ad subuculam coopertus accurro, lectuloque infidentem reperio, cui fauces sanguine, vel pituita ita repletæ erant, vt eorum impetus iure, meritòque timeri posset: id ego cum cernerem, quid sibi accidisset rogo: qui mox, vltima mihi ait, instat hora, emori iam incipio.

Cæterùm cum solus apud eum essem, nec solus opẽ indigenti ferre possem, ad Alexandrum Alluminatum illico aduolaui: is nulla interposita mora secutus est me: interea dum medici expectabantur, quoniam vis morbi vrgebat, cucurbitulas sine ferro ei admouimus, ad fricationes recurrimus, à brachijs, cruribusque incœpimus,

coepimus, à thorace abstinuimus, fascia demum ad sanguinem suppressendum coxas, brachia, & crura adstrinximus: medicamenta quamquam multa adhibebantur, nullum tamen erat, quod ei prodesset: remedium Philippus respuebat nullum: intra quadrantem horæ, aut paulò plus eo pituita, quæ in fauces descenderat, mansit: fluxio nulla erat, fauces liberæ: expeditè, & perfacilè currens oratio, mortis periculū eum euasisse crederes: sed hæc breuia fuere; quandoquidem ille ad nos conuersus; si alia, inquit, vobis medicamenta non suppetunt, manete, quippe quia cum morte iam luctari incipio. quibus dictis, vt sibi ipsi vacaret, conticuit.

Verum quò plus supremis appropinquabat, hoc magis se mortē cōtemnere palàm indicabat astātibus, super lectulum. n. vbi iacebat, quasi eam ad pugnam prouocaret, sedentis instar alleuat se se: durauit tandiu in eo habitu corporis, in quem se tum composuerat, donec spiritum halauit.

Aderat iam Philippo suprema hora, cum Patres omnes accurrunt, & quem paulò ante viuum, atque incolumem reliquerant, penè mortuum præter opinionem offendunt: Hinc lacrymæ illico cunctis cadere incipiunt præ dolore quasi pueris.

Tanti viri iacturam nullus erat, qui non lugeret; & quis morientem Philippum intuitus lacrymas tenere potuisset? qui sui ipsius oblitus nihil amauit magis quàm alijs prodesse.

Interea Patribus communem parentem insolabiliter plorantibus, eius animam Cæsar Baronius lacrymas precibus miscens Deo, Sanctisque de more commendat: quo peracto admonitus à medico, Philippo

Vitæ lib. Tertius.

Ff mortem

mortem instare, ad illum mox conuersus; heus tu, Pater mi! clamare coepit: quid causa est, quod nullum nobis verbum dicis? alloquatur quaso, Pater filios, quos Christo tanto labore genuit: eripiat rogo, filijs tantum dolorem, aut minuat saltem: vbi benedictionem filijs tribuerit Pater, tum eorum minuet dolorem. His Philippus auditis, oculos confestim in caelum tollens aliquantulum orauit pro filijs: supplicatione completa, astantes intuitus, quasi sua eos benedictione muneret, nullam passus vel minimam membrorum distorsionem, sine vilo molestiae signo ipsa iam morte, cuius ceteri vel nomen horrent, fortior, placidissime efflauit animam, octauo kalendas lunias: erat eo anno dies sacra Corporis Christi solemnitate celebris, intra horam sextam, vt praedictioni responderet euentus, anno Domini millesimo quingentesimo nonagesimo quinto.

Iesu Christi anno
1595

Clem. VIII. Pap. anno
4

Multis vita functus apparet.

*Eius rei iuratos
testes duos habemus.*

EO ipso momento, quo Philippus expirauit, multis ostendit se se.

Virgini cuidam, quae pietatem egregie sequitur, se simulac è vita decessit per somnium obtulit: sed feminae de nescio quibus scrupulis sermonem cum eo in longius protrahenti; sine me, ait, in itinere enim sum; satis iam, & plusquam satis illi (alumnos suos significabat) me remorati sunt. Haec effatus sublimis abiit.

*Id praeter eam
virginem duo
alii sacerdotio
praditi sacra-
mento testati
sunt.*

Hora eadem, atque etiam puncto temporis eodem Virgo altera Deo sacrata vidit in quiete Beatum Patrem candida veste indutum, caelesti micantem luce, duos inter iuuenes medium, qui sibi diceret, ego vt vides

des ad meorū laborum prēmia in celum euehor: tu ergo cura pro viribus, vt quam cœpisti vitę rationem, ad obitum usque teneas: id enim si feceris, eiusdem mecum felicitatis particeps eris: nec est quod metuas, ego pro te Dominū precabor assiduē: et his dictis, ab oculis abiit. Tum virgo somno excita simul admirabunda, simul læta vbi diutius, quid id vīsum portendat, frustra secum animo agitat; tum demum quod reliquum erat noctis tota in eius rei cogitatione defixa traducit insomnis: sed albescente die, vt nuntius venit, qui diceret Philippum ea hora obiisse, qua Virgini oblata fuerat visio, intellexit mox femina quid nocturnum visum monstraret: Quamobrem hilarior facta Philippum ex eo die tanquam sanctissimum virum Beatorum cœtui iam ascriptum magis, magisque suspexit.

Vir quidam pietate nobilis, cuius nomen, ne eius modestiam offendam, silentio prætereo, qui in vna ex Ciuitatibus Italię domicilium habet, quę ab Vrbe millia passuum circiter centum distat: hic eodem momento, quo Philippus cessit è vita, incertum initio, vigilans, an somniās, Beatum Patrem dilucidè perspicuēque vidit, qui sibi diceret; pax tibi frater, augustiorem in locū mihi nunc iter est: vix hæc effatus erat, cum is somno experrectus, haud iā dubitans quin non dormiret, eūdem sibi videre uidebatur, qui læta frōte, ac vultu, illas frequenter iteraret uoces, augustiorem nunc peto locum, ad amœniorem locum nunc pergo: & his dictis ex oculis elapsus est.

*Totam rem is
aple publico te-
limonio confir-
mauit.*

Corpus in Ecclesiam aduehitur.

Philippi interea corpus de more lautum, ac sacerdotali vestitu rite indutum Patrum humeris ad Vitę lib. Tertius. Ff 2 Ec-

Ecclesiam sub horam noctis septimam deferitur: Fere-
trum prosequerentur omnes à Congregatione; qui in
eo gestando impediti non erant, corpus ardentibus ce-
reis cingebant: per viam psalmi per vices canebantur:
id erat spectaculum, vt lacrymas cunctis eliceret.

Vulgata Philippi morte maximus confestim omniū
ordinum hominum ad eius corpus visendum concursus
fieri coeptus est: qui veniebant, iucundissimo Beati vi-
ri aspectu neque animos, neque oculos satiare po-
terant.

Venerabantur S. Patris corpus in feretro iacens
Amplissimi S. R. E. Cardinales, Archiepiscopi, Epi-
scopi, omnisque generis Præsules, Religiosi, Princi-
pes viri, femineque primariæ quàm plurimæ.

Nemo accedere visus est, qui sacrum Beati senis cor-
pus nō veneretur: feretro circumfusi qui aderant iu-
cundissima Philippi specie, memoriaque semetipfos
mirificè pascebant: nec defuere qui assiduis lacrymis,
crebrisque singultibus tanti viri obitum, tanti paren-
tis iacturam miserè lamentarentur: neque tam duro
quisquam animo fuit, quin venerabūdis maximo pie-
tatis affectu eius manus exoscularetur, sacrasq; reliqui-
as Rosarijs, manu, osculoq; cotingeret.

Videre erat sanctum corpus totum rosis, floribusque
constratum: qui mox à confluente multitudine ablati,
domum pietatis ergo exportabantur; nec tot Patri-
bus rosæ erant ad illud exornandum, quot erant,
qui eas sibi ad morborum remedium auferebant.

Mirum erat præterea quantum omnes certatim
paululum saltem vestis habere contenderent, vt reli-
quiarum hominis Dei aliquid apud se retinerent, nec
tantam Patres adhibere diligētiam qui vere in eo cu-
stodiendo

stodiendo, ne quid surriperetur, quanta satis fuisset, ut postea cognitum est.

Interea nocte aduentante clausis sub tertiam horam Ecclesiæ valuis defuncti corpus tum inspiciendi, tum exenterandi causa dissectum est: sectioni interfuere vocati à Patribus Angelus Victorius, Iosephus Zerla, medici, Marcus Antonius Bellus, Alexander Alluminatus horum administri: interfuerunt è nostris Germanicus Fidelis, Iulius Sauera, Ioannes Baptista Guerra: ex externis Franciscus^a Zazzara, Spinellus Bencius, alijque: sectioni ego non adfui, non modò quòd id spectaculum sustinere haud potuissem, sed etiam quòd repentino morbo initio sectionis opprimi me sensi.

^a Non erat is eo tempore Congregationi ascriptus.

Illud inter sectionem mirabile accidit, in quo maxime Deus illius confirmasse virginitatem mihi uidetur. Conuenerant iam eius corporis exenterandi gratia sectores: aderant multi ex Patribus, cum defuncti corpus quòd dissecari facilius posset, denudassent, exanguis illius corporis manus, & spiritu destituti (mirum dictum) supra naturæ vires^b moueri, easque corporis partes, quas indecorum ostendi uiuo fuisset, occultare cœperunt: id cum semel, iterumque fecisset (quo præsertim tempore corpus mouere opus erat) exclamauit Angelus Victorius, qui id aduerterat, clarissima uoce, ut omnes qui aderant, audire possent; O egregiam hominis puritatem! O castitatem eximiam! Videte quæso uirum, quem anima defecit, sua sibi tegentem uerenda.

^b Hanc rem quæ spectaculo interfuere sacramento testati sunt: omnes ad septem.

Idem quoque accidisse prorsus dum eius lauaretur corpus, à Patribus, qui interfuere obseruatum est.

Aperta anteriore parte thoracis inuentæ fuere, mirantibus qui aderant, sinistri lateris costæ duæ mendo-

sa,

fractæ, vt vocant, fractæ: erant hæ quarta, & quinta. fractura in anteriore parte pectoris apparebat, vbi costæ in cartilagine desinunt: costæ ad eò eleuatæ erant, vt eas pugni magnitudinem non æquare modò, verùm superare etiam profiterentur omnes: remedium profectò id fuisse diuinum quis neget? quò palpitans cor non lederetur: nam neque lapsus, neque percussio, neq; vis vlla præcessit vnquam, qua id effici potuisset, neque dolor quantulumcumque minimus fuit, neque inflammatio exorta. Hanc ipsam porrò costarum fracturam contra omnem medicinę rationem totos quinquaginta plus annos absq; vilo sensu doloris sustinuit. Habuit ea initium à nimia diuini amoris vi, summoq; cordis eius ardore, quo inter contemplandum vel maximè afficiebatur.

^a
Fuere hi Antonius Portus, Andreas Casalpini, Angelus Victorius, & Iosephus Zerla.

Hæc medici^a diu, multumque animo agitantes, in eam tandem vnanimes venere sententiam, vt iurati verbo, scriptisque affirmarint eam costarum fracturam Beato Patri diuinitus contigisse, idque multis de causis; primùm ne contemplationi vacans ex diuini caloris vi, abundantiaq; repentina morte extingueretur; deinde vt Cor ardētissimos amoris æstus sustinens augustiorem sibi locum acquireret; tum vt pulmones facilius, ac præter consuetudinem dilatarent se se: postremò vt beneficio loci augustioris tantum noui aeris pulmones ad cor deferrent, quantum ad illud refrigerandum satis esset.

^b
Id medici, qui adfuere Angelus Victorius, & Iosephus Zerla, ut ceteros sileā iureiurando testificati sunt.

Aperto Thorace nullum in præcordijs vitium^b apparuit. Cor cum inspiceretur, magnum apparuit, & musculosius ultra quā esse soleat: à calore. n. ob feruentiū spirituum vim superfluente ita effectum esse Andreas Casalpini, atque Antonius Portus iurati publico testimo-

Simonio confirmarunt.

Vena deinde arteriosa (vt à medicis, alijsq; ex astantibus accepi) cuius actio est sanguinem ad pulmones ferre, quò ibi attenuatus cum aere ad sinistrum cordis ventriculum eius nutriendi, refrigerandique causa transferri possit, duplo maior reperta est, quàm natura solet: ea quandoquidem Philippus frequentius vti opus habebat ad nouum aerem, nouosque spiritus ad cor deferendum, quò cælestis ignis summos illos ardores, quibus assidue abundabat, sine valetudinis detrimento, ne dicam mortis periculo, sustinere potuisset.

Corde dein, cuius incisa cutis fuit, inspecto, in pericardio, quod veluti capsula illud inuoluit, Angelo Victorio, & Iosepho Zerla testibus, aquè nihil reperi-
Eam rem ipsi Victorius, & Zerla iurati explicuerunt.

tum fuit, quam ardore contemplationis consumptam fuisse nobilissimi medici iureiurando firmarunt.

In ventriculis autem, quorum partes duæ sunt in vtranque partem sitæ quasi aures duæ, duo sinus, seu ventriculi, nihil sanguinis, eodem Zerla auctore, apparuit.

Absoluta demum pectoris inspectione sine graui odore, sanctum relinquitur corpus intestinis vacuum: Hæc, nempe cor, pulmo, iecur, lien, & exta, catino terreo inclusa in sepulchro sepeliendis Patribus constructo condita sunt, terraq; obruta: illud verò ad sequentem diem, quò populo satisfaceret, in Ecclesia omnium oculis expositum relinqui oportuit.

Concurfus postero die facti prioris dici concursum longè, multumque superarunt: quò enim magis Beati Patris obitus diuulgabatur, eò frequentior ad eum visendum omnium ordinum multitudo confluxerat.

Aegri

Aegri tacto corpore sanantur.

DUm Beati Patris corpus iaceret in feretro, egregia eius facinora, prae-dictiones, ac miracula ab ijs, qui aut ipsi oculis perspexerant, expertique erant, aut fidelissimis didicerant testibus, passim narrabantur: id cum fieret, veteribus mox miraculis noua miracula adduntur.

*Totam rem sex
iurati, oculati-
que testes enun-
ciamus.*

Laborabat Augustinus Magistrius Romanus ad septem circiter annos strumis in ceruice natis, quem arte nulla medici sanare potuerant. In ceruice bina erant vlcera, quorum quod sinistro hærebat lateri, altius descendebat ad os vsque penetrans, atque ex eo multus humor assidue exibat, qui esse inter saniem, & pus videbatur, qui humor ita fluens intuentes ad nauseam concitabat. Hic vbi sanctum virum miraculis coruscantem apud nostros obiisse audit, ad nostram mox Ecclesiam aduolat, feretro propius accedens humi genua prosternit, sacrum corpus veneratur: tum ex oratione surgens defuncti manus osculatur, certam ex eo attractu valetudinem sibi pollicitus. nec sua illum pietas frustrata est; namque vt Beati manus collo, vbi insidebat morbus, admouet, extemplò sanatur.

*Id testes sex
oculati publico
testimonio con-
firmarunt.*

Huius soror Margarita natu minor totos sex annos eodem morbo oppressa ad Ecclesiam à matre adducitur: sed cum præ turba impetu saepe capto, vix sibi spatium ad sacrum corpus accedendi daretur, importunitate tandem matris ipsam in manibus gestantis ad feretrum deuehitur: ibi ad alteram ex vitiosis partibus defuncti manum sibi apponens (ad vtramq; enim Beati viri Calice, & multitudine impediante, Principaque

peque femina aduentante non potuit) totum ab ea morbum confestim abiisse (altera, cui Philippi manus haud admota fuerat non sanata) persensit.

Horū parens nomine Alexāder^a plus sexaginta annos natus, ē capite fluxionē in oculos delabētem duos iam menses patiebatur: vesperi ne accensas quidem faces ferre poterat; is itaque veritus ne propter humorem, assiduē fluētem, oculorum aciem amitteret, ad Philippi corpus visendum accurrit, eiusque manus oculis ad-mouet suis: quod dum faceret, melius derepentē habere cōepit, breuique nullo prorsus adhibito medica-mento ē morbo planē conualuit.

Epiphania Colichia Recinetensis^b quinto & quin-quagesimo ætatis anno difficultate respirandi adēd molestia per septem circiter menses laborauerat, vt ma-ximis pressa angustijs non modō anhelitum trahere nō posset, aut vix verbū formare, sed ne spirare quidē sine sono, & anhelatione, neque noctu conquiescere, neque in lecto decumbere: accedebat id quoque, vt caput in lecto sublime habere cogeretur, quippe non nisi recta cēruice spiritum traheret: ambulatio præterea æquē vt ascensus feminæ molestiam exhibebat quāmmaxi-mam. Ergo hæc Philippi sanctimonix, miraculorumq; fama excita ad nostram mox Ecclesiam vt ægrē po-tuit, venit: ante feretrum genibus nixa Beatum Pa-trem, quo poterat animi ardore obortis lacrymis enixē orat, vt se pristinx restituat incolumitati: tum vbi pau-lum precata esset, sumptis rosas, quæ circum sanctum corpus erant, eisque super stomachum fiduciæ plena impositis, salutem illico sibi redditam esse aduertit.

Artemisix Cheliæ^c durū, ac renitens tuberculū in fi-nistræ manus articulo ortum erat: id morbi genus gan-

^a
Eius rei iurati,
oculatiq; testes
quatuor.

^b
Id testes quē
adsuere tres sa-
cramento com-
firmantur.

^c
Totam rem, vt
ceteros silent, in
reintando enar-
rauit Casar Car-
din. Baronius,
qui eius confes-
siones audiebat.

Vitæ lib. Tertius.

Gg glion

glion medici, seu nodum vocant. Tuberculum ex paruulo incoepit, & diu paulatimque adeò increuit, vt nucis magnitudinem nedum expleret, sed excederet, ouique ferme æquaret. Hæc itaq; Philippi morte vulgata ad eius venerandum corpus festina perrexit, affectam confestim manum, qua parte morbo libera erat, quòd hominum, qui astabant, puderet, sacris admo- uit reliquijs: tum rosas è feretro excipiens morbum, fricatione expellere nititur: id pura fide cum effecisset, eaque mente, vt sibi sanitatem corporis Beatus Philip- pus impetraret, eius obsecrationibus Dei aures patue- runt; morbus enim breui nullo adiutus medicamento euanuit.

*Testes iurati,
ocularique id
enunciarunt.*

Caput puellæ nobili loco natæ, Mariæ Iustinianæ nomine, scabies, seu papulæ occupauerant: processerat morbus in orbem; medicamentis adiuuari non pote- rat: eius mater Beati Patris nostri morte cognita mox filiam ad eius corpus adducit; id à Deo precata, vt ob eius merita illam ad pristinam valetudinem re- uocet: tum capillis ex eius capite latenter, furtimque abscissis, eos magni thesauri instar quasi de corporali filiæ salutē iam secunda lara domum tulit: eò ubi venit, puellæ mox caput Philippi capillis leniter perfricat; quod dum faceret, rogo te, dicebat, Sancte Philippe, vt ob eas cogitationes, in quibus assidue versabar, quò Christi fidelibus prodesse, filiæ meæ, quam expe- cto salutem conferas: nec sua eam frustrata pietas, ex eo enim tempore adeò puellæ melius fuit, vt tridui spa- tio caput ea contagione liberum sibi senserit, media- eius in parte vnico tantum vlcere eret nummi instar, quadrantem vulgo dicimus, relicto, ex quo pus, seu sanies exhibat assidue; sed ad id cum eodem prorsus medi-

medicamento pia mater humanis remedijs spretis vte-
retur, breui id quoque vlcus euauuit.

Corpus sepulturae mandatur.

EXacto triduo visum est Patribus defuncti corpus
arca lignea inclusum prope Aram maximam in
sepulchro communi condere: id vbi rescivit Federicus
Cardinalis Borromæus Beati Philippi studiosissimus
ægrè admodum tulit, indignum ratus talem, tantumq;
virum, quem Deus & miraculis, & virtutibus illustra-
uerat, cuius egregiam vitæ, ac mortis sanctitatem
posteritas omnis intuebitur, eo loco sepeliri. ergo cū
Patribus mox agere cœpit, vt honorificentius pro di-
gnitate tanti viri alibi condi curarent: Re cum Ale-
xandro Medice Cardinale communicata in æditiorem
locum ad tempus trāsferetur: quod quidem diuino po-
tius, quàm humano consilio factum edocuit euentus,
vt eo scilicet loco sepulturae traderetur, quem ipse
sibi paucis ante obitum diebus prædixisse, obscuris
licet verbis, visus est.

Verùm quò Philippi corpus decentius recondere-
tur, constructus fuit iussu eiusdem Alexandri Cardi-
nalis nouus loculus ligneus, in quem sacerdotali ve-
stitu indutus collacrymantibus filiis iniectus est.

Mirabile visum est multis, quòd corpus quamquam
abhinc tres dies vacaret animo, tamen eam ipsam,
quam antea speciem retineret: modò mortuum, vel
potius adhuc spirantem putares: non riguerant mor-
tuo frigida membra, vt corporibus sensu, vitaq; caren-
tibus contingere videmus, sed viuientium instar in om-
nem penè motum flectebantur: caro mollis tactu sen-

Vitæ lib. Tertius. Gg 2 tieba-

tiebatur quasi pueri : postremò super arcam, vbi corpus quiescit, fornicatus paries à fabris extructus est.

Locus sepulturæ ex quo ibi primùm Philippus humatus fuit, in magna apud omnes veneratione haberi cœptus est, habeturque in præsens. Affixa cernuntur eius sepulchro aurea, argentea, cereaq; simulacra; votivæ quoque tabellæ, miraculorum ibi editorum certissima argumenta.

Odor ex eius sepulchro iucundè spirat.

Ex Sanctorum corporibus, atq; sepulchris miræ frequenter odoris iucunditatē emanare solitū gravissimi auctores memoria prodidere. videat lector S. Hieronymum in Hilarione, Angradum monachum apud Sur. tom. 1. in S. Anshero Episcopo, Isonem monachum in S. Othmaro lib. 2. c. 6. apud Surium tom. 6. Egiluardum in S. Burchardo Episcopo lib. 2. c. 2. Hildegardē in Disibodo Episc. apud eundem Sur. tom. 4. Osbertū in Dūgano, Theodori

Mulier quædam clarissimis natalibus, abundans pietate magis, quàm diuitijs, una ex his, quæ Templum nostrum frequentant: hæc vbi inter infirmitatis obitus Philippi propter eius sepulchrū oraret, odorem inde confestim suaviter, iucundèque spirantem sensit, quo mirificè recreata, cum secum ipsa cogitaret, vnde is manare posset, comperit tandem stupore attonita (quòd nullus ibi flos erat, nullaque res, quæ tanto halaret odore) è Philippi corpore nullis vnguentis delibuto, aut balsamo condito effluere. Erat suavitas odorum, qui afflantur è floribus, rosīs, violis, & id genus alijs: verùm, quæ hanc rem iurata narravit, Iulia Vrsina fuit, femina sublimium appetens: noua Paula videbatur, tanta flagrans charitate in pauperes, vt eos sibi tuendos susceperit, vel cum periculo valetudinis: eos illa progressus in spiritu fecerat, vt mirabilis omnibus appareret: hæc tandem vocata à sponso supremum diem expleuit mense Septembri, anno millesimo quingentesimo nonagesimo octauo. sed hæc summam, raptimq; de tanta femina enarrasse, etsi historiæ satis est, animo non est satis. quid aliud? quid quæso effusi

effusi odoris suauitas indicauit, nisi illud corpus ab omni turpitudine, & corruptela dum viueret, abhoruisse?

Hoc verò non silendum, Philippi obitum, qui tribus ante contigerat diebus, cum vir quidam præstanti nobilitate in ipso Beati viri cubiculo insolabiliter lamentaretur, iam nondum quadrans horæ abierat, cum ingenti se lætitia perfundi sensit: quamobrem ex magno luctu in magnum gaudium versus alacer inde, lætusque discessit.

Idem vir cum magnis premeretur curis, quòd rem nescio quam permagnam, ac maximi consilij, quam agebat, conficere non poterat, Philippi sepulchrum adiit, pectus monumento adinouit: nec frustra; eā enim intus uim caloris, eosq; affectus sentire cœpit, quos ex amplexibus Beati Patris, cum ille viueret, percipiebat, è membris omnibus sudoris copia manante: neque hic stetit res: omni illa formidine spe citius liberatur, reiq; exitus qui optabatur, contigit.

Nec defunt ex externis, qui ex eo solum quòd eius sepulchrum inuifunt, insolita quadam lætitia, ac voluptate afficiantur, fluentibus lacrymis non tristitiæ indicibus, sed pietatis.

Claudius Nerius ex pedibus, renibusque laborantem sanat,

Claudius Nerius aliquo post Beati viri obitum spatio temporis ex renibus, seu ex lateribus ad dextrum latus grauissimè duos iam menses laborauerat: is erat dolor, qui intenderetur quotidie, eoq; æger adeò miserè conficiebatur, ut si contigisset cum necessitate

cum in S. Domi-
nico lib. 5. c. 6.
Ioannem Papā
hoc nomine vi-
gesimum secun-
dum in literis
canonis. atonis
S. Thomæ Aquina-
tis, Ioannem
Brugmanum in
S. Lyduige p.
3. c. 12. de alyis
sanctis viris
idē etiā frequē-
ter inuenies.

Rem totā Clau-
dij, eiusq; cen-
tury, & filij pu-
blico testimonio
confirmant.

fitate aliqua moueri, doloris magnitudine victus vociferari ad dolorem vtrumque leniendum cogeretur.

Accessit interim morbo nouus dolor, veteri manente; Nerus enim sinistro genu laborare acriter cepit: recens ortum dolorem cum ad tres, quatuorue horas sustinisset, veritus ne si ita increaseret, cum somno priuaret, vt antiquior dolor, ex quo paucis antea diebus in articulis sinistrae manus laborauerat, humana ope desperata vertit se ad diuinam; vterq; .n. dolor vehemens vrgebat. ergo vt velum capitis lineum Beati Patris, & thecam, in quam nonnihil ex eius capillis inclusum erat, affectis admouit partibus, extemplò toto discusso dolore sanatur.

Interea Nerus accepti beneficii memor miraculum postero die omnibus ad eum confluentibus amicis narrat: sed cum non deessent, qui dicerent id naturae viribus contingere potuisse, vel fortè etiam contigisse; Dei permissu factum est, vt postero die nouo dolore opprimeretur (insidebat is in dextero genu) prioribus æquè vehemens: tum Nerus quò facilius agnosceret diuinam vi antiquiores abiisse, non ope humana, recenti fortiter resistere cogitat, cumq; ad vespèrum sustinere constituit: affectæ parti B. Philippi reliquias imponere planè recusat; experientia enim didicerat, eiusmodi dolores quò magis dies in vespèrum inclinât, hoc uehementiores fieri, atque acutiores: sed cum nocte aduentante is dolor, cui tumor accesserat, augetur mirificè, tantusque iam esset, quantum sustinere uix posset, suspicatus ne noua iterum premeretur vigilia, eodem remedio ad morbum depellendum vtî statuit: quod dum faceret, extemplò totus is dolor, totusq; tumor euauit: ita gemino miraculo Neri, eiusque domesticorum duplicata

plicata latitia, & Philippi sanctimonia dilucidius est comprobata.

Fratrem Simonem è Capucinatorum familia sacerdotem utroq; brachio captum liberat.

FRATER Simon ex brachijs ad decem menses laborabat, cuius morbi origo ex frigore erat; mali autem adeò misera conditio, ut æger non modò manus post tergum flectere, sed ne vix quidem sublimè attollere posset: salutare hostiam, rem diuinam cum faceret, non nisi magno labore attollebat: sacerdotalibus indumentis ad Missæ sacrificium nisi aliena ope adiutus se induere haud poterat: hæc dolor, & is quidem grauissimus sequebatur, qui vrgebat assiduè; sed in sinistro brachio, quod magis affectum erat, vehementior sentiebatur; hæc enim pars adeò vitiosa erat, ut capiti vel eius perfricandi studio ad mouere non posset: Ventum erat ad medicamenta, sed morbo nullum ex multis vnquam profuit.

Eius res oculati, utrique testes quatuor.

Cumque res in deterius procederet, venit æger Superiorum iussu Romam, Iunio mense, anno millesimo quingentesimo nonagesimo quinto: ibi Philippi morte, quæ modò secuta fuerat, eiusq; miraculis cognitis, plurimum in Beati viri benignitate spei reponens Montem Zazzarâ germanum suum, qui ex Philippi alumnis erat, rogat, ut si quid ex Beati viri vestibus superesset, quod vitiosis membris imponeret, commodare non graueretur: his ille commotus aliquot è Philippi capillis, atq; frustum telæ eiusdem cruore delibutum præbet; ipse venerabundus accipit: tum Roma nullo ad morbum adhibito medicamento egressus, ad Oppidum Campanianum

*Miracula saepe
ex consimilibus
porionibus con-
tingisse scriptores
grauissimi edo-
cent. vide Gre-
gorium Turo-
nen. de gloria
martyrum lib. 1.
c. 31. & lib. 2.
c. 5. item de mi-
raculis S. Mar-
tini lib. 2. c. 1.
39. 51. 52 et lib.
3. c. 12. 43. et lib.
4. c. 9. 28. 37. &
42. lege in super
Stephanum ab-
batem Leodien-
sem lib. 3. vita
S. Modoardi epi-
scopi Treuiren-
sis c. 11. 12.*

*Aegros frequen-
ter non toto exi-
mi morbo vide-
re est in Grego-
rio Turonensi
lib. 2. de miracu-
lis S. Martini c.
43. & in rebus
gestis S. Lugdovi-
ci lib. 2. c. 7. apud
Sur. tom 2. lege
præterea Ruti-
lium Benzonii
de anno Iubilei
lib. 1. c. 49. idem
sepe apud aucto-
res magni nomi-
nis quisque per
se facili negotio
reperiri poterit.*

nianum venit, vbi quodam die humanis remedijs iam missis, quòd morbo nihil proficerent, ad B. opem confugere statuit: verum quòd facilius voti compos efficere-
tur, decreuit postero die, peccatis primùm confessione patefactis, tum sacro peracto Deum id vnum enixè rogare, Philippi serui sui meritis sanitatē restitueret. In-
sequenti die reuersus absoluto sacrificio in cubiculum sumptis mox aliquot è Philippi capillis, eisque minu-
tatim cōscissis, & aquæ mixtis, humi prostermit sese, vbi recitans primùm ad Christi imaginem orationem, Dominicam, Angelicamque salutationem, deinde si-
gno crucis poculum signans, ad extremum hoc Beatū Patrem intimè, atq; ex animo precatur, eum à se do-
lorem expellat: precibus adiicit votum, si impetret si-
bi corporis sanitatem, se perpetuò eius peruigilio ieiunium seruaturum: supplicatione completa pocu-
lum fiduciæ^a plenus in manus sumit, ori admouet, ebi-
bit, sanatur, vtrumque brachium facili negotio mouet, ad tergum flectit, plicat, extendit; dexterum planè per-
sanatum sentit, sinistrum quoque impensè iam læsum ad vsus promouet suos, quò uult, flectit, quòcunque
vertit, sequitur, sed ita, vt leui quodam,^b eoque per-
breui dolore premeretur, quem demum ille eodem re-
medio vsus haud multò post ab eo planè expulit. Simò igitur tanto beneficio latus, gratijs primùm Deo, Bea-
toq; Philippo impēsè actis, rem omnē amicis enarrat, semel atq; iterū expertam B. viri opē laudibus extol-
lit, vulgatum inde miraculū, multorumq; sermonibus celebratum: per eam occasionē Philippi religio auge-
ri coepta est, in diesq; recētium miraculorum occasione augetur, perpetuòq; augebitur: sic enim honorabitur quemcunq; Rex voluerit honorare.

Marcum

Marcum Antonium Maffam periculosè agrotantem pristinae restituit firmitati.

Marcus Antonius Maffa vir dum viueret, ob vitę integritatem, rerumq; peritiam omnibus notus, carusque, tertio Non. August. eodem anno millesimo quingentesimo nonagesimo quinto ilium dolore corripitur, quorum initium ex calculis erat. Nocte quadam doloribus incrementibus in eum locum deductus est, vt ne quicquam non modò tantum, sed ne tantulum quidem quietis capere posset: remedium nullum morbo proficiebat: vomitus, & calor, qui eidem hoc morbi genere affecto pars sanitatis esse consueuerant, nihil proderant, nihilq; adiuuabant.

*Id totum ipse
mer publico re
simonio confir
mauit.*

Interea doloris vehementia defatigatus, infirmis viribus, medicorum remedijs frustra tentatis, in lecto post sextam horam collocat se se: Beati Philippi, in quo vno omnem suę curationis spem reposuerat, implorat opem: nec mora; precibus vbi insistit, mox leui quodam, ac dulci somno corripitur: dormijt ad horam, excito calculus, qui phaseli magnitudinem expleret, exijt: erat is paulò maior quàm quiuis alius, qui ante id tempus exciderat: rei exitum tam celerem miratur Maffa, & hoc maior eum cepit admiratio, quòd dum ei còtingebat ex calculo laborare, calculus quamquam hoc ipso minor, tamen cum à renibus diuellebatur, hominem plus duobus diebus excrucians ad vesicam tandem descendebat, ex quo & calida, atque acris vrina, & vesicę inflammatio fiebat, tum demum duobus, vel tribus elapsis diebus is calculus exibat.

Vitę lib. Tertius.

Hh

Idem

Idem cum pridie Non. Augus. eiusdem hebdomadæ absoluto sacrificio poculum aquæ frigidæ ieiunus exhaustisset, eo potio, horrore primùm, deinde pestilenti febre, cui continens somnus, λήθαργον Græci nominant, accesserat, premi cœpit: fuit morbi initium luna crescente: illud præterea ægrum à periculo non abesse indicabat, quòd neque vomitu, neque alui ductione, neque alio modo, vi somni, qua opprimebatur, capitisque dolore, quo afflictabatur, se vel minimum leuari sentiebat.

Interea cum de medicorum consilio sanguinem sibi incisa vena detrahi pateretur, nec ea missio sanguinis quicquam prodesset, de eius vita ab ipsis medicis dubitari cœptum est, quandoquidem æger natura non siccus, sed succi plenus erat: Nocte aduentante confugiens Massa ad Philippi opem tale mox vidit insomnium.

In quadã sibi domo esse videbatur, quæ incendio absumeretur, & in ea homines cernere, qui ad ipsã euerendam, disturbendamq; omni conatu incumberent: dumq; ea demolitio fieret, duo secum esse, qui cum fuga (quòd fortes viribus essent) se se præsentis periculo eximere studerent, derepentè à parte ruentis muri opprimi: tum his ille perterritus moriundum sibi esse firmiter credere, animoq; præ ægritudine anxius, quid hac de re consilij caperet, nescire.

Ergo dolore, mæstitiaque oppresso adest Philippus, qui quasi iuvenes, qui domum demoliebantur, increparet, clamare cœpit: saluate Massam, saluate Massam, bis eadem iterans verba: nec frustra; is enim illico ab eo periculo sanum, incolumemq; se extrahi vidit, atque verum fuisse visum euentus edocuit: postero

ro enim die febris, morbiq; reliquijs, quæ vel excussa febris manere solent ad aliquot dies, liberatur omnino, pristinas vires sibi redditas sentit: mox sanus, ac vegetus exilit è lecto. Medici uerò haud ignari quàm periculosè Massa egrotasset, eum mirabiliter cōualuisse confirmarunt.

Massa interim beneficij haud immemor ad sepulchrum B. Pattis ad vota reddenda venit, gratijsq; Deo, Beatoq; Philippo impēsè actis, sepulchro primus pictam tabellam hac inscriptione notatam affixit.

I. C. R.

B. PHILIPPO LIBERATORI SVO

M. Ant. Massa Presbyt. Salernit.

Non. Aug. M. D. XCV.

Cum me febris vehementissima inuasisset, videbar noctu in domo ruina, & incendio conclusus, nulum habens euadendi diffugium: duo, qui videbantur mecum esse, fuga sibi consulentes à pariete oppressi mortui sunt. Dum sic metu perterritus mortem expectarem, vidi, & audiui B. Philippum iteratò præcipientem ijs, qui domum disijciebant his verbis: saluate Abbatem: postridie reliquit me febris, quod illius meritis, & precibus acceptum ferens testatum esse volui hac tabella in nomine Patris, & filij, & Spiritus Sancti, & ad honorem eiusdem B. Philippi. Amen.

Aegros sanat.

Rodolphus Siluestrius medicinæ scientia florens
grauissimis improuisò iij. Id. Aug. stomachi do-
Vitæ lib. Tertius. Hh 2 lori-

*Eam rem is ipse
Rodolphus sa-
cramento testi-
ficatus est.*

loribus, alijsque sauis symptomatibus oppressus, cum à medicamentis præsidium nullum haberet, ab alijs rebus id petendum esse censet: itaque memor in ipso periculo Beati Patris (salus enim in angusto iam erat) eius opem fidenter implorat: Quo peracto melius confestim habuit, dulciq; mox somno correptus ad vnam & dimidiatam horam dormijt: experrectus omni co morbo liberum se sensit. Tum B. Patris sepulchrum venerabundus inuisens votiuam tabellam hac inscriptione notatam inibi appendit, miraculi ad posteros certissimum indicium.

» Dum varijs, sauisque symptomatibus mori me sentio, implorato B. Philippi auxilio placidus somnus me arripuit, & statim conualui.

Huius rei iuratus testis est ipsemet Hieronymus Pamphilius.

Eo ipso anno Hieronymus Pamphilius Rotæ Auditor in morbum delabitur: morbum dolor capitis adeò vehemens secutus est, vt vix æger mentis suæ esset: sed cum is uelum capitis B. Philippi capiti suo imponeret, diuinitus factum est, vt omnem morbum à se continuo abegerit.

Iuuenem peccati periculo liberat.

Eam rem ille ipse, cui accidit, iureiurando testificatus est.

Illud quoq; pro non leui miraculo habitum. Quidā adolescens Stephanus hoc ipso anno, Augusto itidē mense cum impudicæ feminae domum præteriens ad eam vocatus accessisset, ab illaque ad flagitium impelleretur; ipse ancipiti cura distractus quò se verteret, nesciret, assentiri turpe ducēs, dissentiri periculosum; prope iam erat, vt laberetur, ni B. Philippus succurrisset, cuius cum capillos, linteique frustulum in thecam inclusum haberet ad collum, statim pectus percuti sensit,

tit, cor comprimi, simulque audit Philippi vocem; Vide quid agas: abi hinc, ne te perdas. Quibus ille nō dubijs opitulantis sibi Patris permotus indicijs impetu facto è feminæ manibus elabatur: quod omne adolescens Philippi (vt par erat) acceptum referens charitati, votiuam tabellam sepulchro, quæ illic inspicitur, & euitati periculi memoriam, & insigne tanti miraculi monumentum dedicauit.

Febrim pellit.

Eodem anno, Septembri ineunte, femina Primaria Isabella Priorata noctu lenta febris corripitur: febris eiusmodi erat, vt intenderetur assidue: ad febrim grauissimus capitis dolor accessit, qualem nunquam antea sustinuerat, increuitque usque eò, ut parum abfuerit, quin delirium mouerit. Ergo ubi eius domestici ægram deterius habentem aduertunt, alia experiri remedia statuunt; itaq; hora tertia noctis, reliquiariam thecam, in quam frustum telæ B. Patris sanguine imbutum inclusum erat, clam subijciūt capiti bono dolo, id siquidem præsentissimum auxilium ægræ mulieri fit, placido namque illa mox somno corripitur, exudat, manèque excita omnem morbum à se penitus discessisse comperit, Deo, ipsique B. Philippo propter Deum gratias agit, à quo se beneficium accepisse lætabatur.

Eam rem testes quatuor sacramento confirmarunt.

Eodem anno, ac mense Eugeniam Mansuetam febris lecto affixerat: Dum æstu torreretur uehementi, iubet sibi afferri aquam: allatam telæ frusto Beati viri in eam iniecto ubi exhausit, febris extincta est.

Id ipsa, duæque alij testes oculari sacramento; narrarunt.

Dru-

*Drusillam precipiti ruina ex altissimo loco
periclitantem ab interitu liberat.*

*Totam rem sex
oculati testes
iureiurando fir-
marunt, in qui-
bus est chirur-
gus, qui femi-
nam curabat.*

HOc etiam anno Septemb. vertente Drusilla Po-
caria cum lineas vestes, quas aqua mundaue-
rat, radijs solis exiccandas objiceret, casu factum est,
vt ex altissimo loco præceps ruens quamgrauissimè
corpus offenderit: erat altitudo loci vnde exciderat,
passuum circiter sex & viginti: pauimentum, in quod
descenderat, lateribus in longitudinem stratum vetu-
state iam temporis magna ex parte exesum, atq; con-
sumptum: ad vltima iam ventum esse testabantur, col-
lissum, fractumq; caput; dexter oculus ita affectus, vt
opinarentur omnes, si ex morbo femina euasisset,
quod credebatur à nemine, ab eo prorsus destituendâ
fore; isque oculus loco suo non erat: Idem præterea in-
dicabant nares fractæ, collisq; sanguis multus, qui
assiduè ex ore ferebatur, quique cohiberi non pote-
rat: maxillæ nimis intumefactæ: labrum inferius scif-
sum; inter cadendum enim duo acceperat vulnera, ,
vnum in labro, de quo dicimus, ad mentum, dentesque
procedens: alterum in sinistra manus interiore parte,
volam dicimus: dentes demum, quod nec omit-
tendum videtur, propter ictum mouebantur omnes,
periculum erat, ne exciderent, & is erat miseræ mulie-
ris miserrimus status, quæ vbi vestigio fallēte præceps
ruit, pro mortua notorum, propinquorumque mani-
bus confestim sublata, in suum cubiculum propere
delata est, lectuloq; confrecto corpore collocata, vbi
vix semiuiuens propter morbi vim non audiebat, non
videbat, non loquebatur: iamque fama de eius morte
per

per viciniā ferebatur, quasi præcipitio extincta foret.

Verum quo tempore id contigit Antonius Fantinus Faentinus eiusdem maritus domo aberat. Huius itaque rei trepido nuncio excitus ad sepulchrum Beati Philippi aduolat, ibi positis genibus oculos, manusque tollit in cælum, lacrymarum plenus enixè B. Patrem inuocat, votum precibus miscet, se pictam tabellam ad eius sepulchrum allaturum miraculi ad posterum monumentum, si seruet eam, quam nulla ars humana seruare possit: supplicatione deinde completa, domum venit charissimam coniugem morti proximam reperit. Interim aduocatur medicus, cui Antonio Franco nomen erat: is feminæ statum contemplatus actum mox de illa esse proclamat: desperata eius salute vulnera ne nouo dolore feminam fatigaret (quod utique opus fuisset) nequaquam suit; ad fissum labrum solo oui albo; ad manum verò nullo prorsus medicamento; ad oculum emplastro, quod album lene medici vocant, vsus est, atque his medicamentis feminæ succurrit, quòd mortuā eam crederet, sic Domino opinor, permittente, vt serui sui Philippi gloriam palàm faceret.

Consueuerat vir eius Beati viri sepulchrum vxoris vicem sollicitus quotidie frequentare, ibi illius auxiliū implorare, lacrymas vbertim flere; nec sua illum frustrata fides: quodam enim die eo orante Philippus moribundæ coniugi derepentè occurrit, cuius illa aduentu ingenti confestim lætitia perfusa, eius opem venerabunda implorat: tum ille mundum sudariolum, quod ei vsui erat, in manus sumit, ori admouet, sensim faucibus immittit, indeque paulò post sanguine, sanieque aspersum extrahit, & hæc dum faceret; mitte, dicebat,

cebat, timorem; non enim hic morbus vitam tibi hauriet. nec mora: ab eius mox capite, facieque omne vitium, omnisque egrotatio abiit.

Cæterum uiro eius aduentante, ut coniugem inuiferet, Beatus Pater repente ex oculis abiit, qua ex re tristis effecta mulier, quod sperabat omnem morbum, si ille non abisset, depulsum iri, lacrymis se dedit: lacrymantem rogat Antonius quid sit, quod ploret; cui illa, ignoscat tibi Deus: ni uenisses, omnem à me morbum depulisset Beatus Philippus: ex quo enim in cubiculum ad me ingredi tentasti, ipse continuo sublimis abiit: uisum enarrat, miraculum exponit: uenit interim medicus, qui scissum labrum ut nullo medicamento consolidatum uidet, inter miracula id referendum profitetur.

^a
Sanctos viros
agris fecisse me-
dicinam auctor
est, ut alios pra-
teream, Geor-
gius monachus
in vita S. Theo-
dori Siceota: nō
ab similes pra-
terea modos in
his sanandis
reperies apud
praclaros scri-
ptores: vide au-
torem libri de
miraculis S. Ste-
phani, qui Euo-
dy nomine cir-
cumfertur lib. 1.
cap. 11. & lib.
2. c. 2. Item Gre-
gorium Turon.
de miraculis S.
Martini lib. 2.
c. 31. & 41.

Feminæ deinde sinistrum genu, quod esset illustrius miraculum, usque eò intumuit, ut panis pergrandis magnitudinem expleret: id chirurgus ferramento cum aperire decerneret, quod saniei plenum tactu sentiretur, perterrefacta mulier eam incisuram in posterum diem differri impetrat. Itaque insequenti nocte Beatum Philippum quam suppliciter potest, inuocat, imploratque, ut sibi opem ferat. Oranti, vigilantique se iterum offert cælesti emicans luce: emplastrum affectæ parti impositum aufert, timorem abigit: genu ad pristinum statum reducit. Drusilla ubi eam partem persanatam uidet, virum suum inclamat, illuc ut properet, eximium, illustreque miraculum visurum rogat: Deo, Beatoque Philippo gratias, quas potest maximas, refert: medico qui illucescente die ea mente accesserat, ut tumenti parti foramen faceret, ex quo sanies exiret, incide, inquit, perfora, scinde, fac quod vis, nullum mihi vitium in genu est. His ille auditis vitiosam modò

modò partem perlustrat oculis, explorat manu, tactu, oculisque perfanatam comperiens veteri miraculo nouum miraculum adiectum esse admirabundus proclamat.

Tum cupida mulier exiliendi è lectulo rogat iterū B. Philippum, vt sibi subuentum esse velit. Nec de spe decedit; vigilanti namque iterum se se obtulit videndum (tanta autem affirmabat mulier pulchritudine esse, vt nulla species ne excogitari quidem posset ornatior) eiusque membra manu prehensa extendit: à capite, scapulisque initium facit: quo peracto ex oculis elabitur: Tum Drusilla die iam illucescente gratulabunda surgit è lecto: obortis præ gaudio lacrymis nullum B. Patri gratias agendi modum facit. Continuauit is morbus minus quàm decem dies.

Virginem Flammettam pedibus propè captam sanat.

Flammetta Nannonia (id femine cognomen) quintum & quinquagesimum annum agens in itinere cum esset, vehiculi cuiusdam impetu ad terram impellitur: cumque inde surgere non posset, ex pedibus alter à vehiculi rotis comprimitur: qui primùm intumuit: tumori deinde ingens protinus dolor accessit: pedibus consistere cum non posset, in lectulo collocatur; adhibentur medici, varijs medicamentorum generibus pars dolens fouetur: sed frustra omnia; is enim locus non dolores modò habebat, punctionesq; continuas, sed contractionem etiam, neruorumq; infirmitatem.

Interea cum id malum ad menses fere vndecim sustinuisset, diuinitus tandem hoc anno, Octobri mense

Vitæ lib. Tertius.

II

impelli

Totam rem Caesar Card. Baronius, qui agræ confessionē olim audire solitus erat, sacramento testificatus est: idemq; fecere alij.

impelli se sensit, vt si ex morbo euadere cuperet, votuam Beato Philippo tabellam uoueret eiusque, ac Deiparæ Virginis preces efflagitaret. Voto nuncupato pristinam extemplò membrorum firmitatem recuperat, gressum recipit, pedem argenteum apud Beati viri sepulchrum tanti miraculi argumentum suspendit.

Infantem mortuum ad vitam reuocat.

*Eius rei iurati
testes quinque.*

Consimile prorsus rem narrat auctor libri de miraculis sancti Stephani lib. 1. c. 15. & S. Augustinus sermone de diuersis 32. 33. vide S. Antoninum hist. p. 3. tit. 23. c. 7. & 14. & de mortuo Ioannem Papam XXII. in literis Apostolicis S. Ludouici Tolosani in sanctos relationem continentibus, apud Sur. tom. 4.

Eo ipso anno, Octob. vertēte, Catharina Lottia Mediolanen. vterū ad octo iam menses cum gereret, grauiissimum in morbum incidit: erat is pleuritis acutissima: vis morbi in muliere, quæ ad desperationem laborare iam cœperat, illud effecit, vt partus doloribus tēpore non suo occupata fetum mortuum effunderit. In infante omnia cernebantur vita functi signa. Obstetrix; quæ parienti opem tulit, peritissima habebatur, quippe quæ ad quinque & triginta annos adiuuandis ex partu laborantibus operam dederat: remedijs, si qua erant, fetui succurritur; sed frustra omnia.

Ergo cum nihil omnia auxilia proficerent (mortuū enim ad vitam reuocare nullum medicamētum potest) obstetrici unicum occurrit remedium, vt relicta humana ope, ad diuinam confugiat: Sanctissimam itaq; Dei Matrem inlclamat; votum facit: sed cum eius preces nō audirentur, venit ei in mētem Beatus Philippus, quem his mox verbis appellare cœpit; O Beate Philippe! tu quæso Sanctissimam Dei Parentem roga, vt hūc à mortuis excitet infantem, quò^a Baptismo ablui possit, ne perpetuò pereat. Tū aliquot Beati viri capillis admotis, extemplò mortuus infans redit ad vitam, qui mox baptizatus Ioannis Petri nomine honestatur; demum primo

primo & vigesimo ætatis die morbo sublatus, è terris in
cælum abiit, cuius mater Catharina iam quinto à partu
die obierat.

Virginem insanabili morbo liberat.

HOc item anno virgini religiosissimæ (cuius no-
men suppressitur, quòd ipsa suppressum voluit)
plus quinque & quadraginta annos natæ tumor subli-
mè serpens in altera è māmillis oritur. Fuit is initio ad
nucis magnitudinem, sed quotidie deinceps non sine
uirginis dolore increfcens induruit, iamque durities
in dolente parte, dolorque assiduus sentiebatur.

Hæc porrò quamuis illa pateretur, attamen de cu-
rando morbo nihil cogitare videbatur: sustinuerat
illum ad sex iam menses: dolores in singulos dies auge-
ri, tumorem concrefcere, extendiq; aduertebat, sed ta-
men, vel quòd verecundabatur affectam partem medi-
co ostendere, vel quòd timebat, ne præ morbi fœditate
fugeretur ab omnibus, morbum aperire diem ex die
differebat.

Ad vltimum morbo assiduos dolores, eosq; grauissi-
mos in māmilla mouente, incerta quid consilij caperet,
sacerdoti, quo ad confessiones vtebatur, rem totam
aperit: qua ille cognita virginē mox hortatur si saluti
sue consultum velit, tumidam partem medico osten-
dat: sed cum verba in ventum iacerentur, vtpote quæ
haud induci posset, vt medicis præ verecundia^a læsam
partem detegeret; recordatus ille linteï B. Philippi san-
guine imbuti, quod penes se habebat, id agræ pro me-
dicamento donat: nec id frustra; vixdum planè uirgo
dolenti parti acceptum pignus admouit, cum repente

*Rem similem de
S. Macrina nar-
rat Magnus
Gregorius Nyf-
senus in eius vi-
ta.*

Vitæ lib. Tertius Ii 2 habere

habere melius cœpit.

Nocte deinde insequenti obtulit se se illi in prima quiete cœlesti specie Philippus, qui affectam iacentis partem manu contrectans, leniterque perfricans repente sanauit; inter perfricandum his vsus verbis: ne timeas, nihil hic est morbi (erant hæc ea ipsa verba, quæ ille frequentius cum viueret, in ore habebat) dein eam, vt pietatem ardentius sequatur, monens ex oculis elabitur. Haud vanum fuisse visum rei ostendit euentus: Virgo è somno euigilans māmillam planè persanatam comperit, læta è lectulo exiliit, pictamque tabellam ad eius sepulchrum miraculi testem appendi fecit.

Virum nobilitate præstanti ægritudine detentum sanat.

Claudius Rangonus nunc Placentiæ episcopus: cum eodem anno in continentem febrim incidisset, quæ duos plus menses hominem tenuerat, à vitæ periculo vacuus non erat: id vbi Iulia Vrsina pia femina ægro propinqua cognatione iuncta resciiuit, frustum. mox. linteï Beati uiri sanguine imbuti ad eum mitti curat eo ordine, vt simulatque ad eius deueniat manus, illud statim sibi ad collū alliget: nec sua illā frustrata pietas. Hoc vbi factum, febris illico omnis abiit: incidit ea res in mensem Decemb. cū eiusmodi ægrotationes si ægros nō extinguunt, at certe longum tempus habent, neq; demum finiuntur, nisi vere, uel autumno.

Morbos

Morbos cuiusq; generis depellit.

ANno salutis millesimo quingentesimo nonagesimo sexto Septimia Neria ætatis decem annorum, cum Ianuario mense sub horam noctis tertiam cum Olympia, & Faustina sororibus ad ignem esset, casu evenit, ut Olympia folles in altum tollente, fistula ferrea illis indita, eaq; calida, atq; ignita sinistri oculi acies eiusdem Septimie non laderetur modò gravissimè, sed exureretur etiam: neque hic stetit res; in eodè mox oculo, in quo signa apparebant, quæ certam facerent adustionis fidem, vesica nata est, hæc intolerabilis confestim dolor spasmodum mouens consequitur; puella præterea neq; læsum oculum claudere, neque aciei adustæ vitio eos, qui circum se erant, cernere poterat; summaq; vi doloris oppressa toto corpore contremiscebat. Inter hæc ægræ mater Clœlia Bonarda quò tantum filiaē dolorem utcunque leniret, aquam rosaceam oui albo mixtam affectæ parti imponit, sed incassum omnia: quinimo id erat medicamentum, ut oculum etiam rumpere posset. Itaq; remedijs frustra tentatis, ad alia medicamenta transeūdum esse decernitur. Mater primùm lacrymabunda positis humigenibus, B. Philippi opē implorat pro filia: precibus adiicit votum, si Septimia amissam oculi lucem recipiat, votiuam se imaginem ex argento fabricatam ad ipsius sepulchrum, miraculi testem delaturam. sed cum illa non audiretur, tum filia doloris magnitudine propemodum victa ad eundē Beatum virum per se ipsa confugit, eiusq; auxilium ex animo in ipso impetu doloris implorat: Beate Philippe, dicebat, si tibi cordi non est, hunc à me morbum pro-

*Id ē ipsa
Septimia, eiusq;
mater, germani,
ac sorores sa-
cramento testi-
ficati sunt.*

propellere, at saltem tantum minue dolorem; tenuerat enim eam plus tribus horis: tum supplicatione completa, laeso mox oculo velum capitis, quod eidem vsui fuerat, admouit easdem iterans voces: nec spes, precesque incassum cecidere: extemplo dolor omnis discutitur, vesica evanescit, oculus ex toto sanatur. Somno mox placido correpta virgo ad lucem dormiuit, maneq; experrecta cælum sanis oculis aspexit.

*Eam rem praec
ter ipsum Euan
gelistam alijs sa
cramento enun
ciatur.*

Euangelista Mariottus eodem anno, ac mense adeò grauitèr doloribus, febriq; iactabatur, vt eum conuiescere nullo pacto, nec in ipso cubili paterentur: cumq; plures dies ita morbo afflictatus iacuisset, doloribusq; vltra debitum incrementibus nocte quadam, quòd propinquam mortem non tam timeret, quàm expectaret, sacramentis Ecclesiæ sub horam quartam muniri se postulat. Interea vnus ex ijs, qui astabant, miseratione ductus, eum consolando monet, Beato Philippo se commendet: Tum allatum ad eum ex eiusdem Beati viri vestimentis frustulum ipse magno cum sensu pietatis accipit, illoque in partes diuiso partem sibi ad collum appendit, partem minutatim concisam, aquæ mixtam ebibit: hausta potione dolores confestim ex toto quiescunt: cibus, qui assumebatur, vt ante non redditur, atque æger ex eo tempore diuinitus confestim sanatur.

*Totam rem ea
ipsa iureiuran
do quamquam
non sola testis
expressit.
Dedit hac Virer
bij in cœnobio
S. Maria.*

Eodem prorsus tempore uirgo quædam Deo sacra-
ta Iulia nomine ex lateribus, intestinisque grauissimè
laborabat: grauitas morbi ea erat, vt ægra diu, noctuq;
torqueretur assiduè: ad morbum de medicorum senten-
tia medicamenta quàm plurima adhibuerat: sed cum
non paulum dico, sed ne quicquam prorsus in ea leua-
menti esset, vnus è sororibus admonitu, cum eodè re-
medio

medio vsa esset, valetudini mox pristinae se restitutam sensit.

Eodem anno, Februario mense Petrus Puteus nostrae Congregationis sacerdos Panormi cum esset, contigit, ut vnus ex ijs Antonius Maria nomine, qui apud Patres domus Panormitanae domestico opere exercebatur, in ardentem, mortiferam, continentemque febrim inciderit: is singulis diebus eo horrore, stato tempore ad horam opprimebatur, ut toto corpore contremisceret, cuius rei causa continebatur sub veste satis multa, eademque crura, pedes, totumque corpus eius incallescendi studio contegere opus erat: horrore bene finito ardens, extorrensque febris deinde sequebatur, qua ille ita vehementer premebatur, ut ardentissima ultra modum siti, ingentiq; circa pectus seruire vrgeretur: cumque adhibita remedia nihil proficerent, eius vitae timeri coeptum ab omnibus. Quodam die cum magis etiam quam ex consuetudine, vehemēti siti conflictari se quereretur, Petro, qui ei assidebat, Beatus Pater occurrit: cuius memoria exitus detonsis eiusdem capillis, quos secum habebat, ad morbi remedium uti cogitat: quod cum faceret, nullis medicamentis protinus aeger conualuit.

Hoc ipso itidem anno, Martio mense Antonio cognomento Parmæ apostema in praecordiis erat cum acutis doloribus: hi tales erant, quales nunquam antea sustinuerat, quique nullam sinebant eum, neque noctu, neque interdiu capere quietis partem: Apostema medicorum oculis haudquam patebat: suppurationes enim ubi notae fuerint, eo facilius curantur; contra verò ubi ignotae, neutiquam medicamentis sanari possunt: morbus medicis ignoratus augebatur quotidie

Id idem P. Petrus Puteus in-
tutus euat-
tis.

Eam rem prae-
ter ipsum Antonium
duo alij oculati
testes publico te-
stimonio confir-
maverunt.

die, idoneisq; medicamentis non iuuabatur: eger malo iam victus suo ad mortem haud dubiam tendebat; sed cum eo assiduè inualecente ad extremum tandem venisset vitæ discrimen, capillis Beati Philippi, cuius uim in multis audierat esse salutarem, sic adiutus est, ut dolor nullis remedijs remittere cœperit, ipseque leuius habuit, somnus accessit, & sanatus est.

Legi si liber B. Gregorium Turonensem de miraculis S. Martini lib. 1. c. 32. lib. 2. c. 60. & lib. 4. c. 2.

Verùm biduo nondum planè exacto, nouo rursus dolore, eoque grauissimo premi se sensit, vixque is ad quadrantem horæ mansit, cum apostema, neque à se, neque à medicis deprehensum continuò nullis adhibitis medicamentis erupit; qua ex re illud factum, ut morbus ex toto quieuerit.

Id ab oculatis, iuratisq; testibus acceptum.

Eodem anno, Aprili mense femina Cornetana, cui Goræ nomen, adeò acriter totos duos ac triginta menses quartana febris conflictabatur, ut iter ei non esset nisi ab igne ad lectum, & à lecto ad ignem. Huic reliquiaria theca, in quam nonnihil è capillis B. Philippi inclusum erat, admota, ipso initio horroris, qui febrim antecedebat, melius confestim fuit: nec abiit is dies, quin ex toto desierit horror, discesserit febris. Verùm cum multis post diebus magno, continuoque, ac fœdo imbri iter faceret, febris iterum vrgetur; sed eodem remedio ad morbum ubi vtitur, derepentè leuius habuit, breuique post magnis in horas singulas, ac penè momenta virium incrementis planè conualuit.

Vide Gregorium Turonensem locis supra citatis.

Hoc anno, Maio mense Augustinus Cardinalis Cusanus ad sepulchrum Beati viri conuestiendum Attalicam magni pretij uestem donum misit.

Eam rem testes sex oculati publico testimonio confirmarunt.

Octavius Rosirani Neapolit. eo ipso anno, Junio ineunte, duos iam menses dysenteria laborabat, ex ea

cruor

cruror manabat assidue, alium nulla medicamenta adstringere poterant; cum dysenteria continens, pestilensque febris erat, hominem misere dies, noctesque excrucians; signa preterea apparebant in eo, quæ certum interitum indicarent. Interea cum mortem ad horas expectaret, ab amico monetur B. Philippi opem imploret: facit ille quod erat iussus: addit ad precem illius se institutum amplexurum, si conualescat: mox aquam, quam eius reliquie attigerant, bibens morbo cõfestim idoneum remedium inuenit: expedita lingua proloqui incipit: die insequenti medicis admirantibus qui fluebat cruror, mansit uis febris remisit; tum breui elapso tempore morbo omni discusso pristinae sanitati restitutus est: viuit is modò Neapoli Congregationi nostræ adscriptus.

Eundem duobus post mensibus intolerabilis penè dolor vtrique hærens brachio inuadit: nascebatur is ex duobus erysipelatibus circa brachia cõsistētibus, morbus ita grauiter vrgebat, vt æger nullam quietis partem capere posset; qui vbi eodem remedio vtitur, de repente totum à se dolorem discutit, somnum capere cœpit: beneficij memor Romam votiuum simulacrum argenteum ad Beati viri sepulchrum destinavit.

Eodẽ anno, Octobri ineunte Catharina Iosephi Castalionis eruditissimi viri filia annum agens vitæ nonum, ardentissima repente, mortiferaque febri corripitur: ad febrim accedebat ventris fluxus, pituita, assidue grauedo; ægra præterea cibum adeò fastidiebat, nihil vt sumere omnino posset. Quodam interim die cum desperata salute iam esset, per quietem narravit astitisse sibi Sanctissimam Dei Matrem cui vnus
Vitæ lib. Tertius. K k erat

erat comes Philippus, ad huius enim opem parentes, ipsaque confugerant, atque à Deipara se accepisse, nihil esse quòd medicis crederet, aut quidpiam timeret, se opem laturam, & intercessione Beati Philippi morbum depulsuram. Certè sanitas agræ reddita fidem visi parentibus, domesticisque fecit. Puellæ statim leuius fuit, cibo refici cœpta est, magnaq; suorum gratulatione melius habebat in dies, breuique pristinae firmitati restituta est.

*Eius rei testes
iuratos, ocula-
resque habemus
datos.*

Alexander Fulignius eodem anno, Decembri ex-
unte ex intestinis laborare cum cœpisset (eo enim morbo grauissimè frequenter opprimi se sentit) B. Philippi opem initio morbi implorans omnem à se dolorem, omnemq; morbum repentè abigit.

Iesu Christi anno
1597

Clem.VIII. Pap. anno
5.6

Alij item sanantur agroti.

*Eius rei hic ip-
se sacerdos iure
iurando expli-
cuit.*

Anno deinde post Christū natum millesimo quin-
gētesimo nonagesimo septimo ineūte Io. Bapti-
stæ Felici sacerdoti quinq; & septuaginta annos nato,
dentes dolebant acerrimè: is porro dolor eiusmodi est,
vt maximis tormentis adnumerari possit: cumque in
singula penè momenta ingrauesceret, gingiuis, denti-
bulque sudariolo B. Patris admoto, totus continuò
dolor, totusque morbus discutitur.

Hoc etiam anno nobilis vir Marcus Antonius San-
ctus cognomento, cum Martio mense, ex pestilenti
febre in vitæ periculum incidisset, salute à medicis de-
sperata, noctu aliquot B. Philippi capillis, qui in the-
cam asseruabantur, sibi ad collum alligatis extemplò
melius habere cœpit, vitam in tuto ea ipsa nocte re-
posuit,

posuit; quatuor vix intermissis diebus planè conu-
luit: tum gratijs Deo, Beatoque Patri auidè, impen-
sèque actis votiuam argenteam imaginem, pondere
egregiam, Neapoli Romam ad eius sepulchrum voti
exoluendi causa mittit.

Eodem anno, pridie kalen. Apriles Marcellus Lau-
rentius nūc Strongulensis Episcopus adèdò vehemen-
tibus ilium doloribus repentinò corripitur, vt sibi ex
hac vita, ni Deus succurrat, migrandum fore pro cer-
to haberet: cumq; ij dolores quatuor circiter iam ho-
ras hominem tenuissent, vnus ex domesticis B. Patrè
ei ad memoriam reducit; commenda te, dicebat, Bea-
to Philippo, implora Sancti viri auxilium: haud dubiè
aderit tibi opem laturus: Paret ille, Philippum appel-
lat, sed ne multa; ad eius mox nominis inuocationem
totus is dolor abit, æger somno corripitur, paulòq; post
experrectus (dormierat enim ad quadrantem horæ)
grandis calculus pineæ nucis magnitudinem æquans
exit: Philippi deprecatione, id ille proficitur, à præ-
senti periculo vindicatus.

*Præter ipsum
Marcellum te-
stes duo oculati,
iurisque rem
enunciant.*

Hoc etiam anno, Maio mense Fabio Apicellè no-
bili medico cui Neapolitano ex pedibus laboranti,
ilium dolores accefferant: dolorum talis erat impe-
tus, vt eum omni prorsus quiete priuaret: ergo hu-
manis remedijs spretis, vt quæ nihil morbo pro-
desse Beati Philippi capillos affectæ parti admo-
uet; nec id sanè frustra: Calculus extemplò ad vesicam de-
scēdit, dolor omnis euanescit, vrina nullo impedi-
mento redditur, calculo iter patet, erat is pineæ nucis ma-
gnitudinem explens. Quibus ille attonitus id non
humana arte, sed diuina prorsus ope, nempe B. viri in-
tercessionem factū esse publico testimonio confirmauit.

*Id præter ipsum
Fabium duo aliq-
ui testes sacra-
to firmarunt.*

Vitæ lib. Tertius. Kk 2 Alio

Alio deinde tempore, cum eodem dolore de nocte premeretur eodem vsus remedio illico conualuit.

Hoc ipso annò, extremo Maio ad sepulchri ornatū Lychnus accessit pensilis ex celato argento affabrè factus, votiuum donum primariæ feminæ, cuius nomen quòd ipsa latere voluit, silentio præterimus.

Testes tres in-
pati, oculatq;

Eodem anno, Iulio mense puerulum quatuor annorum, cui Iosepho Sermeo est nomen, grauissimus dolor cum ardenti febre plures dies occupat: morbus adeò vehemens, vt ægri salus omnium opinione in periculo esset: tres iam abierant dies, cum præter terna oui lutea nihil in cibum sumpserat; malo interrim magis, magisque ingrauescente, propinquæ mortis accedunt indicia, sudor frigidus circa frontem, totius corporis lassitudo, brachiorum, pedumq; extensio, oculi clausi, spiritus difficultas, corpus, cui nullus suberat calor: mali etiam morbi testimonium erat, puerulum neque videre, neque loqui. Hæc ubi eius mater aduertit, telæ frustum B. Philippi sanguine imbutum ei animam fermè agenti imponit: nec mora; puerulus confestim oculos aperit, matrem clara voce inclamat; è lectulo sanus, vegetusque exilit; cibum petit; pannis se induit; domum solus inambulat, matre, patre, alijsque, qui aderant obstupescantibus, ac lacrymantibus gaudio.

Eius rei iuratos
oculosq; testes
habemus duos.

Hoc etiam anno Hortensia Lelia febris continenti, incrementaque assidue, ac grauissimis stomachi doloribus Augusto mense laborans, vt vidit febrem non modò medicamentis non finiri, sed ne vix quicquam eius remitti, ad morbi remedium capillis B. Patris vt in animum inducit: ergo illis sibi admotis, doloribus continuò leuari cœpit: neque hic stetit res; febris eodem

dem die ex roto desijt: misit tum Romam, vt quæ ex-
tra Vrbem domiciliū habet, qui sepulchro B. Patris ad
miraculi testimonium vortuam sui imaginem affigeret.

Iesu Christi anno
1598.1599

Clem.VIII.Pap.anno
7.8

Archangela Ancaiana sanitati restituta.

Quotidiana, atq; pernicioſa febris Archangelā An-
caianā virginē Deo Spoleti ſacrā in S. Catharinę
cœnobio quinq; totos annos occupauerat; cumq; duo-
bus vltimis annis ex quotidiana, quæ ſtatis horis ac-
cedebar, continens facta eſſet, atque aſſiduè increſce-
ret, medicis, remedijsque nihil proficientibus Marię
Magdalenę Vrlinę è prima nobilitate feminę literis
monetur, vt Philippi opem imploret: Id vbi illa aggre-
ditur, conſeſſim medicis admirantibus toto eo morbo
eximitur: Incidit ea res in diem decimum nonum kal.
Septembres, anno à Virginis Partu millesimo quingē-
teſimo nonageſimo octauo: Porrò Maria Magdalena,
cuius fecimus mentionem, illa ipſa eſt, quam Lælius
Anguillara clariffimus vir oppidi, cui Cerio nomen,
dominus, thalami conſortem habuit, quæ, eodem Læ-
lio vita ſunçto, monaſticam vitam amplecti maluit,
quàm diutius, vrpote Chriſto inſeruiendi auida,
in ſæculo manere: ergo inſtitutum S. Dominici ſibi eli-
gens, Regum ſe maximo conſecrauit, conſtruçtoq; Ro-
mæ in Quirinali cœnobio, religioſam ibi vitam Gre-
gorio Decimo tertio Pontifice ducere cœpit. Sed
de tanta femina ſatis, redeamus ad Philippum.

*Teſtes eſſo iura-
ri, ocularique,
& in q; vnus
eſt medicus, qui
agram curabat*

Anno Chriſti millesimo quingentefimo nonageſi-
mo nono, Iulio menſe, eidem virgini Archangelę ſu-
perior ſiniſtri oculi palpebra, & inferior, coniunctęq;
partes, & adiacentes intumuerant: Huic malo illud
etiam

*Teſtes iſidem
oſto iurari, ocu-
larique, in que-
bus eſt menti-
tus.*

etiam accessit, vt orta mox inflammatio sinistrum oculum rubentem iam sanguine infestaret grauissimè: accersitur medicus; morbo aptantur medicamenta; sed frustra fiunt omnia; quandoquidem is oculus deterius habebat in dies: ab alijs itaque rebus petendum sibi esse auxilium ægra virgo decernit, idest B. Philippo, conceptaque spe sanitatis eum vesperi orat, vt qua est potestate, & misericordia, medicinam faciat, tum læso oculo eius admouens imaginem cubitum pergit, corripitur somno: expergefacta se planè persanatam continuò intelligit, toto eo morbo discusso.

Hoc vbi manè medicus, alijque vident, stupore afficiuntur; Archangela interim Philippo, à quo se beneficium accepisse lætabatur, gratias quantas maximas potest, agere non cessat.

Simili beneficio multis in locis affecti non pauci, quibus cum ægrotarent grauissimè exigua spe valetudinis, melius est factum; sed nō possumus singula Beati viri miracula recensere. Miracula igitur ad octoginta silentio præterimus. In his, vt cætera fileantur, moribundos habemus decem, surdam^a feminam vnam Theodosiam Lucatellam Fauentinam. Iuuenem præterea, ^b quem ille dum viueret, ad percipiendam, colendamq; virtutem adiuuare cupiebat, eum fortasse non audiētem monstri horribilis^c aspectū in illum mirabiliter immissi perterrefecit.

Eodem anno Alphonsus Vicecomes Ceruiæ Episcopus, qui subinde in Cardinalium Collegium est cooptratus, vestem holosericam villosam, cocineam ex spolijs Sinan Turcicę classis Præfecti, opere phrygio sanè mirabili, flosculis aureis, atq; argenteis pulchrè, scitèque distinctam Philippo donum tulit.

Eius rei iuratos, oculosq; testes habemus.

Princeps vir totam rem publico testimonio cōfirmavit.

Eadem fecisse Magnum illū Simeonem Stultū cognomento, au flor est Leōtius in eius vita apud Sur. tom. 4. c. 31. & 33.

D E B E A T I P H I L I P P I
V I R T V T I B V S .



VM superioribus libris de quibusdam Beati Philippi virtutibus, ut se se occasio dedit, sermo habitus sit, nunc de ceteris cursim dicendum. Ab humilitate igitur initium faciam de qua etsi admiranda prædicantur multa, ex eis tamen ne longitudine sermonis lectorem tædio afficiam, pauca feligam, quibus narretur aliquid.

Humilitas.

Humilitatis studium in eo eximium fuit: hanc perpetuò amavit, hanc amplexus est, hæc cōstanter tenuit: humilitate virtutes conseruari, contrà ea perditâ deperdi, destruiq; omni asseueratione affirmabat; hæc ipsam præterea alijs cōmendare consueuerat, ut cæterarum caput, fontem, custodemque uirtutum.

De se ipse, suisque rebus ita abiecit, & demissè sentiebat, ut se mortalium omnium infimū putaret: nihil perferebat, audiebatque grauius, quàm se coram laudari, ac sanctum dici, hisq; respondere solitum scimus faxis Deus, ut is sim, quem dicitis. O me miserum! Quot uirgines, quot rustici homines apud Deum maiorem Philippo gloriam consequentur? nullarum prorsus uirium, nulliusque sanctitatis se esse prædicabat. Cum se stipatum ciuium agminibus, cum studijs hominum florentem uideret, affici se summo dolore dicebat, quòd excita de sua sanctitate hominum opinio non responderet: quid enim causæ erat, quòd tanto cum animi sensu, ac dolore in illas persæpe uoces ue-

ræ

rae humilitatis indices irrumperet? Nihil unquam egi dignum beata uita: sentio me unum esse ex omnibus Deo ingratisimum, & omnes mihi esse ad uirtutem, ac pietatem incitamento.

Aeger dicere solitus erat; si uita superstes erit, ad meliorem frugem me conuertam; Diuinam potentiam satis mirari non poterat, ut quæ eius opera, cui nullæ, ut dicebat, unquam fuere uires, ad animorum conuersiones usa sit.

Congregationis auctorem, ut erat, se haudquaquā iactabat: quòd dicebat, hanc Societate condidi, quòd multos à miserabili errore ad uerum salutis iter reuocaui, ne putetis id mihitribuendum esse, imo in hoc & meam imbecillitatem magis, & diuinam potentiam agnoscite, quæ uilissimi famuli opera, & nihilo (ut ipse aiebat) perfecisset hæc omnia: quod factum est, Deus ipse fecit; nunquam Congregationem instituire mihi in animo fuit.

Rogatus postremo uitæ tempore, ut Martini instar Dominum in hanc sententiam rogaret; si populo tuo sum necessarius, non recuso laborem: absit à me, confestim respondit, ut ita orem: non enim is ego sum, qui mortalium saluti prodesse me posse confidam.

Baronio, qui eius confessiones excipiebat, id sibi ex animo dolere dicere solitus erat, quòd tanti ab hominibus fieret; illud adiungens frequentissimè se Dominum rogasse, ne per eum miracula patraret: quòd si aliquod fieri obtigisset, id non sibi, sed fidei illorum, qui experiri erant, acceptum referendum esse.

Ex hoc ipso fonte sui ipsius despicientia fluxit, qua mirificè in omni uita delectatus est: honores, dignitatesque quàm qui maximè, omni tempore fugit: sciebat

bat enim nullos honores animum satis explere, beatumque efficere: præter paupertatem enim, & suiip-
sius despicientiam, rerum omnium contemptum, vi-
tamq; priuatam, nihil sibi repererat, quod placeret.

Admiranda quamquã agebat, admirandus tamen vi-
deri noluit. Eius rei illud certissimo est argumento,
quòd magna cum operaretur, stultitiæ simulatione in-
stituto suo tegens sapientiam, hominum plausus sub-
terfugiebat, Apostoli sententiã secutus; Qui vult sapiens
esse, stultus fiat. O hominem verè diuinum! qui magis
bonus esse, magni Ephrem Syri imitatus exemplum,
quàm videri voluit, amauit, omniq; ope contendit.

1. Corinth. 1.

De Ephrē Gre-
gorius Nyssenus

Verborum simplicitate delectabatur: composita,
blanda, atque aulica verba minimè cupiebat; secum
enim sine fūco, more maiorum agi volebat.

Aegrè admodum ferebat, cuiusque ordinis homi-
nes etiam infimæ sortis vel aperto capite coram se sta-
re, vel ad manus sibi deosculandas accedere.

Tandem vt ad pauca redeam, ac mittam multa,
quæ enarrare possem lectu, scituque dignissima: Hæc
firma eius erat intentio, hoc animi propositum, vt
nō modò amicos externos, sed domesticos etiam seria
iocis interdum permiscens, quantum posset, suam ce-
laret sanctimoniam.

Paupertatis amor.

Paupertatem & laicus, & sacerdos perpetuò coluit.
Florentiæ cum esset, magnam rei familiaris iactu-
ram, quam repentinum incendium abstulerat, constan-
ti animo tulit.

Romam vbi venit, nihil vnquam neque à suis, ne-

Vitæ lib. Tertius. L I que

que ab alijs petijt, paupertate ipsa ad frugem captandam vsus.

Paupertatis demum quanto desiderio teneretur, & in adolescentia significauit in contemnenda auunculi hæreditate, & in vltimo vitæ tempore, cum oraret Deū assiduè, ad eum paupertatis statum ipsum adduceret, vt nummo argenteo egens non reperiret, qui illi daret: quod tamen si consecutus non est, meritum tamen eius rei apud Deum, quod operi respondet, non amisit.

Orandi assiduitas.

PRecationibus intentus ea afficiebatur voluptate, vt si libitum illi fuisset, nunquam ab orandi studio cessasset: Hinc quod habebat vacui temporis, totum obsecrationibus impendebat; quinimo siue staret, siue sederet, siue inambulare, aut quid aliud ageret domi, forisque, orationi ita deditus erat, vt non solum quicquid in se erat corporis, & cordis, verum etiam operis, & temporis precationi dedicasse videretur.

Orandi assiduitate illud consecutus erat, vt iam pateretur magis diuina quàm ageret.

Deo vbi per contemplationem se coniungere volebat, eius amore vulneratus, hominis instar viribus infirmis, lectulo plerumque cogebatur decumbere, facieque ad cælum versa, & spiritu psallebat, & mente: cumque in meditatione eius exardesceret ignis, totus, vt dictum alibi est, commouebatur, totusque vi flammæ cælestis incalecebat. erat eius corporis infirmitas (si diuini Amoris vim imbecillitatem dicere fas est) quæ ex diuino, cælestique ardore procederet, non virium

rium imbecillitate.

Mos illi erat vel orationem ad multam noctem protrahere, vel totas etiam noctes insomnes producere.

Loca ab arbitris remota, sublimiaque, utpote contemplationi aptiora libentius incolebat.

Donum lacrymarum.

Lacrymis adeò abundabat, ut in singulas prope modum preces confestim erumperent.

Ex Christi Domini Nostri vitæ, mortisque meditatione tantos percipiebat luctus, quantos ferre vix posset.

Aliorum delicta non secus ac si sua essent, deplorabat gravissimè.

Acerbissimæ Christi mortis nomen audire vix poterat, quin fluere ex oculis lacrymæ.

Ei demum fletui perenni quidem, atque vberissimo se se dederat, ut qui illum ita deflentem deprehenderint, pro miraculo habuerint, cum oculorum aciem non amisisse.

Sed absolvamus caput hoc exemplo. Gregorio Decimo quarto Summo Pontifice gravissimè æger cum esset, cyathum succi gallinacei, quæ manu tenebat, ori nunquam admovere potuit; namque repentina de Christi Domini nostri morte cogitatio adeò eius percussit animum, ut illico magno cum lacrymarum imbri clamaret: Tu mi Christe, Tu, qui Dominus es, in cruce, ego qui servus, in lectulo! tu sine ministris, consolationibus spoliatus in cruce pendes, ego hic in lectulo iaceo tot stipatus filijs, qui mea solius solliciti sunt causa, ut me vnum expleant! & hæc cum diceret

Vitæ lib. Tertius. L1 2 la-

lacrymas, quæ vbertim ex oculis manabant, fletumque cum singultibus cohibere non poterat.

Mansuetudo.

EA erat animi mansuetudine, ut irasci nesciret: suos, aliosque ubi opus erat, maxima lenitate, dexteritateque corripbat: ad eam quidem, ut vno verbo absolueret, animi moderationem deueniret, ut ipsos iræ motus compresserit, vicerit, compressosque in sua habuerit ditione, ac potestate.

Si quid præciperet, roganti similior erat, quam iubenti; nihil enim asperè imperabat: quippe iubere sic solitus erat: hoc agito: fac amabo te isthuc: hoc ego pro te faciam, si tibi graue videtur; vellem tibi hoc munus imponere, quid respondes?

Amicos tam domesticos, quam externos ita læto intuebatur vultu, ut vel ex hoc vno quouis facillè cognosceret, quæ esset eius erga omnes humanitas, quæue mansuetudo. Vultus hilaritate omnium ad se animos comitatis dulcedine adiuncta alliciebat.

Cum ijs, quibuscum erat, iucundos semper, gratosque miscebat sermones. Verùm in his rebus, quod arduum est, id à Domino munus acceperat, ut quicquid vel faceret, vel diceret, totum sanctimoniam redoleret.

Prudentia.

ORnauit Deus Philippum summa prudentia, quæ maximè rebus ad Dei gloriam agendis, atque consilijs dandis eminebat. Hanc ille virtutem ut occultaret, simplicem se, stultumque simulabat, ut tandem

dem cum Apostolo diceret: Nos stulti propter Christum. Hoc ergo vnum manibus, pedibusque obnixè conabatur, vt summam prudentiam specie quadam assimilata simplicitatis, atque stultitiæ tegeret. 1. Corinth. 4.

Tanquam ad magistrum, ducem, auctoremq; consiliorum ex omni hominum genere ad ipsum confluebant quotidie: Illum è prima nobilitate viri, illum Religiosi, illum Principes de rebus grauissimis, ac planè difficillimis consulebant.

Consilia, quæ ille dabat, non prudentiæ magis plena, quàm salutis erant.

In dignoscendis animis hominum, promouendisq; ad Christianas virtutes prudentia valebat plurimùm, vnumquenq; regebat, cuiusq; naturæ primùm habitatione: ad omnium quippe voluntatem, vt omnes ad Christum alliceret, se se, quoad liceret, accommodabat: sua quippe, vt aiunt, esca quenque piscari contendens.

De spirituum discretione, deque affectibus moderandis scientiam habuit maximam, ex qua eius in rebus spiritualibus iudicandis, ordinandisque dignoscebatur peritia, subtilitas, atque perspicacia. Harum rerum plurima habemus exempla: sed cum de omnibus longum sit dicere, ea missa facio.

Multus essem, ac tædij plenus, si per singula virtutū genera ire vellem, eo vel maximè, quòd quæ alibi dixisse me memini, iterare cogerer. ergo in id vitium ne incurram, taceo hominis virginalem integritatem, in aduersis tolerantiam, in susceptis negotijs constantiam, demumque cæteras virtutes planè heroicas.

Vnum hoc adijciam de illius in proximos charitate (de eius enim in Deum amore satis iam à me dictū est)

tan-

tanto peccatores ad Christum adiungendi flagrasse desiderio, ut postremo vitæ tempore flagellis se cedere, pœnifq; voluntarijs affligere, eos modò Christo lucraretur, cuperet: flagitiosorum hominum ita frangebatur misericordia, ut eos intuitus se continere nequiret, quin multas profunderet lacrymas internæ charitatis præclarissima testimonia.

Atq; hæc de Philippi vita dicta sint satis, cuius narratione hoc anno Iubilei millesimo sexcentesimo Deo iuvante cōcludimus; anno inter ceteros insigni, & memorabili, tum quoniam hoc tempore maiora quotidie Romanorum civiū, Principū virorum, Præfulumq; insignium opera pietatis existunt: tum præcipuè quòd Clementis Octavi Pontificis Maximi in excipienda ex totius Orbis terræ partibus confluente ad Urbē multitudine, subleuandaq; pauperum peregrinorum inopia paterna charitas Cuius iam antè notissima, nunc exteris gentibus, ac nationibus magis, magisq; innotescit: Ad quorum etiam commoditatem novum aduenis Sacerdotibus hospitium aperuit: ibi eius, cuius vires gerit, exemplo, conuiuis frequenter pedes abluere, abstergere, deosculari etiam, & discumbentibus illis mensæ benedicere non dedignatur. Sed hæc leuiter à nobis percursa aliorum industriæ exactius persequenda relinquimus.

Respice tu interim de cælo Sancte Pater (te enim nunc alloquor) ex illius Montis celsitudine in huius Vallis humilitatem; ex illo quietis, & tranquillitatis portu, in calamitosum hoc mare, & vide illis benignissimis oculis, quibus huius sæculi discussa caligine clarius omnia intueris, et perspicis, & visita custos diligentissime vineam istam, quam posuit, et plantauit dextera

ra

ra tua tanto labore, sudore, periculis . Ad te itaq; confugimus; à te opem petimus; tibi nos penitus, totosque tradimus; te nobis Patronum, et defensorem adoptamus: suscipe causam salutis nostræ; tuere clientes tuos; te ducem omnes appellamus: rege contra dæmonis impetum pugnantes exercitum: ad te pientissime Rector vitæ nostræ deferimus gubernacula; rege nauiculam hanc tuam, et in alto collocatus auerte omnes cupiditatum scopulos, vt te duce, te direttore incolumes ad illum æternæ felicitatis portum peruenire possimus .

Libri Tertij Finis .





INDEX RERVM MEMORABILIVM.

A



Abbatia S. Ioannis in Venere 166
Absens Philippus mira in suis operatur 127.
 157
Absentia Philippus congestus diuinitus 86.
 : 72. lege *Prophetia spiritus claret, & Prædicationis.*
Abstinentia eiusdem 5. 13. 29
Accendit alumnos: vi pecuniam suam in Dei amorem 65
Adia Philippi in Gymnasio 7
Adolescenti à peccati periculo mira prorsus modo liberat 242
Adriano V. l. Pontifice à periculo diuinitus eripitur 1. 2
Aegri cuiusq; generis à Philippo viuentis sancti 43. 50. 107. 127. 131. 140. 158. 162. 167. 173. 181. 183. 193. 198. 204. 211. lege *ut Moribundi. & Miracula.*
Aegri cuiusq; generis Philippi vita fundi precibus sanantur 230. 231. 232. 235. 237. 239. 240. 241. 242. 243. 244. & *insequentibus usq; ad finem libri tertij.*
Aegros omni ope sanat 12. lege *Moribundi.*
Alexander Dominicanus & ori Limy Episcopus 122
Alexander Fidelis Philippi alumnus laudatur 109
Alexander Glorietius Camera Apostolica clericus 152
Alexander Medices Cardinalis primum lapidem in fundamenta ædificij nostræ Ecclesiæ coniecit 137. *sacrum solemne primum in ea facit* 144
Eiusdem erga mortuum Philippum pietas 233
Alphonsi Vicecomitis Card. donum Philippi sepulchro allatum. 260
Amor Dei, vide Charitas.
Angeli Casti Tudertum Episcopi pietas, & munificentia 152

Angelorum cantibus perfruitur 208
Angelus à Philippo stipem accipit 26
Eundem in altissimâ foueam delapsum sustinet 25. 26
Angelus Vellius Philippi discipulus Congreg. Præpositus Generalis 111. 206
Angelus Victorius Balneoregiensis nobilissimus medicus Philippum agrum curat 207. 221
Anima beata Philippo apparent 27
Animas multorum clarissima luce circumfusar, calumq; ascendentes vides 57. 206. 213
Animi magnitudo Philippi inuicta 80. 81. 186. vide *Patientia.*
Animorum fructus Philippi opera, lege Fructus animorum.
Annis lubiles pietatis opera sub Iulio III. 23. Greg. XIII. 25. & Clemente VIII. 25. 268
Antonius Fuccius Philippi discipulus 215
Antonius Talpa in Congregationem admittitur 128. *Neapolim mittitur* 164
Anxani à Patribus Seminarium instituitur 166
Anxanum Oratorium, & Anxana domus 166
Apparet Philippus, dum videret, in mari periclitant 175. 176. *alys itide apparet* 147. *Item simulacra vita fundus* 224. 225
Apparitiones, vide Visiones.
Artium curriculum Philippus Roma init 6. 7. 8
Attollitur in altum Philippus, vide Orans, & Raptus.
Augustini Card. Cusani donum Philippi sepulchro missum 254. *Idè Philippi studiosissimus* 177. *eius opera SS. Martyrum Papia, & Mauri corpora Philippus impetrat ibid.*
Augustinus Gheslinus Religiosus vir optimus 65
Augustinus Mânus Congregationis se adiecit 145

M m B4-

I N D E X.

B

- B**aptizantur à S. D. N. Clemēte VIII.
Iudai 4. ad Christum conuerſi 200
Barſum Alexandria Aegypti Archidia-
conum agrotantem sanat. 211
Bonſignorius Cacciaguerra Senen. 29

C

- C**aeſar Baroniſ Philippi alumnus à
morte eiſdem opera liberatur 128
Congreg. Praepoſitus renunciatur 206
Cardinalis creatur 109
Calor Philippi diuinus 18. 19. 20. lege
Feruor.
Camertinum Oratorium 166
Cardinalium S. R. E. erga Philippum ob-
ſeruantia 161. 194
Carnem raro deguſtat 13
Caſtitatem alumnis miro modo impetrat
116. 147. 148.
Eandem odore deprehendit 49. 50
Catharina Riccia Philippo apparet 180
à Charaſtere Sacerdotali fluentem ful-
gorem uidet 89. 90
Charitas Philippi 30. 39. 40. 64. 65. 80. 82
83. 84. 186. 187. vide Philippi ſtudio-
ad proximos iuuandos, & Feruor Phi-
lippi.
Chriſtus in hoſtia conſecrata Philippo ſe
offendit 85
Claudius Nerius ſanatur 236
Clemens Papa VII. Franciſcum Ma-
riam Tauruſum, & Caſarem Baroniū
Cardinales creat. 109. 111
Clemens VIII. chiragra doloribus à Phi-
lippo liberatur 214. Eiſdem Clemen-
tis pietas, & munificentia 25. 268
Cogitata hominum occultiſſima, pecca-
taque diuinitus noſcit 49. 127. 130.
141. 167. 168. 180. 181. 183. 193. 201
203. & alibi etiam.
Concuſſus ad Philippum magni 51
Concuſſio, vide Philippus.
Congregationis noſtrae initia 108. Ere-
ſio, atque progreſſus 134. Augetur. 148

164. Eiſdem munera. 112. 113. Alio-
rum Oratoriorum regimen 165
Conſtantiſ Taſſoniſ Philippi alumnus
32. eiſdem obitus 119
Conuerſiones, vide Fructus animorum
Cequeſ ſodalitatis Sanctiſſima Trinitatis
uir ſanctus 22
Cordium cogitationes uidet 91. 92. 96. le-
ge Cogitata hominum occultiſſima.
Corpora SS. Martyrum Papia, & Mauri
ad Eccleſiā noſtrā deferuntur 178. 179
Corpus Philippi exanime in Eccleſiā ad-
uehitur 225. 226
Concuſſus ad illud facti 26. 29. Sepul-
tura mandatur 233
Coſtula Philippi diuinitus fracta 17. 227.
228
Crucifixi Imaginem inuitus lacrymas te-
nere non poteſt 9

D

- D**efuncti expoſcūt Philippi preces 127
Dæmones à Philippo fugantur 67
72. 73. 98
Dæmon morientibus infeſtus 66. 67. 68.
69. 70. 71. 72. 73
in Dæmones Philippi imperium 44. 72.
73. 98
Dæmones audito Philippi nomine detef-
rentur 151
à Dæmone varijs tentatur modis, lege Dæ-
mones, & Tentationes.
Dæmones Philippo infeſti 11. 15. 16. 45.
159. 204
Dæmones eidem ſe obuios dant 11. 15. 44.
126. 159
Dæmones uincit glorioſas contra eos victo-
rias reportans 11. 12. 15. 16. 46
Dæmonum contemptor Philippus 11
Deus Philippi opera Roma ad multorum
ſalutem uiuuli 61. 62
Disciplinas optimè calluit, vide Philippus.
Discipuli eiſ maximos in uirtute proceſ-
ſus habent 52. 57. 58. 59. 115. 116.
130. 191.
Discipulorum Philippi pietas 40. 41. 58
Diui-

INDEX.

- Diuitias Philippus contemnit* 4
Doctrina Philippi, vide Philippus.
Dona à Deo mirabilia impetrat 18.
 19. 47. 48
Druſilla præcipiti ruina ex altiffimo loco
periclitantem ab interitu liberat 244
& ſequensibus.
- E
- E**ccleſia B. Maria à Vallicella à funda-
 mentis inſtauratur 136. A iuriſdi-
 ctione Baſilice S. Laurentij eximitur
 148. Ad eandem SS. Martyrum Papie
 & Mauri corpora transferuntur 178
Ecclaſies in Miſſa 31. 32. 33. 85
Ecclaſia in patitur 31. 32. 55. 56. 85
Educatio Philippi 1
Eleemoſynam ab eo Angelus accipit 26
Eleemoſynas largè in egenos diſtribuit 25
 26. 30
Elenatur Philippus, vide Attollitur in al-
tum.
Elizabetha Philippi ſoror 2
Energumenam liberat 125
Energumenorum ſigna 124. 125
in Euchariftia deſumenda, miniſtrandaque
feruor eximitur 31. 32. 33. 216
Euchariftia cuſtodiſſimus Philippus 31. 32
 143. 144. 216
Euchariftia, & Confefſionis uſus demonis
fraude penè, & ita dicam, extinguitur
iterum renouatur 39
Exercetur variè Philippus præpter Chri-
ſtum, vide Tentatur, & Tentationes.
Exercitia diſcipulorum eius 40. 41.
 53. 62. 63. 64
- F
- F**abritius Mediobarbus Congregationis
Orat. Sacerdos 112
Fani Oratorium erigitur 166
Familiaritas Philippi cum Ignatio 14
Federicus Card. Borromæus ad Philippum
penè moribundum ſacrum viaticum
deſert 215
Feminarum conſuetudine Philippus ſe ab-
ſtinet 14. 34
- Femina in Philippi cubiculo doſe clau-*
duntur 16
Temina eiſdem pudicitia inſidiantur 16
 45. & ſequent.
- Ferrarienſis Philippi diſcipulus viſionibus*
illuſtratur 59
Eidem diabolus B. Virginis ſpecie ap-
paret 59
Eius vita ſanctitas 59. 60
Idem Iudaum precibus Chriſto lucrifa-
cit ibid.
- Feruor Philippi* 4. 5. 6. 7. 8. 9. 10. 11. 17. 18.
 19. 31. 32. 33. 34. 35. 36. 185
Feruor Philippi in celebranda Miſſa 31.
 32. 33. 185
Firmanum Oratorium 166
Flagellis ſe cadit Philippus 13
Idem faciunt ipſius alumni. 63
Flaminius Riccius Congr. addicitur 148.
Idem Neapolim mittitur. 164
Florentia Philippus egreditur. 4
Florentiam Philippus nunquam repetijt.
 12
Florentini Philippum rogant, eorum Ec-
cleſiam regendam ſuſcipiat. 109
Florentini ſuis ſumptibus ad ripam Tybe-
ris egregiè opus ad Patrum noſtrorum
cõmoditatem conſtruunt 113. 131. 132
Footore Philippus peccata deprehendit.
 49
Franciſcus Xerius Philippi pater. 1
Franciſcus Aretinus Philippi confeſſa-
rius. 29.
Franciſcus Maria Tauruſius Philippum
ſequitur. 52
In eo quid Philippus operatus. ibidem
Idem Cardinalis creatur 111.
Franciſcus Ferrarienſis. lege Ferrarienſis
Franciſcus Sotus Congreg. Sacerdos 116
Fructus animorum. 57. 117. 164
- G
- G**abriel Tana Philippi alumnus. 67
Galeottus Caccius Roma Philippum
teſto recipit.
Germanicus Fidelis Philippum ſequitur.
 110
- M m 2 Gram-

INDEX.

Grammatica rudimenta discit Philippus. 3
Gregorius XIII. Pontifex Maximus. 130
Eiusdem erga Philippum observantia. 160
Gregorij XIV. in Philippum beneficia. 185
Erga eundem amor. 194

H

H *Elena Maxima vita puritas, atque perfectio.* 206 *Visionibus illustratur* 207. *Diem obitus sui praevidet.* 207
In eius obitu Philippus Angelorum voces audit. 206
Henricus Petra Philippum sequitur 20
Henricum Petram Philippus inducit, ut ad Ecclesiam s. Hieronymi incolendam se conferat. 30
Hieronymus Pamphilus Rota Auditor cum B. Patre diuinum officium pridie eius obitum recitat. 221
Honoris aspernator Philippus: vide Philippus.
Humilitas Philippi 12. 28. 29. 81. 216. 262

I

I *acobus Butius Canonicus Lateranensis* 180
B. Ignatij cum Philippo familiaritas 14
Eiusdemq; mira sanctitas 15
In Indias pergendi cupidus Philippus diuinitus impeditur 60. 61. 62
Innocentius Papa Nonus 195
Instituit multa Philippus ad animorum salutem, lege Exercitia discipulorum eius.
S. Ioannes Baptista Philippo apparet 27
Ioannes Baptista Modius Philippi opera bis à morte renouatur 55. 56. *Sermo- nes habet ad populum* 57. 62
Ioan. Baptista Saluiatus Philippi opera totum se Christo dicat 52. *Eius obitus* 103.
S. Ioannes Euangelista quid Augustino Ghetino Dei seruo de Philippo narret 61
Ioannes Franciscus Bordinus Philippi alumnus Archiepiscopus Auinionen-

sis 109
Ioannes Mæzolijs Philippi discipulus 20
Ioannes Matthæus Ancina Patribus se aggregat 148
Ioannis Animuccij Philippi alumni vita puritas 126
Isabella Priorata egrotans à Philippo sanatur 243
Iulius Saniolus Congreg. ascribitur 139
Iulius Tertius Pont. Max. 23
Iuuenalis Ancina Fossanensis Congregationis institutum amplectitur 143.
Neapolim mittitur 164

L

L *Acryma Philippi.* 2. 9. 185
Launia Rustica vite sanctitas 139
Leone X. Pontifice Philippus nascitur 1
Lucretia Solda gentis femina, Philippi mater 1

M

M *Ansuetudo Philippi* 268
Marcellus II. Summus Pontifex 44
Marcus Antonius Cortesellus Philippi discipulus 210
Marcus Antonius Massa periculose egrotans pristina restituitur sanitati 239. 240. 241.
B. Maria Virgo Philippo se ostendit 140. 207. 208. 209.
Martius Alterius à Philippo laudatus 65.
Miracula Philippi 42. 55. 56. 76. 99. 106. 108. 117. 127. 128. 129. 131. 138. 167. 183 *lege Aegri, & Moribundi.*
Missa, vide Sacrum
Marore afflictos recreat 184
Morbi Philippi 3. 50. 104. 143. 163. 201. 207. 214.
à Moribundis damones fugat. 65. 67. 97.
Mira in eisdem operatur 108. 189. 192
Eisdem morte eripit 42. 55. 76. 99. 106. 114. 119. 128. 133. 135. 145. 149. 151. 159. 175. 176. 182. 187.
Morientium tentationes, & Philippi auxilium

INDEX.

xilium 65. 67. 68. 69. 70. 71. 72. 73. 74.
75. 97. 98. 101. 115. 189. 190. 192. 193.
vide Morti proximos.
Mortem bene valentibus pradicat 187. 210
vide Prædicationes.
Mortificationibus studet Philippus 3
Mortui proximos adiuvat extremo certamine 66. 67. 97. 101. 115. 189. 190. 192.
Mortuus Philippus sua sibi tegit verenda 227

N

Neapolitana domus 164. vide Oratorium Neapolitanum, & Franciscus Maria Taurinus.
Nicolaus Gilius Congregationi se addicit 128. Eiusdem pietas, Feruor, & Obitus 101
Noctu orat Philippus 9. 10
ad Nosocomia pergit 12. Idem faciunt eius discipuli 40. 41. 53

O

Obedientia amator Philippus 25. 33
Obitum suum pradicat 217. 218.
219. 220. Eiusdem obitus 224
Obitus religiosorum virorum, vel è Philippo pischela, vel eius amicitia iuncturæ Alexandri Fidelis 109. Antonij Fucij 115. Constantij Tassany 110. Fabricij Medicobarbi 132. Gabrielis Tanna Muticensis 67. & sequentibus.
Helena virginis 107. Iacobi Martini Parmensis 101. Ioannis Angelii Cribelly 123. 124. Ioannis Baptiste Mody 57. Ioannis Baptiste Salviati 103. Lavinia Rustica 139. Marci Antony Certeselli 210. Mary Tosini 57. Nicolai Gily Sacerdotis 191. Persiani Rosa sacerdotis 66. Sebastiani cuiusdam 97. Vincentij cuiusdam 57
Obsessam à diabolo feminam liberat 125
Olaus Paravicinus Philippi discipulus Cardinalis creatur 119
Odor è Philippi sepulchro iucundè spirat 234

Oleo sancto Philippus à Baronio inungitur 215
Orandi assiduitas in Philippo 5. 6. 7. 9. 204
Orans elenatur 55. Eius orationum vis 18
Oranti damones molestiam exhibent 45
159
ad Orationis studium suos impellit, inflamatque miscet 63. 65.
Oratoria Romani instar, Lucense, Firmianum, Panormitanum, Camertinum 166
Oratoria Romani instar aliquot construuntur in present 166
Oratorij, & spiritualium colloquiorum origo 35
Eorundem fructus, vide Fructus animorum.
Oratorium in ades Florentinorum transfertur 131. Inde in Vallicellam 144
Oratorium Neapolitanum 164. Septempedani 165. Anxanum 166

P

Aspiratio, vide Philippus
Panormitanum Oratorium 166
Patany Oratorium erigitur 166
Paulus III. Summus Pont. 7
Paulus III. 44
Pauperes, vide Eleemosyna
Paupertatis amator 48. 29. 163
Peccata occulta videt, lege Cogitata ocula.
Peregrini à sodalitate Sanctissima Trinitatis hospitio excipiuntur 23. 24
Persianus Rosa è fundatoribus sodalitatis Sanctissima Trinitatis unus 21. Philippi confessorius 29
Philippus adhuc puerulus à periculo diuinitus eripitur 1. 2. Eiusdem pietas 2. 3. In Grammaticen incumbit 3. Philippus bonus vulgo dictus 2. 4. Patiendi cupidus 3. In oratione pernoctat. 9. Florentia egreditur 4. Diuitias contemnit 4. Feruor 4. 5. 6. 7. 8. 9. 10. 17. 18. 19. Virginitas 7 Romam ingreditur 4. Philosophia studia amplectitur. 6. 7. Magnos in literis progressus efficit ibid. Literarum

INDEX.

terarū studia missa facit s. 9. Totum se Christo dicat 8. Laicus multos à turpi vita cōuertit 6. 13. 14. vide Studiū Philippi ad proximos inuandos. Mortificationibus studet. 8. Orandi cupidissimus. vide Orandi Studium. Peregrinationes. 7. 9. 76. Paupertatis amator eximius. 8. 263. Lacryma, vide Lacryma. Eleemosyna, vide Eleemosyna. Visiones, lege Visiones. Studium ad proximos adinuandos. 13. 14. 20. 33. 34. 35. 39. 40. 51. 60. 61. 65. 117. 118. Triduum sine cibo traducit, vide Abstinentia Philippi. Humilitas, vide Humilitas. Flagellis se cadit, lege Flagellis. Eiusdem virtutes, vide Virtutes. A Spiritu sancto miris decoratur donis. 17. Eiusdem miraculosa concussio, & palpitatio. 17. 18. 19. 20. Costula mirabiliter fracta. 17. 18. 19. Calor ipsius mirabilis, vide Calor. E fundatoribus vnus est Sanctissima Trinitatis, vide Trinitatis. In foueam noctu delabatur 25. Angeliquid cum eo. 26. Ecclesiasticis ordinibus initiatur. 28. Charitas, lege Charitas. Templum S. Hieronymi petit. 29. Eius in Missa feruor. 31. 32. 33. Raptus, vide Ecstasim. Eum impensè colunt Principes viri, ipsique Summi Pontifices. 160. 194. Prædictiones, vide Prædictiones. Miracula, lege Miracula. Mira eius castitas. 46. 47. 48. 49. 50. lege Virginitas. In Indias pergendi cupidus, lege in Indias. Patientia mirabilis. 37. 38. 80. 81. 104. 105. 106. Prophetia dono fulget. 86. 108. 123. 141. 156. 153. 172. 187. 188. 202. 217. A Sanctissima Dei Matre mira miro modo impetrat. 129. In Vallicellam commigrat 155. Absens inuocatus preces audit. 157. 167. 183. Præpositus Generalis perpetuus renunciatur. 169. Vitam tam tenui cibo tenere potuisse pro miraculo habitum. 203. Præpositi Generalis munere sese sponte abdicat. 205 Sanctissimè moritur. 220	Pisces raro gustat. 13 Pius IV. Pont. Max. 96 Pius V. 114 Prædictiones. 41. 50. 54. 66. 74. 75. 90. 102 119. 123. 132. 142. 146. 162. 167. 171. 174. 186. 191. 192. 197. 198. 199. 200. 201. 202. 210. 213. 217. 218. 219. 220. Preces Philippi, lege Orandi studium. Prudentia Philippi. 266 Pudicitia eiusdem, vide Virginalē pud.
R	
Raptus, vide Ecstasim. Rodulfus Siluestrius medicus pri- marius agrotum Philippum curat. 208. ipseque met agrotans morbo ab eo eximitur. 241. 242. Roma manet diuina iussione. 62 Romam quo anno ingreditur. 4 Romulus Soldus Philippi Auunculus. 4	
S	
Sacerdotio initiari non audet. 28 Sacerdos factus, quam vita rationem amplectatur. 29 in Sacro faciendo, & Christi corpore mi- nistrando eiusd. feruor. 31. 32. 33. 185. lege Feruor. sacrum faciens in altum attollitur, vide Attollitur. Seminarium Anxani instituitur. 166 Septempedanum Oratorium. 165 Septem Urbis Ecclesias sapissimè obit, 7. 8. 9. 76. Sepulchrum Philippi in magna venera- tione. 234. 235 Simonem utroq. brachio captum sanat. 237. Sixtus V. Pont. Max. 162 Sodalitas S. Trinitatis, vide Trinitatis Spinellus Bencius integerrima uita vir Politiani Episcopus. 221 à Spiritu sancto miris decoratur donis. 17. 18. 19. 20. Studia literarum relinquit. 8. 9 Tentator	

I N D E X.

T

V

Tentationes Philippi, & Tribulationes 37. 38. 76. 116. 120. 138.

Tentatur à damone varijs artibus. 5. 11. 15. 16. 45. 46.

Tentationibus oppressos liberat. 116. 147. 148. 184

S. Thoma doctrina constanter addictus. 7

Thomas Bozetus Eugubinus in Congregationem admissus. 128

Thomas Gallettus Sacerdos. 164

Tonsuræ Oratorium erigitur. 166

Tosinus vir sanctus. 57

Totum Philippus se Christo dicat. 8

Translatio SS. Martyrum Papæ, & Mauri. 178. 179

Tribulationes lege Tentationes.

Triduum cibo abstinet Philippus. 5

Sanctissima Trinitatis sodalitatibus fundatores, 21. Eadem quo tempore erecta. ibid. eius munera, & partes, atque instituta. 21. 22. 23. 24. in aliam Ecclesiam transfertur. 25 primi in eam ascripti non vulgari clarent sanctitate. 22. 57.

Vellem suam pauperi tribuit. 26
ad valetudinaria pergit, vide Nosocomia.

Vincentius Teccosius primum Philippo infestus. 37. & deinde amicus. 39.

Vincentius alter Philippi alumnus. 57

Voces à Philippo mirabiliter audiuntur, lege Visiones.

Vicentia Oratorium erigitur. 166

Vino frequenter abstinet Philippus. 13

Virginitas Philippi, & Castimonia. 7

Virginalem pudicitiam à puero seruat intactam. 45. 46. 47. 48. 49. 50.

Virtutes Philippi 13. 261. & sequentibus.

Visiones Philippi. 27. 57. 140. 180. 196

Visiones veras à falsis discernit. 58

de Visionibus eiusdem sententia. 58

Viuens Philippus apparet. 76. lege Appareret.

Vrbanus Papa VII. 185

X

Xenodochia frequenter adit, lege Nosocomia.

R O M A E

Apud Aloysium Zannettum Anno Iubilei

M D C.

Superiorum permissu.

